

釋宗金書



禪宗全書

史傳部十一

(11)

藍吉富 主編

北京圖書館出版社

圖書在版編目 (CIP) 數據

禪宗全書 / 藍吉富主編. — 北京: 北京圖書館出版社,
2004.12

ISBN 7-5013-2602-9

I. 禪… II. 藍… III. 禪宗—文獻—匯編 IV. B946.5

中國版本圖書館 CIP 數據核字 (2004) 第 103681 號

責任編輯: 王冠 于浩

封面設計: 許冬麗

ISBN 7-5013-2602-9



9 787501 326020 >

本書原名為《禪宗全書》，藍吉富主編，經北京版權代理有限公司代理，授權北京圖書館出版社獨家出版發行。

書名 禪宗全書 (全 101 冊)

著者 藍吉富 主編

出版 北京圖書館出版社 (100034 北京市西城區文津街 7 號)

發行 010-66139745, 66175620, 66126153, 66174391 (傳真),
66126156 (門市部)

E-Mail cbs@nlc.gov.cn (投稿) btsfxb@nlc.gov.cn (郵購)

Website www.nlcpress.com

印刷 河北三河燕郊古籍印裝廠

開本 880 × 1230 毫米 1/16

印張 4414

版次 2004 年 12 月第 1 版 2004 年 12 月第 1 次印刷

書號 ISBN 7-5013-2602-9/B · 108

定價 18000 圓

指月錄 中

明・瞿汝稷 集

卷十一
二十二

目次

指月錄（卷十一——卷二十二）

卷十一……………七八五

福州長慶大安禪師——湖南祇林和尚

卷十二……………八五九

潭州瀉山靈祐禪師——澧州龍潭崇信禪師

卷十三……………九〇九

睦州陳尊宿——鄭十三娘

卷十四……………九六九

鎮州臨濟義玄禪師

卷十五……………一〇三九

潭州石霜慶諸禪師——鼎州德山宣鑒禪師

卷十六……………一〇八五

瑞州洞山良价禪師

卷十七.....一二七

睦州刺史陳操居士——襄州高亭簡禪師

卷十八.....一二〇五

撫州曹山本寂禪師——九峯通玄禪師

卷十九.....一二六一

吉州資福如寶禪師——太原孚上座

卷二十.....一三五九

撫州金峯從志禪師——韶州雲門文偃禪師

卷二十一.....一四一九

吉州資福貞邃禪師——雲門朗上座

卷二十二.....一四九一

汝州首山省念禪師——金陵清涼文益禪師

指月錄卷之十一

六祖下第四世

福州長慶大安禪師造百丈禮而問曰。學人欲求識佛。何者。
南嶽卽是。丈曰。大似騎牛覓牛。師曰。識得後如何。丈曰。如人騎
牛至家。師曰。未審始終如何。保任。丈曰。如牧牛人。執杖視
之。不令犯人苗稼。師曰。茲領旨。更不馳求。同叅祐禪師。
創居瀉山。師躬耕助道。祐歸寂。眾請主法。上堂。汝諸人。總
來就安。求覓甚麼。若欲作佛。汝自是佛。擔佛傍家走。如渴
鹿趁陽燄相似。何時得相應去。汝欲作佛。但無許多顛倒。

攀緣妄想惡覺垢欲不淨眾生之心。便是初心正覺佛。更向何處別討。所以安在瀉山三十年來。喫瀉山飯。屙瀉山矢。不學瀉山禪。祇看一頭水牯牛。若落路入草。便把鼻孔拽轉來。纔犯人苗稼。即便鞭打調伏。既久。可憐生受人言語。如今變作個露地白牛。常在面前。終日露迥迥地。趁亦不去。汝諸人各自有無價大寶。從眼門放光。照見山河大地。耳門放光。領采一切善惡音響。如是六門。晝夜常放光明。亦名放光三昧。汝自不識取。影在四大身中。內外扶持。不教傾側。如人負重擔。從獨木橋上過。亦不教失腳。且道

指日錄

卷十一長慶安

古靈贊

二

是甚麼物任持。便得如是。且無絲髮可見。豈不見誌公和尚云。內外追尋覓總無。境上施爲渾大有珍重。師室中每問僧有句無句。如藤倚樹。子意何如。羅山道閑禪師在。說話次。貴云。天下無第一人。大小滌山。纔禮拜起。滌山問云。有甚麼語。輸他貴。舉石霜辭滌山。纔禮拜起。滌山問云。有句無句。如藤倚樹。子意如何。霜無對。卻到道吾。吾問甚處來。霜云。滌山處來。吾云。有甚麼言句。霜遂舉前話。吾云。汝何不道取。霜云。祇爲道不得。吾云。汝爲我看菴待我。與你報讐去。吾往滌山。山泥壁次。忽回首見道吾在背後。山便云。智頭陀。因何到此。吾云。某甲不爲別事來。祇爲和尚問諸道者。有句無句。如藤倚樹。還是也無。滌云。是。吾便問樹倒。藤枯時如何。滌山呵呵大笑。被道吾捺向泥裏。滌山總不管。貴上座舉手云。這個豈不是滌山。輸與他道吾。羅山云。上座三十年後。若有把茅蓋頭。切忌舉著。這個話貴不肯。卻與道吾作主。被羅山擒下地云。白大眾各請停喧。

某甲今日與清貴上座直爲瀉山雪屈話且須側聆貴云
知也知也便禮拜羅山云何不早道你還識道吾麼只是
舘驛裏本色
撮馬糞漢問此陰已謝彼陰未生時如何師曰此陰

未謝那個是大德曰不會師曰若會此陰使明彼陰問
黃巢軍來和尚向甚麼處迴避師曰五蘊山中曰忽被他
捉著時如何師曰惱亂將軍

福州古靈神贊禪師本州大中寺受業後行腳遇百丈開悟
卻回受業本師問曰汝離吾在外得何事業曰金無事業
遂遣執役一日因澡身命師去垢師乃拊背曰好所佛堂
而佛不聖本師回首視之師曰佛雖不聖且能放光本師

又一日在窗下看經。蜂子投窗紙。求出。師覩之曰。世界如許廣闊。不肯出。鑽他故紙。驢年去。遂有偈曰。空門不肯出。投窗也大癡。百年鑽故紙。何日出頭時。本師置經問曰。汝行腳遇何人。吾前後見汝。發言異常。師曰。某甲蒙百丈和尚。指個歇處。今欲報慈德耳。本師於是告眾致齋。請師說法。師乃登座。舉唱百丈門風曰。靈光獨耀。迴脫根塵。體露真常。不拘文字。心性無染。本自圓成。但離妄緣。卽如如佛。本師於言下感悟曰。何期垂老。得聞極則事。師後住古靈。聚徒數載。臨遷化。剃浴聲鐘告眾曰。汝等諸人。還識無聲。

三昧否。眾曰：不識。師曰：汝等靜聽。莫別思惟。眾皆側聆。師儼然順寂。塔存本山。

大慈寰中禪師上堂。山僧不解答話。祇能識病。時有僧出。師

便歸方丈。

法眼云：眾中喚作病在目前不識。道大慈識病不識病。此僧出來是病不是病。若

言是病。每日行住不可總是病。若言不是病。出來又作麼生。雪竇拈云：大凡扶豎宗乘。須辨個得失。且大慈識病不答話。時有僧出。便歸方丈。雪竇識病不答話。或有僧出。劈脊便棒。諸方識病不答話。有僧出。必然別有長處。敢有一地角天涯去。復還黃葉隕時。風骨露水邊依舊石欄斑。
趙州問般若以何爲體。師曰：般若以何爲體。州大笑而出。明日州掃地次。師曰：般若以何爲體。州置帚拊掌大笑。

師便歸方丈。僧辭師問甚麼處去。曰江西去。師曰我勞汝一段事得否。曰和尚有甚麼事。師曰將取老僧去得麼。曰更有過於和尚者亦不能將去。師便休。僧後舉似洞山。山曰闍黎爭合恁麼道。曰和尚作麼生。山曰得。法眼別云某甲提笠子天童云大慈合併不著這僧不如獨行也須是恁麼始得直饒大慈古佛也不奈這擔板漢何且道別有甚。山又問其僧大慈別有甚麼言句。曰有時示眾。曰說得一丈不如行取一尺。說得一尺不如行取一寸。山曰我不恁麼道。曰和尚作麼生。山曰說取行不得底。行取說不得底。雲居云行時無說路說時無行路不說不行時合行甚麼路洛浦云行說俱到即本分事無

行說俱不到
即本分事在

天台平田普岸禪師。訪茂源和尚。源纔起迎。師近前把住云。
開口即失。閉口即喪。去此二途。請師別道。源以手掩鼻。師
放開云。一步較易。兩步較難。源云。著甚死急。師云。若非是
師。不免諸方點檢。僧參師。打一拄杖。其僧近前把住。拄
杖。師曰。老僧適來造次。僧卻打師一拄杖。師曰。作家作家。
僧禮拜。師把住曰。是闍黎造次。僧大笑。師曰。這個師僧。今
日大敗也。臨濟訪師到路口。先逢一嫂在田使牛。濟問
嫂。平田路向甚麼處去。嫂打牛一棒曰。這畜生到處走。到

此路也不識。濟又曰：我問你平田路向甚麼處去？嫂曰：這畜生五歲尚使不得。濟心語曰：欲觀前人先觀所使。便有抽釘拔楔之意。及見師，師問：你還曾見我嫂也未？濟曰：已收下了也。師遂問近離甚麼處。濟曰：江西黃檗。師曰：情知你見作家來。濟曰：特來禮拜和尚。師曰：已相見了也。濟曰：賓主之禮合施三拜。師曰：既是賓主之禮，禮拜著。

瑞州五峯常觀禪師因僧辭。師曰：汝諸方去，莫謗老僧在這裏。曰：某甲不道和尚在這裏。師曰：汝道老僧在甚麼處？僧豎起一指，師曰：早是謗老僧也。

潭州石霜山性空禪師僧問如何是祖師西來意師云如人

在千尺井中不假寸繩出得此人即答汝西來意僧曰近

日湖南暢和尚出世亦為人東語西話師喚沙彌拽出這

死屍著

沙彌即仰山山後問就漢如何出得井中人源曰

咄癡漢誰在井中山復問海山海召慧寂山應諾

為日出也仰山住後常舉前語謂眾

曰我在就源處得名海山處得地

廣州和安寺通禪師禮佛次禪者問座主禮底是甚麼師曰

是佛禪者乃指像曰這個是何物師無對至夜具威儀禮

問今日所問某甲未知意旨如何禪者曰座主幾夏耶師

曰十夏禪者曰還曾出家也未師轉茫然禪者曰若也不

會百夏奚爲乃命同叅馬祖及至江西祖已圓寂遂謁百丈頓釋疑情師住後一日召仰山將牀子來山將到師曰卻送本處著山從之師召慧寂山應諾師曰牀子那邊是甚麼物山曰枕子師曰枕子這邊是甚麼物山曰無物師復召慧寂山應諾師曰是甚麼山無對師曰去通禪中毒旁及仰山洪州東山慧禪師同大于南用到茶堂有僧近前不審用曰我既不納汝汝亦不見我不審阿誰僧無語師曰不得平白地恁麼問伊用曰大于亦無語那于把定其僧曰是你恁麼累我亦然便打一擱用大笑曰朗月與青天大于

侍者到師問金剛正定一切皆然。秋去冬來且作麼生者。曰。不妨和尚借問。師曰。卽今卽得去後作麼生者。曰。誰敢問著某甲。師曰。大于還得麼者。曰。猶要別人點檢在。師曰。輔弼宗師不廢光彩。侍者禮拜。

百丈山涅槃和尚。一日謂眾曰。汝等與我開田。我與汝說大義。眾開田了歸。請說大義。師乃展兩手。眾罔措。

趙州觀音院真際從諗禪師。曹州郝鄉人也。姓郝氏。童稚於本州扈通院披剃。未納戒。便抵池陽叅南泉。值泉偃息而問曰。近離甚處。師曰。瑞像。泉曰。還見瑞像麼。師曰。不見。瑞

像祇見臥如來。泉便起坐。問汝是有主沙彌。無主沙彌。師曰。有主沙彌。泉曰。那個是你主。師近前躬身曰。仲冬嚴寒。伏惟和尚尊候萬福。泉罷之。許其入室。他日問泉曰。如何是道。泉曰。平常心是道。師曰。還可趣向也。無泉曰。擬向。卽乖。師曰。不擬爭知是道。泉曰。道不屬知。不屬不知。知是妄覺。不知是無記。若真達不疑之道。猶如太虛廓然蕩豁。豈可強是非耶。師於言下悟理。乃往嵩嶽瑠璃壇納戒。仍返南泉。一日問泉曰。知有底人向甚麼處去。泉曰。山前檀越家作一頭水牯牛去。師曰。謝師指示。泉曰。昨夜三更月。

到窗

雲峯悅云。若不是南泉。泊被打破蔡州。

師在井樓上打水次。見南泉。

過便抱柱懸卻腳。曰。相救相救。南泉上胡梯。曰。一二三四五。師少頃卻去。禮謝曰。適來謝相救。師在南泉時。泉牽一頭水牯牛。入僧堂內。巡堂而轉。首座乃向牛背上三拍。泉便休去。師卻將一束草安首座面前。首座無對。南泉上堂。師出問。明頭合。暗頭合。泉便下座。歸方丈。師曰。這老和尚被我一問。直得無言可對。首座曰。莫道和尚無言好。自是上座不會。師便打一掌。曰。此掌合是堂頭老漢喫。師到茱萸。執拄杖於法堂上。從東過西。萸曰。作甚麼。師曰。

探水莫曰。我這裏一滴也無探。個甚麼。師以杖倚壁便下。

瑯琊覺云。勢去奴欺主。時衰鬼弄人。鈎大慧果云。鈎在不疑之地。

到道吾纔入堂。吾曰。

南泉一隻箭來也。師曰。看箭。吾曰。過也。師曰。中。

或作菜莫上堂曰看

箭。師亦曰。看箭云云。雪竇云。二俱作家。蓋是菜莫趙州二俱不作。家箭鋒不相挂。直饒齊發齊中也。只是個射琰

漢。到黃檗。檗見來便閉方丈門。師乃把火於法堂內叫。

曰。救火救火。檗開門捉住曰。道道。師曰。賊過後張弓。

雪竇顯云。

直是好笑。笑須三十年。忽有個柄僧問雪竇。笑個甚麼。笑賊過後張弓。

師行。腳見二菴主。

一人作了角童。師問訊。二人殊不顧。來日早晨。了角童將。

一鐺飯來放地上。分作三分。菴主將席子近前坐了。角童。

亦將席近前相對坐。亦不喚師。師乃亦將席子近前坐了。角童曰。顧於師。菴主云。莫言侵早起。更有夜行人。師云。何不教詔這行者。菴主云。他是人家男女。師云。泊合放過了。角童便起。顧視菴主云。多口作麼了。角童從此入山不見。師到投子處對坐齋。投子將蒸餅與師喫。師曰。不喫。不久下胡餅。投子教沙彌度與師。師接餅。卻禮沙彌三拜。師到雲居。居云。老老大大。何不覓個住處去。師云。作麼生。是某甲住處。居云。山前有個古寺基。師云。和尚自住取。又到茱萸。萸云。老老大大。何不覓個住處。師云。甚麼處是某。

甲住處。黃云。老老大大住處。也不知。師云。三十年弄馬騎。今日卻被驢子撲。師到一菴主處。問有麼。有麼。主豎起拳頭。師曰。水淺不是泊船處。便行。又到一菴主處。問有麼。有麼。主亦豎起拳頭。師曰。能縱能奪。能殺能活。便作禮。瞎遠頌云。換手搥背哭老爺。棺材未出死屍斜。不如掘地深埋。卻管取來年喫嫩茄。圓悟勤云。佛祖命脉。列聖錯錘。換斗移星。經天縮地。有般漢未出窠窟。只管道舌頭在趙州口裏。殊不知自己性命已屬他人。若能握向上綱宗。與二菴主相見。便可以定龍蛇。別縮素。正好著力。還知趙州落處麼。切忌顛頂。姜山愛云。趙州只見錐頭利。不見鑿頭方。雲居舜云。趙州當時甚生。意氣。要且鼻孔在二菴主手裏。

僧問師。學人乍入叢林。乞師指示。師云。喫粥了也。未云。喫粥了也。師云。洗鉢盂。

去其僧因此大悟。

雲門云且道有指示無指示若言有趙

去雲峯悅云雲門不識好惡恁麼說話大似爲蛇畫足

雲峯則不然這僧恁他悟去八地獄如箭射妙喜曰雲

門老漢大似阿修羅王托動三有大城諸煩惱海隨後喝

云寐語作甚麼復云雲峯雖善背手抽金鏃翻身控角以

爭奈蹉過雲門何又云趙州與這僧若不得雲門一生受

屈而今諸方有一種瞎漢往往盡作洗鉢孟話會了雪

竇顯云我不似雲門爲蛇畫足直言向你道問者如蟲禦

木答者偶爾成文雖然與麼瞎卻衲僧眼作麼生免得此

過諸仁者要會麼還爾趙州喫粥也未拈卻這僧喫粥了

也雪竇與我拄杖子歸堂湛堂準頌云之乎者也衲僧

鼻孔大頭向下禪人若也

不會問去東村王大姊

師示眾云此事的的沒量大

人出這裏不得老僧到滌山見僧問如何是祖師西來意

山云與我過牀子來若是宗師須以本分事接人始得時

卷十一（福州長慶大安禪師——湖南祇林和尚）

樂都是一法界中重重無盡理事圓融或謂庭前柏樹子
纔舉便直下薦取觀體全真擬議之間早落塵境須是當
人作用臨機相見或棒或喝或擎起拳頭衣袖一拂這個
眼曰如石火電光相似或謂庭前柏樹子更有甚麼事趙
州直下爲人實頭說話饑來喫飯困即打眠動展施爲盡
是自家受用如斯見解如麻似粟是皆天魔種族外道邪
宗但取識情分別用心取捨強作知見何不遊方徧歷求
善知識決擇身心畧似個衲僧古來自有一門師範我佛
心宗釋梵諸天拱手敬信三賢十聖罔測其由乃舉拂子
云若向這裏悟去山河大地與汝同參復顧左右云云道
林爭敢聲良爲賤佛日才頌趙州庭柏說與禪客黑漆
屏風松蘿亮隔葉縣省和尚因僧請益柏樹子話省曰
我不辭與汝說還信麼曰和尚重言爭敢不信省曰汝還
聞簷頭雨滴聲麼其僧豁然不覺失聲云唧省曰汝見個
甚麼道理僧以頌對云簷頭雨滴分明歷歷打破乾坤當
下心息真如院方禪師參瑯琊惟看柏樹子語每人室
陳其所見不容措辭嘗被喝出忽一日大悟直入方丈曰
我會也瑯琊曰汝作麼生會方曰夜來牀薦煖一覺到天

明瑯琊可之。雪竇顯在大陽時，有客舉光孝覺語問曰：覺趙州侍者眼問柏樹因緣，乃言無此語，而眼肯之。其旨安在哉？顯曰：宗門抑揚甯有軌轍乎？時有苦行名韓大僧侍其旁，輒匿笑去。顯詰其笑故，韓曰：笑知客智眼未正，擇法不明。顯曰：豈有說乎？韓對以偈曰：一兔橫身當古路，蒼鷹纔見便生擒。後來獵犬無靈性，空向枯椿舊處尋。顯陰異之，因結以爲友。後顯得法於智門，唱導於雪竇，稱雲門中興。嘗經行植杖，眾衲環之。顯問有問雲門樹凋葉落時如何？門曰：體露金風。雲門答這僧耶？爲解說耶？有稱宗上座者曰：待老漢有悟處，卽說。顯驚示之曰：非韓大伯乎？曰：老漢瞥地也。顯因集眾乞升座說法焉。

師一日於雪中倒臥，曰：相救相救。

有僧便去，身邊臥。師便起去。

翠巖芝云：此僧在趙州，圈積裏有人出得麼。

師

問新到：曾到此間麼？曰：曾到。師曰：喫茶去。又問僧：僧曰：不曾到。師曰：喫茶去。後院主問曰：爲甚麼曾到也？云：喫茶去。

不曾到也云喫茶去師召院主主應諾師曰喫茶去

僧到睦州

州問曾到趙州麼僧云曾到州云有何言句僧舉喫茶話
州云慚愧卻問趙州意作麼生僧云只是一期方便州云
苦哉趙州被爾將一杓屎潑便打州卻問沙彌爾作麼生
沙彌便禮拜州亦打僧問沙彌適來和尚打爾意作麼生
彌云若不是我和尚不打某甲雪竇舉云這僧克由叵
耐將一杓屎潑他二員古佛諸上座若能辨得非惟趙睦
二州雪屈亦乃翠巖與天下老宿無過若辨不得到處潑人
卒未了在問狗子還有佛性

也無師曰無曰上至諸佛下至螻蟻皆有佛性狗子爲甚

麼卻無師曰爲伊有業識在又僧問狗子還有佛性也無

師曰有曰既有爲甚麼入這皮袋裏來師曰知而故犯妙喜

恒舉此則語至無字令學者參云佛語祖語諸方老宿語
千差萬別若透得個無字一時透過不用博量不用註解

不用要得分曉。又云：不得作有無商量，不得作真無之無。卜度不用向開口處承當，不用向舉起處作道理，不用墮在空寂處，不用將心等悟，不用向宗師說處領畧，不用掉在無事甲裏，但行住坐臥時，提撕狗子，還有佛性也無？無提撕得熟，口議心思不及方寸裏，七上八下，如生鐵板，沒滋味時，切莫退志，得如此時，卻是個好底消息。忽然打失布袋，不覺拊掌大笑矣。又云：茶裏飯裏，喜時怒時，淨處穢處，妻兒聚頭處，與賓客相酬酢處，辦公家職事處，了私門婚嫁處，都是第一等做工夫。提撕舉覺底時，節又云：既有個趨向，狗子無佛性話，冷地裏慢提撕，則個若道知是般事，便休。我說此人，智眼未明，在妙喜。師因侍者報大，雖似平地起風雷，然亦不。雪峯道底。師因侍者報大。

王來也。師云：萬福大王。者云：未到在。師云：又道來也。

黃龍南云

頭頭漏泄，罕遇仙。隨侍者只解報客，不知身在帝鄉。趙州入草求人，不覺渾身泥水。

秀才問佛不

違眾。生所願，是否？師曰：是。曰：某甲欲覓和尚，手中拄杖得

否師曰君子不奪人所好曰某甲不是君子師曰我亦不是佛。僧問如何是道。師曰牆外底。曰不問這個道。師曰你問那個道。曰大道。師曰大道透長安。問如何是佛。師曰殿裏底。曰殿裏者豈不是泥龕塑像。師曰是。曰如何是佛。師曰殿裏底。問和尚姓甚麼。曰常州有問甲子多少。曰蘇州有。問如何是趙州。曰東門西門南門北門。問如何是祖師意。師敲牀腳。曰祇這莫便是否。師曰是。卽脫取去。問如何是毘盧圓相。師曰老僧自幼不曾眼花。曰豈不爲人。師曰願汝嘗見毘盧圓相。官人問和尚還入

地獄否。師曰。老僧末上入。曰。大善知識。爲甚麼入地獄。師曰。我若不入阿誰教化汝。問。久嚮趙州石橋。到來祇見畧約。師曰。汝祇見畧約。且不見石橋。曰。如何是石橋。師曰。度驢度馬。曰。如何是畧約。師曰。個個度人。師因與文遠行。乃指一片地。曰。這裏好造個巡舖。文遠便去路旁立。曰。把將公驗來。師遂與一搥。遠曰。公驗分明過。師與文遠論義。曰。鬪劣不鬪勝。勝者輸果子。遠曰。請和尚立義。師曰。我是一頭驢。遠曰。我是驢胃。師曰。我是驢糞。遠曰。我是糞中蟲。師曰。你在彼中作甚麼。遠曰。我在彼中過夏。師曰。把

將果子來。師在東司上見遠侍者過。薦召文遠。遠應諾。

師曰。東司上不可與汝說佛法。問菜頭。今日喫熟菜喫。

生菜頭拈起菜呈之。師曰。知恩者少。負恩者多。師示眾。

云。今夜答話去也。有解問者出來。時有僧出作禮。師曰。比。

來拋磚引玉。卻引得個擊子。

法眼舉問。覺鐵嘴先師意作麼生。覺云。如國家拜將。乃問。

甚人去得。或有人出云。某甲去得。須云。汝去不得。法眼云。我會也。長慶稜問。覺鐵嘴。那僧纔出禮拜。爲甚麼便指爲擊子。覺云。適來那邊亦有人恁麼問。慶云。向伊道甚麼。覺云。亦向伊恁麼道。

師因二僧相推。

不肯作第一座。主事白師。師曰。總教作第二座。事曰。第一。

座教誰作。師云。裝香著事曰。裝香了也。師曰。戒香定香。慧。

香解脫香。

天童華云趙州下一撻不妨驚羣動眾子細點檢將來也是泥裏洗土塊若是薦福門下不用

相推第一座也有入第二座也有人第三座也有人雖然

如是不免從頭註破第一座鐵眼銅睛覷不破第二座陽

春白雪無人和第三座真實身心同達摩且道與趙州是

同是別若也會得許你具一隻眼若也不會也許你具一

隻眼有個衲僧出來道總不恁麼時如何對他道切忌向鬼窟裏作活計師示眾曰纔有是

非紛然失心還有答話分也無有僧出拊侍者一下曰何

不祇對和尚。師便歸方丈後侍者請益適來僧是會不會

師曰坐底見立底立底見坐底。無相範頌曰坐底見立底

白日眼立底見坐底咄哉老趙州

見鬼。有僧舉纔有是非話似洛浦浦扣齒又舉似雲

居居曰何必僧回舉似師。師曰南方大有人喪身失命曰

見鬼。

有僧舉纔有是非話似洛浦浦扣齒又舉似雲

居居曰何必僧回舉似師。師曰南方大有人喪身失命曰

見鬼。

請和尚舉師纔舉前語。僧指旁僧曰。這個師僧喫卻飯了。

作恁麼語話。師休去。

示眾佛之一字。吾不喜聞。

幻菴覺拈云。諸

人切忌恁麼會。既不恁麼會。又作麼生會。乃頌曰。佛之一字。不喜聞。去年依舊今年春。今年春間降大雪。陸墓烏盆

盆。變白。

因僧侍次。遂舉火問曰。這個是火。你不得喚作火。

老僧道了也。僧無對。復筴起火曰。會麼。曰。不會。師曰。此去

舒州有投子和尚。汝往禮拜問之。必爲汝說。因緣相契。不

用更來。不相契卻來。其僧到投子。子問近離甚處。曰。趙州

子曰。趙州有何言句。僧舉前話。子曰。汝會麼。曰。不會。乞師

指示。子下禪牀行三步。卻坐。問曰。會麼。曰。不會。子曰。你歸

舉似趙州。其僧卻回舉似師。師曰：還會麼？曰：不會。師曰：投子與麼不較多也。僧問：二龍爭珠，誰是得者？師曰：老僧祇管看。雪竇顯云：看即不無，爭即不得。且道：扶這僧扶趙州。上堂：至道無難，唯嫌揀擇。纔有語，言是揀擇，是明白；老僧不在明白裏，是汝還護惜也。無時有僧問：既不在明白裏，護惜個甚麼？師曰：我亦不知。僧曰：和尚既不知，爲甚麼道不在明白裏？師曰：問事即得。禮拜了退。雪竇顯拈云：趙州倒退三千，復頌云：至道無難，言端語端，一有多種，二無兩般。天際日上，月下，檻前山深，水寒，觸鱗識盡，喜何立。枯木龍吟，消未乾難難。揀擇明白，君自看。僧問：至道無難，唯嫌揀擇，是時人窠臼否？師曰：曾有人問我，老僧直

得五年分疎不下。

雪竇顯云識語不能轉死卻了也好與二、十棒這棒雖有分付處若辨不出且

放此話大行

天童覺頌云五年分疎不下一句元無縫

罅只知推過商量誰信分明酬價玲瓏底相知鹵莽底相

訝甯可與曉事人相罵不可共不曉事人說話

問至道無難唯嫌揀擇纔有語

言是揀擇和尚如何為人師曰何不引盡此語僧曰某甲

祇念到這裏師曰至道無難唯嫌揀擇

白雲端頌云驅山塞海也尋常所至

文明始是王但見皇風成一片不知何處有封疆

問至道無難唯嫌揀擇如何

是不揀擇師曰天上天下唯我獨尊曰此猶是揀擇師曰

田庫奴甚處是揀擇僧無語

無菴全頌云當門一脉透長安遊子空嗟行路難不是人

前誇俏措金鎚擊碎萬重關法宗禪師參雪竇寶令參至道無難唯嫌揀擇於此有省一日雪竇問宗至道無難唯

嫌揀擇意作麼生。宗云。畜生畜生。後隱居投子。常以袈裟裏草鞋經文。僧問。如何。是道者家風。宗曰。袈裟裏草鞋。曰。意旨如何。宗曰。赤脚。下桐城。圓悟勤云。人多錯會。道至道本無難。亦無不難。只是唯嫌揀擇。若恁麼會。一萬年也未夢。師與官人遊園次。兎兒驚走。遂問和尚。是大善知識。兎兒爲甚麼走。師云。老僧好殺。問院主。甚麼處來。主曰。送生來。師曰。鷄爲甚麼飛去。主曰。怕某甲。師曰。汝十年知事。作恁麼語話。主卻問鷄爲甚麼飛去。師曰。院主無殺心。僧辭。師問甚麼處去。曰。閩中去。師曰。彼中兵馬隘。汝須迴避。始得。曰。向甚麼處迴避。師曰。恰好。僧遊五臺。問一婆子曰。臺山路向甚麼處去。婆曰。驀直去。僧便去。婆曰。好。個師

僧又恁麼去。後有僧舉似師。師曰。待我去勘過。明日師便去問臺山路向甚處去。婆曰。驀直去。師便去。婆曰。好個師僧。又恁麼去。師歸院。謂僧曰。臺山婆子。爲汝勘破了也。雪顯到曾學士處。曾門嘗與清長老商量。趙州勘婆話。端的有勘破處麼。竇云。清長老道。個甚麼。曾云。又與麼去也。竇云。清長老且放過一著。學士還知天下衲僧。出這婆子圈。積不得麼。曾云。這裏別有個道處。趙州若不勘破婆子。一生受屈。竇云。勘破了也。真淨云。趙州若點檢來。也好喫。婆手中棒。且道。趙州過在甚麼處。若知趙州過方解。不受人謾。歸宗門下。莫有不受人謾底麼。喝一喝。下座。云。前來僧也。恁麼道。趙州去也。恁麼道。甚麼處是勘破婆子處。又云。非惟被趙州勘破。亦被這僧勘破。徑山杲頌。天下禪和說勘破。爭知趙州已話墜。引得兒孫不丈夫。人愛點過冷地臥。五月賣松風。人間恐無價。問如何是乎。

旨目錄

卷十一 從論

中孚師曰。汝來多少時耶。曰。予之久矣。師曰。闍黎若不遇老僧。幾乎予殺。問。萬法歸一。歸何所。師曰。老僧在青州。作得一領布衫。重七斤。雪竇頌。編辟曾挨老古。雖七斤衫。重幾人知。而今拋向西湖裏。下載清風付與誰。僧寫師真呈。師曰。且道。似我不似我。若似我。卽打殺老僧。不似我。卽燒卻真僧。無對。予覺云。畱取供養。師托起鉢曰。三十年後。若見老僧。畱取供養。若不見。卽撲破。別僧曰。三十年後。敢道見和尚。師乃撲破。師問僧。曾看法華經麼。曰。曾看。曰。衲衣在空閑。假名阿練若。誑惑世間人。爾作麼會。僧擬禮拜。師曰。爾披衲衣來麼。曰。披來。師

曰。莫惑我。曰。作麼得不惑去。師曰。莫取我語。

雪竇舉云。大趙州龍頭。

蛇尾諸人若能辨得便乃識破趙州好。或不明個個高擁衲衣莫惑翠峯乃。

問初生孩子還。

具六識也無。師曰。急水上打毬子。僧卻問投子。急水上打

毬子。意旨如何。子曰。念念不停留。掃地次。僧問和尚是

大善知識。爲甚麼掃地。師曰。塵從外來。曰。既是清淨。伽藍

爲甚麼有塵。師曰。又一點也。問怎麼來底。師還接否。曰。

接。曰。不怎麼來底。師還接否。曰。接。曰。怎麼來者。從師接。不

怎麼來者。如何接。師曰。止。止。不須說我法。妙難思。有一

婆子。令人送錢。請轉藏經。師受施利了。卻下禪牀。轉一匝。

乃曰傳語婆轉藏經已竟其人回舉似婆婆曰比來請轉

全藏如何祇爲轉半藏

徑山杲云眾中商量道如何是那半藏或云再繞一匝或彈指一下

或咳嗽一聲或喝一喝或拍一拍恁麼見解只是不識羞若是那半藏莫道趙州更繞一匝直饒百千萬億匝於婆子分上亦只得半藏假饒天下老和尚共如是繞百千萬億匝於婆子分上也只得半藏設使山河大地森羅萬象若草若木各具廣長舌相異口同音從今日轉到盡未來際於婆子分上亦只得半藏諸人要識婆子麼良久云鴛鴦繡出從君看不把金針度與人

問承聞和

尙親見南泉是否師云鎮州出大蘿蔔頭

圓悟勤云有者道鎮州從來出

大蘿蔔頭天下皆知趙州從來參見南泉天下皆知這僧更問所以道鎮州出大蘿蔔且得沒交涉江西澄散聖判謂之東問西答喚作不答話不上他圈攢若恁麼會爭得遠錄公云此是旁瞥語收在九帶中若恁麼會夢也未夢

旨司錄

卷十一 從論

十八

見在更帶累趙州去

官人問丹霞燒木佛。院主爲甚麼眉鬚墮落。

師云。官人宅內。變生作熟。是甚麼人。云。所使。師云。卻是他好手。馬大夫問。和尚還修行也。無。師云。老僧若修行。卽禍事。云。和尚既不修行。教甚麼人修行。師云。大夫是修行底人。云。某甲何名修行。師曰。若不修行。爭得撲在人王位中。餒得來赤凍紅地。無有解出期。大夫乃下淚拜謝。問作何方便。卽得聞於未聞。師云。未聞。且置。你曾聞個甚麼來。問。不離言句。如何得獨脫。師云。離言句。是獨脫。云。適來無人教某甲來。師云。因甚麼到此。云。和尚何不揀出。師

云。我早個揀了也。師問僧甚處來。曰江西來。師曰趙州著在甚麼處。僧無對。問不見邊表時如何。師指淨瓶云。這個喚作甚麼。云淨瓶。師曰大好不見邊表。有僧問生死二路是同是別。師以頌答云。道人問生死。生死若爲論。雙林一池水。朗月耀乾坤。喚他向上識。此是弄精魂。欲會個生死。顛人說夢春。洞山問僧甚處來。曰掌鞋來。山曰自解依他。曰依他。山曰他還指闍黎也。無僧無對。師代云。若允卽不違。保壽問胡釘鉸。汝莫是胡釘鉸麼。曰不敢。壽曰還釘得虛空麼。曰請和尚打破虛空來。壽便打胡曰。

和尚莫錯打某甲。師曰。向後有多口阿師。與你點破在。胡

後到師處舉前話。師曰。汝因甚麼被他打。胡曰。不知過在

甚麼處。師曰。祇這一縫。尚不奈何。胡於此有省。師曰。且釘

這一縫。雪竇顯舉云。我要打這三個漢。一打趙州。不合。瞎

釘鉸。不合。放過。保壽。驀拈拄杖云。更師問新到。離甚麼

處。云。雪峯。師云。雪峯有甚麼言句。云。雪峯尋常道。盡十方

世界。都來是沙門一隻眼。你等諸人。向甚麼處。肩。師云。闍

黎若回。寄個鉤子去。師問僧。甚麼處來。曰。摘茶來。師曰。閑

雲蓋智頌。道著不著。暗處摸索。背後龍鱗。新到叅。師曰。

面前驢脚。反身筋斗。孤雲野鶴。呵呵呵。

言行錄

卷十一 從諗

二十七

甚處來。曰南方來。師曰佛法盡在南方。汝來這裏作甚麼。

曰佛法豈有南北耶。師曰饒汝從雲居雪峯來。祇是個擔

板漢。

崇壽稠云和尚是據客置主人

師聞沙彌喝。叅向侍者曰教伊去。

者乃教去。沙彌便珍重。師曰沙彌得入門。侍者在門外。

師問一婆子甚麼處去。曰偷趙州筍去。師曰忽遇趙州又

作麼生。婆與一掌。師休去。

瞎堂遠頌云去若丘山重來如一羽輕去來無別路傾蓋白頭

新。師因有老宿問近離甚處。師云滑州。宿云幾程到這

裏。師云一蹰到。宿云好個捷疾鬼。師云萬福大王。宿云叅

堂去。師應喏喏。師一日到僧堂。後逢一僧。乃問大德總

向甚處去。僧云。普請去。師遂於袖中取刀度與云。老僧住持事繁。請上座爲我折倒卻便。引頸向前。其僧便走。僧辭。師曰。甚處去。曰。諸方學佛法去。師豎起拂子曰。有佛處不得住。無佛處急走過。三千里外逢人不得錯舉。曰。與麼則不去也。師曰。摘楊花。摘楊花。徑山杲頌云。有佛處不得住。生鐵杵。錘被蟲蛀。無佛處急走過。撞著嵩山破竈墮。三千里外莫錯舉。兩個石人相耳語。恁麼則不去也。此話已行徧天下。摘楊花。摘楊花。噉嚙呢嚕。哩吽發吒。問十二時中如何用心。師曰。汝被十二時辰使。老僧使得十二時。乃曰。兄弟莫久立。有事商量。無事向衣鉢下坐。窮理好。老僧行腳時。除卻二時粥飯是雜用。

心處除。外更無別用心處。若不如是。大遠在。又謂眾曰。你若一生不離叢林。不語五年十載。無人喚你作癡漢。已後佛也不奈你何。你若不信。截取老僧頭去。上堂。金佛不度鑪。木佛不度火。泥佛不度水。真佛內裏坐。菩提涅槃。真如佛性。盡是貼體衣服。亦名煩惱。實際理地。甚麼處著。一心不生。萬法無咎。汝但究理坐看。三二十年。若不會截。取老僧頭去。夢幻空華。徒勞把捉。心若不異。萬法一如。既不從外得。更拘執作麼。如羊相似。亂拾物。安向口裏。老僧見藥山和尚道。有人問著。但教合取狗口。老僧亦教合取。

狗口。取我是垢。不取我是淨。一似獵狗。專欲得物喫。佛法在甚麼處。千人萬人。盡是覓佛漢子。於中覓一個道人。無若與空王爲弟子。莫教心病最難醫。未有世界。早有此性。世界壞時。此性不壞。一從見老僧後。更不是別人。祇是個主人公。這個更向外覓作麼。正恁麼時。莫轉頭換腦。若轉頭換腦。卽失卻也。僧問承師。有言世界壞時。此性不壞。如何是此性。師曰。四大五陰。曰。此猶是壞底。如何是此性。師曰。四大五陰。法眼云。是一個兩個。是壞不壞。且作麼生會。佛不度水。神光照天地。立雪如未休。何人不離僞。金佛不度。鑪人來訪。子湖脾中。數個字。清風何處無。木佛不度火。

常思破竈墮杖子忽擊著方知孤負我

示眾云。兄弟若從南方來者。卽與

下載。若從北方來者。卽與裝載。所以道近上人問道卽失道。近下人問道卽得道。兄弟正人說邪法。邪法亦隨正。邪人說正法。正法亦隨邪。諸方難見易識。我這裏易見難識。

又云。此事如明珠在掌。胡來胡現。漢來漢現。老僧拈一

枝草作丈六金身用。將丈六金身作一枝草用。佛卽是煩

惱。煩惱卽是佛。

又僧問。未審佛是誰家煩惱。師曰。與一切人煩惱。曰。如何免得。師曰。用免作麼。

又云。老僧此間。卽以本分事接人。若教老僧隨伊根機。接人自有三乘十二分教。接他了也。若是不會。是誰過歟。已

後遇著作家漢也。道老僧不孤負他。但有人問。以本分事
 接人。師自受南泉印可。乃歸曹州省受業師。親屬聞師
 歸。咸欲來會。師聞曰。俗塵愛網。無有了期。已辭出家。不願
 再見。遂攜瓶錫。徧歷諸方。常謂七歲兒童勝我者。我即問
 伊百歲老翁。不及我者。我即教他。及往趙州觀音院。燕趙
 二王同至院。見師。師端坐不起。燕王問曰。人王尊耶。法王
 尊耶。師曰。若在人王。人王中尊。若在法王。法王中尊。二王
 聞之。歡然敬服。乃同供養。師志效古人住持枯槁。僧堂無
 前後架。旋營齋食。繩牀一角折。以繩繫殘薪支之。屢有願

爲製新者。師不許也。住持四十餘年。未嘗以一書告檀越。
唐乾甯四年十一月二日。右脇泊然而寂。壽一百二十歲。
諡眞際大師。

湖南長沙景岑招賢禪師。上堂。我若一向舉揚宗教。法堂前
須草深一丈。事不獲已。向汝諸人道。盡十方世界。是沙門
眼。盡十方世界。是沙門全身。盡十方世界。是自己光明。盡
十方世界。在自己光明裏。盡十方世界。無一人不是自己。
我常向汝諸人道。三世諸佛。法界眾生。是摩訶般若光。光
未發時。汝等諸人。向甚麼處委悉。光未發時。尙無佛無眾。

生消息何處得山河國土來。時有僧問如何是沙門眼。師曰。長長出不得。又曰。成佛成祖出不得。六道輪迴出不得。僧曰。未審出個甚麼不得。師曰。晝見日。夜見星。曰。學人不。會。師曰。妙高山色青。又青。妙喜曰。熟處難忘。師與仰山翫月次。山曰。人人盡有這個。祇是用不得。師曰。恰是倩汝用。山曰。你作麼生用。師劈臂與一踢。山曰。因直下似個大蟲。自此諸方稱爲大蟲。長慶云。前彼此作家。後彼此不作家。乃別云。邪法難扶。游山歸。首座問和尚甚處去來。師曰。游山來。座曰。到甚麼處。師曰。始從芳草去。又逐落花回。座曰。大似春意。師曰。也勝秋露。

滴芙蓉。

雪竇著語云謝答話復頌云大地絕纖埃何人眼

不開始隨芳草去又逐落花回羸鶴翹寒木狂猿

嘯古臺長沙無限意咄有秀才看千佛名經問曰百千諸佛但見

其名未審居何國土還化物也無曰黃鶴樓崔顥題後秀

才還曾題也未曰未曾曰得閑題取一篇好

黃鶴新頌云黃鶴樓前法

戰時百千諸佛豎降旗問渠國土歸何處羸得多才一首詩

問本來人還成佛也無

師曰汝見大唐天子還自種田割稻麼曰未審是何人成

佛師曰是汝成佛僧無語師曰會麼曰不會師曰如人因

地而倒依地而起地道甚麼問向上一路請師道師曰

一口針三尺線曰如何領會師曰益州布揚州絹僧問

自引衆

卷十一

招賢

師同叅會和尚曰和尚見南泉後如何會默然僧曰和尚未見南泉已前作麼生會曰不可更別有也僧回舉似師師示偈曰百丈竿頭不動人雖然得入未爲真百尺竿頭須進步十方世界是全身僧便問祇如百尺竿頭如何進步師曰朗州山澧州水曰不會師曰四海五湖皇化裏喜妙曰要見長沙更進一步若有人問如何是遮一步待我欸欸地與你葛藤竺尙書問蚯蚓斬爲兩段兩頭俱動未審佛性在阿那頭師曰莫妄想曰爭奈動何師曰會卽風火未散書無對師喚尙書書應諾師曰不是尙書本命曰不可離卻卽今祇對別有第二主人

旨言錄

卷十一 招賢

三

師曰。喚。尚書。作至尊得麼。曰。恁麼總不祇對時。莫是子弟
主人否。師曰。非但祇對與不祇對時。無始劫來。是個生死
根本。示偈曰。學道之人。不識真。祇爲從來。認識神。無始劫
來。生死本。癡人喚作本來人。燈錄作兩則。風火未散。上作
一則。師喚尚書下。又作一則。
語亦小異。此從宗門統要正法眼藏妙喜曰。卽今祇對者
既不是本來人。卻喚甚麼作本來人。良久曰。我恁麼道。且
作死馬醫。又皓月供奉問師。蚯蚓斷爲兩段。兩頭俱動。
未審佛性在阿那頭。師曰。動與不動。是何境界。曰。言不干
典。非智者之所談。祇如和尚言動與不動。是何境界。出自
何經。師曰。灼然言不干典。非智者之所談。大德豈不見首
楞嚴云。當知十方無邊。不動虛空。并其動搖。地水火風。均
名四大。性真圓融。皆如來藏。本無生滅。復示偈曰。最甚深
最甚深。法界人身便是心。迷者迷心爲眾色。悟時
刹境是真。心身界二塵無實相。分明達此是知音。問如

何轉得山河國土歸自己去。師曰：如何轉得自己成山河國土去？曰：不會。師曰：湖南城下好養民，米賤柴多足四鄰。僧無語。師示偈曰：誰問山河轉，山河向轉誰？圓通無兩畔，法性本無歸。問南泉道：三世諸佛不知有，狸奴白牯卻知有，爲甚麼三世諸佛不知有？師曰：未入鹿苑時，猶較些子。曰：狸奴白牯爲甚麼卻知有？師曰：汝爭怪得伊？問和尚繼嗣何人？師曰：我無人得繼嗣。曰：還叅學也無？師曰：我自叅學。曰：師意何如？師示偈曰：虛空問萬象，萬象答虛空。誰人親得聞，木叉卽角童。示眾：若心是生，則夢幻空華。

亦應是生。若身是生。則山河大地萬象森羅。亦應是生。

問。教中說幻意是有耶。師曰。大德是何言歟。曰。恁麼則幻意是無邪。師曰。大德是何言歟。曰。恁麼則幻意是不有。不無邪。師曰。大德是何言歟。曰。如某三問。盡不契於幻意。未審和尚如何明教中幻意。師曰。大德言一切法不思議否。曰。佛之誠言。那敢不信。師曰。大德言信。二信之中。是何信。曰。如某所明。二信之中。是名緣信。師曰。依何教門。得生緣信。曰。華嚴云。菩薩摩訶薩。以無障無礙智慧。信一切世間境界。是如來境界。又華嚴云。諸佛世尊。悉知世法及諸佛。

法性無差別。決定無二。又華嚴云。佛法世間法。若見其眞實。一切無差別。師曰。大德所舉緣信教門。甚有來處。聽老僧與大德明教中幻音。若人見幻本來眞。是則名爲見佛。人圓通法。法無生滅。無滅無生。是佛身。華嚴座主問。虛空爲是定有。爲是定無。師曰。言有亦得。言無亦得。虛空有時。但是假有。虛空無時。但是假無。曰。如和尚所說。有何教文。師曰。大德豈不聞首楞嚴云。十方虛空。生汝心內。猶如片雲點太清裏。豈不是虛空生時。但生假名。又云。汝等一人發眞歸元。十方虛空。悉皆銷殞。豈不是虛空滅時。但滅。

假名。老僧所以道。有是假。有無是假。無。問如何是文殊。
師曰。牆壁瓦礫。是曰如何。是觀音。師曰。音聲語言。是曰如。
何。是普賢。師曰。眾生心。是曰如何。是佛。師曰。眾生色身。是。
曰。河沙諸佛體。皆同。何故。有種種名字。師曰。從眼根返源。
名。文殊耳根返源。名。觀音。從心返源。名。普賢。文殊是佛妙。
觀察。智。觀音是佛無緣大慈。普賢是佛無爲妙行。三聖是。
儼之妙用。佛是三聖之真體。用則有河沙假名。體則總名。
一薄伽梵。問南泉遷化向甚麼處去。師曰。東家作驢。西。
家作馬。曰。學人不曾。此意如何。師曰。要騎卽騎。要下卽下。

三聖令秀上座問曰。南泉遷化向甚麼處去。師曰。石頭作沙彌時。參見六祖。秀曰。不問石頭見六祖。南泉遷化向甚麼處去。師曰。教伊尋思去。秀曰。和尚雖有千尺寒松。且無抽條石筍。師默然。秀曰。謝和尚答話。師亦默然。秀回舉似三聖。聖曰。若恁麼。猶勝臨濟七步。然雖如此。待我更驗看。至明日三聖上問。承聞和尚昨日答南泉遷化一則語。可謂光前絕後。今古罕聞。師亦默然。問亡僧遷化甚麼處去也。師示偈曰。不識金剛體。卻喚作緣生。十方真寂滅。誰在復誰行。

林間錄曰。長沙岑禪師因僧亡。以手摩之曰。大眾。此僧卻真實爲諸人提綱商榷。會麼。乃

有偈曰。目前無一法。當處亡。無人蕩蕩。金剛體。非妄亦非真。又曰。雪峯和尚。亦因見亡僧。作偈曰。低頭不見地。仰面觸目菩提。萬里神光頂後相。有僧問法眼。如何是亡僧面。前觸目菩提。法眼答曰。是汝面前。又問遷化。向甚麼處去。答曰。亡僧幾曾遷化。進曰。爭奈。即令何答曰。汝不識亡僧天衣懷云。亡僧面前。即且置。只如活人背後底。是甚麼。近代尊宿。不復以此旨曉人。獨晦堂老師。時一提起。作南禪師圓寂日。偈曰。去年三月十有七。一夜春風撼籌室。三角麒麟入海中。空餘片月波心出。真不掩偽。曲不藏直。誰人爲和雪中吟。萬古知音是今日。又云。昔人去時。是今日。今日依前人。不來。今旣不來。昔不往。白雲流水空悠哉。誰云秤尺平。直中還有曲。誰云物理齊。種麻還得粟。可憐馳逐天下人。六六元來三十六。皓月供奉問。天下善知識。證三德涅槃也。未。師曰。大德問果上涅槃。因中涅槃。曰。問果上涅槃。師曰。天下善知識未證。曰。爲甚麼。

未證。師曰。功未齊於諸聖。曰。功未齊於諸聖。何爲善知識。師曰。明見佛性。亦得名爲善知識。曰。未審功齊何道。名證。大涅槃。師示偈曰。摩訶般若照。解脫甚深法。法身寂滅體。三一理圓常。欲識功齊處。此名常寂光。曰。果上三德涅槃。已蒙開示。如何是因中涅槃。師曰。大德是。進山主問。修山主曰。明知生是不生之理。爲甚麼爲生死之所流轉。修曰。苟畢竟成。竹去如今作甚麼。使還得麼。進曰。汝向後自悟去。在。修曰。某所見祇如此。上座意旨。又如何。進指曰。這個是監院房。那個是典座房。修卽禮謝。初師久依南泉。有投機偈曰。今日還鄉入大門。南泉親道徧乾坤。法法分明皆祖父。回頭慙愧好兒孫。泉答曰。今日

投機事莫論。南泉不道徧乾坤。還鄉盡是兒孫事。祖父從來不出門。

鄂州茱萸山和尚。上堂。擎起一橛竹曰。還有人虛空裏釘得。

橛麼。時有靈虛上座出眾曰。虛空是橛。師便打。虛曰。莫錯。

打。師便下座。

雲門偃云。矢上加尖。有僧云。和尚適來與麼道。那門云。槌鐘謝響。得個蝦蟆出來。

衢州子湖巖利蹤禪師。於門下立牌曰。子湖有一隻狗。上取

人頭。中取人心。下取人足。擬議卽喪身失命。臨濟會下二

僧來。叅方揭簾。師喝曰。看狗。僧回顧。師便歸方丈。或有

人問子湖狗。師曰。嗥嗥。僧無語。師便歸方丈。劉鐵磨叅。

師曰。汝是劉鐵磨否。曰。不敢。師曰。左轉右轉。曰。和尚莫顛倒。師便打。與勝光和尚鉏園次。師驀按鑊。回視光曰。事卽不無。擬心卽差。光便問。如何是事。被師攔胸踏倒。光從此有省。僧問。自古上賢還達真正理否。師曰。達。僧曰。真正理作麼生達。師曰。霍光當時賣假銀城與單于。契書是甚麼人作。僧無語。示衆。諸法蕩蕩。何絆何拘。汝等於中自生難易。心源一統。綿亘十方。上上根人。自然明白。不見南泉道。如斯癡鈍。世且還稀。歷歷分明。有無不是。只少個丈夫之志。致見如斯疲勞。汝欲得易會麼。自古及今。未曾

有一個凡夫聖人出現汝前。亦無有一善語惡語到汝分上。爲甚麼故。爲善善無形。爲惡惡無相。旣已無我。把甚麼爲善惡。立那個是凡聖。汝信否。還保任否。有甚麼迴避處。恰似日中逃影相似。還逃得麼。今之旣爾。古之亦然。古今齊時。汝還會得麼。佛法不妙了得者。自相策發。無爲小緣妨於大事。汝不見道。甯可終身立法。誰能一旦忘緣。仁者要得會禪麼。各歸衣鉢下看。示眾。幸自可憐生。苦死向人前討些子聲色唇吻作麼。我且問你。聲色兩字作麼生討得。還會麼。我道聲色如泡。爲復爲你說破。爲復爲你討

聲色試商量看。莫生容易志剛用心。若了根源。終非他物。譬如圓鏡。男來男現。女來女彰。乃至僧俗青黃山河萬物。隨其色相。一鏡傳輝。不可是鏡有多般。但能映物而露。仁者還識得鏡未。若不識鏡。盡被男女青黃山河類等礙汝光明。有甚麼出氣處。若識鏡去。乃至青黃男女大地山河。有想無想。四足多足。胎卵情生。天堂地獄。咸於一鏡中悉得其分劑。長短劫數。若色若空。盡能了之。更非他物。汝豈不聞諸法如義。光陰箭速。莫漫悠悠。大事因緣。決須了取。僧問如何是大圓鏡。師云。一切物著不得。進云。爲甚麼一

切物著不得。師云。汝是一切物。還者得汝否。仁者本自具足。本自周備。直教無纖塵法礙。你眼光始得。若有微塵底不盡。不是一生半劫賺汝皮囊。汝性命根境法中。造諸妖怪。山精鬼魅。附汝行持。得少爲足。鼓弄片皮。於佛法卻爲毒害。譏禮塔廟。毀彼持經。師子身中蟲。自食師子身中肉。仁者豈不見目前太虛。還有纖毫欠少處麼。若也於中體得這個消息。不妨出得凡聖境界。了得世間出世間之智。一法旣爾。萬法亦然。仁者還樂也無。示眾。天上人間。輪迴六道。乃至蠢動含靈。未曾於此一分真如中。有些

子相違處還信麼。還領受得麼。大凡行腳也。須具大信根。作個丈夫始得。何處得與麼難信。他古人只見道個卽心是佛。卽心是法。便承信去。隨處茅茨石室。長養聖胎。只待道果成熟。汝今何不效他行取。仁者可煞分明。金無參雜。治生產業。與諸實相不相違背。初子湖山下有陶家無子。夫婦日夕焚禱。師一日過而問曰。爾何所祈。陶告之故。師曰。汝施我竹。我施汝子。陶遂施竹。其夕感異夢。隨舉一男。眾因號師神力。禪師廣明中。無疾歸寂。塔於本山。終南山雲際師祖禪師。初參南泉。問摩尼珠。人不識。如來藏。

自序

卷十一

義端禪師

三三

裏親收得。如何是藏。泉曰。與汝往來者是。師曰。不往來者。如何。泉曰。亦是。曰。如何是珠。泉召師祖。師應諾。泉曰。去。汝不會我語。師從此信入。雪竇顯云。百尺竿頭作伎倆。不是能深入虎穴。還不恁麼縱饒。師祖悟去。也是龍頭蛇尾。漢上事在。只如盡大地。是如來藏。向甚麼處著珠。盡大地是摩尼珠。向甚麼處著藏。若明得有轉身處。許你具一隻眼。鄧州香巖下堂義端禪師。僧問某甲。曾辭一老宿。宿曰。去則親良朋。附善友。某今辭和尚。未審有何指示。師曰。禮拜著。僧禮拜。師曰。禮拜一任禮拜。不得認奴作郎。

池州靈鷲閑禪師。上堂。是汝諸人本分事。若教老僧道。卽是

與蛇畫足。時有僧問與蛇畫足卽不問。如何是本分事。師曰。闍黎試道看。僧擬再問。師曰。畫足作麼。

日子和尚因亞谿來參。師作起勢。谿曰。這老山鬼猶見某甲在。師曰。罪過罪過。適來失祇對。谿欲進語。師便喝。谿曰。大陣當前。不妨難禦。師曰。是是。谿曰。是不是。不是。趙州云可憐。

轉身句

蘇州西禪和尚。僧問三乘十二分教。則不問。如何是祖師西來的意。師舉拂子示之。其僧不禮拜。竟參雪峯。峯問甚麼處來。曰。浙中來。峯曰。今夏甚麼處。曰。西禪。峯曰。和尚安。

否。曰。來時萬福。峯曰。何不且在彼從容。曰。佛法不明。峯曰。有甚麼事。僧舉前話。峯曰。汝作麼生不肯伊。曰。是境。峯曰。汝見蘇州城裏人家男女否。曰。見。峯曰。汝見路上林木池沼否。曰。見。峯曰。凡覩人家男女林木池沼。總是境。汝還肯否。曰。肯。峯曰。祇如舉起拂子。汝作麼生不肯。僧乃禮拜曰。學人取次發言。乞師慈悲。峯曰。盡乾坤是個眼。汝向甚麼處蹲坐。僧無語。

池州甘贄行者。一日入南泉設齋。黃檗爲首座。行者請施財。座曰。財法二施等無差別。甘曰。恁麼道。爭消得某甲覷便。

將出去。須臾復入曰。請施財。座曰。財法二施等無差別。甘

乃行。覲

翠巖真云。甘贊行者。點兒落節。黃檗施財。何曾夢見。妙喜舉翠巖語云。一等是隨邪逐惡。這雲居羅

漢較些子

又一日入寺設粥。仍請南泉念誦。泉乃白椎曰。請

大眾爲狸奴白牯念摩訶般若波羅密。甘拂袖便出。泉粥

後問典座。行者在甚處。座曰。當時便去也。泉便打破鍋子。

妙喜云。心不負人。面無慙色。頌云。南泉打破閑家具。浩沽諸方作話看。今日爲君重舉過。明明歷歷不顛預。

洪州雙嶺平真禪師。初問道。吾無神通。菩薩爲甚麼足跡難

尋。吾曰。同道者方知。師曰。和尚還知否。吾曰。不知。師曰。何

故不知。吾曰。去。你不識吾語。師後於鹽官處悟旨焉。

福州芙蓉山靈訓禪師。初叅歸宗。問如何是佛。宗曰。我向汝道。汝還信否。曰。和尚誠言。安敢不信。宗曰。卽汝便是。師曰。如何保任。宗曰。一翳在眼。空華亂墜。法眼云。若無後話。有甚麼歸宗也。

師辭。宗問甚麼處去。師曰。歸嶺中去。宗曰。子在此多年。裝束了。卻來爲子說一上佛法。師結束了。上去。宗曰。近前來。師乃近前。宗曰。時寒。途中善爲。師聆此言。頓忘前解。

漢南高亭和尚。有僧自夾山來禮拜。師便打。僧曰。特來禮拜。何得打某甲。僧再禮拜。師又打。趁僧回舉。似夾山。山曰。汝會也無。曰。不會。山曰。賴汝不會。若會。卽夾山口症。

新羅大茅和尚上堂欲識諸佛師向無明心內識取欲識常住不凋性向萬物遷變處識取

五臺山智通禪師

自稱大禪佛

初在歸宗會下忽一夜連叫曰我

大悟也眾駭之明日上堂眾集宗曰作夜大悟底僧出來師出曰某甲宗曰汝見甚麼道理便言大悟試說看師曰師姑原是女人做宗異之師便辭去宗門送與提笠子師接得笠子戴頭上便行更不回顧後居臺山法華寺臨終有偈曰舉手攀南斗回身倚北辰出頭天外看誰是我般人

鎮州普化和尙者。不知何許人也。師事盤山。密受記別。而佯
狂。出言無度。暨盤山順世。乃於此地行化。或城市。或塚間。
振一鐸。曰。明頭來。明頭打。暗頭來。暗頭打。四面八方來。旋
風打。虛空來。連架打。一日臨濟令僧捉住。曰。總不恁麼來。
時如何。師拓開曰。來日大悲院裏有齋僧。同舉似濟。濟曰。
我從來疑著這漢。五祖演舉云。若是五祖。卽不然。有人問
道。五祖盲枷瞎棒。我只要你恁麼道。何故。一任舉似諸方。
凡見人無高下。皆振鐸一
聲。或將鐸就人耳邊振之。或附其背。有回顧者。卽展手曰。
乞我一錢。師見馬步使出。喝道。師亦喝道。作相撲勢。馬

步使令人打五棒。師曰。似卽似是卽不是。師嘗於闖闌間。搖鐸唱曰。覓個去處不可得。時道吾遇之。把住問曰。汝擬去甚麼處。師曰。汝從甚麼處來。吾無語。師掣手便去。臨濟初開堂。師首往贊佐。唐咸通初。將示滅。乃入市謂人曰。乞我一個直裰。人或與披襖。或與布裘。皆不受。振鐸而去。臨濟令人送與一棺。師笑曰。臨濟廝兒。饒舌便受之。乃辭眾曰。普化明日去東門死也。郡人相率送出城。師厲聲曰。今日葬不合青烏。乃曰。明日南門遷化。人亦隨之。又曰。明日出西門方吉。人出漸稀。出已還返。人意稍怠。第四日。

自擎棺出北門外。振鐸入棺而逝。郡人奔走出城。揭棺視之。已不見。惟聞空中鐸聲漸遠。莫測其由。

壽州良遂禪師。參麻谷。谷見來。便將鉏頭去鉏草。師到鉏草處。谷殊不顧。便歸。方丈閉卻門。師次日復去。谷又閉門。師乃敲門。谷問阿誰。師曰。良遂。纔稱名。忽然契悟。曰。和尚莫謾良遂。良遂若不來禮拜和尚。洎被經論賺過一生。谷便開門相見。乃歸講肆。謂眾曰。諸人知處。良遂總知。良遂知處。諸人不知。

虔州處微禪師。僧問。三乘十二分教。體理得妙。與祖意是同。

是別。師曰。須向六句外鑒。不得隨聲色轉。曰。如何是六句。師曰。語底默底。不語不默。總是總。不是。汝合作麼生。僧無對。問仰山。汝名甚麼。山曰。慧寂。師曰。那個是慧。那個是寂。山曰。祇在目前。師曰。猶有前後在。山曰。前後且置。和尚見個甚麼。師曰。喫茶去。

金州操禪師。請米和尚齋。不排坐位。米到。展坐具禮拜。師下禪牀。米乃坐師位。師卻席地而坐。齋訖。米便去。侍者曰。和尚受一切人欽仰。今日坐位。被人奪卻。師曰。三日後若來。卽受救在。米三日後果來。曰。前日遭賊。

湖南上林戒靈禪師。初參瀉山。山曰。大德作甚麼來。師曰。介
胄全具。山曰。盡卸了來。與大德相見。師曰。卸了也。山咄曰。
賊尚未打。卸作甚麼。師無對。仰山代曰。請和尚屏卻左右。
瀉山以手指曰。喏喏。師後參永泰。方諭其旨。永泰靈湍
馬祖法嗣
五臺山秘魔巖和尚。常持一木叉。每見僧來禮拜。卽叉卻頸。
曰。那個魔魅教汝出家。那個魔魅教汝行腳。道得也。叉下
死道不得也。叉下死。速道速道。學徒鮮有對者。霍山通和
尙訪師。纔見。不禮拜。便攬入懷裏。師拊通背三下。通起拍
手曰。師兄。三千里外賺我來。三千里外賺我來。便回。

湖南祇林和尚每此文殊普賢皆爲精魅。手持木劍自謂降魔。纔見僧來。叅便曰。魔來也。魔來也。以劍亂揮。歸方丈。如是十二年。後置劍無言。僧問。十二年前爲甚麼降魔。師曰。賊不打貧兒家。曰。十二年後爲甚麼不降魔。師曰。賊不打

指月錄卷之十一終

指月錄卷之十二

六祖下第四世

潭州瀉山靈祐禪師。福州長谿趙氏子。年十五出家。依本郡建善寺法常律師剃髮。於杭州龍興寺究大小乘教。二十三遊江西。參百丈丈。一見許之入室。遂居叅學之首。侍立次。丈問誰。師曰某甲。丈曰。汝撥鑪中有火否。師撥之曰。無火。丈躬起。深撥得少火。舉以示之曰。汝道無。這個聲。師由是發悟。禮謝。陳其所解。丈曰。此乃暫時歧路耳。經云。欲識佛性義。當觀時節。因緣時節既至。如迷忽悟。如忘忽憶。方

省己物不從外得。故祖師云。悟了同未悟。無心亦無法。祇是無虛妄。凡聖等心。本來心法。元自備足。汝今既爾。善自護持。次日同百丈入山作務。丈曰。將得火來麼。師曰。將得來。丈曰。在甚麼處。師拈一枝柴吹兩吹。度與百丈。丈曰。如蟲禦木。妙喜曰。百丈若無後語。幾被典座熱瞞。高僧傳云。冠年剃髮。三年具戒。時有錢塘上士義賓。授其律科。及入天台。遇寒山子於塗中。謂師曰。千山萬水。遇潭即止。獲無價寶。賑恤諸子。乃造國清。遇拾得。復申前意。師遂詣泐潭。謁大智。頓了祖意。宗門統要云。師至國清。受戒。寒山子遂與拾得。子往松門接師。纔到。二人從路兩邊透出。作大蟲吼三聲。師屹然無對。寒山云。自從靈山一別。迄至於今。還相記麼。師亦無對。捨得拈起拄杖云。老兄喚這個作甚麼。師又無對。山云。休休。別後。伊三生作國王。總忘卻也。

司馬頭陀見百丈談

瀋山之勝。宜結集法侶。爲大道場。丈因語眾曰。若能對眾下得一語出格。當與住持卽指淨瓶。問曰。不得喚作淨瓶。汝喚作甚麼時。華林覺爲首座。師爲典座。林曰。不可喚作木楔也。丈乃問師。師踢倒淨瓶。便出去。丈笑曰。第一座輸卻山子也。師遂往焉。是山峭絕。蔓無人烟。虎狼縱橫。莫敢往來。師拾橡栗充食者五七年。一日念道。在接物利生。獨居非是。乃出至山口。語虎狼曰。我若於此山有緣。汝等各自散去。若其無緣。我充爾腹。言訖。蟲虎四散。師乃回庵。未幾。嬾安上座同數僧。從百丈所來。輔佐曰。某與和尚作典

座俟眾至五百乃解務。於是人稍稍集。厥後禪學輻輳。風動天下。稱瀉仰宗焉。上堂。夫道人之心。質直無僞。無皆無面。無詐妄心。一切時中。視聽尋常。更無委曲。亦不閉眼塞耳。但情不附物。卽得從上諸聖。祇說濁邊過患。若無如許多惡覺。情見想習之事。譬如秋水澄渟。清淨無爲。澹泞無礙。喚他作道人。亦名無事人。時有偕問。頓悟之人。更有修否。師曰。若真悟得本。他自知時。修與不修。是兩頭語。如今初心。雖從緣得。一念頓悟自理。猶有無始曠劫習氣。未能頓淨。須教渠淨除現業流識。卽是修也。不可別有法教。

渠修行趣向。從聞入理。闡理深妙。心自圓明。不居惑地。縱有百千妙義。抑揚當時。此乃得坐披衣。自解作活計。始得若以要言之。則實際理地。不受一塵。萬行門中。不捨一法。若也單刀直入。則凡聖情盡。體露真常。理事不二。卽如如佛。仰山問百千萬境。一時來作麼生。師云。青不是黃。長不是短。諸法各住自位。非干我事。仰乃作禮。仰山問。如何是祖師西來意。師指燈籠曰。大好燈籠。仰曰。莫祇這便是麼。師曰。這個是甚麼。仰曰。大好燈籠。師曰。果然不見。師摘茶次。謂仰山曰。終日摘茶。祇聞子聲。不見子形。仰撼

茶樹。師曰。子祇得其用。不得其體。仰曰。未審和尚何如。師
良久。仰曰。和尚祇得其體。不得其用。師曰。放子三十棒。仰
曰。和尚棒某甲喫。某甲棒教誰喫。師曰。放子三十棒。云且
道過在甚麼處。師問仰山。生住異滅。汝作麼生會。仰曰。一念起
時。不見有生住異滅。師曰。子何得遣法。仰曰。和尚適來問
甚麼。師曰。生住異滅。仰曰。卻喚作遣法。師問仰山。妙淨
明心。汝作麼生會。仰曰。山河大地。日月星辰。師曰。汝祇得
其事。仰曰。和尚適來問甚麼。師曰。妙淨明心。仰曰。喚作事
得麼。師曰。如是如是。上堂。僧出曰。請和尚爲眾說法。師

曰我爲汝得徹困也。僧禮拜。後人舉似雪峯峯曰：古人得和尙，蹉過古人事處，雪峯聞之，乃問沙曰：甚麼處是老僧蹉過？古人處沙曰：大小潯山，被那僧一問，直得百雜碎。峯乃駭然。師坐次，仰山入來。師曰：寂子，速道莫入陰界。仰曰：慧寂信亦不立。師曰：子信了不立，不信不立。仰曰：祇是慧寂更信阿誰？師曰：若恁麼，卽是定性聲聞。仰曰：慧寂佛亦不立。師問仰山：涅槃經四十卷，多少是佛說？多少是魔說？仰曰：總是魔說。師曰：已後無人奈子何？仰曰：慧寂卽一期之事，行履在甚麼處？師曰：祇貴子眼正，不說子行履。師一日喚院主，主便來。師曰：我喚院主，汝來作甚麼？主無

對。又令侍者喚第一座。座便至。師曰。我喚第一座。汝來作

甚麼座。亦無對。

曹山代院主云。也知和尚不喚某甲。代第一座云。若令侍者喚。恐不來。

師

問仰山。何處來。仰曰。田中來。師曰。禾好刈也。未仰作刈禾

勢。師曰。汝適來作青見。作黃見。作不青不黃見。仰曰。和尚

背後是甚麼。師曰。子還見麼。仰拈禾穗曰。和尚何曾問這

個師。曰。此是驚王擇乳。師一日見劉鐵磨來。師曰。老特。

牛汝來也。磨曰。來日臺山大會齋。和尚還去麼。師乃放身

作臥勢。磨便出去。

雪竇顯頌云。曾騎鐵馬入重城。勅下傳聞六國清。猶握金鞭問歸客。夜深誰共

御街行。

僧問。如何是道。師曰。無心是道。曰。某甲不會。師曰。

會取不會底好。曰。如何是不會底。師曰。祇汝是不是別人。復曰。今時人但直下體取不會底。正是汝心。正是汝佛。若向外得一知一解。將爲禪道。且沒交涉。名運糞入。不名運糞出。汗汝心田。所以道不是道。合醬次問。仰山這個用多少鹽水。仰曰。某甲不會。不欲祇對。師云。卻是老僧會。仰云。不知用多少鹽水。師云。旣汝不會。我亦不答。晚間師卻問仰山。今日因緣。子作麼生主持。仰云。待問卽答。師云。現問次。仰云。耳背眼昏。見聞不曉。師云。凡有問答。出子此語不得。仰禮謝。師云。寂子。今日忘前案後。不是小小。師方

丈丙坐次。仰山入來。師曰。寂子。近日宗門令嗣作麼生。仰
曰。大有人疑著此事。師曰。寂子作麼生。仰曰。慧寂祇管困
來合眼。健來坐禪。所以未曾說著在。師曰。到這田地也難
得。仰曰。據慧寂所見祇如此一句也著不得。師曰。汝爲一
人也不得。仰曰。自古聖人盡皆如此。師曰。大有人笑汝恁
麼祇對。仰曰。解笑者是慧寂同叅。師曰。出頭事作麼生。仰
遶禪牀一匝。師曰。裂破古今。師睡次。仰山問訊。師便回
面向壁。仰曰。和尚何得如此。師起曰。我適來得一夢。你試
爲我原看。仰取一盆水與師洗面。少頃。香巖亦來問訊。師

曰。我適來得一夢。寂子爲我原了。汝更與我原看。嚴乃點
一碗茶來。師曰。二子見解過於鶩子。師坐次。仰山從方
丈前過。師曰。若是百丈先師見子。須喫痛棒。始得。仰曰。卽
今事作麼生。師曰。合取兩片皮。仰曰。此恩難報。師曰。非子
不才。乃老僧年邁。仰曰。今日親見百丈師翁來。師曰。子向
甚麼處見。仰曰。不道見。祇是無別。師曰。始終作家。師問
仰山。卽今事且置。古來事作麼生。仰叉手近前。師曰。猶是
卽今事。古來事作麼生。仰退後立。師曰。汝屈我。我屈汝。仰
便禮拜。仰山香嚴侍立。次師舉手曰。如今恁麼者。少不

恁麼者多。嚴從東過西立。仰從西過東立。師曰。這個因緣。三十年後。如今擲地相似。仰曰。亦須是和尙提唱始得。嚴曰。卽今亦不少。師曰。合取口。一日師翹起一足。謂仰山曰。我每日得他負載。感伊不徹。仰曰。當時給孤園中。與此無別。師曰。更須道始得。仰曰。寒時與他襪著。也不爲分外。師曰。不負當初。子今已徹。仰曰。恁麼更要答話在。師曰。道看。仰曰。誠如是言。師曰。如是如是。師謂仰山曰。汝須獨自回光返照。別人不知汝解處。汝試將實解獻老僧看。仰曰。若教某甲自看到這裏。無圓位。亦無一物一解得獻和。

七言

卷十二為山

七

尚。師云。無圓位處。原是汝作解處。未離心境在。仰曰。既無
圓位。何處有法。把何物作境。師曰。適來是汝作與麼解。是
否。仰曰。是。師云。若恁麼是具足心境法。未脫我所心在。元
來有解獻我。許汝信位顯人位隱在。此則獨見於正法眼
仰山和尚因僧思鄧問禪宗頓悟畢竟入門的意如何
仰曰。此意極難。若是祖宗門下。上根上智。一聞千悟。得大
總持。其有根微智劣。若不安禪靜慮。到這裏總須茫然。曰。
除此一路。別更有人處否。仰曰。有。曰。如何。仰曰。汝是
甚處人。曰。幽州人。仰曰。汝還思彼處否。曰。常思。仰曰。能思
者是心。所思者是境。彼處樓臺林苑。人馬駢闐。汝反思底
還有許多般也無。正此下有僧于言下有省一句。曰。某甲
到這裏總不見有。仰曰。汝解猶在心。信位即得人位。未
在。曰。除卻這個。別更有意也無。仰曰。據汝所解。祇得一
名。得坐披衣。

向後自看此則正法
眼藏五燈會元皆載

師一日見香嚴仰山作餅次師曰

當時百丈先師親得這個道理仰與香嚴相顧視云什麼

人答得此話師云有一人答得仰云是阿誰師指水牯牛

云道道仰取一束草來香嚴取一桶水來放牛前牛纔喫

師云與麼與麼不與麼不與麼二人俱作禮師云或時明

或時暗師與仰山行次指前頭枯樹問前頭是甚麼仰

云祇是枯樹子師卻問耘田翁翁亦云枯樹子師云這耘

田翁向後亦有五百衆

為山詰云山僧則不然耘田公子

人辨得許汝具擇法眼若也不辨佛法熾然生滅神鼎
詰云為復意在耘田處為復意在仰山分上為復總不恁

麼。諸上座一切諸法。總然更不用生事。他是父子說法。同道方知。

師因資國來參。乃指

月示之。國以手撥三下。師云。不道汝不見。祇是見處太粗。

師一日索門人呈語。乃曰。聲色外與吾相見。時有幽州鑒宏上座呈語云。不辭出來。那個人無眼。師不肯。仰山片三度呈語。第一云。見取不見取底。師云。細如毫末。冷似雪霜。第二度云。聲色外誰求相見。師云。祇滯聲聞。方外楊第三度云。如兩鏡相照。於中無像。師云。此語正也。我是你不是。早立像了也。仰山卻問師某甲。精神昏昧。拙於祇對。未審和尙於百丈師翁處作麼生呈語。師云。我於百丈先師

處呈語云。如百千明鏡鑒像。光影相照。塵塵刹刹。各不相

借。仰山於是禮拜。

為山急須買草鞋。與座主執巾瓶始得。

仰山踏衣次提

起問師曰。正恁麼時。和尚作麼生。師曰。正恁麼時。我這裏

無作麼生。仰曰。和尚有身而無用。師良久。卻拈起問曰。汝

正恁麼時。作麼生。仰曰。正恁麼時。和尚還見伊否。師曰。汝

有用而無身。師後忽問仰山。汝春間有話未圓。今試道看。

仰山曰。正恁麼時。切忌勃訴。師曰。停囚長智。上堂。仲冬

嚴寒。年年事。暑運推移。事若何。仰山進前叉手而立。師曰。

我情知汝答這話不得。香巖曰。某甲偏答得這話。師躡前

問嚴亦進前叉手而立。師曰。賴遇寂子不會。仰山香嚴侍立次。師曰。過去未來現在。佛佛道同。人人得個解脫路。仰曰。如何。是人人解脫路。師回顧香嚴口。寂子借問。何不答伊。嚴曰。若道過去未來現在。某甲卻有個祇對處。師曰。子作麼生。祇對嚴珍重。便出。師卻問仰山曰。智閑恁麼祇對。還契寂子也無。仰曰。不契。師曰。子又作麼生。仰亦珍重出去。師呵呵大笑曰。如水乳合。師向仰山云。有俗弟子將三束絹來。與我贖鍾子。欲與世人受福。仰云。俗弟子則有絹。與和尚贖鍾子。和尚將何物酬他。師以拄杖敲牀三

下云。我將這個酬他。仰云。若是這個。用作甚麼。師又敲三下云。汝嫌這個作甚麼。仰云。某甲不嫌這個。這個只是大家底。師云。你既知是大家底。何得更就我覓物酬他。仰云。只怪和尚把大家底行人事。師云。汝不見達摩大師從西天來此土。亦將此物來。人事。汝諸人盡是受他信物者。師問道。吾甚處去來。吾云。看病來。師云。有幾人病。吾云。有病底。有不病底。師云。不病底。莫是智頭陀否。吾云。病與不病。總不干他事。急道。急道。師云。道得也。與他没交涉。師因僧問。如何是祖師西來意。師豎起拂子。後僧遇王常侍。

侍問。瀉山近日有何言句。僧舉前話。侍云。彼中兄弟如何商量。僧云。借色明心。附物顯理。侍云。不是這個道理。上座快回去好。某甲敢寄一書到和尚。僧得書。遂回持上師。拆開見畫一圓相。內寫個日字。師云。誰知千里外有個知音。仰山侍次乃云。雖然如是也。祇是個俗漢。師云。子又作麼生。仰卻畫一圓相於中書日字以腳抹。師乃大笑。師坐次。仰山問和尚百年後有人問先師法道如何。祇對。師曰。一粥一飯。曰。面前有人不肯。又作麼生。師曰。作家師僧。仰便禮拜。師曰。逢人不得錯舉。師問仰山。終日與子商量。

成得個甚麼邊事。仰空中畫一畫。師曰。若不是吾。終被子
惑。師問僧甚處來。曰。西京來。師曰。還得西京主人公書
來麼。曰。不敢妄通消息。師曰。作家師僧。天然猶在。曰。殘羹
餽飯。誰人喫之。師曰。獨有闍黎不喫。僧作嘔吐勢。師曰。扶
出這病僧著。僧便出去。石霜會下有二禪客到。云此間
無一人會禪。後普請搬柴。仰山見二禪客歇。將一橛柴問
曰。還道得麼。俱無對。仰曰。莫道無人會禪好。仰歸舉似師。
曰。今日二禪客被慧寂勘破。師曰。甚麼處被子勘破。仰舉
前話。師曰。寂子又被吾勘破。上堂。老僧百年後。向山下

作一頭水牯牛。左脇下書五字。曰瀉山僧某甲。當恁麼時。
喚作瀉山僧。又是水牯牛。喚作水牯牛。又是瀉山僧。畢竟
喚作甚麼。即得。仰山出。禮拜而退。雲居膺代云。師無異號。資福寶曰。當時但作此。
○相拓呈之。新羅和尚作此。又曰。相拓呈之。又曰。同道者方知。芭蕉徹作此。又曰。相拓呈之。又曰。同道者方知。也。悟取好。乃述偈曰。不是瀉山不是牛。一身兩號實難酬。離卻兩頭應須道。如何道得出常流。師敷揚
宗教。凡四十餘年。達者不可勝數。大中七年正月九日。盥
漱數座。怡然而寂。壽八十三。臘六十四。塔於本山。諡大圓
禪師。

潭州道吾山宗智禪師。豫章海昏張氏子。幼依槃和尚受教。

旨司錄

卷十二 道吾智

原^青登戒。預藥山法會。密契心印。一日山問子去何處來。師曰。

遊山來。山曰。不離此室。速道將來。師曰。山上烏兒頭似雪。

澗底遊魚忙不徹。

見南泉異類中行語見南泉章中

藥山上堂。我有一

句子。未曾說向人。師出曰。相隨來也。僧問藥山一句子如

何說。山曰。非言說。師曰。早言說了也。師一日提笠出雲

巖。指笠曰。用這個作甚麼。師曰。有用處。巖曰。忽遇黑風猛

雨來時如何。師曰。蓋覆著。巖曰。他還受蓋覆麼。師曰。然雖

如是。且無滲漏。瀉山問雲巖。菩提以何爲座。巖曰。以無

爲爲座。巖卻問瀉山。山曰。以諸法空爲座。又問師。作麼生。

旨司錄

卷十二 山宗 留

三

師曰。坐也聽伊坐。臥也聽伊臥。有一人不坐不臥。速道速道。山休去。僧問。如何是今時著力處。師曰。千人萬人喚。不回頭。方有少分相應。曰。忽如火起時如何。師曰。能燒大地。師卻問僧。除卻星與燄。那個是火。曰。不是火。別一僧卻問師。還見火麼。師曰。見。曰。見從何起。師曰。除卻行住坐臥。別請一問。頌古云。瀋山一日見野火。乃問師。還見火麼。師曰。見。山曰。從何處起。師曰。除卻經行坐臥。請師別致一問。來。山休去。雲巖問師。弟家風。近日如何。師曰。教師兄指點。堪作甚麼。巖曰。無這個來多少時也。師曰。牙根猶帶生澀在。師指佛桑花問僧曰。這個何似那個。曰。直得寒毛。

卓豎。師曰。畢竟如何。曰。道吾門下底。師曰。十里大王。僧問。久嚮和尚會禪。是否。師曰。蒼天蒼天。僧近前掩卻師口。云。低聲低聲。師遂與一掌。僧云。蒼天蒼天。師云。得與麼無理。僧卻與師一掌。拂袖便出。師云。早知如是。悔不如是。雲巖不安。師乃謂曰。離此殼漏子。向甚麼處相見。巖曰。不生不滅處相見。師曰。何不道非不生不滅處。亦不求相見。雲巖臨遷化。遣書辭師。師覽書。了謂洞山密師伯曰。雲巖不知有我。悔當時不向伊道。雖然如是。要且不違藥山之子。予覺云。古人怎麼道。還知有也未。又云。雲巖當時不會。且道甚麼處是伊不會處。石霜問。和尚一片骨。敲著似銅鳴。向甚麼處去也。師喚侍者。者應諾。

師曰。驢年去。唐大和九年九月示疾。有苦僧眾慰問體候。師曰。有受非償。子知之乎。眾皆愀然。越十日將行。謂眾曰。吾當西邁。理無東移。言訖告寂。闍維得靈骨數片。建塔道吾。後雷遷於石霜山之陽。

潭州雲巖曇晟禪師。鍾陵建昌王氏子。

高僧傳。生有自然胎衣。右袒猶緇服。少

出家於石門。參百丈海禪師。二十年。因緣不契。後造藥山。山問甚處來。曰。百丈來。山曰。百丈有何言句。示徒。師曰。尋常道我有一句子。百味具足。山曰。鹹則鹹味。淡則淡味。不鹹不淡。是常味。作麼生。是百味具足底句。師無對。山曰。爭

奈目前生死何。師曰：目前無生死。山曰：在百丈多少時。師曰：二十年。山曰：二十年在百丈，俗氣也不除。他日侍立次，山又問百丈更說甚麼法。師曰：有時道三句外省去，六句內會取。山曰：三千里外，且喜沒交涉。山又問更說甚麼法。師曰：有時上堂，大眾立定，以拄杖一時趯散。復召大眾，眾回首。丈曰：是甚麼。山曰：何不早恁麼道。今日因子得見海兄。師於言下頓省，便禮拜。一日山問：汝除在百丈，更到甚麼處來。師曰：曾到廣南來。曰：見說廣州城東門外有一片石，被州主移去，是否。師曰：非但州主闔國人移亦不動。

山又問。聞汝解弄師子。是否。師曰。是。曰。弄得幾出。師曰。弄得六出。曰。我亦弄得。師曰。和尚弄得幾出。曰。我弄得一出。師曰。一卽六。六卽一。後到瀉山。瀉問承聞長老在藥山弄師子。是否。師曰。是。曰。長弄。有置時。師曰。要弄。卽弄。要置。卽置。曰。置時。師子在甚麼處。師曰。置也。置也。師煎茶次。道吾問煎與阿誰。師曰。有一人要。曰。何不教伊自煎。師曰。幸有某甲在。師問石霜甚麼處來。曰。瀉山來。師曰。在彼中得多少時。曰。粗經冬夏。師曰。若恁麼。卽成山長也。曰。雖在彼中。卻不知。師曰。他家亦非。知非識。石霜無對。道吾聞云。得恁麼無。

佛法身心

住後僧問二十年在百丈巾瓶爲甚麼心燈不續

師曰頭上寶華冠曰意旨如何師曰大唐天子及冥王後僧

舉問九峯虔曰大唐天子及冥王意旨如何虔曰卻憶洞上之言

上堂示眾曰有個人

家兒子問著無有道不得底洞山出問曰他屋裏有多少

典籍師曰一字也無曰爭得恁麼多知師曰日夜不曾眠

山曰問一段事還得否師曰道得卻不道問僧甚麼來

曰添香來師曰還見佛否曰見師曰甚麼處見曰下界見

師曰古佛古佛道吾問大悲千手眼那個是正眼師曰

如人夜間背手摸枕子吾曰我會也師曰作麼生會吾曰

徧身是手眼。師曰：道也太煞道。祇道得八成。吾曰：師兄作

麼生。師曰：通身是手眼。

雪竇顯頌云：徧身是通身是。拈來猶較十萬里。展翅鵬騰六合雲。搏

風鼓蕩四溟水。是何埃壒兮忽生。那個毫釐兮未止。君不見網珠垂範影重重。棒頭手眼從何起。咄。掃地

次。道吾曰：太區區生。師曰：須知有不區區者。吾曰：恁麼則

有第二月也。師豎起掃帚曰：是第幾月。吾便行。

名沙備云：正是第二

月。長慶稜間名沙云：被他倒轉掃帚攔面搥。又作麼生。沙

休去。羅山閑云：噫。兩個漢不識好惡。雲巖個漢縛手腳

死來多少時也。雲門云：奴見婢殷勤。真如云：將勤補

拙。正法眼藏舉此則語及名沙雲門真如三師語云：此

三句語一句可以定乾坤。一句可以驗衲僧。一句可以接

初機。諸人還揀辨得麼。若揀辨得出。許汝親見慧光。若辨

不出。莫道慧光山勢。問僧甚處來。曰：石上語話來。師曰：

險。隔江遙望碧雲間。

石還點頭也。無僧無對。師自代曰。未語話時卻點頭。師作草鞋次。洞山近前曰。乞師眼睛得麼。師曰。汝底與阿誰去也。曰。良价無師。曰。設有汝向甚麼處著。山無語。師曰。乞眼睛底是眼否。山曰。非眼。師便喝出。僧問。一念瞥起。便落魔界時如何。師曰。汝因甚麼。卻從佛界來。僧無對。師曰。會麼。曰。不會。師曰。莫道體不得。設使體得也。祇是左之右之。院主遊石室。回師問汝去入到石室裏許。爲祇恁麼便回。主無對。洞山代曰。被中已有人占了也。師曰。汝更去作甚麼。山曰。不可人情斷絕去也。裴大夫問僧。供養佛。

佛還喫否。僧曰：如大夫祭家神，大夫舉似師。師曰：有幾般飯食。但一時下來，師卻問神山。一時下來後，作麼生。神山曰：合取鉢盂。師然之。會昌元年辛酉十月二十六日示疾。命澡身竟，喚主事令備齋。來日有上座發去。至二十七夜歸寂。茶毘得舍利一千餘粒。瘞於石塔。

秀州華亭船子德誠禪師。節操高邈，度量不羣。自印心於藥山，與道吾雲巖爲同道交。泊離藥山，乃謂二同志曰：公等應各據一方，建立藥山宗旨。子率性疎野，惟好山水，樂情自遣，無所能也。他日後知我所止之處，若遇靈利座主，指

一人來。或堪雕琢。將授生。平所得以報先師之恩。遂分攜至秀州華亭。泛一小舟。隨緣度日。以接四方往來之眾。時人莫知其高蹈。因號船子和尚。一日泊船岸邊。閑坐。有官人問如何。是和尚。日用事。師豎橈子曰。會麼。官人曰。不會。師曰。棹撥清波。金鱗罕遇。道吾後到京口。遇夾山上堂。僧問如何。是法身。山曰。法身無相。曰。如何。是法眼。山曰。法眼無瑕。道吾不覺失笑。山便下座。請問道吾。某甲適來祇對這僧話。必有不是。致令上座失笑。望上座不吝慈悲。吾曰。和尚一等是出世。未有師在。山曰。某甲甚處不是。望爲說。

破。吾曰某甲終不說請和尚卻往華亭船子處去。山曰此人如何。吾曰此人上無片瓦下無卓錫和尚若去須易服而往。山乃散眾束裝直造華亭。船子纔見便問大德住甚麼寺。山曰寺卽不住住卽不似。師曰不似似個甚麼。山曰不是目前法。師曰甚處學得來。山曰非耳目之所到。師曰一句合頭語萬劫繫驢橛。師又問垂絲千尺意在深潭離鈎三寸子何不道。山擬開口被師一橈打落水中。山纔上船師又曰道道。山擬開口師又打。山豁然大悟乃點頭三下。師曰竿頭絲線從君弄不犯清波意自殊。山遂問拋綸

擲釣師意如。何師曰。絲懸綠水。浮定有無之意。山曰。語帶
 平而無路。舌頭談而不談。師曰。釣盡江波。金鱗始遇。山乃
 掩耳。師曰。如是如是。遂囑曰。汝向去直須藏身處。沒蹤跡。
 沒蹤跡處。莫藏身。吾三十年在藥山。祇明斯事。汝今已得。
 他後莫住城隍聚落。但向深山裏。鑿頭邊。覓取一個半個。
 接續。無令斷絕。山乃辭行。頻頻回顧。師遂喚闍黎。山乃回
 首。師豎起橈子曰。汝將謂別有。乃覆船入水而逝。芙蓉楷
者理妙言。平頭超終始之患。諸仁者莫是幻身外別有法
 身麼。莫是幻身便是法身麼。若也恁麼會去。盡是依他作
 解。明昧兩歧。法眼未得通明。不見僧問夾山如何。是法身
 山云。法身無相。如何是法眼。山云。法眼無瑕。所以道。吾云

未有師在忽有人問老僧如何是法身半便乾處臥如何
是法眼驢便濕處尿更有人問作麼生是法身買帽相頭
作麼生是法眼坑坎堆阜若點檢將來夾山祇是學處不
明如流俗閨裏物不能捨卻致使情關固閉識鎖難開
老僧今日若不當陽顯示後學難以知歸勸汝諸人不用
求真惟須息見諸見若息昏霧不生自然智鑑洞明更無
他物諸仁者還會麼良久云珠中有火君須信休向天邊
問太陽洪覺範曰嗟乎於今叢林師授弟子例皆禁絕
悟解推去乎妙惟要直問直答無則始終言無有則始終
言有毫釐差互謂之狂解使船子聞之豈止萬劫繫驢極
而已哉由此觀之非特不善悟要亦不善疑也善疑者必
思三十三祖授法之際悟道之緣其語言具在皆可以理
究可以智知獨江西石頭而下諸大宗師以機用應物觀
其問答溟滓然令人坐睡其道異諸祖耶則嗣其法其不
異耶則所言乃爾不同故知臨濟大師曰大凡舉論宗乘
一句中具三乎一乎中具三要有乎有要者蓋明此也不
知者指爲門庭建立權時語言可悲也頌古云山旣得
法于船子歸道吾復遣僧往問如何是法身山仍曰法身

無相問法眼如何亦仍曰法眼無碍
僧歸舉似吾吾曰這漢此同方徹

宣州棹樹慧省禪師。道吾來相看。值師臥次。吾乃近前將被
蓋覆。師問作麼。吾云蓋覆。師曰坐是臥是。吾云不在兩頭。
師曰爭奈蓋覆何。吾便喝。

鄂州百巖明哲禪師。洞山與密師伯到叅師。問二上座甚處
來。山曰湖南。師曰觀察使姓甚麼。曰不得姓。師曰名甚麼。
曰不得名。師曰還治事也無。曰自有郎幕在。師曰還出入
也無。曰不出入。師曰豈不出入。山拂袖便出。師次早入堂。
召二上座曰。昨日老僧對闍黎一轉語不相契。一夜不安。

今請闍黎別下一轉語。若愜老僧意，便開粥相伴過夏。山曰：請和尚問。師曰：豈不出入？山曰：太尊貴。生師乃開粥同共過夏。

昭覺勤云：當時待他道不委他名，便向伊道：他不委你，你不委他，敢問合道得甚麼語。

澧州高沙彌初叅藥山，山問甚處來。師曰：南嶽來。山曰：何處去？師曰：江陵受戒去。山曰：受戒圖甚麼？師曰：圖免生死。山曰：有一人不受戒，亦無生死，可免汝還知否？師曰：恁麼則佛戒何用？山曰：這沙彌猶挂唇齒在師。禮拜而退。道吾來侍立。山曰：適來有個跛腳沙彌，卻有些子氣息。吾曰：未可全信，更須勘過始得。至晚山上堂，召曰：早來沙彌在甚麼處？

處師出眾立山問我聞長安甚鬧。你還知否。師曰。我國晏然。山曰。汝從看經得。請益得。師曰。不從看經得。亦不從請益得。山曰。大有人不看經。不請益。爲甚麼不得。師曰。不道他不得。祇是不肯承當。山顧道吾雲巖曰。不信道。師一日辭藥山。山問甚麼處去。師曰。某甲在眾有妨。且往路邊卓個草菴。接待往來茶湯去。山曰。生死事大。何不受戒去。師曰。知是般事。便休。更喚甚麼作戒。山曰。汝旣如是。不得離吾左右。時復要與子相見。師住菴後。一日歸來。值雨。山曰。你來也。師曰。是。山曰。可煞濕。師曰。不打這個鼓笛雲。

巖曰。皮也無打。是麼鼓道。吾曰。鼓也無打。甚麼皮。山曰。今日大好一場曲調。山齋時。自打鼓。師捧鉢作舞入堂。山便擲下鼓。槌曰。是第幾和。師曰。是第二和。山曰。如何是第一和。師就桶盂一杓飯便出。

京兆府翠微無學禪師。初問丹霞。如何是諸佛師。霞咄曰。幸自可憐生。須要執巾帚作麼。師退身三步。霞曰。錯。師進前。霞曰。錯。錯。師翹一足。旋身一轉而出。霞曰。得。卽得。孤他諸佛師。由是領旨。住後。投子問。未審二祖初見達摩。有何所得。師曰。汝今見吾。復何所得。投子頗悟。予旨。一日師

在法堂內行投子進前接禮問曰西來密旨和尚如何示人師駐步少時子曰乞師垂示師曰更要第二杓惡水那子便禮謝師曰莫躲根子曰時至根苗自生師因供養羅漢僧問丹霞燒木佛和尚爲甚麼供養羅漢師曰燒也不燒著供養亦一任供養曰供養羅漢羅漢還來也無師曰汝每日還喫飯麼僧無語師曰少有靈利的

吉州孝義寺性空禪師丁行者看師師打一棒云瞎卻汝本來眼也丁云非但今日古人亦行此令師云誰向汝道古今丁拂袖便出師云青天白日有迷路人丁云莫要指示

麼。師便打。丁云。莫瞎卻人眼好。師云。瞎卻俗人眼。有甚麼過。

仙天禪師。僧叅。纔展坐具。師曰。不用通時暄。還我文彩未生時道理來。曰。某甲有口。瘕卻卽閑。苦死覓個臘月。扇子作麼。師拈棒作打勢。僧把住曰。還我未拈棒時道理。師曰。隨我者。隨之。南北不隨我者。死住東西。曰。隨與不隨。且置。請師指出東西南北。師便打。披雲和尚來。纔入方丈。師便問。未見東越老人時。作麼生爲物。雲曰。祇見雲生碧嶂。焉知月落寒潭。師曰。祇與麼也。難得。曰。莫是未見時麼。師便

喝雲展兩手。師曰。錯怪人者有甚麼眼。雲掩耳而出。師曰。死卻這漢平生也。

漳州三平義忠禪師。初叅石鞏。鞏常張弓架箭接機。師詣法席。鞏曰。看箭。師乃撥開胸曰。此是殺人箭。活人箭又作麼生。鞏彈弓弦三下。師乃禮拜。鞏曰。三十年張弓架箭。祇射得半個聖人。遂拘折弓箭。後叅大顛。舉前話。顛曰。既是活人箭。爲甚麼向弓弦上辨。師無對。顛曰。三十年後。要人舉此話也。難得。師問大顛。不用指東劃西。便請直指。顛曰。幽州江口石人蹲。師曰。猶是指東劃西。顛曰。若是鳳凰兒。不

向那邊討。師作禮。顛曰。若不得後句。前話也難圓。

馬頰山本空禪師上堂。祇這施爲動轉。還合得本來祖翁麼。若合得。十二時中。無虛棄底道理。若合不得。喫茶說話。往往喚作茶話。在僧便問。如何免得。不成茶話去。師曰。你識得口也未。曰。如何是口。師曰。兩片皮也不識。曰。如何是本來祖翁。師曰。大眾前不要牽爺恃孃。曰。大眾欣然去也。師曰。你試點大眾性看。僧作禮。師曰。伊往往道一性一切性。在僧欲進語。師曰。孤負平生行腳眼。問去卻卽今言句。請師直指本來性。師曰。你迷源來得多少時。曰。卽今蒙和。

尚指示師曰。若指示你。我卽迷源。曰。如何卽是。師示頌曰。
心是性體。性是心用。心性一如。誰別誰共。妄外迷源。祇者
難洞。古今凡聖。如幻如夢。佛鑑云。問。不徒然答。無虛設。纔
收有放。其奈錯下名言。山僧重爲別過。乃有偈曰。心本非
心性。本非性。心性兩亡。誰少誰剩。老倒本空。灼艾求病。妄
外迷源。孤負凡聖。

本生禪師拈拄杖示眾曰。我若拈起。你便向未拈起時作道
理。我若不拈起。你便向拈起時作主宰。且道老僧爲人在
甚麼處。時有僧出曰。不敢妄生節目。師曰。也知闍黎不分
外。曰。低低處平之有餘。高高處觀之不足。師曰。節目上更

生節目。僧無語。師曰。掩鼻偷香。空招罪犯。

潭州石室善道禪師。作沙彌時。長髭遣令受戒。謂之曰。汝回日。須到石頭和尚處禮拜。師受戒後。乃叅石頭。一日隨頭遊山次。頭曰。汝與我斫卻面前樹子。免礙我。師曰。不將刀來。頭乃抽刀倒與。師曰。何不過那頭來。頭曰。你用那頭作甚麼。師即大悟。便歸長髭。髭問汝到石頭否。師曰。到即到。祇是不通號。髭曰。從誰受戒。師曰。不依他。髭曰。在彼即恁麼來。我這裏作麼生。師曰。不違背。髭曰。太忒忒生。師曰。舌頭未曾點著在。髭喝曰。沙彌出去。師便出。髭曰。爭得不遇。

於人。師尋值沙汰。乃作行者。居於石室。每見僧。便豎起杖子。曰。三世諸佛。盡由這個。對者少得冥契。長沙聞。乃曰。我若見。令放下拄杖。別通個消息。三聖將此語祇對。被師認破。是長沙語。杏山聞。三聖失機。乃親到石室。師見杏山僧眾相隨。潛入碓坊碓米。杏曰。行者接待不易。貧道難消。杏師曰。開心。碗子盛將來。無蓋盤子合取去。說甚麼難消。杏便休。仰山問。佛之與道。相去幾何。師曰。道如展手。佛似握拳。曰。畢竟如何。的當可信可依。師以手撥空。三下曰。無恁麼事。無恁麼事。曰。還假看教否。師曰。三乘十二分教。是

分外事。若與他作對。卽是心境兩法。能所雙行。便有種種見解。亦是狂慧。未足爲道。若不與他作對。一事也無。所以祖師道。本來無一物。汝不見小兒出胎時。可道我解看教。不解看教。當恁麼時。亦不知有佛性義。無佛性義。及至長大。便學種種知解出來。便道我能我解。不知總是客塵煩惱。十六行中。嬰兒行爲最。哆哆和和時。喻學道之人。離分別取捨心。故讚歎嬰兒。可況喻取之。若謂嬰兒是道。今時人錯會。師一日與仰山翫月。山問。這個月。尖時。圓相。甚麼處去。圓時。尖相。又甚麼處去。師曰。尖時。圓相。隱。圓時。尖

相在。

雲巖云尖時圓相在圓時無尖相道吾云尖時亦不尖圓時亦不圓

澧州龍潭崇信禪師渚宮人也。其家賣餅。師少而英異。初悟

天皇和尚爲靈鑒。潛請居天皇寺。人莫之測。師家于寺巷。常日

以十餅饋之。天皇受之。每食畢。常畱一餅曰。吾惠汝以蔭

子孫。師一日自念曰。餅是我持去。何以返貽我耶。其別有

旨乎。遂造而問焉。皇曰。是汝持來。復汝何咎。師聞之。頗曉

宗旨。因投出家。皇曰。汝昔崇福善。今信吾言。可名崇信。由

是服勤左右。一日問曰。某自到來。不蒙指示心要。皇曰。自

汝到來。吾未嘗不指汝心要。師曰。何處指示。皇曰。汝擎茶

來吾爲汝接。汝行食來。吾爲汝受。汝和南時。吾便低頭。何處不指示心要。師低頭良久。皇曰。見則直下便見。擬思卽差。師當下開解。復問如何。保任。皇曰。任性逍遙。隨緣放曠。但盡凡心。別無聖解。師後詣澧陽龍潭。栖止。僧問。髻中珠誰人得。師曰。不賞翫者。得曰。安著何處。師曰。有處卽道來。有尼問。如何得爲僧去。師曰。作足來多少時也。曰。還有爲僧時也。無。師曰。汝卽今是甚麼。曰。現是尼身。何得不識。師曰。誰識汝。李翱刺史問。如何是真如般若。師曰。我無真如般若。李曰。幸遇和尚。師曰。此猶是分外之言。

指月錄卷之十二終

指月錄卷之十三

六祖下第五世

陳睦州尊宿。諱道明。江南陳氏之後也。生時紅光滿室。祥雲
嶽南蓋空。旬日方散。目有重瞳。面列七星。形相奇特。秀出人表。
因往開元寺禮佛。見僧如故知歸。白父母願求出家。父母
聽許。爲僧後。持戒精嚴。學通三藏。遊方契旨於黃檗。諸方
歸慕。咸以尊宿稱。後居開元。恆織蒲鞋。資以養母。故復有
陳蒲鞋之稱。巢寇入境。師標大草屨於城門。巢欲棄之。竭
力不能舉。歎曰。睦州有大聖人。舍城而去。一日晚。叅謂

眾曰。汝等諸人。還得個入頭處也。未若未得個入頭處。須覓個入頭處。若得個入頭處。已後不得孤負老僧。時有僧出禮拜曰。某甲終不敢孤負和尚。師曰。早是孤負我了也。又曰。明明向你道。尙自不會。何況蓋覆將來。又曰。老僧在此住持。不會見個無事人到來。汝等何不近前。時有一僧方近前。師曰。維那不在。汝自領去。三門外與二十棒。曰。某甲過在甚麼處。師曰。枷上更著杻。師尋常見衲僧來。卽閉門。或見講僧。乃召曰。座主。主應諾。師曰。擔板漢。雪云。睦州只具一隻眼。何故。這僧喚旣回頭。因甚。卻成擔板。

師見僧。乃曰。見成公案。放

旨司錄

第三十三娘

二

汝三十棒。曰某甲如是。師曰。三門頭金剛爲甚麼舉拳。曰。金剛尙乃如是。師便打。正法眼藏陸州見僧來云現成公道還有過也無密云作賊人心虛妙喜曰又添得一個道了問冲密你道我恁麼座主叅師問。莫是講唯識論否。曰不敢。師曰。朝去西天暮歸唐土。會麼。曰不會。師曰。吽吽。五戒不持。問僧近離甚處。曰。仰山。師曰。五戒也不持。曰。某甲甚麼處是妄語。師曰。這裏不著沙彌。紫衣大德到禮拜。師拈帽子帶問曰。這個喚作甚麼。曰。朝天帽。師曰。恁麼則老僧不卸也。復問所習何業。曰。惟識。師曰。作麼生說。曰。三界惟心。萬法惟識。師指

門扇曰。這個是甚麼。曰。是色法。師曰。簾前賜紫。對御談經。何得不持五戒。德無對。問僧正云。講得惟識論麼。正云。不敢。小年曾讀文字來。師拈起糖餅。擘作兩片云。你作麼生。正無語。師云。喚作糖餅。是不喚作糖餅。是。正云。不可不喚作糖餅。師卻喚沙彌來來。你喚作甚麼。彌云。糖餅。師云。你也講得惟識論。徑山杲云。僧正與沙彌。真實講得惟識論。只是不知糖餅來處。睦州老人。雖是一方善知識。若是三界惟萬法。惟識畢竟理會不得。問如何是曹溪的的意。師曰。老僧愛瞋。不愛喜。曰。爲甚麼如是。師曰。路逢劍客須呈劍。不是詩人莫獻詩。師問武陵長老了。卽毛端吞巨海。

始知大地一微塵。長老作麼生。曰。問阿誰。師曰。問長老。曰。何不領話。師曰。汝不領話。我不領話。雪竇拈云。墮也。墮也。復云。這個葛藤。老漢好與割斷拈拄杖。云甚麼處去也。問一句道盡時如何。師曰。義墮也。曰。

甚麼處是學人義墮處。師曰。三十棒教誰喫。問某甲講兼行腳。不會教意時如何。師曰。灼然實語當。懺悔曰。乞師指示。師曰。汝若不問。老僧卽緘口無言。汝旣問。老僧不可緘口去也。曰。請師便道。師曰。心不負人。面無慙色。問僧甚處來。僧云。那邊劄。師曰。老僧屈。僧云。和尚卽得。師曰。擔枷過狀。擗脊便打。雲峰悅云。睦州何用繁詞。那邊劄。擗脊便打。問高揖釋迦。

不拜彌勒時如何。師曰：昨日有人問，趯出了也。曰：和尚恐某甲不實那。師曰：拄杖不在。茗帚柄聊與三十。問：如何是觸途無滯底句。師曰：我不恁麼道。曰：師作麼生道。師曰：箭過西天十萬里，卻向大唐國裏等候。有僧名宗闡來叅。云：宗闡咨和尚。師云：住。僧便住。師咄云：名也不識。又云：有闡卽判。快道快道。僧無對。新到叅。方禮拜。師叱曰：闡黎因何偷常住果子喫。曰：學人纔到，和尚爲甚麼道偷果子。師曰：賊物現在。問僧幾人新到。云：五人。師云：五解水。消僧云：和尚未曾有問。師云：賊把賊爲驗。問講金剛經。

僧荷擔如來卽不問。你寺門前金剛。爲甚麼入你鼻孔裏。
僧云。和尚甚麼說話。師云。你講得夢裏。問僧何處來。云。
靈山來。師云。涅槃是第幾座。僧無對。師又問。迦葉甚麼處。
去。僧云。不知。師云。脫空妄語漢。問僧甚麼處來。云。靈山。
來。師云。近日打殺一門僧。是否。僧無語。師云。這個蝦蟆。
問寺門前金剛。拓卽乾坤大地。不拓卽絲髮不逢時。如何。
師曰。咩咩。我不曾見此。師卻問。先跳三千。倒退八百。你合。
作麼生。曰。諾。師曰。先責一紙罪狀。好便打。其僧擬出。師曰。
來我共你葛藤拓。卽乾坤大地。你且道。洞庭湖水深多少。

曰。不會量度。師曰。洞庭湖又作麼生。曰。祇爲今時。師曰。祇這葛藤。尙不會便打。僧叅。師曰。汝是新到否。曰。是。師曰。且放下葛藤。會麼。曰。不會。師曰。擔枷陳狀。自領出去。僧便出。師曰。來來。我實問你甚處來。曰。江西。師曰。泐潭和尚在。汝背後怕你亂道。見麼。僧無對。師聞。一老宿難親。近躬往相訪。纔入。方丈宿便喝。師側掌曰。兩重公案。宿曰。過在甚麼處。師曰。這野狐精。便退。問僧近離甚處。僧便喝。師曰。老僧被你一喝。僧又喝。師曰。三喝四喝後。作麼生。僧無語。師便打曰。這掠虛漢。問教意祖意。是同是別。師曰。青

山自青山。白雲自白雲。曰。如何是青山。師曰。還我一滴雨來。曰。道不得。請師道。師曰。法華鋒前陣涅槃句。後收。有僧又問巴陵教意。祖意是同是別。陵云。雞寒上樹。鴈寒下水。雪竇拈云。問。既一般。答亦相似。其中利他。自利。瞞人。自瞞。若人點檢分明。管取解空第一。問。如何是展演之言。師曰。量才補職。曰。如何是不展演之言。師曰。伏惟尙饗。上堂。裂開也在我。捏聚也在我。時有僧問。如何是裂開。師曰。三九二十七。菩提涅槃。真如解脫。卽心卽佛。我且與麼道。你又作麼生。曰。某甲不與麼道。師曰。蓋子撲落地。碟子成七片。曰。如何是捏聚。師乃斂手而坐。雲峰悅云。相罵饒汝。接嘴。相唾饒汝。潑水。問。以一重去。

一重卽不問。不以一重去一重時如何。師曰。昨朝栽茄子。

今日種冬瓜。僧問。一氣還轉得一大藏教也無。師曰。有。

甚麼鐸鑼鎚子。快下將來。妙喜曰。五更侵早起。更有夜行人。陞座云。首。

座。響答云。在。寺主響答云。在。維那響答云。在。師云。三段不。

同。今當第一。向下文長。付在來日。下座。示眾。大事未明。

如喪考妣。大事旣明。如喪考妣。僧問。青峰楚。大事已明。爲甚麼亦如喪考妣。楚云。不

得春風花不開。及至花開又吹落。示眾。我見百丈不識好惡。大眾纔集。

以拄杖一時打下。復召大眾。眾回首。乃云。是甚麼。有甚共。

語處。又黃檗和尚亦然。復召大眾。眾回首。乃曰。月似彎弓。

少雨多風。猶較些子。師臨終。召門人曰。此處緣息。吾當逝矣。乃趺趺而寂。郡人以香薪焚之。舍利如雨。乃收靈骨。建塔於寺。壽九十八。臘七十六。

福州烏石山靈觀禪師。尋常扃戶。人罕見之。一日。雪峰伺便扣門。師開門。峰驀胸搗住曰。是凡是聖。師唾曰。這野狐精。便推出。閉卻門。峰曰。也祇要識老兄。雪峰至。敲門。師曰。誰峰。云。鳳皇兒。師云。作甚麼。峰云。來啗老鸛。師便開門。扭住云。道道峰。擬議。師便托開。閉卻門。峰住後。示眾云。我當時若入得老觀門。你這一隊。噇酒糟漢。向甚處摸索。曹

山行脚時問如何是毘盧師法身主。師曰。我若向你道。卽別有也。曹山舉似洞山。山曰。好個話頭。祇欠進語。何不問爲甚麼不道。曹卻來進前語。師曰。若言我不道。卽癡卻我。口若言我道。卽謬卻我。舌曹山歸舉似洞山。山深肯之。

益州大隨法真禪師。妙齡夙悟。徧叅知識。次至大滬會下。數載。食不至充。臥不求煖。清苦鍊行。滬深器之。一日問曰。闍黎在老僧此間。不曾問一轉話。師曰。教某甲向甚麼處下口。滬曰。何不道如何是佛。師便作手勢掩滬口。滬歎曰。子真得其髓。僧問路逢古佛時如何。師曰。你忽逢驢駝象。

馬喚作甚麼。僧問劫火洞然。大千俱壞。未審這個壞不壞。師曰。壞。曰。怎麼則隨他去也。師曰。隨他去。僧不肯。後到投子。舉前話。子遂裝香遙禮曰。西川古佛出世。謂其僧曰。汝速回去懺悔。僧回大隨。師已歿。僧再至投子。子亦遷化。後僧問修山主。劫火洞然。大千俱壞。未審這個壞不壞。主曰。不壞。僧曰。爲甚麼不壞。主曰。爲同大千甚處去。曰。西山住菴去。師曰。我向東山頭喚汝。汝便來得麼。曰。不然。師曰。汝住菴未得。問僧甚處去。曰。峨嵋禮普賢去。師舉拂子曰。文殊普賢。總在這裏。僧作圓相。拋向後。乃禮拜。師喚侍者。取一帖茶與這僧。因燒畚次。見一蛇。

以杖挑向火中。咄云。這個形骸。猶自不放捨。你向這裏死。如暗得燈。時有僧問。正當恁麼時。還有罪也無。師曰。石虎叫時。山谷響。木人吼處。鐵牛驚。菴側有一龜。僧問。一切眾生皮裹骨。這個眾生爲甚骨裹皮。師拈草履覆龜背上。僧無語。白雲端頌云。分明皮上骨團團。卦畫重重更可觀。拈起草鞋都蓋了。大隨卻被這僧瞞。佛燈珣頌云。法不孤起。伏境方生。烏龜不解上壁。草鞋隨人脚行。有僧舉覆龜話。問南臺圓。圓以手反覆示之。僧不薦。復請益寶峰文。文以偈示曰。少室之妙訣。隨根而密付。大隨曾泄機。南臺亦失護。翻手與覆手。脫履著龜處。明明言外傳。信何有古今。擲金鐘。輓鐵鼓。水東流。日西去。蜀主賜師紫衣。師號。并遣內侍朱延溥奉侍。三致三卻。忽一日上堂。眾集定。乃作患風勢。

告眾曰。還有人醫得老僧口麼。眾競送藥。師并不受。經七日。師自搥口令正。復云。如許多時鼓這兩片皮。至今無人醫得。於是齋前陞座。辭眾。儼然端坐告寂。

福州靈雲志勤禪師。本州長谿人也。初在瀉山。因見桃花悟道。有偈曰。三十年來尋劍客。幾回落葉又抽枝。自從一見桃花後。直至如今更不疑。瀉覽偈。詰其所悟。與之符契。囑曰。從緣悟達。永無退失。善自護持。有僧舉似。沙云。諦當甚諦當。敢保老兄未徹在。眾疑此語。沙問地藏。我恁麼道。汝作麼生會。藏云。不是。桂琛卽走役天下人。妙喜曰。一家有事。百家忙。又頌云。沙語打破鬼門關。日輪正當午。一箭中紅心。大地無寸土。寂音曰。古之人有大機智。故能遇緣卽宗。隨處作

主巖頭和尚曰。汝但識綱宗。本無實法。予嘗與客論靈雲桃花偈。因曰。馮山老子。無大人相。便云。從緣入者。永無退失。獨予沙日。諦當甚。諦當敢保老兄。未徹在。客問予。未徹之處。安在哉。爲作偈曰。靈雲一見不再見。紅白枝枝不著花。耐釣魚船上客。住後上堂。諸仁者。所有長短。盡至卻來平地。攙魚蝦。

不常。且觀四時草木。葉落。花開。何況塵劫來。天人七趣。地水火風。成壞輪轉。因果將盡。三惡道苦。毛髮不會添減。惟根蒂神識常存。上根者。遇善友。仲明當處解脫。便是道場。中下愚癡。不能覺照。沉迷三界。流轉生死。釋尊爲伊。天上人間。設教證明。顯發智道。汝等還會麼。僧問。如何得出離生老病死。師曰。青山元不動。浮雲任去來。長生問混沌。

未分時。含生何來。師曰。如露柱懷胎。曰。分後如何。師曰。如片雲點太清。曰。未審太清還受點也無。師不答。曰。恁麼則含生不來也。師亦不答。曰。直得純清絕點時如何。師曰。猶是真常流注。曰。如何是真常流注。師曰。似鏡長明。曰。向上更有事也無。師曰。有。曰。如何是向上事。師曰。打破鏡來與汝相見。

洪州新興嚴陽尊者。初叅趙州。問。一物不將來時如何。州曰。放下著。師曰。既是一物。不將來。放下個甚麼。州曰。放不下。擔取去。師於言下大悟。後常有一蛇一虎隨從。手中與食。

黃龍南頌一物不將來兩肩挑不起言下忽知非心中無限喜毒惡既忘懷蛇虎爲知己光陰幾百年清風猶未已

僧問如何是佛師曰土塊曰如何是法師曰地動也曰

如何是僧師曰喫粥喫飯問如何是新興水師曰面前江

裏

徑山杲曰似這般法門恰似兒戲相似入得這般法門方安樂得人如真淨和尚拈提古今不在雪竇之下而

未流傳習卻成惡口小家只管問古人作麼生真如又如

何下語楊岐又如何下語你管得許名閒事瘥病不假驢

馱藥若是對病與藥離根拾得一莖草

便可療病說甚麼朱砂附子人參白朮

揚州

光孝院慧覺禪師問相國宋齊邱曰還會道麼宋曰若

是道也著不得師曰是有著不得是無著不得宋曰總不

恁麼師曰著不得底聾宋無對

婺州木陳從朗禪師。因金剛倒。僧問。既是金剛。不壞身。爲甚麼卻倒地。師敲禪牀曰。行住坐臥。

婺州新建禪師。不度小師。有僧問。和尚年老。何不畜一童子侍俸。師云。有眼暗耳聾。口瘡底。爲我討一個來。

杭州多福和尚。僧問。如何是多福。一叢竹。師曰。一莖兩莖斜。曰。學人不會。師曰。三莖四莖曲。妙喜曰。饒汝一莖兩莖斜。三莖四莖曲。還我多福一

叢竹。又如何話會。

益州西睦和尚。上堂。有俗士舉手曰。和尚便是一頭驢。師曰。老僧被汝騎。士無語。去後三日。再來白言。某甲日前著賊。

師拈杖趲出。

明州雪竇常通禪師。邢州李氏子。叅長沙。沙問何處人。師曰。邢州人。沙曰。我道汝不從彼來。師曰。和尚還會住此否。沙然之。乃客入室。問如何。是三世諸佛出身處。師曰。伊不肯知。有汝三世僧。良久。師曰。薦否。不然者。且向著佛不得處。體取。時中常在。識盡功亡。瞥然而起。卽是傷他。而況言句乎。

石梯和尚。因侍者請浴。師曰。既不洗塵。亦不洗體。汝作麼生。者曰。和尚先去。某甲將皂角來。師呵呵大笑。一日見侍

者托鉢赴堂。乃喚侍者。者應諾。師曰。甚麼處去。者曰。上堂齋去。師曰。我豈不知汝上堂齋去。者曰。除此外。別道個甚麼。師曰。我祇問汝本分事。者曰。和尚若問本分事。某甲實是上堂齋去。師曰。汝不繆爲吾侍者。

紫桐和尚問如何是紫桐境。師曰。汝眼裏著得沙麼。曰。大好紫桐境。也不識。師曰。老僧不諱此事。其僧擬出去。師下禪牀擒住。曰。今日好個公案。老僧未得分文入手。曰。賴遇某甲是僧。師拓開曰。禍不單行。

日容遠和尚因廢上座叅。師拊掌三下。曰。猛虎當軒。誰是敲

者。歲曰。俊鷁冲天。阿誰捉得。師曰。彼此難當。歲曰。且休。未要斷這公案。師將拄杖舞歸方丈。歲無語。師曰。死卻這漢也。

襄州關南道吾和尚。始經村墅。聞巫者樂神云。識神無。忽然省悟。後叅常禪師。印其所解。復遊德山之門。法味彌著。住後。凡上堂。戴蓮華笠。披襴執簡。擊鼓吹篴。口稱魯三郎神。識神不識神。神從空裏來。卻往空裏去。便下座。有時曰。打動關南鼓。唱起德山歌。僧問。如何是祖師西來意。師以簡揖曰。喏。趙州訪師。師乃著豹皮褌。執吉獠棒。在三門下。

翹一足等候。纔見州。便高聲唱喏而立。州曰。小心祇候著。師又唱喏一聲而去。

漳州羅漢和尚。初叅關南。問如何是大道之源。南打師一拳。師遂有省。乃爲歌曰。咸通七載。初叅道。到處逢言不識言。心裏疑團若栲栳。三春不樂止林泉。忽遇法王壇上坐。便陳疑懇向師前。師從壇上那伽起。袒膊當胸打一拳。駭散疑團獍狚落。舉頭看見日初圓。從茲蹬蹬以碣碣。直至如今常快活。只聞肚裏飽膨脝。更不東西去持鉢。妙喜曰。可惜這一拳分付不著人。

省言錄

卷十三

羅漢末山

七

瑞州末山尼了然禪師。因灌溪閑和尚到。曰。若相當卽住。不然。卽推倒禪牀。便入堂內。師遣侍者問。上座遊山來。爲佛法來。溪曰。爲佛法來。師乃陞座。溪上參。師問。上座今日離何處。曰。路口。師曰。何不蓋卻。溪無對。始禮拜。問。如何是末山。師曰。不露頂。曰。如何是末山主。師曰。非男女相。溪乃喝。曰。何不變去。師曰。不是神。不是鬼。變個甚麼。溪於是伏膺。作園頭三年。溪初參臨濟。被澹菴留擲住。溪曰。領領濟。拓後。上堂曰。我在臨濟處。得半杓。末山處。得半杓。共成一杓。喫了。直至如今。飽不饑。溪會下一僧。去參石霜。霜問。甚處來。曰。灌溪。來。霜曰。我南山不如他北山。僧無對。回舉似溪。溪曰。何不道。灌溪修涅槃堂了也。唐乾甯二年五月二十

九日問侍者曰坐死者誰曰僧伽溪曰立死者誰曰僧會
溪乃行七步垂手而逝溪濟下尊宿因錄見末山語檢
燈錄見化跡卓絕遂并錄於此

婺州金華山俱胝和尚初住菴時有尼名實際來戴笠子執
錫遶師三匝曰道得卽下笠子如是三問師皆無對尼便
去師曰日勢稍晚何不且住尼曰道得卽住師又無對尼
去後師歎曰我雖處丈夫之形而無丈夫之氣不如棄菴
往諸方叅尋知識去其夜山神告曰不須離此將有肉身
菩薩來爲和尚說法也逾旬果天龍和尚到菴師乃迎禮
具陳前事龍豎一指示之師當下大悟自此凡有學者叅

934

一指頭禪不盡。且道曹山意在甚麼處。卿瑯覺頌俱胝一指報君知。朝生鶻子搏天飛。若無舉鼎拔山力。千里烏騅不易騎。雪竇顯頌對揚深愛老俱胝。宇宙空來更有誰。曾向滄溟下浮木。夜濤相共接盲龜。

袁州仰山慧寂通智禪師。韶州懷化葉氏子。年九歲於廣州

仰焉

和安寺投通禪師出家。

即不通

十四歲。父母取歸。欲與婚媾。

師不從。跪父母前。誓求正法。以答劬勞。父母許之。再詣通處。而得披剃。未登具。即遊方。初謁耽源。已悟宗旨。後參焉山。遂升堂奧。耽源謂師曰。國師當時傳得六代祖師圓相。共九十七個。授與老僧。乃曰。吾滅後三十年。南方有一沙彌到來。大興此教。次第傳授。無令斷絕。我今付汝。汝當奉

持。遂將其本過與師。師接得。一覽便將火燒卻。耽源一日問。前來諸相甚宜。秘惜。師曰。當時看了。便燒卻也。源曰。吾此法門。無人能會。惟先師及諸祖師諸大聖人。方可委悉。子何得焚之。師曰。慧寂一覽。已知其意。但用得。不可執本也。源曰。然雖如此。於子卽得。後人信之不及。師曰。和尙若要重錄。不難。卽重集一本呈上。更無遺失。源曰。然耽源上堂。師出眾作此。○相以手拓呈了。卻叉手立。源以兩手相交。作拳示之。師進前三步。作女人拜。源點頭。師便禮拜。師浣衲次。耽源曰。正恁麼時。作麼生。師曰。正恁麼時。向甚麼

旨司錄

卷十三 仰山

三

處見後叅瀉山。瀉問汝是有主沙彌。無主沙彌。師曰。有主。曰。主在甚麼處。師從西過東立。瀉異之。師問。如何是真佛住處。瀉曰。以思無思之妙。反思靈燄之無窮。思盡還源。性相常住。事理不二。真佛如如。師於言下頓悟。自此執侍。前後盤桓十五載。宗門統要載瀉山問師。聞子在百丈處。問一答十。佛法向上一句。作麼生道。師擬開口。瀉便喝。師因發心看牛於山下。三年乃悟。按燈錄。師未嘗見百丈。此必以香巖事訛承耳。叅巖頭。頭舉起拂子。師展坐具。巖拈拂子置背後。師將坐具搭肩上。而出。巖曰。我不肯汝放。祇肯汝收。師在瀉山爲直歲。作務歸。瀉問。甚麼處去來。師曰。田中來。瀉曰。田中多少人。

師插鋤叉手。瀉曰。今日南山大有人刈茅。師拔鋤便行。沙

云。我若見。則踏倒鋤子。僧問鏡清。仰山插鋤。意旨如何。

清云。狗銜赦書。諸侯避道。云。祇如平沙踏倒。意旨如何。清

云。不奈船何。打破戽斗。云。南山刈茅。意旨如何。清云。李靖

三兄。人經行陣。雲居錫云。且道鏡清下此一判。著不著。

雪竇云。諸方咸謂插鋤話奇特。大似隨邪逐惡。據雪竇見

處。仰山被瀉山一問。直得無繩自縛。去死十分。妙喜曰。

仁者見之謂之仁。智者見之謂之智。百姓日用而不知。故

君子之道鮮矣。僧問明招。古人意在插鋤處。叉手處。招

喚僧。僧應諾。招曰。還會夢見仰山麼。評唱引長沙語。汝

見大唐天子。還自種田割稻麼。遂判仰山插鋤。是奴兒婢

子邊事。不直以一杓糞潑仰山。且令長沙亦沾餘穢。諸師

拈提。已爲畫蛇添足。然世有此引。言比則。則諸師所拈。猶

足爲啓。師因歸瀉山。省觀瀉問。子旣稱善。知識爭辨得

膜金鎖。師因歸瀉山。省觀瀉問。子旣稱善。知識爭辨得

諸方來者。知有不知有。有師承。無師承。是義學。是平學。子

試說看。師曰。慧寂有驗處。但見僧來。便豎起拂子。問伊。諸方還說這個不說。又曰。這個且置。諸方老宿。意作麼生。滹歎曰。此是從上宗門中牙爪。滹問大地眾生。業識茫茫。無本可據。予作麼生。知他有之與無。師曰。慧寂有驗處。時有一僧從面前過。師召曰。闍黎。僧回首。師曰。和尚。這個便是業識茫茫。無本可據。滹曰。此是師子一滴乳。迸散六斛鹽乳。掃地次。滹問塵非掃得。空不自生。如何是塵非掃得。師掃地一下。滹曰。如何是空不自生。師指自身。又指滹。滹曰。塵非掃得。空不自生。離此二途。又作麼生。師又掃地。

一下。又指自身。并指瀉。瀉一日指田問師。這却田。那頭高。這頭低。師曰。卻是這頭高。那頭低。瀉曰。你若不信。向中間立。看兩頭。師曰。不必立中間。亦莫住兩頭。瀉曰。若如是著水看。水能平物。師曰。水亦無定。但高處高。平低處低。平瀉便休。大慧云。顯諸仁藏諸用。鼓萬物而不與聖人同憂。盛德大業至矣哉。喝一喝下座。瀉山餒鷄生飯。回頭見師。曰。今日爲伊上堂。一上。師曰。某甲隨例得聞。瀉曰。聞底事作麼生。師曰。鷄作鷄鳴。鵲作鵲噪。瀉曰。爭奈聲色何。師曰。和尚適來道甚麼。瀉曰。我祇道爲伊上堂。一上。師曰。爲甚麼喚作聲色。瀉曰。雖然如此。驗過也。

無妨。師曰：「大事因緣，又作麼生驗？」漚豎起拳。師曰：「終是指東畫西。」漚曰：「子適來問甚麼？」師曰：「問和尚大事因緣。」漚曰：「爲甚麼喚作指東畫西？」師曰：「爲著聲色故。」某甲所以問過。漚曰：「并未曉了此事。」師曰：「如何得曉了此事？」漚曰：「寂子聲色。」老僧東西。師曰：「一月千江，體不分水。」漚曰：「應須與麼始得。」師曰：「如金與金，終無異色。」豈有異名？漚曰：「作麼生是無異名底道理？」師云：「瓶盤釵釧，券孟盆。」漚曰：「寂子說禪。」如師子吼，驚散狐狼野干之屬。漚山問師：「忽有人問汝，汝作麼生祇對？」師曰：「東寺師叔若在，某甲不致寂寞。」漚曰：「放汝。」

一個不願對罪師曰。生之與殺。祇在一言。滄曰。不負汝見。別有人不肯師曰。阿誰。滄指露柱曰。這個師曰。道甚麼。滄曰。道甚麼。師曰。白鼠推遷。銀臺不變。師住東平時。滄山令僧送書并鏡與師。師上堂提起示眾曰。且道是滄山鏡。又東平鏡。若道是東平鏡。又是滄山送來。若道是滄山鏡。又在東平手裏。道得則畱取。道不得則撲破去也。眾無語。師撲破便下座。師問雙峰。師弟近日見處如何。曰。據某見處。實無一法可當情。師曰。汝解猶在境。曰。某祇如此。師兄又如何。師曰。汝豈不知無一法可當情者。滄山聞曰。寂了。

旨曰錄

卷十三 仰山

七

一句疑殺天下人。師臥次。僧問曰。法身還解說法。會元無法身法字統要頌也。無。師曰。我說不得。別有一人說得。曰。說古等皆有法字。得底人在甚麼處。師推出椅子。潞山問曰。寂子用劒刃上事。妙喜曰。潞山真是憐兒。不覺醜。仰山推出椅子。已是逗漏。更著個名字。喚作劒刃上事。誤他學語之流。便恁麼承虛接響。流通將去。妙喜雖似借水獻花。要且理無曲斷。即今莫有旁不肯者出來。我要問你。推出椅子。還當得法身說法也無。師在潞山前坡牧牛次。見一僧上山。不久便下來。師乃問上座。何不且畱山中。僧曰。祇爲因緣不契。師曰。有何因緣。試舉看。曰。和尚問某名甚麼。某答歸真。和尚曰。歸真何在。某甲無對。師曰。上座卻回向和尚道。某甲道得。

也和尙問作麼生道。但曰。眼裏耳裏鼻裏。僧同。一如所教。
潯曰。脫空漫語。漢此是五百人善知識語。師在潯山牧
牛時。踢天泰上座問曰。一毛頭師子現。卽不問。百億毛頭
百億師子現。又作麼生。師便騎牛歸。侍立潯山次。舉前話。
方了。卻見泰來。師曰。便是這個上座。潯遂問百億毛頭百
億師子現。豈不是上座道。泰曰。是。師曰。正當現時。毛前現。
毛後現。泰曰。現時不說前後。潯山大笑。師曰。師子腰折也。
使下座。潯山示眾曰。一切眾生皆無佛性。鹽官示眾曰。
一切眾生皆有佛性。鹽官有二僧往探問。旣到潯山。聞舉。

揚莫測其涯。若生輕慢。因一日與師言話次。乃勸曰。師兄須是勤學佛法。不得容易。師乃作此○相。以手拓呈了。卻拋向背後。遂展兩手。就二僧索。二僧罔措。師曰。吾兄直須勤學佛法。不得容易。便起去。時二僧卻回鹽官。行三十里。一僧忽然有省。乃曰。當知瀉山道。一切眾生皆無佛性。信之不錯。便回瀉山。一僧更前行數里。因過水。忽然有省。自歎曰。瀉山道。一切眾生皆無佛性。灼然有他。怎麼道。亦回瀉山。入依法席。師臥次。夢入彌勒內院。眾堂中諸位皆足。惟第二位空。師遂就座。有一尊者白槌曰。今當第二位。

說法。師起白椎曰。摩訶衍法。離四句。絕百非。諦聽。諦聽。眾皆散去。及覺。舉似。瀉。瀉。日子已入聖位。師便禮拜。龐居士問。久嚮仰山。到來爲甚麼卻覆。師豎起拂子。士曰。恰是。師曰。是仰是覆。士乃打露柱曰。雖然無人。也要露柱證明。師擲拂子曰。若到諸方。一任舉似。師坐次。有僧翹一足云。西天二十八祖亦如是。唐土六祖亦如是。天下老和尚亦如是。某甲亦如是。師下禪牀。打四藤條。雪竇云。藤條未到打折。因甚麼只與四下。須是斬釘截鐵。漢始得。僧後到霍山。自稱集雲峰下四藤條。天下大禪佛叅山云。打鐘著。僧驟步而去。雪竇云。這漢雖是見機而變。爭奈有頭無尾。圓悟勤云。當時若不見機而變。何處更有大禪佛。闍黎只管喚作甚麼。

此句當有訛缺。或有人問甚處是有頭無尾處。什麼是見機而變處。你若手忙脚亂。老僧在你脚底。師問

東寺曰。借一路過那邊。還得否。寺曰。大凡沙門。不可祇一

路也。別更有麼。師良久。寺卻問。借一路過那邊。得否。師曰。

大凡沙門。不可祇一路也。別更有麼。寺曰。祇有此。師曰。大

唐天子。決定姓金。一日雨下。天性上座謂師曰。好雨。師

曰。好在甚麼處。性無語。師曰。某甲卻道得。性曰。好在甚麼

處。師指雨。性又無語。師曰。何得大智而默。徑山杲云。一人

只知指雨。子細點檢將來。大似釘椿搖櫓。育王當時待他。

道好在甚麼處。只向他道。滴穿眼睛。浸爛鼻孔。或有個衲

僧出來。道育王也是釘椿搖櫓。卻許他具眼。赤干行者聞鐘聲。乃問有耳打

鐘無耳打鐘。師曰。汝但問。莫愁我答不得。干曰。早個問了也。師喝曰。去。劉侍御問了心之旨。可得聞乎。師曰。若耍了心。無心可了。無了之心。是名真了。陸希聲相公欲謁師。先作此○相封呈。師開封。於相下面書云。不思而知。落第二頭。思而知之作第三首。遂封回。公見。卽入山。師乃門迎。公纔入門。便問三門俱開。從何門入。師曰。從信門入。公至法堂。又問。不出魔界。便入佛界。時如何。師以拂子倒點三下。公便設禮。又問。和尚還持戒否。師曰。不持戒。曰。還坐禪否。師曰。不坐禪。公良久。師曰。會麼。曰。不會。師曰。聽老僧

一頌滔滔不持戒。兀兀不坐禪。釅茶三兩碗。意在鏤頭邊。
師卻問。承聞相公看經得悟。是否。曰。弟子因看涅槃經。有
云。不斷煩惱而入涅槃。得個安樂處。師豎起拂子曰。祇如
這個。作麼生入。曰。入之一字也消不得。師曰。入之一字不
爲相公。公便起去。徑山曇珍頌云。豎起拂子。希聲設禮塵刹。盡交光。鳥啼花落裏。仰山問會麼。希聲曰。不會。從是維摩詰到來。須倒退入之一字。不爲相公。公便起去。下載清風雲藏神女館。再到楚王宮。關塞極天。惟鳥道江湖。滿地一漁翁。師謂第一座曰。不思善。不思惡。正恁麼時
作麼生。座曰。正恁麼時。是某甲放身命處。師曰。何不問老
僧。座曰。正恁麼時。不見有和尚。師曰。扶我教不起。師問

僧近離甚處。曰南方。師舉拄杖曰。彼中老宿。還說這個麼。曰不說。師曰。既不說。這個還說那個否。曰不說。師召大德。僧應諾。師曰。叅堂去。僧便出。師復召曰。大德。僧回首。師曰。近前來。僧近前。師便打。雲門云。仰山若無後語。爭識得人。師共一僧語。旁有僧曰。語底是文殊。默底是維摩。師曰。不語不默底。莫是汝否。僧默然。師曰。何不現神通。曰。不辭現神通。祇恐和尚收作教。師曰。鑒汝來處。未有教外底眼。僧叅次。便問和尙。還識字否。師曰。隨分。僧以手畫此。○相拓呈。師以衣袖拂之。僧又作此。○相拓呈。師以兩手作背拋勢。僧以目

視之師低頭。僧遶師一市。師便打。僧遂出去。徑山曇珍頌云：西山白虎。

正猖狂，東海青龍不可當，兩手提來今死關化成一片紫金霜。師坐次見一僧從外來。

便問訊了，向東邊叉手立。以目視師。師乃垂下左足。僧卻

過西邊叉手立。師垂下右足。僧向中間叉手立。師收雙足。

僧禮拜。師曰：老僧自住此，未曾打著一人。拈拄杖便打。僧

便騰空而去。佛燈觀頌：個僧東西叉手說盡六代圓松，致使東土釋迦不免起模作樣。陽關唱罷，研青

青征塵望斷空惆悵。覺海湛頌：子晉吹笙和鳳鳴，萼華雲外舞衣輕。相將奏徧方諸曲，玉樹流光滿紫清。

師坐次有僧來作禮。師不顧。其僧乃問師識字否。師曰：隨

分。僧乃右旋一市曰：是甚麼字。師於地上書十字酬之。僧

又左旋一而曰。是甚麼字。師改十字作卍字。僧畫此○相。以兩手拓。如修羅掌。日月勢。曰。是甚麼字。師乃畫此卍相。對之。僧乃作婁至德勢。師曰。如是如是。此是諸佛之所護念。汝亦如是。吾亦如是。善自護持。其僧禮謝。騰空而去。時有一道者。見經五日。後遂問師。師曰。汝還見否。道者曰。某甲見出門騰空而去。師曰。此是西天羅漢。故來探吾道。道者曰。某雖覩種種三昧。不辨其理。師曰。吾以義爲汝解釋。此是八種三昧。是覺海變爲義海。體則同然。此義合有因。有果。卽時異時。總別不離。隱身三昧也。古人圓相卽拈花吹毛一揆直示全

提無容擬議百千法門。河沙妙用，皆從此出，而不與百千法門。河沙妙用，為侶觀小釋迦遇梵僧所示八種三昧，如善慧雲興二百問，普賢瓶瀉二千酬，雖窮極妙辯，而初未有一語。後之名字羅漢，妄為鉢盂安柄，人天眼目，載五峰良五觀，悟謂圓相總有六名。曰圓相，曰暗機，曰義海，曰字海，曰意語，曰默論，有云畫此。④相者，乃縱意畫此。⑤相者，奪意。⑥此為相肯。⑦此為許相見。⑧此為舉函索蓋答者，當以○則函蓋相稱。⑨此為抱玉求鑒答者，當於其中書某字答之。⑩此為鉤入索續答者，當於○字側添一，乃問者鉤人答者，索續共成寶器相。⑪此為已成寶器相，答者於中書土字答之。⑫此為平印平旨相，獨脫超前眾相，不著也。審如是，是猶市賈私為誌驗，三尺牧豎語之，故即無不喻。雖有聖智，不問不可強解矣。謂入聖位者，所見法幢乃如是乎？又以三種生為大圓宗旨，想生相，生流注生，故楞伽經義大圓或偶引示人耳，非大圓。有梵僧從空而所立也。癡人前不得說夢，往往如此。

至。師曰：近離甚處？曰：西天。師曰：幾時離彼？曰：今早。師曰：何

太遲生曰。遊山翫水。師曰。神通遊戲。則不無闍黎佛法。須還老僧。始得。曰。特來東土。禮文殊。卻遇小釋迦。遂出梵書。貝多葉。與師作禮。乘空而去。自此號小釋迦。一日。指雪師子云。還有過此色者麼。雲門云。當時但與推倒。雪竇圓悟勤云。且道。仰山意在甚麼處。莫是明一色邊事麼。且得沒交涉。雲門應時應節云。但與推倒。用拈仰山意。又被雪竇拈道。他只解推倒。不解扶起。且道。雪竇意在什麼處。上堂。汝等諸人。各自回光返照。莫記吾言。汝無始劫來。背明投暗。妄想根深。卒難頓拔。所以假設方便。奪汝粗識。如將黃葉止啼。有甚麼是處。亦如人將百種貨物。與金寶作一鋪貨賣。祇擬輕重來機。

所以道。石頭是真金鋪。我這裏是雜貨鋪。有人來覓鼠糞。我亦拈與他。來覓真金。我亦拈與他。時有僧問。鼠糞卽不要。請和尚真金。師曰。齧鋸擬開口。驢年亦不會。僧無對。師云。索喚則有交易。不索喚則無。我若說禪宗。身邊要一人相伴。亦無。豈況有五百七百眾耶。我若東說西說。則爭頭向前采拾。如將空拳誑小兒。都無實處。我今分明向汝說聖邊事。且莫將心湊泊。但向自己性海。如實而修。不要三明六通。何以故。此是聖末邊事。如今且要識心達本。但得其本。不愁其末。他時後日。自具去在。若未得本。縱饒將情。

學他亦不得。汝豈不見滌山和尚云。凡聖情盡。體露真常。事理不二。卽如如佛。師將順寂時。在東平。數僧侍立。師示偈曰。一二二三子。平日復仰視。兩口一無舌。此是吾宗旨。至日午。陞座辭眾。復說偈曰。年滿七十七。無常在今日。日輪正當午。兩手攀屈膝。言訖。以兩手抱膝而終。閱明年。南塔湧禪師。遷靈骨歸仰山。塔於集雲峰下。諡智通禪師。妙光之塔。

鄧州香嚴智閑禪師。青州人。徧參諸方。在百丈時。性識聰敏。參禪不得。泊丈遷化。遂參滌山。山問。我聞汝在百丈先師。

處問一答十。問十答百。此是汝聰明靈利。意解識想。生死根本。父母未生時。試道一句看。師被一問。直得茫然。歸寮將平日看過底文字。從頭要尋一句酬對。竟不能得。乃自歎曰。畫餅不可充饑。屢乞瀹山說破。山曰。我若說似汝。汝已後罵我去。我說底是我底。終不干汝事。師遂將平昔所看文字燒卻。曰。此生不學佛法也。且作個長行粥飯僧。免役心神。乃泣辭瀹山。直過南陽。覩忠國師遺跡。遂憇止焉。一日。芟除草木。偶拋瓦礫。擊竹作聲。忽然省悟。遽歸沐浴焚香。遙禮瀹山。讚曰。和尚大慈。恩踰父母。當時若爲我說。

破何有。今日之事。乃有頌曰。一擊忘所知。更不假修持。動容揚古路。不墮悄然機。處處無蹤跡。聲色外威儀。諸方達道者。咸言上上機。瀉山聞得。謂仰山曰。此子徹也。仰曰。此是心機意識。著述得成。待某甲親自勘過。仰後見師曰。和尚讚歎師弟發明大事。你試說看。師舉前頌。仰曰。此是夙習記持而成。若有正悟。別更說看。師又成頌曰。去年貧。未是貧。今年貧。始是貧。去年貧。猶有卓錫之地。今年貧。錫也無。仰曰。如來禪。許師弟會。祖師禪。未夢見在。師復有頌曰。我有一機。瞬目視伊。若人不會。別喚沙彌。仰乃報瀉山曰。

且喜閑師弟會祖師禪也。

妙喜曰。瀉山晚年好則劇教得。一棚內傀儡直是可愛。且作麼。

生是可愛處。面面相看。手脚動爭知語話在他人。

師初開堂。瀉山令僧送書并。

拄杖至。師接得便哭。蒼天蒼天。僧曰。和尚爲甚麼如此。師

曰。祇爲春行秋令。上堂。若論此事。如人上樹。口銜樹枝。

腳不踢枝。手不攀枝。樹下忽有人問。如何是祖師西來意。

不對他。又違他所問。若對他。又喪身失命。當恁麼時。作麼

生。卽得。時有虎頭招上座出眾云。樹上卽不問。未上樹時

請和尚道。師乃呵呵大笑。

雪竇云。樹上道卽易。樹下道卽難。老僧上樹也。致將一問來。

圓悟勤云。你若纔生樹上。樹下對與不對。處轉生義路。墮在常情。卒難透得。若是頂門上具眼底。終不向對與不對。

處作解會未舉已前先知落處若擬議之間覲面蹉過或不落二邊對也不是不對也不是作麼生卻得見古人意去妙喜云吞得栗棘蓬透得金剛圈了看這般說話也是泗州人見大聖保甯勇頌曲設多方老古錐那堪枝上更生枝好如良馬窺鞭影逐塊且非師子兒師有偈曰子啐母啄子覺母殼子母俱亡應緣不錯同道唱和妙云獨腳

杭州徑山洪譔禪師佛曰長老訪師師問伏承長老獨化一方何以薦遊峰頂曰曰朗月當空挂冰霜不自寒師曰莫是長老家風也無曰曰峭峙萬重關於中含寶月師曰此猶是文言作麼生是長老家風曰曰今日賴遇佛曰卻問隱密全真時人知有道不得太省無辜時人知有道得於

此二途猶是時人陞降處。未審和尚親道自道。如何道。師曰。我家道處無可道。曰。如來路上無私曲。便請。音和一場。師曰。任汝二輪更互照。碧潭雲外不相關。曰。爲報白頭無限客。此同年少莫歸鄉。師曰。老少同輪無向背。我家路勿參差。曰。一言定天下。四句爲誰宣。師曰。汝言有三四。我道其中一也。無。師因有偈曰。東西不相顧。南北與誰畱。漫言有三四。我道一也無。光化四年九月二十八日。白眾而化。

滁州定山神英禪師。因棹樹省和尚行腳時參問。不落數量。

旨言錄

卷十三 徑山評

定山英

請師道師提起數珠曰。是落不落。樹曰。圓珠三。竅時人知有。請師圓前話。師便打樹。拂袖便出。師曰。三十年後。搥胸大哭。去在樹住。後示眾曰。老師三十年前至定山。被他熱瞞一上。不同小小。雪竇舉云。定山用卽用。爭奈險。裨樹知卽知。要且未具擇法眼。試請辨看。師見首座洗衣。遂問作甚麼。座提起衣示之。師曰。洗底是甚衣底。曰。關中使鐵錢。師喚維那。移下座挂搭著。

京兆府米和尚。令僧去問仰山曰。今時還假悟也無。仰曰。悟卽不無。爭奈落在第二頭。師深肯之。又令僧問洞山曰。那個究竟作麼生。洞曰。卻須問他始得。師亦肯之。投子青拈。師問仰山。

旨王象

卷十三

三米和尚

元康

敬初

尺

話云。然仰山與麼道。卽得還免得自。己落麼。若免得。則有一人。大不肯在。若免不得。亦落第二頭。米胡雖然肯他。自己還有出身之路也。無諸人試點檢看。若點檢得出。兩人瓦解水消。若點檢不得。且莫造次。復頌曰。碧岫峰頭借問人。指山窮處未安身。雖然免得重陽令。爭似靈苗不犯春。

理也無。師曰。達曰。祇如真正理。作麼生達。師曰。當時霍光

賣假銀城與單于。契書是甚麼人做。曰。某甲直得杜口無

言。師曰。平地教人作保。

徑由杲舉此則語至契書是甚麼人做云。徑山當時若作這僧卽下

一轉語。塞卻這老漢曰。且道下甚麼語。良久云。若教容易得。便作等閑看。

元康和尚因訪石樓樓纔見便收足坐。師曰。得恁麼威儀周

足。樓曰。汝適來見個甚麼。師曰。無端被人領過。樓曰。須是

與麼始爲眞見。師曰。苦哉。賺殺幾人來。樓便起身。師曰。見則見矣。動則不動。樓曰。盡力道不出。定也。師拊掌三下。有後

僧舉似南泉。泉曰。天下人斷這兩個漢。是非不得。若斷得。與他同參。

襄州王敬初常侍視事次。米和尚至。公乃舉筆示之。米曰。還判得虛空否。公擲筆入宅。更不復出。米致疑。明日憑鼓山供養主入探其意。米亦隨至。潛在屏蔽間偵伺。供養主纔坐。問曰。昨日米和尚不審有甚麼言句。便不相見。公曰。師子蔽人。韓盧逐塊。米聞此語。卽省前繆。遽出。朗笑曰。我會也。我會也。公曰。會卽不無。你試道看。米曰。請常侍舉。公乃

豎起一隻箸。米曰：這野狐精。公曰：這漢徹也。大滄詰云：米胡雖然如是。

目只得一櫺。常侍云：這漢徹去大似看樓打樓。大滄即不然。常侍雖是個俗漢，筆下有生殺之權。米胡是一方善知識，要目出他圈，悟不得當時待他擲下筆，但向道：我從來疑著這漢。園禪語錄載：公初見睦州，一日州問曰：今日何故入院？遲公曰：看打毬來。州曰：人打毬，馬打毬，公曰：人打毬，州曰：人困麼？曰：困。州曰：馬困麼？曰：困。州曰：露柱困麼？公曰：然無對歸至私第，中夜忽然有省，明日見州，曰：某甲會得昨日事也。州曰：露柱困麼？曰：困。州遂許之。亦見頌古聯珠。

鄭十三娘保福與井長老相看，纔坐定，福便問承聞十三娘

參見滌山，是否？曰：是。福曰：滌山遷化，向甚麼處去？鄭起身

偏牀而立，其曰：閑時說禪，口似懸河，何不道取。鄭曰：鼓這

旨司錄 卷十三 鄭十三娘

卷十三（睦州陳尊宿 鄭十三娘）

兩片皮。堪作甚麼。曰。不鼓這兩片皮。又堪作甚麼。鄭曰。合取狗口。鄭十三娘。年十二歲時。隨師姑到大滬。纔禮拜起。滬便問。這個師姑。甚麼處住。姑云。南臺江邊住。滬便喝出。又問。背後老婆。甚麼處住。十三娘放身。近前。叉手立。滬再問。娘云。早個呈似和尚了也。滬云。去。娘纔下到法堂。師姑云。十三娘。尋常道我會禪。口似利劍。今日被大師問著。總無語。娘云。苦哉。苦哉。作這個眼目也。道我行腳。脫取衲衣來。與十三娘著。娘後又舉似羅山。祇如十三娘。參見滬山。恁麼祇對。還得平穩也。無羅云。不得無過。娘云。過在甚。

麼處羅叱之娘云錦上添花。

指月錄卷之十三終

卷十三（睦州陳尊宿 鄭十三娘）

三

指月錄

抄月金

卷十三

三

指月錄卷之十四

六祖下第五世

鎮州臨濟義玄禪師。曹州南華邢氏子。幼負出塵之志。及落
髮進具。便慕禪宗。初在黃檗會中。行業純一。時睦州爲第
一座。乃問上座在此多少時。師曰。三年。州曰。曾參問否。師
曰。不曾參問。不知問個甚麼。州曰。何不問堂頭和尚如何
是佛法的大意。師便去問。聲未絕。檗便打。師下來。州曰。
問話作麼生。師曰。某甲問聲未絕。和尚便打。某甲不會。州
曰。但更去問。師又問。檗又打。如是三度問。三度被打。師白。

州曰。早承激勸。問法累蒙和尚賜棒。自恨障緣。不領深旨。今且辭去。州曰。汝若去。須辭和尚了去。師禮拜退。州先到黃檗處。問話上座。雖是後生。卻甚奇特。若來辭。方便接伊。已後爲一株大樹。覆蔭天下人去在。師來日辭黃檗。檗曰。不須他去。祇往高安灘頭叅大愚。必爲汝說。師到大愚。愚曰。甚處來。師曰。黃檗來。愚曰。黃檗有何言句。師曰。某甲三度問佛法的的大意。三度被打。不知某甲有過無過。愚曰。黃檗與麼老婆心切。爲汝得徹困。更來這裏問有過無過。師於言下大悟。乃曰。元來黃檗佛去無多子。愚撈住曰。

這尿牀鬼子。適來道有過無過。如今卻道黃檗佛法無多子。你見個甚麼道理。速道速道。師於大愚肋下築三拳。愚拓開曰。汝師黃檗。非干我事。師辭大愚。卻回黃檗。檗見便問。這漢來來去去。有甚了期。師曰。祇爲老婆心切。便人事了侍立。檗問甚處去來。師曰。昨蒙和尚慈旨。令叅大愚去來。檗曰。大愚有何言句。師舉前話。檗曰。大愚老漢。饒舌待來。痛與一頓。師曰。說甚待來。卽今便打。隨後便掌。檗曰。這風顛漢。來這裏拈虎鬚。師便喝。檗喚侍者曰。引這風顛漢叅堂去。爲山舉問仰山。臨濟當時得大愚力。得黃檗力。仰云。非但騎處頭。亦解把虎尾。黃檗一

日普請次。師隨後行。槩回頭見師空手。乃問。鑊在何處。師云。有一人將去了也。槩曰。近前來。共汝商量個事。師便近前。槩豎起鑊曰。祇這個。天下人拈掇不起。師就手掣得。豎起曰。爲甚麼卻在某甲手裏。槩曰。今日自有人普請。便回寺。師鉏地次。見黃槩來。拄鑊而立。槩曰。這漢困那。師曰。鑊也未舉。困個甚麼。槩便打。師接住棒。一送送倒。槩呼維那。扶起我來。維那扶起曰。和尚爭容得這風顛漢。無禮。槩纔起。便打維那。師鑊地曰。諸方火葬我這裏活埋。師一日在僧堂前坐。見黃槩來。便閉卻目。黃槩乃作怖勢。便歸。

方丈師隨至方丈禮謝。首座在黃檗處侍立。黃檗云。此僧雖是後生。卻知有此事。首座云。老和尚腳跟不點地。卻證據個後生。黃檗自於口上打一擱。首座云。知即得。師在僧堂裏睡。檗入堂見。以拄杖打板頭一下。師舉首。見是檗。卻又睡。檗又打板頭一下。卻往上間。見首座坐禪。乃曰。下間後生。卻坐禪。汝在這裏妄想作麼。座曰。這老漢作甚麼。檗又打板頭一下。便出去。瀋山舉問仰山。祇如黃檗意作麼。生仰云。兩彩一賽。師栽松次。檗曰。深山裏栽許多松。作甚麼。師曰。一與山門作境致。二與後人作標榜。道了。將鑊頭墜地三下。檗曰。雖然。

如是子已喫吾三十棒了也。師又墜地三下。噓一噓。槩曰。吾宗到汝大興於世。黃槩因入廚下。問飯頭作甚麼。頭曰。揀眾僧飯米。槩曰。一頓喫多少。頭曰。二石五。槩曰。莫太多麼。頭曰。猶恐少在。槩便打頭。舉似師。師曰。吾與汝勘這老漢。纔到侍立。槩舉前話。師曰。飯頭不會請和尚代轉一語。槩曰。汝但舉。師曰。莫太多麼。槩曰。來日更喫一頓。師曰。說甚麼來。曰。卽今便喫。隨後打一掌。槩曰。這風顛漢。又來這裏。將虎鬚。師喝一喝。便出去。瀉山舉問仰山。此二尊宿意作麼生。仰山云。和尚作麼生。瀉山云。養子方知父慈。仰山云。不然。瀉山云。子又作麼生。仰山云。犬似勾賊破家。徑山有五

百眾少人參請。黃檗令師到徑山。乃謂師曰。汝到彼作麼。
生師曰。某甲到彼。自有方便。師到徑山。裝腰上法堂。見徑
山。徑山方舉頭。師便喝。徑山擬開口。師拂袖便行。尋有僧
問徑山。這僧適來有甚麼言句。便喝和尚。徑山云。這僧從
黃檗會裏來。你要知麼。自問取他。徑山五百眾。大半分散。
師半夏上黃檗山。見檗看經。師曰。我將謂是個人。元來
是俺。或作指黑豆老和尚。住數日。乃辭檗曰。汝破夏來。何不
終夏去。師曰。某甲暫來禮拜和尚。檗便打趁令去。師行數
里。疑此事。卻回終夏。後又辭檗。檗曰。甚處去。師曰。不是河

南便歸河北。檠便打師約住。與一掌。檠大笑。乃喚侍者。將百丈先師禪板。凡案來。師曰。侍者將火來。檠曰。不然。子但將去。已後坐斷天下人舌頭去在。到龍光。值上堂。師出問。不展鋒鋌。如何得勝。光據座。師曰。大善知識。豈無方便。光瞪目曰。嗟。師以手指曰。這老漢。今日敗缺也。到三峰。平和尙處。平問甚處來。師曰。黃檠來。平曰。黃檠有何言句。師曰。金牛昨夜遭塗炭。直至如今不見蹤。平曰。金風吹玉管。那個是知音。師曰。直透萬重關。不住青霄內。平曰。子這一問太高生。師曰。龍生金鳳子。衝破碧琉璃。平曰。且坐喫。

指日錄

卷十四

臨濟

七

茶。又問近離甚處。師曰。龍光平曰。龍光。近日何如。師便出
去。往鳳林。路逢一婆子。婆問甚處去。師曰。鳳林去。婆曰。
恰值鳳林不在。師曰。甚處去。婆便行。師召婆。婆回首。師便
行。一作師曰。誰道不在。到鳳林。林曰。有事相借問。得麼。師曰。何得
剗肉作瘡。林曰。海月澄無影。遊魚獨自迷。師曰。海月既無
影。遊魚何得迷。一本作海月元無影。遊魚本不迷。此從會元。林曰。觀風知浪起。
玩水野帆飄。師曰。孤蟾獨耀江山靜。長嘯一聲天地秋。林
曰。任張三寸揮天地。一句臨機試道看。師曰。路逢劍客須
呈劍。不是詩人莫獻詩。林便休。師乃有頌曰。大道絕同任。

向而東。石火莫及。電光罔通。

瀉山問仰山。石火莫及。電光罔通。從上諸聖。以何爲人。仰

云。和尚意作麼生。瀉云。但有言說。都無實義。仰云。不然。瀉云。子又作麼生。仰云。官不容針。私通車馬。

到大

慈慈在方丈內坐。師問。端居丈室時如何。慈云。寒松一色。

千年別。野老拈花。萬國春。師云。今古永超圓智體。三山鎖。

斷萬重關。慈便喝。師亦喝。慈云。作麼。師拂袖便出。到襄

州華嚴。華嚴倚拄杖作睡勢。師云。老和尚瞌睡作麼。嚴云。

作家禪客。宛爾不同。師云。侍者點茶來。與老和尚喫。嚴乃

喚維那。第三位安排這上座。到翠峰。峰問甚處來。師云。

黃檗來。峰云。黃檗有何言句。指示於人。師云。黃檗無言句。

峰云。爲甚麼無師云。設有亦無舉處。峰云。但舉看。師云。一箭過西天。到象田。師問。不凡不聖。請師速道。田云。老僧祇與麼。師便喝云。許多禿子。在這裏覓甚麼。到明化。問來來去去。作甚麼。師云。祇圖踏破草鞋。化云。畢竟作麼生。師云。老漢話頭也不識。到初祖塔頭。塔主云。長老先禮佛。先禮祖。師云。佛祖俱不禮。塔主云。佛祖與長老是甚麼冤家。師便拂袖而出。到金牛。牛見師來。橫按拄杖。當門踞坐。師以手敲拄杖三下。卻歸堂中第一位坐。牛下來見。乃問。夫賓主相看。各具威儀。上座從何而來。太無禮。

生。師云。老和尚道甚麼。牛擬開口。師便打一坐具。牛作倒勢。師又打一坐具。牛曰。今日不著便。遂歸方丈。

滌山問仰山。此二尊

宿還有勝負也。無仰云。勝卽總勝負。卽總負。

師爲黃檗馳書到滌山。時仰山

作知客。接得書。便問者個是黃檗底。那個是專使底。師便掌。仰山約住云。老兄知是般事。便休。同去見滌山。滌山便問黃檗師兄多少眾。師云。七百眾。滌山云。什麼人爲導首。師云。適來已達書了也。師卻問滌山。和尚此間多少眾。滌山云。一千五百眾。師云。太多生。滌山云。黃檗師兄亦不少。師辭滌山。仰山送出云。汝向後北去。有個住處。師云。豈有

與麼事。仰山云。但去。已後有一人佐輔老兄在。此人祇是

有頭無尾。有始無終。

懸記普化師後到鎮州普化已在彼師出世普化佐贊于師師住未久普

化全身脫去

師後住鎮州臨濟學侶雲集。一日謂普化克符

二上座曰。我欲於此建立黃檗宗旨。汝且成禡我。二人珍

重下去。三日後普化卻上來問和尚。三日前說甚麼。師便

打。三日後克符上來問和尚。三日前打普化作麼。師亦打。

至晚小叅曰。有時奪人不奪境。有時奪境不奪人。有時

人境兩俱奪。有時人境俱不奪。克符問。如何是奪人不奪

境。師曰。煦日發生。鋪地錦。嬰兒垂髮白如絲。符曰。如何是

奪境不奪人。師曰：王令已行天下，徧將軍塞外，絕烟塵。符曰：如何是人境俱奪？師曰：并汾絕信，獨處一方。符曰：如何是人境俱不奪？師曰：王登寶殿，野老謳歌，符於言下，領旨。諸方目此為四料揀師，又嘗示眾曰：如諸方學人來，山僧此間作三種根器斷。如中下根器來，我便奪其境而不除其法；或中上根器來，我便境法俱奪。如山上僧，此間便全體作用，境法人俱奪。如有出格見解人來，山僧此間便全體作用，不歷根器大德，到這裏學人著力處，不通風石火電光，即過了也。學人若眼定動，即沒交涉。擬心即差，動念即乖。有人解者，不離目前。大慧宗杲禪師因院禪人請普說，僧問：臨濟示眾云：有時奪人不奪境，有時奪人不奪人。有時人境兩俱奪，有時人境俱不奪。如何是奪人？不奪境，師云：二千里外絕諍訛。進云：如何是奪境？不奪人，師云：拔出眼中楔。進云：臨濟道：照日發生，鋪地錦，嬰孩垂髮白如絲。未審與和尚答底，是同是別？師云：咬人屎橛，不是好狗。進云：

王令已行天下徧將軍塞外絕烟塵時如何師云適來猶
自可而今更郎當復云此事決定不在言語上所以從上
諸聖次第出世各各以善巧方便切切怛怛唯恐人泥在
語言上若在言語上是一大藏教五千四十八卷說權說實
說有說無說頓說漸是豈無言說因甚麼達摩西來卻言
單傳心心印不立文字語言直指人心見性成佛因何不說
傳多傳妙傳言傳語只要當人各各直下明白本心見自
本性事不獲已說個心說個性已大段狼藉了也若要拔
得生死根株盡切不得記我說底縱饒念得一大藏教如
瓶瀉水喚作運糞入不名運糞出卻被這些子障卻自己
正知見不得現前自己神通不得發現只管弄目前九影
理會禪理會道理會心理會性理會奇特理會多妙大似
掉棒打月在枉費心神如來說為可憐憫者古人凡有一言
半句設一個金剛圈栗棘蓬教伊吞教伊透若是個英靈
獨脫出情塵超理性者金剛圈栗棘蓬是甚麼弄猢猻家
具祭鬼神茶飯蓋你不能一念緣起無生只管一向在心
意識邊作活計纔見宗師動口便向宗師口裏討爭討妙
卻被宗師倒翻筋斗自家本命元辰依舊不知落處腳跟

984

誦訛師云有甚麼誦訛擬欲求个旨思量反責麼師云誣人之罪驪珠光璨爛仙桂影婆娑師云何不早恁麼道覲面無差互還應滯網羅師云依稀似曲纔堪聽又被風吹別調中此頌大槩在驪珠光璨爛仙桂影婆娑之上蓋此兩句是境學者問不奪境擬欲求个旨思量反責麼大意只是不可思量擬議思量擬議者人也蹉卻覲面相呈一著子即被語言網羅矣克符此頌專明照日發生鋪地錦所以有驪珠光璨爛仙桂影婆娑之句乃是存境而奪人故曰覲面無差互還應滯網羅奪人之義醍醐毒藥一道而行具眼者方能辨別又問如何是奪境不奪人答云王令已行天下徧將軍塞外絕烟塵師云王令已行天下徧是奪了境將軍塞外絕烟塵是存人而不奪頌曰奪境不奪人尋言何處真師云也須閑處作堤防問禪禪是矣究理理非親師云好事不如無日照寒光澹山搖翠色新師云貧兒思舊債直饒个會得也是眼中塵便奪了也其餘人境兩俱奪人境俱不奪盡是依語就學家問處答又問如何是人境兩俱奪答

云并汾信絕獨處一方便有人境兩俱奪面目頌曰人境
 兩俱奪從來正令行師云已落第二不論佛與祖那說聖
 凡情師云買石得雲饒擬犯吹毛劍還如值木盲師云識
 法者懼進前求妙會特地斬精靈師云前箭猶輕後箭深
 正令既行不畱佛祖到這裏進之退之性命都在師家手
 裏如吹毛劍不可犯其鋒又問如何是人境俱不奪答云
 王登寶殿野老謳歌頌曰人境俱不奪思量意不徧師云
 會麼是法住法位主賓言不異師云世間相常住問答理
 俱全師云添一毫不得減一毫不得蹋破澄潭月師云猶
 有這個在穿開碧落天師云勞而無功不能明妙用師云
 動著卽錯淪溺在無緣師云卻依舊處著這個是適來上
 座請益底公案謂之四料揀你若要分明理會得臨濟意
 但向他當時垂示處看如何看山僧有時奪人不奪境有
 時奪境不奪人有時入境兩俱奪有時人境俱不奪若恁
 麼便是你若作山僧有時奪人不奪境有時奪境不奪人
 有時人境兩俱奪有時人境俱不奪便不是了也所以五
 祖師翁有言如何是祖師西來意庭前柏樹子恁麼會便
 不是了也如何是祖師西來意庭前柏樹子恁麼會方始

是你諸人還會麼。這般說話。莫道是你諸人理會不得。蚊子上
喜也。白理會不得。我此門中。無理會得。理會不得。蚊子上
鐵牛。無你下嘴處。須信古人垂慈。則有法無法。不垂慈。道
眼未開。大法未明。豈免向他人口裏覓禪覓道。覓个覓妙。
覓得了。惟恐人知。及至說時。又恐說盡了。末後無可說。這
個是無限量底法。你以有限量心。擬窮他落處。且莫錯。只
如世尊在靈山會上。百萬眾前。拈華普示。獨迦葉破顏微
笑。何曾怕人知。又何曾密室裏傳授來。我這裏禪許你眾
人聞。不許你眾人會。如上所解註者。四料揀你諸人齊聞。
齊會了。臨濟之意。果如是乎。若只如是。臨濟宗旨。豈到今
日。你諸人聞妙喜說得落將。謂止如此。我實向你道。此是
第一等惡口。若記著一個元字腳。便是生死根本也。你諸
人諸方學得底。个中又个妙中。又妙。是甚麼屎禪。一向望
在皮袋裏。將謂實有恁麼事。莫錯諸上座。你真個要叅妙
喜禪。盡將諸方學得底。掃向他方世界。僧問。如何是真
百不知。百不會。虛卻心來共你理會。

佛眞法眞道。乞師開示。師曰。佛者。心清淨。是法者。心光明。

是道者處處無礙。淨光是三卽一。皆是空名。而無實有。如真正作道人。念念心不間斷。自達磨大師從西土來。祇是覓個不受人惑底人。後遇二祖。一言便了。始知從前虛用工夫。山僧今日見處。與祖佛不別。若第一句中薦得。堪與祖佛爲師。若第二句中薦得。堪與人天爲師。若第三句中薦得。自救不了。僧便問如何是第一句。師曰。三要印開。朱點窄。未容擬議。主賓分。曰如何是第二句。師曰。妙解豈容無著問。漚和爭負。截流機。曰如何是第三句。師曰。但看棚頭弄傀儡。抽牽全藉裏頭人。乃曰。大凡演唱宗乘一句中。

須具三平門。一平門須具三要。有權有實。有照有用。汝等

諸人作麼生會。

南院頤問風穴。沼曰。臨濟曰。三要印開。朱點

窄。未容擬議。主賓分風穴。隨聲便喝。又曰。如何是第二句。臨濟曰。妙解豈容無著問。漚和爭負。截流機。風穴曰。未問已前錯。又問曰。如何是第三句。臨濟曰。但看棚頭弄傀儡。抽牽全藉裏頭人。風穴曰。明破即不堪。南院深許之。後神鼎謚舉云。若人問神鼎。如何是第一句。云。蒼天蒼天。如何是第二句。云。有什麼驢漢。如何是第三句。云。近前來。向你道。纔近前。便打。若恁麼會得。也不孤負祖師。西來若是從頭一一問過。幾時得休。佛法不是磨稜。合縫底道理。似這一脉說話。須是久在他門。風來始得。直是嫌佛不作。嫌法不說。方可如是。予細珍重。

白司錄

卷十四 臨濟

上

和尚是第幾句薦得山曰月落三更穿市過洪覺範智
證傳引涅槃經圓伊三點語及塗毒鼓語而為傳曰巖頭
叅禪師嘗曰涅槃經此三段義似宗門夫言似則非宗門
旨要明矣然宗門旨要雖即文字語言不可見離文字語
言亦安能見哉臨濟曰大凡舉唱須一句中具三句一
中具三要有一有要此塗毒鼓聲也臨濟歿二百年尚有
聞而死者夫分賓主如并存照用如別立君臣如縱慈明
曰一句分賓主照用一時行要會個中意日午打三更同
安曰賓主穆時全是晏君臣合處正中邪還鄉曲調如何
唱明月堂前枯樹花如前語句皆非一代時教之所管攝
摩醯首羅面上亞豎一目非常目也幻寄曰洪師如并如
別如縱語若錯認則罪深於薦福古也一覺範著臨濟宗
旨曰汾陽昭禪師示眾曰先聖云一句語須具三句一
中須具三要阿那個是三句三要底句快會取好各自思
量還得穩當也未古德已前行腳聞一個因緣未明中
直下飲食無味睡臥不安火急決擇豈將為小事所以大
覺老人為一大事因緣出現於世想計他從上來行腳不
為游山翫水看州府奢華片衣口食皆為聖心未通所以

言司錄

卷十四 臨濟

三

驅馳行腳決擇深奧傳唱敷揚博問先知親近高德蓋爲
續佛心燈紹隆佛種祖代興崇聖種接引後機自利利他
不忌先迹如今還有商量者麼有卽出來大家商量僧問
如何是接初機底句答曰汝是行腳僧又問如何是辨衲
僧底句答曰西方日出卯又問如何是立乾坤底句答曰北
千里持來呈對面又問如何是乾坤底句答曰北俱盧
洲長粳米食者無嗔亦無喜師曰只將此四轉語驗天下
衲僧纔見汝出來驗得了也會問如何是學人著力處答
曰嘉州打大像問如何是學人轉身處答曰陝府灌鐵牛
問如何是學人親切處答曰西河弄師子師曰若人言此
三句已辨三三更有三要語在切在薦取一不是等閑與
大眾頌出曰三三三要事難分得意忘言道易親一句明
明該萬象重陽九日菊花新還會麼恁麼會得不是性燥
底衲僧作麼生會好又舉三三語曰汝還會三三底時節
麼直須明取古人意旨然後自心明去更得通變自在受
用無窮喚作自受用身佛不從他教便識得自家活計所
以南泉曰王老師十八上解作活計僧便問古人十八上
解作活計未審作個甚麼活計答曰兩隻水牯牛雙角無

欄捲復云若要於此明得去直須得三平旨趣始得受一
用無礙自家慶快以暢平生大丈夫漢莫教自辜何事不
通彼此無利濟與汝一切頌出曰第一平法界廣無邊森
羅及萬象總在鏡中圓第二平釋尊問阿難多聞隨事答
隨器量方圓第三平直出古皇前四句百非外問氏問豐
干師乃曰這個是三平底頌作麼生是三平底旨趣直教
決擇分明莫只與麼望空裏妄解道我會親近和尚來與
我說了脫空謾語誑嚇它人喫鐵棒有日莫言不道又因
採菊謂眾曰金一花布地玉蘂承天杲日當空乾坤朗耀
雲騰致雨露結為霜不傷物義道將一句來還有道得底
麼若道不得眼中有屑直須出卻始得所以風穴云若立
一塵家國興盛野老顰蹙不立一塵家國喪亡野老安恬
於此明去闍黎無分全是老僧於此不明老僧即是闍黎
闍黎與老僧亦能悟卻天下人亦能瞎卻天下人要知老
僧與闍黎麼拊其膝曰這裏是闍黎這裏是老僧且問諸
上座老僧與闍黎是同是別若道是同去上座自上座老
僧自老僧若道是別去又道老僧即是闍黎若能於此明
得去一句中有三平三要賓主歷然平生事辦叅尋事畢

台司司錄

臨濟

三

所以永嘉曰粉骨碎身未足酬一句了然超百億又曰臨濟兩堂首座一日相見齊下喝僧問臨濟還有賓主也無答曰賓三歷然師作偈曰兩堂首座總作家其中通理有紛拏賓主歷然明似鏡宗師為點眼中花無盡居士謂子曰汾陽臨濟五世之嫡孫天下學者宗仰觀其提綱渠渠惟論三三三三要今其法派皆以此字應衍謂三三三三一要一期建立之語無益於道但於諸法不生異見一切平常便是祖意其說是否子曰居士聞其說曉然了解甯復疑汾陽提綱乎曰吾固疑而未決也子曰此其三三三三要之所設也所言一句中具三三三一要有一三三三三要者一切眾生熱惱海中清涼寂滅法幢也此幢之建譬如塗毒之鼓搥之則聞者皆死惟遠聞者後死若不橫死者雖聞不死臨濟無恙時興化三聖寶壽定上座輩聞而死者今百餘年猶有悟其旨者即後死者也而諸法派謂無益於道者即不橫死者也祖宗門風壁立萬仞而子孫畏之喜行平易坦塗此所謂法道陵夷也譬如衣冠稱孔門弟子而毀易繫辭三尺童子笑之臨濟但曰一句中具三三三一中具三三三一要有一三三三一要者要而已初未嘗自為句中三三三意中

系體中系也。古塔主者，誤認系沙三句為三系，故但分三
 系而遺落三要。叢林安之，不以為非。為可歎息。系沙曰：真
 常流注，為平等法。但是以言遣言，以理遣理，謂之明前不
 明後。蓋分證法身之量，未有出格之句。死在句下，若知出
 格之量，則不被心魔所使。入到手，中便轉換。落落，地言通
 大道，不坐平常之見。此第一句也。古謂之句中系，回機轉
 位，生殺自在。縱奪隨宜，出生入死。廣利一切，迴脫色慾愛
 見之境。此第二句也。古謂之意中系，明陰洞陽廓周沙界
 一真體性，大用現前。應化無方，全用全不用。全生全不生
 方便，換作慈定之門。此第三句也。古謂之體中系，浮山遠
 公亦曰：意中系，非意識之意。古不足道，遠亦迷倒。予不可
 以不辯。無盡領之，薦福古示眾云：眾生外流轉者，為不
 明自己。欲出苦源，但明取自己。自己者，有空劫時，自己有
 今時。日用自己，空劫自己，是根蒂。今時日用自己，是枝葉。
 又曰：一夏將末，空劫已前，事還得相應也。未若未得相應
 爭奈。永劫輪迴，何有什麼。心情學佛法，廣求知解，被知解
 風吹入生死海。若是知解諸人，過去生中，總會學來。多知
 多解，說得辯慧，過人機鋒，迅疾只是心不息。與空劫已前

旨司錄

卷十四

臨濟

四

事不相應，因茲惡道輪迴，動經塵劫，不復人身。如今生出頭來，得個人身在袈裟之下，依前廣求，知解不能，息心未免。六趣輪迴，何不歇心去，如癡如迷，去不語五七年去，已後佛也不奈汝何。古德云：一句語之中，須得具三句。故知此三句法門，是佛知見。諸佛以此法門度脫法界眾生，皆令成佛。今人卻言三句是臨濟門，風誤矣。汾州偈曰：三句三要事，難分古注曰：此句總頌三句也。下三句別列三句，也得意忘言。道易親，古注曰：此句或作意中句也。一句明該萬象，古注曰：此體中句也。重陽九日菊花新，古注曰：此句中句也。僧問三句三，要之名願為各各標出。古曰：三句者一體中句，二句中句，三句中句。此三句門是佛祖正見，學道人但隨入得一句，已具正見。入得三句，門是佛祖正依何聖教，叅詳悟得體中句，古曰：如肇法師云：會萬物為自己者，其唯聖人乎。又曰：三界唯心，萬法唯識。又曰：諸法所生，唯心所現。一切世間因果，世界微塵，因心成體。六祖云：汝等諸人，自心是佛，更莫狐疑。外無一法，而能建立。皆是自心，心生萬種法。又云：於一毫端現寶王刹，坐微塵裏，轉大法輪。如此等方，是正見。纔缺纖毫，即成邪見。便有剩

法不了。惟心僧又問：如何等語句，及時節因緣，是體中系？古曰：佛以手指地曰：「此處宜建梵刹，天帝釋將一莖草插其處。」曰：「建梵刹，竟佛乃微笑。」水潦被馬祖一踏，踏倒起曰：「萬象森羅，百千妙義，只向一毫上便識得根源。」僧問：「趙州如何？」是學人自己州對曰：「山河大地，此等所謂合頭語，直明體中系，正是潑惡水，自無出身之路，所以雲門誠曰：『大凡下語，如當門劍，一句之下，須有出身之路。』」若不如是，死在句下。又南院云：「諸方只具啐啄同時，眼不具啐啄同時。」用僧進曰：「有何言？」句明出身之路。古曰：「如杏山問石室，會到五臺，否？」對曰：「曾到。」曰：「見文殊否？」對曰：「見。」又問：「文殊向汝道什麼？」對曰：「道和尚父母拋在荒草裏。」僧問：「甘泉維摩以手擲三千大千世界於他方，意旨如何？」答曰：「填溝塞壑。」僧曰：「一句道盡時，如何？」答曰：「百雜碎。」雲門問僧：「甚處來？」曰：「南嶽來。」又問：「讓和尚為甚？」入洞庭湖裏，僧無對。雲門代云：「謝和尚降尊就卑，此等語雖赴來機，亦自有出身之路。要且未得脫灑灑潔淨，更須知有句中系。」僧曰：「既悟體中系，凡有言句，事理俱備，何須句中系？」古曰：「體中系，臨機須看時節。」分賓主，又認法身法性能卷舒萬象，縱奪聖凡，被此見解。

旨司錄

卷十四 臨濟

七

所纏不得脫灑所以須明句中若明得謂之透脫一路
向關又謂之本分事祇對更不答話僧曰何等語句
是句中系古曰如此即問佛說甚法佛云說定法又問明
日說甚法佛云不定法曰今日為甚定明日為甚不定佛
廬陵米作麼價又僧問趙州承聞和尚親見南泉來是
否答曰鎮州出大蘿菔頭又問雲門如何是超佛越祖之談
答曰胡餅如何是向上關樞曰東山西嶺青又問洞山如
何是佛答曰麻三斤若於此等言句中悟入一句一切總
通所以體中見解一時淨盡從此已後總無佛法知見
便能與人去釘楔脫籠頭更不依倚一物然但脫得知見
見解猶在於生死不得自在何以故為未悟道故於它分
上所有言句謂之不答話今世以此為極則天下大行祖
風歇滅為有言句在若要涉言句須明乎中系僧曰何
等語句時節因緣是乎中系古曰如外道問佛不問有言
不問無言世尊良久外道曰世尊大慈大悲開我迷雲令
我得入又僧問馬大師離四句絕百非請師直指西來意
答曰我今日無心問取智藏僧問藏口我今日頭

痛問取海兄又問海海曰我到這裏卻不會又臨濟問黃
 榮如何是佛法的大意三問三被初宗即未可也僧曰
 中以爲一極惟悟者方知未圓備有何過古曰但得體中
 三未了句中人須依時節具理事分賓主方謂之圓不然
 三乘對答句中人不念知見故道眼未明如眼中有金屑
 謂之偏枯此人以不念知見故道眼未明如眼中有金屑
 須更悟句中人乃可也若但悟句中人我以外有境未明
 爲此知見奴使并無實行有憎愛人我以心外有境未明
 體中云門臨濟下兒孫多如此凡學道人縱悟得一
 種中又須明取中云於佛祖言句棒喝中學何故有盡
 穩腳實地僧曰既云於佛祖言句棒喝中學何故有盡
 善不盡善者古曰一切言句棒喝以悟爲則但學者下劣
 不悟道但得見知見是學成非悟也所以認言句作無
 事作點語作縱語作奪語作照作用作同時不同時語此
 皆邪師過謬非眾生咎學者本意只欲悟道見性爲其師
 不達道祇將知見教渠故曰我眼本正因師故各各不同如
 論三法門名既有三法門亦有三而語句各各不同如

何又言一句之中須具三乎三要古曰空空法界本自無
爲隨緣應現無所不爲所以虛空世界萬象森羅四時陰
陽泰否入節草木榮枯人天七趣聖賢諸佛五教三乘外
道典籍世出世間皆從此出故云無不從此法界流究竟
還歸此法界經云一切諸佛及諸佛阿耨多羅三藐三菩
提法皆從此經出楞嚴曰於一毫端現寶王刹坐微塵裏
轉大法輪維摩曰或爲日月天梵王世界主或時作地水
或時作火風李長者云於法界海之智水示作魚龍處涅槃
之大宅現陰陽而化物真覺云一月普現一切水一切
水月一月攝三祖云一卽一切一切卽一故曰萬物本無
攬真成立真性無量理不可分故知無邊法界之理全體
徧在一法一塵之中華嚴曰法性徧在一處一切衆生
及國土三世悉在無有餘亦無形相而可得到此境者一
法一塵一色一聲皆具周徧含容四義理性無邊事相無
邊衆而不雜混而不一何疑一語之中不具三乎三要耶
僧又進曰古人何故須要一語之中具三乎三要其意安
在哉古曰蓋緣三世諸佛所有言句教法出自句中十方三世佛之與
世祖師所有言句并教法出自句中十方三世佛之與

臨濟

二

祖所有心法出自名中，名故祖道門中沒量大人容易領
 解且如親見雲門尊宿，其大聲價如德山、密洞、山初智門
 寬巴陵鑒只悟得言教要，且未悟道見性，何以知之？如僧
 問巴陵提婆宗答曰：「銀碗裏盛雪，問吹毛劍。」答曰：「珊瑚枝
 枝撐著月，問祖意教意，是同是別？」答曰：「雞寒上樹鳴，寒下
 水云我此三轉語足報雲門恩了也，更不為作忌齋大眾
 雲門道此事若在言句，一大藏教豈無言句？豈可以三轉
 語便報師恩乎？覺範僧寶傳贊曰：「古說法有三失，其一判
 三、三、三要為名沙所立三句，耶！曰：所言一句中具三、一、一、中具三、要
 其三分兩種，自己不知聖人立言之難，何謂三、三、三要為
 名沙所立三句，耶！曰：所言一句中具三、一、一、中具三、要
 有在巖頭雪峰，但名陷虎卻，物譬如火聚觸之為燒，背之
 用火古謂非是臨濟門風，則必有據而言有據，何不明書
 以絕學者之疑？不然則是臆說肆為臆說，則非天下之達
 道也。見立三、三、則分以為體中為句，中為名，中至言三、要
 則獨不分辨乎？方議呵學者溺於知見，不能悟道及釋一
 句之中具三、要，則反引金剛首楞嚴維摩等義證成曰：「理

旨司錄

卷十四

臨濟

三

性無邊事相無邊參而不雜混而不一何疑一語之中不具三平三要夫敘理敘事豈非知見乎且教乘既具此義則安用復立宗門古以氣蓋人則毀教乘爲知見自宗不通則又引知見以爲證此一失也何謂罪巴陵三語不識活句耶曰巴陵真得雲門之旨夫語中有語名爲死句語中無語名爲活句使問提婆宗答曰外道是問吹毛劍答曰利劍是問祖教同異答曰不同則鑒作死語墮言句中今觀所答三語謂之語則無理謂之非語則皆赴來機活句也古非毀之過矣二失也何謂分二種自己不知聖人立言之難耶曰世尊偈曰陀那微細識習氣如瀑流真非真恐迷我常不開演以第八識言其爲真也耶則慮迷無自性言其非真也耶則慮迷爲斷滅故曰我常不開演立言之難也爲阿難指示即妄即真之旨但曰二種錯亂修習一者用攀緣心爲自性者二者識精圓明能生諸緣緣所遺者然猶不欲間隔其辭慮於一法中生二解故古剏建兩種自己疑誤後學三失也林間錄云臨濟大師曰太凡舉唱宗乘須一句中具三平一平中具三要有一有要今諸方衲子多溟滓其語獨汾陽無德禪師能妙達其

旨作偈通之曰三三三要事難分得意忘言道易親一句
 明明該萬象重陽九日菊花新非特臨濟宗喜論三要石
 頭所作參同契備具此旨竊嘗深觀之但易三要之語爲
 明暗耳文止四十餘句而以明暗論者半之篇首便標曰
 靈源明皎潔枝派暗流注又開通發揚之曰暗合上中言
 明明清濁句在暗則必分上中在明則須明清濁此體中
 乎也至指其宗而示其意則曰日本未須歸宗尊卑用其語
 故下廣敘明暗之句奕奕聯連不已此句中乎也及其辭
 盡也則又曰謹白參乎人光陰莫虛度道人日用能不遺
 時失候則是真報佛恩此意中乎也法眼爲之注釋天下
 學者宗承之然予獨恨其不分三法但一味作體中乎解
 失石頭之意李後主讀當明中有暗注辭曰乎黃不眞黑
 白何咎遂開悟此悟句中乎爲體中乎耳如安楞嚴破句
 讀首楞嚴亦有明處予懼學者雷同其旨宗門妙意旨趣
 今叢林絕口不言老師宿德日以凋喪末學小生日以誣
 誼無復明辨因記先德詮量大法宗趣於此以俟有志者
 又云此方教體以音聞應機故明道者假以語言發其智
 用然以言遣言以理辨理則妙精圓明未嘗間斷謂之流

旨

卷十四

臨濟

七

注真如、此汾陽所謂一句明明、該萬象者也、得之者神而明之、不然、死於語下、故其應機而用、皆脫畧窠臼、使不滯影迹、謂之有語中無語、此汾陽所謂重陽九日菊花新者也、三句之設、本猶遣病、故達法者貴知其意、知意則索爾虛閑、隨緣任運、謂之不遺時、此汾陽所謂得意忘言、道易親者也、古塔主喜論明此道、然論三句、則可以言傳、至論三要、則未容無說、豈不曰一手中具三要、有手有要、自非親證、此道莫能辨也、海印曇珍曰、古德於三句語類能言之、而於三要、則皆杜口、按淨名經香積佛品、註中羅什曰、如來說法、其要有三、一軟善語、二剛強語、三雜說、善行樂果、軟善語也、惡行苦果、剛強語也、讚善毀惡、雜說也、三要蓋本於此也、幻寄曰、臨濟曰、凡演唱宗乘、一句中須具三句、門一、名門、須具三要、薦福古分擘古人公案、謂此爲體中句、此爲句中句、中句無論未達、臨濟落處、卽於一句具三句、一、具三要、文義亦相戾甚矣、寂音力斥之、良是、而謂薦福悞認三句、沙三句爲三句、則其悞與薦福等、蓋三沙三句、初未嘗有體中句中之名、兩家所陳、俱以第三爲極、則沙之第一句、謂盡十方世界、更無他故、祇是仁者等語、

已盡福之所謂體中。中。義矣。寂音乃摘其數語而為句中。中。復以沙之第三句為體中。中。淺深既自倒置。強合其所。本二。強析其所本。一。傳會欺眾。何異束蒲為脯。原福立二。種自己之意。謂體中是教乘極。則語句中是宗乘極。則語。尚是今時自己言句。邊事必不涉言句。契空劫自己始得。其所謂。中。中。而盡佛祖心法。其訶巴陵三語。未足以報。佛恩。即指廬陵米價。鎮州蘿蔔為句中。中。謂悟此等言句。未為悟道意也。殊不知廬陵米價。即空劫自己。即具三。中。三要。佛佛授手。授不可授之授。授此而已。燈燈相續。續無。所續之續。續此而已。謂此是言句。別求空劫自己。吾知其。愈遠也。寂音謂福不識陵活句。彼豈以廬陵米價為死句。固識為宗乘極。則語直未識此語。即空劫自己之分身。雖。終日言而未嘗言。與福所舉。中。中。諸公案。無異道耳。福。既不能識此。則。中。中之所列世尊良久。馬師無心情。黃檗。打臨濟又何能窺藩乎。於不二法。強生二解。佛祖亦不奈。渠何矣。嗚呼。世尊拈花。便是青原拈米價。使人盡解一笑。而承受金色頭陀。又何足貴哉。宜乎薦福之未達也。寂音。又引楞嚴罪薦福立二種自己。而楞嚴固有二種根本。謂。

旨言錄

卷十四

臨濟

七

根本可云二種。自己不可。福肯俛首乎。且福之言曰。空劫自己已是根蒂。今時自己已是枝葉。福亦何嘗截然二之。必以此為異。則凡云真心妄心。本來識神。皆負罪哉。福之分擘。三系寶不知而妄作。而音之斥福。則又不能無疵。音太息立言之難。不誣也。林間錄所載論三要語。悉本薦福。其引參同契。責法眼。更自穿鑿。當撰臨濟宗旨時。音之見已日劫遠矣。曇珍三要。乃薦福流裔。沙三句。具沙章中。嘆欲契三。三三要句。請看金色笑拈花。窺鞭良馬。今何處高樹扶疎挂。師曰。有時一喝。如金剛王寶劍。有時一喝。如踞晚霞。地師子。有時一喝。如探竿影草。有時一喝。不作一喝用。汝作麼生會。僧擬議。師便喝。寂音頌云。金剛王劍。覲露堂堂。纔涉唇吻。即犯鋒鋦。踞地師子。本無窠臼。顧仁之間。即成溲漏。探竿影草。不入陰界。一點不來。賊身自敗。有時一喝。不作喝用。佛法大有。只是牙痛。師應機多用喝。會下參徒亦學師喝。師曰。汝等總學我。

喝。我今問汝。有一人從東堂出。一人從西堂出。兩人齊喝。一聲。這裏分得賓主麼。汝且作麼生分。若分不得。已後不得學老僧喝。上堂。次兩堂首座相見。同時下喝。僧問師。還有賓主也無。師曰。賓主歷然。師召眾曰。要會臨濟賓主句。問取堂中二首座。上堂。僧出作禮。師便喝。僧曰。老和尚莫探頭好。師曰。你道落在甚麼處。僧便喝。人天眼目有師便打一句又僧問。如何是佛法大意。師便喝。僧作禮。師曰。你道好喝也無。僧曰。草賊大敗。師曰。過在甚麼處。僧曰。再犯不容。人天眼目有師。師曰。大眾要會臨濟賓主句。問取堂中二禪客。便喝一句

崇覺空頌云。孔明諸葛隱蓬廬。明主求賢三
下車。爲報將軍莫輕躁。先生謀策必無虞。
師會下

同學二人相問。一云離卻中下二機。請兄道一句子。一云

擬問則失。一云與麼則禮拜老兄去也。一云者賊。師聞乃

陞堂云。要會臨濟賓主句。問取堂中二禪客。便下座。徹菴

云。美人私語。仁中庭轉。盼金籠鸚鵡。聽生怕禽言露心事。瑤頌

手接香稻。暗叮嚀。廣慧璉舉兩堂。首座相見。齊喝話云。

諸人且道。還有賓主也無。若道有賓主。是個瞎漢。若道無

賓主。也是個瞎漢。不有不無。萬里崖州。你若向這裏道得

也好。與三十棒。若道不得也好。與三十棒。衲僧家到這裏

作麼生出得。山僧圈襪去。良久云。苦哉苦哉。蝦蟇蚯蚓。踣

跳上三十三天。撞著須彌山。百雜碎。遂示眾。參學之人。

拈拄杖云。一隊無孔鐵樵。速退速退。大須子細。如賓主相見。便有言論往來。或應物現形。或全

體作用。或把機權喜怒。或現半身。或乘師子。或乘象王。如有真正學人。便喝。先拈出一個膠盆子。善知識不辨是境。便上他境上作模作樣。便被學人又喝。前人不肯放下。此是膏肓之病。不堪醫治。喚作賓看主。或是善知識不拈出物。祇隨學人問處。卽奪學人被奪。抵死不肯放。此是主看賓。或有學人。應一個清淨境。出善知識前。知識辨得是境。把得拋向坑裏。學人言大好善知識。知識卽云。咄哉。不識好惡。學人便禮拜。此喚作主看主。或有學人披枷帶鎖。出善知識前。知識更與安一重枷鎖。學人歡喜。彼此不辨。喚

作賓看賓大德。山僧所舉。皆是辨魔揀異。知其邪正。僧問。禪師。如何是賓中賓。符曰。倚門傍戶。猶如醉。出言吐氣。不慚惶。曰。如何是賓中主。符曰。口念彌陀。雙拄杖。目瞽瞳人。不出頭。曰。如何是主中賓。符曰。高提祖印。當機用。利物應。知語帶悲。曰。如何是主中主。符曰。橫按鎧鎗。全正令。太平。寰宇。斬痴頑。曰。既是太平。寰宇。爲甚麼卻斬痴頑。符曰。不許夜行。剛把火。直須當道與人看。僧問。神鼎。誣。如何是賓中賓。鼎云。瞎云。如何是賓中主。鼎云。一似瞎云。如何是主中賓。鼎云。放汝三十棒。云。如何是主中主。鼎云。如何是主中賓。曰。滿面埃塵。又曰。噫。復。云。賓中之賓。少喜多嗔。丈夫壯志。當付何人。曰。如何是賓中主。曰。兆分其五。又曰。引復。頌曰。賓中之主。兮沙猛虎。半合半開。唯自相許。曰。如何是主中賓。曰。月帶重輪。又曰。收復。頌曰。主中之賓。溫故知新。互換相照。師子頻呻。曰。如何是主中主。曰。大千捏聚。又曰。揭復。頌曰。主中之主。正令齊。舉長劍倚天。誰敢當禦。總頌曰。賓主不分。顛頑絕異。聞解布勞生手。寄言來白雲。華嚴普攷舉。四賓主。話云。賓。

中間主互換機鋒。主中間賓同生同死。主中辨主飲氣吞聲。賓中覓賓。白雲萬里。故句中無意在句中。於斯明得。一雙孤雁。撲地高飛。於斯未明。一對鴛鴦。池邊獨立。知音禪客。相共證明。影響異流。切須子細。良久日。若是陶淵明攢眉便歸去。示眾。我有時先照後用。有時先用後照。有時照

用同時。有時照用不同時。先照後用。有人在。先用後照。有法在。照用同時。驅耕夫之牛。奪饑人之食。敲骨取髓。痛下針錐。照用不同時。有問有答。立賓立主。合水和泥。應機接物。若是過量人。向未舉已前。撩起便行。猶較些子。汾陽云。先照後用。且共汝商量。先用後照。汝也是個人。始得照用同時。汝作麼生當抵照用不同時。汝作麼生湊泊。瑯琊覺云。先照後用。露師子之爪牙。先用後照。縱象王之威猛。照用同時。如龍得水。致雨騰雲。照用不同時。提獎嬰兒。拊憐赤子。

此是古人建立法門爲合。如是不合。如是。若合。如是。紀信乘九龍之輦。不合。如是。項羽失千里之驢。還有爲瑯琊出氣底麼。如無。山僧自道去也。卓拄杖下座。慈明云。有時先照後用。有時先用後照。有時照用同時。有時照用不同。時。所以道有明。有暗。有起。有倒。乃喝一喝云。且道是照是用。還有緇素得出底麼。若有試出來。呈醜拙看。若無。山僧今日失利。經山杲云。若也先照後用。則瞎一切人眼。若也先用後照。則開一切人眼。若也照用同時。則半瞎半開。若也照用不同時。則全開全瞎。此四則語。有一則有賓無主。有一則有主無賓。有一則賓主俱無。有一則全具賓主。卽今眾中。或有個不受人瞞底漢。來道者裏。是甚麼所在。說有說無。說虛說實。說照說用。說主說賓。攔胸搗住。拽下禪牀。痛椎一頓。也怪伊不得。上堂。赤肉團上。有一無位真人。常從汝等面門出入。未證據者。看看。時有僧出問。如何は無位真人。師下禪牀。把住云。道道。其僧擬議。師托開云。無位真人。

是甚麼乾矢橛。便歸方丈。師見僧來。舉起拂子。僧禮拜。

師便打。又有僧來。師亦舉拂子。僧不顧。師亦打。又有僧來。

叅。師舉拂子。僧曰。謝和尚指示。師亦打。雲門代云。祇宜老漢大覺云。得即得。

猶未見臨濟機在。師問僧。甚麼處來。僧便喝。師揖坐。僧

擬議。師便打。又一僧來。師豎起拂子。僧禮拜。師便打。復見

僧來。亦豎起拂子。僧不顧。師亦打。徑山杲頌。五月五日

午時書。赤口毒吞盡消除。更饒急急如律令。不須門上畫

蜘蛛。僧問。如何是佛法大意。師豎起拂子。僧便喝。師便打。

又僧問。如何是佛法大意。師亦豎起拂子。僧便喝。師亦喝。

僧擬議。師便打。乃曰。大眾。夫爲法者。不避喪身失命。我於

黃檗先師處。三度問佛法的大意。三度被打。如蒿枝拂

相似如今更思一頓誰爲下手。時有僧出曰。某甲下手。師
度與拄杖。僧擬接。師便打。師陞堂。有僧出。師便喝。僧亦
喝。便禮拜。師便打。問僧甚處來。曰。定州來。師拈棒。僧擬
議。師便打。僧不肯。師曰。已後遇明眼人去在。僧後叅三聖。
纔舉前話。三聖便打。僧擬議。聖又打。天童華云。臨濟三聖
當時若有轉身句。後
代兒孫未至。掃土驀拈拄杖云。有一老宿叅。便問禮拜
更有一個甚處去。卓拄杖一下。卽是不禮拜。卽是。師便喝。宿便拜。師曰。好個草賊。宿曰。賊
賊。便出去。師曰。莫道無事好。時首座侍立。師曰。還有過也。
無。座曰有。師曰。賓家有過。主家有過。曰。二俱有過。師曰。過

在甚麼處座便出去。師曰莫道無事好。

南泉聞云官馬相踏

大覺

到叅。師舉起拂子。覺敷坐具。師擲下拂子。覺收坐具。叅堂去。僧眾曰。此僧莫是和尙親。不禮拜。又不喫棒。師聞令喚覺。覺至。師曰。大眾道汝不禮拜。又不喫棒。莫是長老親故。覺乃珍重下去。師問院主。甚麼處去來。曰。州中糶黃米來。師曰。糶得盡麼。曰。糶得盡。師以拄杖劃一劃曰。還糶得這個麼。主便喝。師便打。典座至。師舉前話。座曰。院主不會和尙意。師曰。你又作麼生。座禮拜。師亦打。

黃龍南云院主下喝不可放過

典座禮拜放過三十年後有人說破

同普化赴施主齋次師

問毛吞巨海。芥納須彌。爲復是神通妙用。爲復是法爾如
然。化趯倒飯牀。師曰。太粗生。曰。這裏是甚麼所在。說粗說
細。次日又同赴齋。師復問。今日供養。何似昨日。化又趯倒
飯牀。師曰。得卽得太粗生。化喝曰。瞎漢。佛法說甚麼粗細。
師乃吐舌。妙喜曰。且道臨濟兩次休去。還有商量分也。無若有。且如何商量。師一日與
河陽木塔長老。同在僧堂地爐內坐。因說普化每日在街
市掣風掣顛。知他是凡是聖。言猶未了。普化入來。師便問。
汝是凡是聖。普化云。汝且道我是凡是聖。師便喝。普化以
手指云。河陽新婦子。木塔老婆禪。臨濟小厮兒。卻具一隻

眼。師云者賊。普化云。賊賊。便出去。一日普化在僧堂前。喫生菜。師見云。大似一頭驢。普化便作驢鳴。師謂直歲云。細抹草料著。普化云。少望人不識。金陵又再來。臨濟一隻眼。到處爲人開。趙州遊方到院。在後架洗脚次。師便問。如何是祖師西來意。州曰。恰遇山僧洗脚。師近前作聽勢。州曰。會即便會。啗啄作甚麼。師便歸方丈。州曰。三十年行脚。今日錯爲人下註脚。師問杏山。如何是露地白牛。山曰。咩咩。師曰。啞那。山曰。長老作麼。師曰。者畜生。麻谷問。大悲千手眼。那個是正眼。師搗住曰。大悲千手眼。作麼生。

是正眼。速道。速道。谷拽師下禪牀。卻坐。師問訊曰。不審。谷擬議。師便喝。拽谷下禪牀。卻坐。谷便出。谷又問十二面觀音。那個是正面。師下禪牀。擒住曰。十二面觀音。甚處去也。速道。速道。谷轉身。擬坐。師便打。谷接住棒。相捉歸方丈。師云。山僧無一法與人。祇是治病解縛。你取山僧口裏語。不如休歇。無事去。又云。一念緣起。無生超。出三乘權學。示眾云。今時學佛法者。且要求真正見解。若得真正見解。生死不染。去住自由。不要求殊勝。殊勝自至。道流只如自古先德。皆有出人底路。如山僧指示人處。只要你不受人惑。要用便用。更莫遲疑。如今學者。不得病在甚處。病在不自信。

處。你若自信不及。即便忙忙地。徇一切境。被他萬境回換。不得自由。你若能歇得念念馳求心。便與祖佛不別。你欲識得祖佛麼。只你面前聽法底是。學人信不及。便向外馳求。設求得者。皆是文字名相。終不得他活祖意。此時不遇。萬劫千生。輪迴三界。徇好惡境。掇去驢牛肚裏生。道流約。山僧見處。與釋迦不別。每日多般用處。欠少甚麼。六道神光。未曾間歇。若能如是見得。卽是一生無事人。大德。三界無安。猶如火宅。此不是你久停住處。無常殺鬼。一刹那間。不擇貴賤老少。你要與祖佛不別。但莫外求。你一念清淨。

心光是你屋裏法身佛。一念無分別心。光是你屋裏報身佛。一念無差別心。光是你屋裏化身佛。此三種身是你卽今目前聽法底人。只爲不向外馳求。有此功用。若據經論家取三種身爲極則。約山僧見處不然。此三種身是名言。亦是三種依。古人云。身依義立。土據體論。法性身。法性土。明知是光影。大德你且識取弄影底人。是諸佛之本源。一切處是道流歸舍處。是你四大色身。不解說法聽法。脾胃肝膽。不解說法聽法。虛空。不解說法聽法。是甚麼解說法聽法。是你目前歷歷底。勿一個形段孤明。是者個解說法。

聽法。若如是見得。便與祖佛不別。但一切時中。更莫間斷。觸目皆是。只爲情生智隔。想變體殊。所以輪迴三界。受種種苦。約山僧見處。無不甚深。無不解脫。道流心法。無形通貫十方。在目曰見。在耳曰聞。在鼻嗅香。在口談論。在手執捉。在足運奔。本是一精明。分爲六和合。一心既無。隨處解脫。山僧怎麼說。意在甚處。只爲道流一切馳求心。不能歇上他古人閑機境。道流取山僧見處坐。斷報化佛頭。十地滿心。猶如客作兒。等妙二覺。擔枷鎖漢。羅漢辟支。猶如廁穢。菩提涅槃。如繫驢橛。何以如此。只爲道流不達三祇劫。

空。所以有此障礙。若是真正道人。終不如是。但能隨緣消
舊業。任運著衣裳。要行卽行。要坐卽坐。無一念心。希求佛
果。緣何如此。古人云。若欲作業求佛。佛是生死大兆。大德
時光可惜。祇擬傍家波波地。學禪學道。認名認句。求佛求
祖。求善知識。意度莫錯。道流你只有一個父母。更求何物。
你自返照看。古人云。演若達多。失卻頭。求心歇處。卽無事。
大德。且要平常。莫作模樣。有一般不識好惡禿兵。便卽見
神見鬼。指東畫西。好晴好雨。如是之流。盡須抵債。向閻羅
王前吞熱鐵丸。有日在。好人家男女。被者般野狐精魅所

著便卽捏怪。瞎屢生。索飯錢。有日在道流。切要求取真正見解。向天下橫行。免被這一般精魅。惑亂身心。更莫造作。只是平常。你纔擬心。早是錯了也。且莫求佛。佛是名句。你還識。馳求底麼。三世十方佛祖出來。也只爲求法。如今參學道流。也只爲求法。得法始了。未得依前輪迴五道。云何是法。法者是心法。心法無形。通貫十方。目前現用。人信不及。便乃認名認句。向文字中求其意度。與佛法天地懸隔。道流。山僧說法。說甚麼法。說心地法。便能入淨入穢。入凡入聖。入真入俗。要且不是你真俗凡聖。能與一切真俗凡

聖安名。一切真俗凡聖安者。個名字不得。道流把得使用。更莫安排。方契宗旨。山僧說法與天下人別。只如有個文殊普賢出來。目前各現一身問法。纔道客和尚。我早辨了也。何以如此。只爲我見處別。外不取凡聖。內不住根本。見徹本法。更不疑謬。又云。道流。佛法無用功處。只是平常無事。著衣喫飯。屙矢送尿。困來卽臥。愚人笑我。智乃知焉。古人云。向外作工夫。總是癡頑漢。你且隨處作主。立處皆真。一切境緣。回換不得。縱有從來習氣。五無間業。皆爲解脫大海。今時學禪者。總不識法。猶如觸鼻羊。逢著物安在。

口裏奴郎不辨賓主不分。如是之流。邪心入道。卽不得名爲眞出家人。正是眞俗家人。夫出家者。須辨得平常眞正見解。辨佛辨魔。辨眞辨僞。辨凡辨聖。若如是辨得名眞出家人。若魔佛不辨。正是出一家。入一家。乃喚作造業眾生。未得名爲眞出家人。只如今有個佛魔同體。若明眼道流。魔佛俱打。你若愛聖憎凡。生死海裏沉浮。未有了日。時有僧問。如何是佛魔。乞垂開示。曰。你一念心疑。處是佛魔。你若達得萬法無生。心如幻化。更無一塵一法。處處清淨。卽無佛魔。佛與眾生。是染淨二境。約山僧見處。無佛無眾生。

無古無今得者便得。不勒時節。亦無修證。無得無失。一切時中。更無別法。設有一法過此。我說如夢如幻。山僧所說。只是道流現今目前。孤明歷歷地聽法者。此人處處不滯。通徹十方。三界自在。入一切差別境。不能回換。一剎那間。透入法界。逢佛說佛。逢祖說祖。逢羅漢說羅漢。逢餓鬼說餓鬼。向一切處遊履國土。教化眾生。未曾離一念。隨處清淨。光透十方。萬法一如。道流大丈夫兒。今日方知本來無事。只爲你信不及。念念馳求。捨頭覓頭。自不能歇。如圓頓菩薩。入法界現身。回淨土中。厭凡欣聖。如此之流。取捨未

忘染淨心在。如禪宗見解。又且不然。直是現今。更無時節。山僧說處。皆是一期藥病相治。總無實法。若如是見。是真出家。日消萬兩黃金。道流莫取次。被諸方老師印破面門。道我解禪。解道辯似懸河。皆是造地獄業。若是真正學道人。不見世間過。切忌要求真正見解。若達真心。悟性圓明。方始了畢。問如何是真正見解。乞再指示。曰。你但一切入。凡入聖。入染入淨。入諸佛國土。入彌勒樓閣。入毘盧遮那世界。處處皆現國土。成住壞空。佛出於世。轉大法輪。入無餘涅槃。不見有去來相貌。求其生死了不可得。便入無生。

法界處處游履國土。入華藏世界。盡見諸法。全真皆是實相。語錄作盡見諸法空相。皆無實法。此從正法眼藏。惟有聽法。無依道人。是諸他之母。所以佛從無依生。若悟無依。佛亦無得。若如是見得。是真正見解。學人不了。執爲名句。被他凡聖名礙。所以障其道眼。不得分明。只如十二分教。皆是表顯之說。學者不會。便向表顯名句上生解。皆是依倚。落在因果。未免三界生死。你欲得生死去住自由。卽今識取聽法底人。無形無相。無根無本。無住處活潑潑地。應是萬般施設用處。只是無處所。語錄所字下有以字。覓者轉遠。求之轉乖。號爲秘密道流。你

莫認個夢幻伴。子遲晚中間。便歸無常。你向此世界中。覓甚麼物作解脫。覓取一口飯喫。補毳過時。且要訪尋善知識。莫因循逐樂。虛生浪死。光陰可惜。念念無常。粗則被地水火風。細則被生住異滅。四大四相所逼。無有了期。道流今時。且要識取四種無相境。免被境緣擺撲。問如何是四種無相境。師曰。你一念心愛。被水溺。你一念心嗔。被火燒。你一念心疑。被地礙。你一念心喜。被風飄。若能如是辨得。不被境轉。處處用境。東涌西沒。南涌北沒。中涌邊沒。邊涌中沒。履水如地。履地如水。緣何如此。爲達四大如夢如幻。

故道流你只今聽法者。不是你四大能用你四大。若如是見得。便乃去住自由。約山僧見處。沒嫌底法。你若憎凡愛聖。被聖凡境縛。有一般學人。向五臺山求文殊現。早錯了也。五臺山無文殊。你欲識文殊麼。只你目前用處。始終不異。處處不礙。此個是活文殊。你一念心無差別。光處處總是普賢。你一念心能自在。隨處解脫。此是觀音。三昧法互爲主伴。顯卽一時顯。隱卽一時隱。一卽三。三卽一。如是解得方始好看教。夫大善知識。始敢毀佛毀祖。是非天下排斥三藏教。罵辱諸小兒。向逆順中覓人。所以我於十二

年中求一個業性。如芥子許不可得。若似新婦子禪師。便
卽怕趁出院。不與飯喫。不安不樂。自古先輩到處人不信。
被遞出。始知是貴。若到處人盡肯。堪作甚麼。所以師子一
吼。野犴腦裂。道流諸方說有道可修。有法可證。你且說證
何法。修何道。你今用處欠少甚麼物。修補何處。後生小阿
師。不會便。卽信者。般野狐精魅。許他說事。繫縛他人。言道
理行相應。護惜三業。始得成佛。如此說者。如春細雨。古人
云。路逢達道人。第一莫向道。所以言若人修道。道不行。萬
般邪境競頭生。智劍出來無一物。明頭未顯暗頭明。所以

古人云。平常心是道。大德覓甚麼物。現今目前聽法。無依道人。歷歷地分明。未曾欠少。你若欲得與祖佛不別。但如是見。不用疑悞。你心心不異。名之活祖。心若有異。則性相別。心不異。故卽性相不別。問如何是心心不異處。師曰。你擬問早異了也。性相各分。道流莫錯。世出世諸法。皆無自性。亦無生性。但有空名。名字亦空。你祇麼認他閒名爲實。大錯了也。設有皆是依變之境。有個菩提依。涅槃依。解脫依。三身依。境智依。菩薩依。佛依。你向依變國土中覓什麼物。乃至三乘十二分教。是拭不淨故紙。佛是幻化身。祖是

老比丘你還是娘生己否。你若求佛。卽被佛魔攝。你若求祖。卽被祖魔縛。你若求皆苦。不如無事。有一般禿比丘。向學人道佛。是究竟。於三大阿僧祇劫修行。果滿始成道。道流。你若道佛。是究竟。緣什麼。八十年後。向拘尸羅城雙林樹間側臥而死去。佛今何在。明知與我生死不別。你言三十二相。八十種好。是佛轉輪聖王應。是如來明。知是幻化。古人云。如來舉身相。爲順世間情。恐人生斷見。權且立虛名。假言三十二。八十也空聲。有身非覺體。無相乃眞形。你道佛有六通。是不可思議。一切諸天神仙。阿修羅大力。

鬼亦有神通應是佛否。道流莫錯。祇如阿修羅與天帝釋戰戰敗。領入萬四千眷屬。入藕絲孔中藏。莫是聖否。如山僧所舉。皆是業通依通。夫如佛六通者。不然。入色界不被色。惑入聲界不被聲。惑入香界不被香。惑入味界不被味。惑入觸界不被觸。惑入法界不被法。惑所以達六種色聲香味觸法。皆是空相。不能繫縛。此無依道人。雖是五蘊陋質。便是地行神通。道流真佛無形。真法無相。你祇麼幻化上頭作模作樣。設求得者。皆是野狐精魅。并不是真佛。是外道見解。夫如真學道人。并不取佛。不取菩薩。羅漢。不取。

三界殊勝。迥然獨脫。不與物拘。乾坤倒覆。我更不疑。十方諸佛現前。無一念心喜。三塗地獄頓現。無一念心怖。緣何如此。我見諸佛空相變。即有不變。即無三界。惟心萬法。惟識。所以夢幻空華。何勞把捉。惟有道流。目前現今聽法底人。入火不燒。入水不溺。入三塗地獄。如游園觀。入饑鬼生。而不受報緣。何如此。無嫌底法。你若愛聖憎凡。生死海裏。沉浮煩惱。由心故。有無心煩惱。何拘不勞分別。取相自然。得道須臾。你擬傍家。波波地學得。於三祇劫中。終歸生死。不如無事。向叢林中。牀角頭。交腳坐。道流。你欲得如。

法但莫生疑展則彌綸法界收則絲毫不立歷歷孤明未
會欠少眼不見耳不聞喚作什麼物古人云說似一物則
不中你但自家看更有什麼說亦無盡各自著力珍重
道流是你目前用處與祖佛不別祇麼不信便向外求莫
錯向外無法內亦不可得你取山僧口裏語不如歇業無
事去已起者莫續未起者不要放起便勝你十年行腳約
山僧見處無如許多般祇是平常著衣喫飯無事過時
逢佛殺佛逢祖殺祖逢羅漢殺羅漢逢父母殺父母逢親
眷殺親眷始得解脫不與物拘透脫自在你一念心歇

得處喚作菩提樹。你一念心不能歇得處。喚作無明樹。無明無住處。無明無始終。你若念念心歇不得。便上他無明樹。便入六道四生。披毛戴角。你若歇得。便是清淨身界。你一念不生。便是上菩提樹。三界神通變化。自在身。有一般瞎禿子。喫飯飽了。便坐禪觀行。把捉念漏。不令放起。厭喧求靜。是外道法。祖師云。你若住心看靜。舉心外照。攝心內澄。凝心入定。如是之流。皆是造作。是你如今與麼聽法。底人作麼生擬修他。證他莊嚴他。渠且不是修底物。不是莊嚴得底物。若教他莊嚴你一切物。卽莊嚴得。山僧說。

向外無法學人不會。即便向裏作解。便即倚壁坐。舌拄上齟。湛然不動。取此爲是。祖門佛法也大錯。是你若取不動清淨境爲是。你卽認他無明爲郎主。古人云。湛湛黑暗深坑。實可怖畏。此之是也。你若認他動者是一切草木皆解動。應可是道否。所以動者是風大。不動者是地大。動與不動俱無自性。你若向動處捉他。他向不動處立。你若向不動處捉他。他向動處立。譬如潛泉魚。鼓波而自躍。大德動與不動。是二種境。還是無依道人。用動用不動。咸通八年丁亥四月十日。將示滅。說傳法偈曰。沿流不止。問如何。

真照無邊說似他。離相離名人不稟。吹毛用了急須磨。復
謂眾曰。吾滅後。不得滅卻吾正法眼藏。三聖出曰。爭敢滅
卻和尚正法眼藏。師曰。已後有人問你。向他道甚麼。聖便
喝。師曰。誰知吾正法眼藏。向這瞎驢邊滅卻。言訖。端坐而
逝。塔全身于府西北隅。諡慧照。寂音曰。急須磨者。船子日
跡處莫藏身也。幻寄曰。寂音祇
識菜刀子未夢見吹毛劍在。

指月錄卷之十四終

指月錄卷之十五

六祖下第五世

潭州石霜山慶諸禪師。廬陵新淦陳氏子。初習毘尼。忽棄土。
原^青抵瀉山爲米頭。一日篩米次。瀉曰。施主米。莫拋撒。師曰。不。
拋撒。瀉於地上拾得一粒曰。汝道不拋撒。這個是甚麼。師。
無對。瀉又曰。莫輕這一粒。百千粒盡從這一粒生。師曰。百。
千粒從這一粒生。未審這一粒從甚麼處生。瀉呵呵大笑。
歸方丈。瀉至晚上堂曰。大眾。米裏有蟲。諸人好看。後叅道。
吾問如何是觸目菩提。吾喚沙彌。彌應諾。吾曰。添淨瓶水。

著良久卻問師。汝適來問甚麼。師擬舉。吾便起去。師於此
有省。吾將順世。垂語曰。我心中有一物。久而爲患。誰能爲
我除之。師曰。心物俱非。除之益患。吾曰。賢哉賢哉。師後避
世。混俗於長沙瀏陽陶家坊。朝游夕處。人莫能識。後因僧
自洞山來。師問和尚有何言句示徒。曰。解夏上堂云。秋初
夏未。兄弟或東去西去。直須向萬里無寸草處去。良久曰。
祇如萬里無寸草處。作麼生去。師曰。有人下語否。曰。無。師
曰。何不道出門便是草。僧回舉似洞山。山曰。瀏陽乃有古
佛耶。妙喜曰。不見道。師子一滴乳迸散十斛驢乳。大陽
延云。如今直道不出門。亦是草。漫漫地。且道合向甚

上目手象

卷十五石霜

二

麼處行履良久云莫守寒巖異草青坐著白雲宗不妙
圓通善云且道諸人即今腳跟下一句作麼生道若道萬
里無寸草你許參見洞山若道出門便是草許你參見石
霜若道不出門亦是草漫漫地許你參見太陽若總道不
得你許參見延聖何故惟有好師在方丈內僧在窗外
風來席上更無關語落人間
問咫尺之間爲甚麼不覩師顏師曰徧界不會藏僧舉問
雪峰徧界不會藏意旨如何峰曰甚麼處不是石霜師聞
曰這老漢著甚死急峰聞曰老僧罪過系沙云山頭老漢
踏過石霜洞山
价云笑殺土地東禪齊云只如雪峰是會石霜意不會
石霜意若會也他爲什麼道死急若不會作麼生雪峰豈
可不會然法且無異奈以師承不同解之差別他云徧界
不會藏也須會學來始得會亂說即不可幻寄云齊公
此言以病爲藥跟目
定動入地獄如箭射
僧問三千里外遠聞石霜有個不

顧師曰。是曰。祇如萬象歷然。是顧不顧。師曰。我道不驚眾。
曰。不驚眾。是與萬象合。如何。是不顧。師曰。徧界不曾藏。
僧辭。師問。船去陸去。曰。遇船卽船。遇陸卽陸。師曰。我道半
塗稍難。僧無對。雲蓋問。萬戶俱閉。郎不問。萬戶俱開時。
如何。師曰。堂中事作麼生。曰。無人接得渠。師曰。道也太煞
道也。只道得八九成口。未審和尚作麼生道。師曰。無人識
得渠。妙喜曰。一對無孔鐵椎。就中一個最重。傳燈緣于
師後語。仍作無人接得渠。東禪齊云。只如石霜意。
作麼生。若道一般前來。爲甚麼不許伊若道別。問僧近
有道理。又只重說一遍。且道古人意作麼生。
離甚處。曰。審道師於面前畫一畫。曰。汝刺腳與麼來。還審

得這個麼。曰。審不得。師曰。汝衲衣與麼厚。爲甚卻審這個不得。曰。某甲衲衣雖厚。爭奈審這個不得。師曰。與麼則七佛出世也。救你不得。曰。說甚七佛。千佛出世也。救某甲不得。師曰。太懵懂生。曰。爭奈。師曰。叅堂去。僧曰。喏。喏。裴相公來。師拈起裴笏。問在。天子手中爲珪。在官人手中爲笏。在老僧手中。且道。喚作甚麼。裴無對。師乃畱下笏。示眾。初機未覩大事。先須識取頭。其尾自至。疎山仁叅問。如何是頭。師曰。直須知有。曰。如何是尾。師曰。盡卻今時。曰。有頭無尾時如何。師曰。吐得黃金。堪作甚麼。曰。有尾無頭時。

如何。師曰。猶有依倚在。曰。直得頭尾相稱時如何。師曰。渠

不作個解會。亦未許渠在。後僧問九峯如何是頭峯。曰。開眼不覺曉。曰。如何是尾峯。曰。不

坐萬年牀。曰。有頭無尾時如何。峯曰。終是不貴。曰。有尾無頭時如何。峯曰。雖飽無力。曰。直得頭尾相稱時如何。峯曰。

兒孫得力。師居石霜二十年。學眾多有常坐不臥。屹若

株杌。天下謂之枯木眾。唐僖宗聞師名。專使賜紫。師堅辭

不受。光啓四年戊申二月己亥。安坐而化。

潭州漸源仲興禪師。在道吾爲侍者。因過茶與吾。吾提起盞

曰。是邪。是正。師叉手近前。目視吾。吾曰。邪則總邪。正則總

正。師曰。某甲不恁麼道。吾曰。汝作麼生。師奪盞子提起曰。

是那正。吾曰。汝不虛爲吾侍者。師便禮拜。一日侍吾往檀越家弔慰。師拊棺曰。生耶死耶。吾曰。生也不道。死也不道。師曰。爲甚麼不道。吾曰。不道不道。歸至中路。師曰。和尚今日須與某甲道。若不道。打和尚去也。吾曰。打卽任打。道卽不道。師便打。吾歸院曰。汝宜離此去。恐知事得知不便。師乃禮辭。隱於村院。經三年後。忽聞童子念觀音經。至應以此叩身得度者。卽現比叩身。忽然大省。遂焚香遙禮曰。信知先師遺言。終不虛發。自是我不會。卻怨先師。先師旣沒。惟石霜是嫡嗣。必爲證明。乃造石霜。霜見便問離道吾。

後到甚處來。師曰。祇在村院寄足。霜曰。前來打先師因緣。會也未。師起身進前曰。卻請和尚道一轉語。霜曰。不見道。生也不道。死也不道。師乃述在村院得底因緣。遂禮拜石霜。設齋懺悔。他日持鉢復到石霜。於法堂上從東過西。從西過東。霜曰。作麼。師曰。覓先師靈骨。霜曰。洪波浩渺。白浪滔天。覓甚先師靈骨。師曰。正好著力。霜曰。這裏針劄不入。著甚麼力。師持鉢肩上便出。太原孚代云。先師靈骨猶在雪竇頌。兔馬有角。牛羊無角。絕毫絕釐。如山如嶽。黃金鑿骨。今猶在白浪滔天。何處著無處著。隻履西歸。曾失卻圓悟。勤云。有者錯會道。不道便是道。無句是有句。兔馬無角。卻云有角。牛羊有角。卻云無角。且得沒交涉。殊不知古人千變萬化。現如此神通。

只爲打破你這精靈鬼窟。若透得去。不消一個了字。兔馬有角。牛羊無角。絕毫絕釐。如山如嶽。這四句。便似摩尼寶珠。一顆相似。雪竇。崙地吐在你面前了也。後來祇是據款結案。

一日寶蓋和尚來訪。師便捲起簾子。在方丈內坐。蓋一見。乃下卻簾。便歸客位。師令侍者傳語。長老遠來不易。猶隔津在。蓋擒住侍者與一掌者曰。不用打某甲。有堂頭和尚在。蓋曰。爲有堂頭老漢。所以打你者。回舉似師。師曰。猶隔津在。

僧密禪師與洞山行次。忽見白兔走過。師曰。俊哉。洞曰。作麼生。師曰。大似白衣拜相。洞曰。老人大作這個說話。師曰。你作麼生。洞曰。積代簪纓。暫時落魄。師把針次。洞山問曰。

作甚麼。師曰：把針。洞曰：把針事作麼生。師曰：針針相似。洞曰：二十年同行，作這個語話，豈有與麼功夫。師曰：長老又作麼生。洞曰：如大地火發，底道理。師問智識所通，莫不由踐徑截處。乞師一言。洞曰：師伯意何得取功。師因斯頓覺。下語非常。後與洞山過獨木橋，洞先過了，拈起木橋曰：過來過來。師喚价闍黎，洞乃放下橋木。

澧州夾山善會禪師。廣州廖氏子。自得法船子。遯世幽棲。學者鱗萃。咸通庚寅，乃開席夾山。師初在瀉山作典座。瀉問今日喫甚菜。師曰：二年同一春。瀉曰：好好修事著。師曰：

龍宿鳳巢。僧問從上立祖意教意和尚爲甚麼卻言無。師曰。三年不喫飯。目前無饑人。曰。既是無饑人。某甲爲甚麼不悟。師曰。祇爲悟。迷卻闍黎。復示偈曰。明明無悟法。悟法卻迷人。長舒兩腳睡。無偽亦無真。問撥塵見佛時如何。師曰。直須揮劍。若不揮劍。漁父棲巢。僧後問石霜。撥塵見佛時如何。霜曰。渠無國土。甚處逢渠。僧回舉似師。師上堂舉了。乃曰。門庭施設。不如老僧入理深談。猶較石霜百步。問古人布髮掩泥。當爲何事。師曰。九鳥射盡。一翳猶存。一箭墮地。天下黯黑。師會下有一僧到石霜。入門便

道不審。霜曰：不必闍黎。僧云：與麼則珍重。又到巖頭。亦云：不審。頭乃噓兩聲。僧云：與麼則珍重。纔回步。頭云：雖是後生。亦能管帶。其僧歸舉似師。師明日陞堂。乃喚昨日從石霜巖頭來底阿師出來。如法舉前話。僧舉了。師云：大眾還會麼。若無人道。老僧不惜兩莖眉毛。道去也。乃云：石霜雖有殺人刀。且無活人劍。巖頭亦有殺人刀。亦有活人劍。上堂。我二十年住此山。未曾舉著宗門中事。有僧問：承和尚有三言。二十年住此山。未曾舉著宗門中事。是否。師曰：是。僧便掀倒禪牀。師休去。至明日。普請掘一坑。令侍者請昨

旨引錄

卷十五夾山會

七

日僧至曰。老僧一十年說無義語。今日請上座打殺老僧。埋向坑裏。便請便請。若不打殺老僧。上座自著打殺。埋在坑中始得。其僧歸堂束裝潛去。蔣山懃云。夾山濁時。頭尾皆濁。這僧清時。始終俱清。後人不曾便云。這僧怕被打殺潛去。殊不知絛裏有針。這僧好是好。只是少一轉語。待夾山云。闍黎若不打殺老僧。闍黎自著打殺。埋向坑中。只近前兩手擘開眼云。貓。虎頭上座。叅師問甚處來。曰。湖南來。師曰。曾到石霜麼。曰。要路經過。爭得不到。師曰。聞石霜有毬子話。是否。曰。和尚也須急著眼。始得。師曰。作麼生是毬子。曰。跳不出。師曰。作麼生是毬杖。曰。沒手足。師曰。且去。老僧未與闍黎相見。明日升座。師曰。昨日新到在麼。

頭出應諾。師曰：目前無法，意在目前。不是目前法，非耳目之所到。頭曰：今日雖問，要且不是。師曰：片月難明，非關天地。頭曰：莫戾沸，便作掀禪牀勢。師曰：且緩緩，虧著上座甚麼處。頭豎起拳曰：目前還著得這個麼。師曰：作家作家。頭又作掀禪牀勢。師曰：大眾看這一員戰將。若是門庭布列，山僧不如他若據入理之談，也較山僧一級地。師示眾云：百草頭薦取老僧，鬧市裏識取天子。雲門云：蝦蟇鑽你鼻孔，毒蛇穿你眼晴。且向葛藤裏會取妙喜云：夾山柴生招箭。僧問：如雲門認賊爲子，雖然如是，知恩者少，負恩者多。何是夾山境。師口：猿抱子歸青嶂裏，鳥銜花落碧巖前。後來

法眼云我二十年祇作境話會。浮山遠云直饒不作境話會亦未在何故。犀因翫月紋生角。象被雷驚花入牙。

上堂。金烏玉兔交互爭輝。坐卻日頭。天下黑暗。上唇與下唇從來不相識。明明向君道。莫令眼顧著何也。日月未足爲明。天地未足爲大。空中不運斤。巧匠不遺蹤。見性不留佛。悟道不存師。尋常老僧道。目覩瞿曇。猶如黃葉。一大藏教。是老僧坐具。祖師半旨。是破草鞋。甯可赤腳。不著最好。上堂。不知天曉。悟不由師。龍門躍鱗。不墮漁人之手。但意不寄私緣。舌不親半旨。正好知音。此名俱生話。若向半旨疑去。賺殺闍黎。因魚止。樂鈍鳥栖蘆。雲水非闍黎。闍

黎非雲水。老僧於雲水而得自在。闍黎又作麼生。上堂。
明不越戶。穴不棲巢。目不顧他位裏。腳不踏他位裏。六戶
不掩。四衢無蹤。學不亭午。意不立分。千劫眼不借舌頭底。
萬劫舌頭不顧眼中明。峻機不假鋒鋌。事到這裏。有甚麼
事。闍黎竿頭絲線。從君弄。不犯清波意。自殊。上堂。有祖
以來。時人錯會。相承至今。以佛祖言句。爲人師範。若或如
此。卻成狂人無智人去。他祇指示汝。無法本是道。道無一
法。無佛可成。無道可得。無法可取。無法可捨。所以老僧道。
目前無法。意在目前。他不是目前法。若向佛祖邊學。此人

未具眼在何故。皆屬所依。不得自在。本祇爲生死茫茫。識性無自由分。千里萬里求善知識。須具正眼。求脫虛謬之見。定取目前生死爲復實有。爲復實無。若有人定得。許汝出頭上根之人。言下明道。中下根器。波波浪走。何不向生死中定當取。何處更疑佛疑祖。替汝生死。有智人笑汝。汝若不會。更聽一頌。勞持生死法。惟向佛邊求。目前迷正理。撥火覓浮漚。中和元年十一月七日。召主事曰。吾與眾僧話道累歲。佛法深旨。各應自知。吾今幻質時盡。卽去。汝等善保護。如吾在日。勿得雷同世人。輒生惆悵。言訖奄然。

而逝。

舒州投子山大同禪師。參翠微語。具翠微章。他日問如何是佛理。微曰。

佛卽不理。師曰。莫落空否。微曰。真空不空。微復示識偈曰。

佛理何會理。真空又不空。大同居寂住。敷演我師宗。師後

住投子院。名寂住。一日趙州和尚至桐城縣。師亦出山。

途中相遇。乃逆而問曰。莫是投子山主麼。師曰。鹽茶錢布

施我州。先歸菴中坐。師後攜一瓶油歸。州曰。久嚮投子。及

乎到來。祇見個賣油翁。師曰。汝祇識賣油翁。且不識投子。

州曰。如何是投子。師提起油瓶曰。油油。師自過胡餅與州。

旨司承

卷十五 投子

上

州不管。師令侍者過胡餅。州禮侍者三拜。州問大死底人。卻活時如何。師曰。不許夜行。投明須到。州曰。我早侯白。伊更侯黑。雪竇頌云。活中有眼。還同死藥忌。何須驗作家。古佛尙言會未到。不知誰解撒泥沙。徑山杲頌。禾黍不陽艷。競栽桃李春。翻令力耕者。半作賣花人。雪峰到。師指菴前一片石。謂雪峰曰。三世諸佛。總在裏許。峰曰。須知有不在裏許者。師曰。不快漆桶。師與雪峰遊龍眠。有兩路。峰問那個是龍眠路。師以杖指之。峰曰。東去西去。師曰。不快漆桶。問一槌便就時如何。師曰。不是性燥漢。曰。不假一槌時如何。師曰。不快漆桶。峰問此間還有人叅也無。師將鑊頭拋向峰面前。

峰曰。恁麼則當處掘去也。師曰。不快漆桶。峰辭。師送出門。

召曰。道者。峰回首應諾。師曰。塗中善爲。雪竇顯於不是性燥漢處。拈云。我當時若作雪峰。待投子道不是性燥漢處。只向伊道。鉗鎚在我手裏。諸上座。合與投子著得個甚麼語。若能道得。便乃性燥平生光揚宗眼。若也顛頂頂上一椎。莫言不道。

僧問趙州。初生孩子。還具六識也無。州云。急水上打毬子。後僧問師。急水上打毬子。意旨如何。師曰。念念不停留。雪竇顯頌云。六識無功。伸一問作家會共辦來端。茫茫急水打毬子。落處不停誰解看。

師因僧問。如何是十身調御。師下禪牀立。又問。凡聖相去多少。師亦下禪牀立。雪竇顯云。此公案諸人無不委知。若與麼舉。天下衲僧盡爲念話社家。雪竇還有長處也無。試爲大眾舉看。凡聖相去多少。投子下禪牀立。如何是十身調御。

又問。凡聖相去多少。師亦下禪牀立。雪竇顯云。此公案諸人無不委知。若與麼舉。天下衲僧盡爲念話社家。雪竇還有長處也無。試爲大眾舉看。凡聖相去多少。投子下禪牀立。如何是十身調御。

旨司錄

卷十五投子同

清平遵

二

投子下禪牀立且道與前來舉底是同是別若道一般許上座具一隻眼若道別有奇特也許上座具一隻眼復更開一線道凡聖相去多少請上座下一轉語如何是十身調御請上座答一轉語非但衆見投子亦得知雪竇長處或復總道下禪牀立惜取眉毛好問一切聲是佛聲是否師曰是曰和

尚莫尿沸盃鳴聲師便打問粗言及細語皆歸第一義是

否師曰是曰喚和尚作頭驢得麼師便打妙喜云賊賊敗也復云且道那

個是正賊那個是草賊雪竇頌投子投子機輪無滯放

一得二同彼同此可憐無限弄潮人畢竟還落潮中死忽

然活百川倒流開滌滌問一等是水爲甚麼海鹹河淡師曰天上

星地下木師在京赴一檀越齋檀越將一盤草來師拳

兩手安頭上檀越便將齋來後有僧問和尚在京投齋意

旨如何師曰觀世音菩薩。問和尚自住此山有何境界。師曰了角女子白頭絲。中和中巢寇暴起天下喪亂有狂徒持刀問師曰住此何爲師乃隨宜說法渠魁聞而拜伏脫身服爲施而去。乾化四年四月六日示微疾大眾請醫師謂眾曰四大動作聚散常程汝等勿慮吾自保矣言訖跏趺而寂。

鄂州清平山安樂院令遵禪師。初叅翠微便問如何是西來的的意。微曰待無人卽向汝說。師良久曰無人也。請和尚說。微下禪牀引師入竹園。師又曰無人也。請和尚說。微指

竹曰。這竿得恁麼長。那竿得恁麼短。師雖領其微言。猶未徹其平旨。出住大通。舉初見翠微機緣。謂眾曰。先師入泥入水。爲我自是我不識好惡。師自此化導。僧問。如何是大乘。曰。井索。如何是小乘。曰。錢索。如何是有漏。曰。箴籬。如何是無漏。曰。木杓。法雲秀云。大乘小乘。井索錢索。有漏無漏。箴籬木杓。法昌遇和尚垂語云。我要一個不會禪底。做國師。妙喜曰。且道是醍醐句。毒藥句。

鼎州德山宣鑒禪師。簡州周氏子。卅歲出家。依年受具。精究天律。藏於性相諸經。貫通旨趣。常講金剛般若。時謂之周金剛。常謂同學曰。一毛吞海。海性無虧。纖芥投鋒。鋒利不動。

旨司錄

卷十五

德山

三

學與無學。惟我知焉。後聞南方禪席頗盛。師氣不平。乃曰。出家兒。干劫學佛威儀。萬劫學佛細行。不得成佛。南方魔子。敢言直指人心。見性成佛。我當撲其窟穴。滅其種類。以報佛恩。遂擔青龍疏鈔出蜀。至澧陽路上。見一婆子賣餅。因息肩買餅點心。婆指擔曰。這個是甚麼文字。師曰。青龍疏鈔。婆曰。講何經。師曰。金剛經。婆曰。我有一問。你若答得。施與點心。若答不得。且別處去。金剛經道。過去心不可得。現在心不可得。未來心不可得。未審上座點那個心。師無語。遂往龍潭。至法堂曰。久嚮龍潭。及乎到來。潭又不見。龍

又不現。潭引身曰：子親到龍潭，師無語，遂棲止焉。一夕侍立次。潭曰：更深何不下去？師珍重便出。卻回曰：外面黑。潭點紙燭度與師。師擬接，潭復吹滅。師於此大悟，便禮拜。潭曰：子見個甚麼？師曰：從今向去，更不疑天下老和尚舌頭也。至來日，龍潭陞座，謂眾曰：可中有個漢，牙如劍樹，口似血盆，一棒打不回頭。他時向孤峰頂上立，吾道去在。師將疏鈔堆法堂前，舉火炬曰：窮諸乎？辯若一毫，置於太虛，竭世樞機，似一滴投於巨壑，遂焚之。於是禮辭。抵瀉山，挾複子上法堂。從西過東，從東過西，曰：有麼？有麼？山坐次，殊

不顧盼師曰無無

雪竇著語云勘破了也

便出至門首乃曰雖然如

此也不得草草遂具威儀再入相見纔跨門提起坐具曰

和尚山擬取拂子師便喝拂袖而出

雪竇著語云勘破了也

瀉山至

晚問首座今日新到在否座曰當時背卻法堂著草鞋出

去也山曰此子已後向孤峰頂上盤結草菴呵佛罵祖去

在

雪竇著語云雪上加霜復頌云一勘破二勘破雪上加霜曾險墮飛騎將軍入虜庭再得完全能幾個急走過

不放過孤峰頂上草裏坐咄一團悟勤云雪竇道勘破且

道是勘破德山爲復勘破瀉山一妙喜日二尊宿恁麼相見每人失卻一隻眼

小叅示眾曰今夜不答話問話者三十棒時

有僧出禮拜師便打僧曰某甲話也未問和尚因甚麼打

某甲師曰汝是甚麼處人曰新羅人師曰未跨船舷好與

三十棒

山圓明密云大小德山龍頭蛇尾法眼云大小德

鑒德山要且只扶得未後句未扶得最初句在且作麼生
是德山最初句大鵬欲展摩霄翅誰顧崩騰六合雲又云
若作兩橛會且得沒交涉便作龍頭蛇尾會且得沒交涉
既不恁麼會畢竟作麼生且道二老宿爲甚麼卻如此拈
諸人試著眼看一雪竇顯云此二老宿雖善裁長補短捨
重從輕要見德山老漢亦未可在何故殊不知德山握閫
外之威權有當斷不斷不招其亂底劍諸人要識新羅僧
麼只是撞著露柱底瞎漢二圍悟勤又云雪竇道新羅僧
便是撞著露柱底瞎漢甚麼處是這僧瞎處人多猜解道
等他德山道你是甚麼處人當時便以坐具劈面搥癡人
若如此德山便放你也且道畢竟甚麼處是這僧瞎處師
便打予覺云叢林中喚作隔下語且從祇如德山道問
話者三十棒意作麼生太愚芝云時人盡道德山作家
用得好若與麼會還會夢見麼大愚道德山被這僧一推

直得五解冰消。雖然如是。今日覓這一個尊宿也。大難得。

示眾道得也。三十棒道不

得也。三十棒。臨濟聞得。謂洛浦曰。汝去問他。道得爲甚麼

也。三十棒。待伊打汝。接住棒送一送。看伊作麼生。浦如教

而問。師便打。浦接住送一送。師便歸方丈。浦回舉似臨濟。

濟曰。我從來疑著這漢。雖然如是。你還識德山麼。浦擬議。

濟便打。臨濟侍立次。師曰。困。濟曰。老漢竊語作麼。師便

打。濟掀倒禪牀。師便休。雪竇云。二員作者。具啐啄同時。眼

中奪鹿。饑鷹爪下分兔。敢謂臨濟。德山二俱瞎。漢有人辨

得天下橫行。妙喜曰。你看他了事。漢等閒驀路相逢。自

然各各有出身之路。後來雲峯悅禪師拈云。此二員作家

一撈一捺。畧露風規。大似把下上高山。雖然如是。未免旁

觀者醜且道誰是旁觀者良久喝一喝據妙喜所見雲峯亦未免和泥合水好與這兩個老漢一狀領過一坑埋卻甚麼處

龍牙問學人仗鎗鉏劍擬取師頭時如何師引頸近前曰因牙曰頭落也師呵呵大笑牙後到洞山舉前話山曰德山道甚麼牙曰德山無語洞曰莫道無語且將德山落底頭呈似老僧看牙方省便懺謝有僧舉似師師曰洞山老人不識好惡這漢死來多少時救得有甚麼用處有僧相看乃近前作相撲勢師曰與麼無禮合喫山僧手裏棒僧拂袖便行師曰饒汝如是也祇得一半僧轉身便喝師曰須是我打你始得曰諸方有明眼人在師

曰。天然有眼。僧擘開眼曰。猫便出。師曰。黃河三十年一度清。師令侍者喚義存。存上來。師曰。我自喚義存。汝又來作甚麼。存無對。雪峰問從上宗乘。學人還有分也無。師打一棒曰。道甚麼。曰。不會。至明日請益。師曰。我宗無語句。實無一法與人。峰因此有省。巖頭聞之曰。德山老人一條脊梁骨硬似鐵。拗不折。雖然如此。於唱教門中。猶較些子。一保福問招慶。祇如巖頭出世。有何言教。過於德山。使恁麼道。慶云。汝不見巖頭道。如人學射。久久方中。福云。中後如何。慶云。展閤黎。莫不識痛癢。福云。和尚今日非唯舉話。慶云。展閤黎。是甚麼心行。明招云。大小招。僧叅師問維那。今日幾人新到。曰。八人。師慶錯下名言。曰。喚來一時生按著。一上堂。及盡知也。直得三世諸佛。口

挂壁上。猶有一人呵呵大笑。若識此人。叅學事畢。或作德

投子青云。德山人似藏。

盡。楚天月猶存。漢地星。上堂。若也於己無事。則勿妄。

山密語。

求妄求而得。亦非得也。汝但無事於心。無心於事。則虛而
靈空。而妙若毛端。許言之本末者。皆爲自欺。何故。毫釐繫
念。三塗業因。瞥爾情生。萬劫羈鎖。聖凡名號。盡是虛聲。殊
相劣形。皆爲幻色。汝欲求之。得無累乎。及其厭之。又成大
患。終而無益。示眾云。諸子從朝至暮。有甚麼事。莫要逞
驢唇馬嘴。問德山老漢麼。我且不怕你。未審諸子有何疑
慮。近來末法時代。多有鬼神羣隊傍家走。言我是禪師。未

審學得多少禪道。說似老漢來。你諸方老禿奴。教汝修行。作佛傍家走。成得幾個佛也。你若無可學。又走作甚麼。若有學者。你將取學得底來。呈似老漢看。一句不相當。須喫痛棒。始得你被他諸方老禿奴魔魅著。便道我是修行人。打硬作模作樣。恰似得道底人面孔。莫取次用心。萬劫千生。輪迴三界。皆爲有心。何以故。心生則種種法生。若能一念不生。則永脫生死。不被生死纏縛。要行卽行。要坐卽坐。更有甚麼事。仁者。我見你諸人。到處發心。向老禿奴會下學佛法。荷負不惜身命。皆被釘卻諸子眼睛。斷諸子命根。

三二百個姪女相似。道我主化建立法幢。爲後人開眼目。
自救得麼。仁者如此說修行。你豈不聞道。老胡經三大阿。
僧祇劫修行。卽今何在。八十年後死去。與你何別。諸子莫。
狂。勸你不如休歇去。無事去。你瞥起一念心。便是魔家眷。
屬。破戒俗人。你見德山出世。十個五個總擬聚頭來難問。
待教結舌無言。你是儂儂兒。今何不出來。破布袋裏盛錫。
子。不出頭是好手。我要問你。實底莫錯。仁者波波地傍家。
走。道我解禪。解道點胸點肋。稱楊稱鄭。到這裏須盡吐。卻。
始得無事。你但外不著聲色。內無能所知解。體無凡聖。更。

學甚麼。設學得百千妙義。只是個喫瘡疣鬼。總是精魅我。這個虛空道。有且不是有。道無且不是無。言凡不凡。言聖不聖。一切處安著他。不得與你萬法爲師。這個老漢。不敢謗他。所以老胡吐出許多方便涕唾。教你無事去。莫向外求。你更不肯。欲得採集殊勝言句。蘊在胸襟。巧說言辭。以舌頭取辨。高著布裙。貴圖人知。道我是禪師。要出頭處。若作如此見解。打那鬼骨臀。入拔舌地獄。有日在。到處覓人。道我是祖師。門下客。卻被他問著本分事。口似木樨。便卻與他說菩提涅槃。真如解脫。廣引三藏言教。是禪是道。誑

他間間有甚麼交涉。謗我先祖德山老漢見處卽不然。這裏佛也無法也無達摩是老臊胡。十地菩薩是擔糞漢。等妙二覺是破戒凡夫。菩提涅槃是繫驢橛。十二分教是鬼神簿。拭瘡膿紙。四果三賢。初心十地。是守古墓鬼。自救得也無。佛是老胡矢橛。我先祖下至此會元載之雲門偈云讚佛讚祖須是德山老人始得仁者莫錯身被瘡痍。衣學甚麼事。飽喫飯了說真如。涅槃皮下還有血麼。須是個丈夫始得。汝莫愛聖。聖是空名。向三界十方世間。若有一塵一法可得。與你執取生解。保任貴重者。盡落天魔外道。是有學得底。亦是依草附木。精魅。

野狐諸子。老漢此間無一法與你諸人作解會。自己亦不會禪。老漢亦不是善知識。百無所解。只是屙矢放尿。乞食乞衣。更有甚麼事。德山老漢勸你。不如本分去。早休歇去。莫學顛狂。每人擔個死屍。浩浩地去。到處向老禿奴口裏。愛他涕唾喫。便道我是入三界。修蘊積行。長養聖胎。願成佛果。如斯等輩。德山老漢見之。似毒箭入心。花針亂眼。辜負先祖。帶累我宗圖。他道我是出家兒。如此消他十方施主水也消不得。莫筭道敢向他國王地上行。父母不供甘旨。豈爲無事。莫錯用心。閻羅王徵你草鞋錢。有日在穿你。

鼻孔纜著。櫪上償他宿債。莫言老漢不道。是你諸人大似有福。遇著德山出世。與你解去繩索。脫卻籠頭。卸卻背馱。作個好人去。三界六道收攝你不得。更無別法。是個烜赫虛空。無礙自在。不是你莊嚴得底物。從佛從祖。皆傳此法。而得出離。一大藏教。只是整理你。今時人諸子。莫向別處求覓。乃至達摩小碧眼胡僧到此來也。只是教你無事去。教你莫造作。著衣喫飯。屙矢送尿。更無生死可怖。亦無涅槃可得。無菩提可證。只是尋常一個無事人。第一莫拱手作禪師。覓個出頭處。巧言語魔魅後生。欲得人喚作長老。

自己分上。都沒交涉。徒知心識浩浩地。日夜捏怪不休。稱楊稱鄭。我是江西馬大師宗徒。德山老漢。且不是你羣隊人。我見石頭和尚。不識好惡。老漢所以罵伊。諸子。你但莫著聲色名言句義。境致機關。道理善惡。凡聖取捨。攀緣染淨。明暗有無諸念。可中與麼得。方是個無事人。佛亦不如你。祖亦不如你。仁者莫走蹋汝腳板濶去。別無禪道可學。若有學得者。卽是二頭天。自外道見解。亦無神通變現可得。汝道神通是聖。諸天龍神。五通神仙。外道修羅。亦有神通。應可是佛也。孤峰獨宿。一食耶齋。長坐不臥。六時禮念。

疑他生死。老胡有言。諸行無常。是生滅法。若言八定。凝神靜慮得者。尼乾子等。諸外道師。亦入得八萬劫大定。莫是佛否。明知邪見精魅。仁者。老胡不是聖佛。是老胡矢橛。且要仁者。辨取好惡。莫著人我。免被諸聖。槩菩提槩。解脫殊勝。名言妙義。沒溺繫縛。汝何以故。一念妄心。不盡。卽是生死相續。仁者。時不待人。莫因循過日。時光可惜。老漢不圖你田舍奴荷負。若肯卽信取。若不肯。每人有個矢鉢。擔取去。老漢亦不求你。諸方大有老禿奴。取一方處所。說禪說道。你急去學取。抄取我。此間終無一法與你。諸人。仁者問。

取學取以爲知解。老漢不能入拔舌地獄。若有一塵一法。示諸人說。言有佛有法。有三界可出者。皆是野狐精魅。諸仁者。欲識得麼。只是個虛空。尙無纖塵可得。處處清淨。光明洞達。表裏瑩徹。無事無依。無棲泊處。有甚麼事。老漢從生至死。只是個老比丘。雖在三界生。而無垢染。欲得出離。何處去。設有去處。亦是籠檻。魔得其便。仁者莫用身心。無可得。只要一切時中。莫用他聲色。應是從前行履處。一時放卻。頓脫羈鎖。永離蓋纏。一念不生。卽前後際斷。無思無念。無一法可當情。仁者作麼生擬下口嘴。你多知解。還會。

識渠面孔麼。出家兒乃至十地滿心菩薩。覓他蹤跡不著。所以諸天歡喜。地神捧足。十方諸佛讚嘆。魔王啼哭。何以故。緣此虛空活潑潑地。無根株。無住處。若到這裏。眼光定動。卽沒交涉。仁者莫求佛。佛是大殺人賊。賺多少人。入姪魔坑。莫求文殊普賢。是田舍奴。可惜許堂堂一個丈夫兒。喫他毒藥便了。擬作禪師面孔。見神見鬼。向後狂亂傍家走。覓師婆打瓦卜去。被無知老禿奴。便卽與卜道。教你禮祖師鬼。佛鬼。菩提涅槃鬼。是小姪女子不會。便問如何是祖師西來意。這老禿奴便打禪牀作境致。豎拂子云。好晴。

好雨好燈籠。巧述言詞。強生節目。言有平路。鳥道展手。若取如是說。如將寶器。貯於不淨。如將人糞。作梅檀香。仁者。彼既丈夫。我亦爾。怯弱於誰。竟日就他。諸方老禿奴口。嘴接他涕唾。喫了。無慚無愧。苦哉苦哉。狂卻子去。因果分明。水牯牛。牽犁拽耙。眼睛突出。氣力不登。大棒打你脊。却佛衣食。道我修行了也。若不明大理。饒你去佛肚裏過來。只是個能行底矢橛。不會遇著好人。便卽認得六根門頭。光影向口裏說取露布。是隱言妙句。光彩尖新。爭奈你自家無分。仁者是別人涕唾。更有一輩。三三兩兩。聚頭商量。甚

麼處無事。好經冬過夏。快說禪道。有知解。會義理。仁者。總作如此見解。覓便宜。豈有如此道理。入地獄。有日在。莫道不向諸子說。到處菜不擇一莖。柴不搬一束。一朝福盡。只是喫草去。虛消信施。濫稱叅學。更作禪師模樣。無益於人。自己分上。十二時中行履處。常常附物。見人只欲妖媚。掉尾子。指東話西。眼裏口邊。果然不見。只欲將相似語。勘當解處。老漢與你諸人何別。郎君子。莫取一期眼下口快。喫他毒藥了。似貪姪女人。不持齋戒。瞎禿奴。羣羊僧。顛卻他人。入地獄。仁者。莫取次看冊子。尋句義。覓勝負。一遞一口。

何時休歇。老漢相勸。不是惡事。切須自帶眼目。辨取清濁。是佛語。是魔語。莫受人惑。所有殊勝名言。皆是老胡一期方便施設。切須休歇去。莫倚一物。領他言語作解會。揀擇親疎。浮虛詐僞。記他閑言長語。皆是比量仁者。老漢只恐諸子墮坑落塹。作薄福業。事禡唇嘴。得少爲足。向靜處立。不肯進前。自惑諸境。亂走他人。由巡萬法。蓋爲不信虛空。本來無事。增減他不得。你諸人好似老鷄。身在虛空。心在糞堆上。只覓死物喫。諸子莫道德山老漢。不曾入叢林。商量高聲罵取。無人情。不怕業。只爲諸子不守分。馳騁四方。

傍他門戶。恰似女姑鬼。傳言送語。依事作解。心跡不忌。自
猶不立。常負死屍。擔枷帶鎖。五百一千里。來到德山面前。
八字立地。如欠伊禪道相似。和尚須爲我說。指示我。老漢
全體作用。大棒鎧遮田舍奴。罵賊矢孔面。不識好惡。到我
這裏。恰似遇澧州人。薈魚羹爛臠。一頓且圖你放下重擔。
去卻枷鎖。作个好人去。還肯麼。若肯卽住。不肯一任脫去。
珍重。示眾有言時。騎虎頭。收虎尾。第一句下明宗旨。無
言時。覲露機鋒。如同電拂。一師因疾僧問。還有不病者也。
無師曰。有。曰。如何是不病者。師曰。阿哪。阿哪。師復告眾曰。

捫空追響勞汝心神。夢覺覺非。竟有何事。言訖安坐而化。
卽唐咸通六年十二月一日也。

指月錄卷之十五終

指月錄卷之十六

六祖下第五世

瑞州洞山良价悟本禪師。會稽俞氏子。幼歲聰慧。從師念般若心經。至無眼耳鼻舌身意處。忽以手捫面問師曰。某甲有眼耳鼻舌等。何故經言無其師。駭然異之曰。吾非汝師。卽指往五洩山。禮默禪師。披剃。年二十一。詣嵩山具戒遊方。首謁南泉。值馬祖諱辰。修齋。泉問眾曰。來日設馬祖齋。未審馬祖還來否。眾皆無對。師出對曰。待有伴卽來。泉曰。此子雖後生。甚堪雕琢。師曰。和尚莫壓良爲賤。次參瀉山。

問曰。頃聞南陽忠國師。有無情說法話。某甲未究其微。瀉
 曰。闍黎莫記得麼。師曰。記得。瀉曰。汝試舉一徧看。師遂舉
 僧問如何是古佛心。國師曰。牆壁瓦礫是。僧曰。牆壁瓦礫
 豈不是無情。國師曰。是。僧曰。還解說法否。國師曰。常說熾
 然說。無閒歇。僧曰。某甲爲甚麼不聞。國師曰。汝自不聞。不
 可妨他聞者也。僧曰。未審甚麼人得聞。國師曰。諸聖得聞。
 僧曰。和尚還聞否。國師曰。我不聞。僧曰。和尚旣不聞。爭知
 無情解說法。國師曰。賴我不聞。我若聞。卽齊於諸聖。汝卽
 不聞我說法也。僧曰。怎麼則眾生無分去也。國師曰。我爲

眾生說不爲諸聖說。僧曰。眾生聞後如何。國師曰。卽非眾生。僧曰。無情說法。據何典教。國師曰。灼然言不該典。非君子之所談。汝豈不見華嚴經云。刹說眾生說。三世一切說。師舉了。漚曰。我這裏亦有。祇是罕遇其人。師曰。某甲未明。乞師指示。漚豎起拂子曰。會麼。師曰。不會。請和尚說。漚曰。父母所生口。終不爲子說。師曰。還有與師同時慕道者否。漚曰。此去澧陵攸縣石室相連。有雲巖道人。若能撥草瞻風。必爲子之所重。師曰。未審此人如何。漚曰。他曾問老僧。學人欲奉師去時如何。老僧對他道。直須絕滲漏始得。他

道還得不違師旨也。無老僧道第一不得道老僧在這裏。
師遂辭滬山徑造雲巖。舉前因緣了。便問無情說法甚麼
人得聞。巖曰無情得聞。師曰和尚聞否。巖曰我若聞汝卽
不聞吾說法也。師曰某甲爲甚麼不聞。巖豎起拂子曰還
聞麼。師曰不聞。巖曰我說法汝尙不聞。豈況無情說法乎。
師曰無情說法該何典教。巖曰豈不見彌陀經云水鳥樹
林悉皆念佛法。師於此有省。乃述偈曰也大奇也大奇。無
情說法不思議。若將耳聽終難會。眼處聞聲方得知。師問
雲巖某甲有餘習未盡。巖曰汝曾作甚麼來。師曰聖諦亦

不爲巖曰。還歡喜也未。師曰。歡喜則不無。如糞掃堆頭。捨
得一顆明珠。師問雲巖。擬欲相見時如何。曰。問取通事舍
人。師曰。見問次。曰。向汝道甚麼。師辭雲巖。巖曰。甚麼處去。
師曰。雖離和尚。未卜所止。巖曰。莫湖南去。師曰。無曰。莫歸
鄉去。師曰。無曰。早晚卻回。師曰。待和尚有住處。卽來。曰。自
此一別。難得相見。師曰。難得不相見。臨行。又問。百年後。忽
有人問。還邈得師真否。如何。祇對巖良久。曰。祇這是。師乃
沉吟。巖曰。佗闍黎承當個事。大須審細。師猶涉疑。後因過
水睹影。大悟。前旨有偈。曰。切忌從他覓。迢迢與我疏。我今

獨自往處處得逢渠。渠今正是我。我今不是渠。應須恁麼會。方得契如如。妙喜未見圓悟時。讀此偈致疑。曰。有個渠。又有個我。成甚麼禪。遂請益湛堂。堂云。你更舉看。妙喜遂舉堂云。師初行腳時。路逢一婆擔水。師你舉話也未會。便推出。索水飲。婆曰。水不妨飲。婆有一問。須先問過。且道水具幾塵。師曰。不具諸塵。婆云。去休。污我水擔。在泐潭見初首座。有語曰。也大奇。也大奇。佛界道界。不思議。師遂問曰。佛界道界。卽不問。祇如說佛界道界底。是甚麼人。初良久無對。師曰。何不速道。初曰。爭卽不得。師曰。道也未曾道。說甚麼。爭卽不得。初無對。師曰。佛之與道。俱是名言。何不引教。

初曰。敎道甚麼。師曰。得意忘言。初曰。猶將敎意向心頭作病在。師曰。說佛界道界底病大小。初又無對。次日忽遷化。時稱師爲問殺首座价。他日因供養雲巖眞次。僧問先師道。祇這是。莫。便。是。否。師曰。是。曰。意旨如何。師曰。當時幾錯會先師意。曰。未審先師還知有也。無。師曰。若不知有爭解恁麼道。若知有爭肯恁麼道。雲巖諱曰。營齋。僧問和尚於雲巖處得何指示。師曰。雖在彼中。不蒙指示。曰。旣不蒙指示。又用設齋作甚麼。師曰。爭敢違背他。曰。和尚初見南泉爲甚麼。卻與雲巖設齋。師曰。我不重先師道德佛法。

祇重他不爲我說破。曰和尚爲先師設齋。還肯先師也無。
師曰半肯半不肯。曰爲甚麼不全肯。師曰若全肯卽孤負
先師也。師自大唐中末於新豐山接誘學徒。厥後盛化
豫章高安之洞山。權開五位。善接三根。大闡一音。廣宏萬
品。橫抽寶劍。剪諸見之稠林。妙叶宏通。截萬端之穿鑿。又
得曹山深明的旨。妙唱嘉猷。道合君臣。偏正回互。由是洞
上元風。播於天下。諸方宗匠咸共推尊之。曰曹洞宗。師
作五位君臣頌曰。正中偏。三更初夜月明前。莫怪相逢不
相識。隱隱猶懷舊日嫌。偏中正。失曉老婆逢古鏡。分明覷

面別無真。休更迷頭猶認影。正中來。無中有路隔塵埃。但能不觸當今諱也。勝前朝斷舌才。兼中至。兩刃交鋒不須避。好手猶如火裏蓮。宛然自有冲天志。兼中到。不落有無誰敢和。人人盡欲出常流。折合還歸炭裏坐。上堂向時作麼生。奉時作麼生。功時作麼生。共功時作麼生。功功時作麼生。僧問如何是向。師曰喫飯時作麼生。曰如何是奉。師曰背時作麼生。曰如何是功。師曰放下鑊頭時作麼生。曰如何是共功。師曰不得色。曰如何是功功。師曰不共。乃示頌曰。向聖主由來法帝堯。御人以禮曲龍腰。有時鬧市

頭邊過到處文明賀聖朝。奉淨洗濃粧爲阿誰。子規聲裏

勸人歸。百花落盡啼無盡。更向亂峰深處啼。功枯木花開

劫外春。倒騎玉象趁麒麟。而今高隱千峰外。月皎風清好

日辰。共功眾生諸佛不相侵。山自高兮水自深。萬別千差

明底事。鷓鴣啼處百花新。功功頭角纔生已不堪。擬心求

佛好羞慚。迢迢空劫無人識。肯向南詢五十三。僧問曹山

臣旨訣。山曰。正位卽空界。本來無物。偏位卽色界。有萬象

形。正中偏者。背理就事。偏中正者。捨事入理。兼帶者。真應

眾緣。不墮諸有。非染非淨。非正非偏。故曰。虛元大道。無皆

真宗。從上先德。推此一位。最妙。最元。當詳審辨明。君爲正

位。臣爲偏位。臣向君是偏。中正。看視臣是正中。偏。君臣道

合是兼帶語。僧問。如何是君。山曰。妙德尊寰宇。高明朗大

虛曰如何是臣山曰靈機宏聖道真智利羣生日如何是臣向君山曰不墮諸異趣凝情望聖容曰如何是君視臣山曰妙容雖不動光燭本無偏曰如何是君臣道合山曰混然無內外和融上下平山又曰以君臣偏正言者不欲犯中故臣稱君不敢斥言是也此吾法宗要乃作偈曰學者先須識自宗莫將真際雜頑空妙明體盡知徭觸力在逢緣不借中出語直教燒不著潛行須與古人同無身有事超歧路無事無身落始終復作五相○偈曰白衣雖拜相此事不爲奇積代簪纓者休言落魄時○偈曰子時當正位明正在君臣未離兜率界烏雞雪上行○偈曰醵裏寒氷結楊花九月飛泥牛吼水面木馬逐風嘶○偈曰王官初降日王兔不能離未得無功旨人天何太遲○偈曰渾然藏理事朕兆卒難明威音王未曉彌勒豈惺惺又僧問五位對賓時如何山曰汝卽今問那個位曰某甲從偏位中來請師向正位中接山曰不接曰爲甚麼不接山曰恐落偏位中去山卻問僧祇如不接是對賓是不對賓曰早是對賓了也山曰如是如是陸亘大夫問南泉姓甚麼泉曰姓王曰王還有眷屬也無泉曰四臣不昧曰王居

何位泉曰王殿苔生後僧舉問曹山王殿苔生意旨何如
 山曰不居正立曰八方來朝時如何山曰他不愛禮曰何
 用來朝山曰違則斬曰違是臣分上未審君意如何山曰
 樞密不得旨曰恁麼則變理之功全歸臣相也山曰你還
 知君意麼曰外方不敢論量山曰如是如是投子青五
 位頌序云夫長天一色星月何分大地無偏榮枯自異是
 以法無異法何迷悟而可及心不自心假言象而提唱其
 旨既融於水月孤蹤派渾於金河不墜虛疑回塗復妙幽
 丹霞醇五位頌序云夫黑白未分難為彼此元黃之後方
 見自他於是借黑權正假白示偏正不坐正夜半虛明偏
 不坐偏天曉陰晦全體即用枯木花開全用即真芳叢不
 艷摧殘兼帶及盡元微玉鳳金鸞分疎不下是故威音那
 畔休話如何曲為今時由人施設芙蓉楷上堂喚作一
 句已是埋沒宗風曲為今時通塗消耗所以借功明位用
 在體處借位明功體在用處若也體用雙明如門扇雨開
 不得向兩扇上著意不見新豐老子道峰巒秀異鶴不停
 機靈木迢然鳳無依倚直得功成不處電火難追擬議之

間長途萬里，長蘆歇上堂，轉功就位，是向去底人。王菴
荆山貴轉位就功，是卻來底人。紅爐片雪春，功位俱轉通
身不滯，撒手依石女，夜登機，密室無人掃，正恁麼時，絕
氣息一句，作麼生相委？良久，日歸根，風墮葉，照盡月潭空。
僧問：雪竇宗如何是轉功就位？宗云：撒手無依，全體現
扁舟漁父宿蘆花。云：如何是轉位就功？云：夜半嶺頭風月
靜，一聲高樹嶺猿啼。云：如何是功位齊彰？云：出門不蹋來
時路，滿目飛塵絕點埃。云：如何是功位齊隱？云：泥牛飲盡
澄潭月，石馬加鞭不轉頭。湧泉景欣禪師云：我四十九
年在這裏，尚自有時走作。汝等諸人，莫開大口，見解人多。
行解人萬中無一個，見解言語總要知通，若識不盡，敢道
輪迴去在，爲何如此？蓋爲識漏未盡，汝但盡卻，今時始得
成立，亦喚作立中功。轉功就他，去亦喚作就中功。親他去
我，所以道：親人不得度，渠不度親人，恁麼譬喻，尚不會薦
取。渾崙底，但管取性亂動，舌頭不見洞山道：相續也大難
汝須知，有此事，若不知有啼哭，有日在。天童覺四借頌
一借功明位，頌蘋末風休夜未央。水天虛碧共秋光。月船
不犯東西岸，須信篙人用意良。二借位明功，頌六戶虛通

洞山

七

路不迷。太陽影裏不當機。縱橫妙展無私化。恰恰行從鳥
 道歸。三借借不借借。頌識盡甘辛百草頭。鼻無繩索得優
 游。不知有去成知有始。信南泉喚作牛。四全超不借借。頌
 霜重風嚴景寂寥。玉關金鎖手慵敲。寒松靜夜無虛籟。老
 鶴移栖空月巢。古德分三種功勲。頌一正位一色。頌無
 影林中鳥不栖。空階密密向邊遲。寒巖荒草何曾綠。正坐
 當堂失路迷。二大功莫色。頌白牛雪裏覓無蹤。功盡超然
 體浩融。月影蘆花天未曉。靈苗任運剪春風。三今時一色
 頌。觸識盡勿多般。狗口纔開落二三。日用光中須急薦。
 青山只在白雲間。圓悟禪師提唱五位。示眾舉僧問洞
 山。寒暑到來時如何。迴避山云。何不向無寒暑處去。僧云。
 如何是無寒暑處。曰。寒時寒殺。闍黎熱時熱殺。闍黎黃龍
 新拈云。洞山袖頭打領。腋下剋禪。爭奈這僧不甘。如今有
 個出來問黃龍。且道如何支遣。良久云。安禪不必須山水。
 滅卻心頭火。自涼。諸人且道。洞山圈襪落在甚麼處。若明
 辨得。始知洞山下五位。回互正偏。接人不妨奇特。到這向
 上境界。方能如此。不消安排。自然恰好。所以道正中偏。五
 位。頌見前。浮山遠錄。公以此公案爲五位之格。若會得一

則餘者自然易會。巖頭道如水上葫蘆子相似。捺著便轉。殊不消絲毫氣力。曾有僧問洞山。文殊普賢來參時如何。山云。趕向水牯牛羣裏去。僧云。和尚入地獄如箭。山云。全得他力。洞山道。何不向無寒暑處去。此是偏中正。僧云。如何。山云。無寒暑處。山云。寒時寒殺。閻黎熱時熱殺。閻黎。此是正中偏。雖正卻偏。雖偏卻圓。若是臨濟下無許多事。這般公案。直下便會。有者道。大好無寒暑。有什麼巴鼻。古人道。若向劍刃上走。則快若向情識上見。則遲。不見僧問翠微。如何。是祖師西來意。微云。待無人來。向你道。遂入園中行。僧云。此間無人。請和尚道。微指竹云。這竿竹得與麼長。那竿竹得與麼短。其僧忽然大悟。又曹山慧霞問僧。恁麼熱。向什麼處迴避。僧云。鑊湯爐炭裏迴避。山云。鑊湯爐炭裏。如何迴避。僧云。眾苦不能到。看他家裏人。自然會他家裏說話。雪竇用他家裏事。頌云。垂手還同萬仞崖。正偏何必在安排。琉璃古殿照明月。忍俊韓盧空上階。悟師舉了云。只如諸人還識洞山爲人處麼。良久復云。討甚兔子。九峰通元謂門弟子曰。佛意祖意。如手展握。先師安立五位。發明雲巖宗旨。譬如神醫治病。其藥只是尋常用者。語忌。

十成不欲斷絕機忌觸犯不欲染污但學者機思不妙惟尋九轉靈丹云能起死是大不然法華經有化城一品佛祖密說然讀分明大通智勝佛壽五百四十萬億那由他劫其坐道場破魔軍已垂得阿耨多羅三藐三菩提而諸佛法不現在前如是一小劫乃至十小劫結跏趺坐身心不動而諸佛法猶不在前言垂成者言一小劫言十小劫者是染污是斷絕又曰爾時忉利諸天先為彼佛於菩提樹下敷師子座高一由旬佛於此座當得阿耨多羅三藐三菩提提適坐此座時諸梵天王雨眾天花而百由旬香風時來吹去萎花更雨新者如是不絕滿十小劫供養於佛常擊天鼓其餘諸天作天伎樂常雨此花四王諸天為供養佛常擊天鼓其餘諸天作天伎樂滿十小劫至於滅度亦復如是諸比北大通智勝佛過十小劫諸佛之法乃現在前成阿耨多羅三藐三菩提悟宗者夫豈不然哉道吾真曰古之旨也祖師曰藉教悟宗者夫豈不然哉道吾真曰古人道主賓元不異問答理俱全同安又曰賓主睦時全是妄君臣合處正中邪一等是出世尊宿接物利生言教有異為復見處偏枯為復利生不普明眼底人通個消息

目録

卷十六 洞山

乙

汾陽五位頌五位參尋切要知纖毫纔動卽差違金剛透
匣誰能解惟有那吒第一機舉目便令三界靜振鈴還使
九天歸正中妙挾通回互擬議鋒鋌失卻威大死翁景
深禪師謁寶峰照求入室照日直須斷起滅念向空劫已
前掃除元路不涉正偏盡卻今時全身放下放盡還放方
有自由分師聞頓領厥旨峰擊鼓告眾曰深得闡提大死
之道後學宜依之吉祥元實禪師依天衣法聰禪師早
夜精勤脅不至席一日偶失笑喧眾衣擯之中夜宿田里
睹星月璨然有省曉歸趨方丈衣見乃問洞山五位君臣
如何話會師曰我這裏一位也無衣令參堂謂侍者曰這
漢卻有個見處奈不識宗旨何入室次衣預令行者五人
分敘而立師至俱召實上座師於是密契奧旨述偈曰一
位纔彰五位分君臣叶處紫雲屯夜明簾捲無私照金殿
重重顯至尊衣稱善五位王子僧問石霜諸禪師如何
是誕生王子諸云貴裔非常種天生位至尊如何是朝生
王子諸云白衣爲宰輔直指禁庭中如何是末生王子諸
云循途方覺貴漸進不知尊如何是化生王子諸云政威
無比況神用莫能傳如何是內生王子諸云重幃休勝負

金殿臥清風，又燈錄載諸頌洞山五位王子誕生頌，天然
 貴胄本非功，德合乾坤育勢隆。始末一朝無雜種，分宮六
 宅不他宗。上和下睦，陰陽順共，氣連枝器量同，欲識誕生
 王子父，鶴冲霄漢出銀籠。朝生頌，苦學論情世莫羣，由來
 凡事已超倫。詩成五字三冬雪，筆落分毫四海雲。萬卷積
 功彰聖代，一心忠孝輔明君。鹽梅不是生知得，金榜何勞
 顯至勲。末生頌，久棲巖壑用功夫，草榻柴扉守志孤。十載
 見聞心自委，一身冬夏衣。縑無澄凝舍笑，三秋思清苦。高
 名上哲圖業就，高科酬志極。比來臣相不當塗，化生頌，傍
 分帝位爲傳持。萬里山河布政威，紅影日輪凝下界。碧油
 風冷暑炎時，高低豈廢尊卑奉。五袴蘇塗遠近知，妙印手
 持煙塞靜當陽。那肯露纖機，內生頌，九重密處復何宣。挂
 弊由來顯妙傳，祇奉一人天地貴。從他諸道自分權，紫羅
 帳合君臣隔。黃閣簾垂禁制全，爲汝方隅宮屬戀。遂將黃
 葉止啼錢，九峰虔禪師。僧問承古有言，向外紹則臣位
 向內紹則王種。是否峰曰：是曰：如何？是外紹峰曰：若不知
 事極頭，祇得了事。與作外紹，是爲臣種。曰：如何？是內紹，峰
 曰：知向裏許承當擔荷，是爲內紹。曰：如何？是王種，峰曰：須

見無承當底人，無擔荷底人，始得同一色，同一色了。所以
借爲誕生，是爲王種。曰：「恁麼則內紹亦須得轉？」峰曰：「灼然
有承當擔荷，爭得不轉？」汝道內紹便是人王種，你且道如
今還有紹底道理麼？所以古人道：「紹紹是功，紹了非是功。」轉
功位了，始喚作人王種。曰：「未審外紹還轉也無？」峰曰：「外紹
全未知有，且教渠知有。」曰：「如何是知有？」峰曰：「天明不覺曉，
問如何是外紹？」峰曰：「不借別人家裏事。」曰：「如何是內紹？」
峰曰：「推箭向裏頭。」曰：「二語之中，那語最親？」峰曰：「臣在門裏，王
不出門。」曰：「恁麼則不出門者，不落二邊？」峰曰：「渠也不獨坐
世界裏。」紹王種名，外紹王種姓，所以道：「紹紹是功名，臣是偏
中正。」紹了轉功名，君是正中偏。問：「誕生還更知聞也無？」
峰曰：「更知聞阿誰？」曰：「恁麼則莫便是否？」峰曰：「若是爲甚麼？」
古人道：「誕生王有父。」曰：「既有父，爲甚麼不知聞？」峰曰：「同時不
識祖。」問：「古人道：『直得不恁麼來者，猶是兒孫意旨。』如何？」
峰曰：「古人不謾語。」曰：「如何是來底兒孫？」峰曰：「猶守珍御在。」
曰：「如何是父？」峰曰：「無家可坐，無世可興。」寂音曰：「雪竇通禪
師，長沙岑大蟲之子也。每謂諸同伴曰：『但時中常在識盡
功成，瞥然而起，卽是傷他。』而況言句乎？」故石霜諸禪師宗

風多論內紹外紹臣種王種借句挾帶直饒未嘗忘照猶
 爲外紹謂之臣種亦謂之借謂之誕生然不若絲毫不隔
 如王子生下卽能紹種謂之內紹謂之王種謂之句非借
 也借之爲言一色邊事耳不得已應機利生則成挾帶汾
 陽無德禪師偈曰土庶公侯一道看貧富賢愚名漸次將
 知修行亦須具眼予參至此每自嗟笑嗟堂中首座昧先
 師之意而脫去笑羅山大師不契而識巖頭及觀棗柏大
 師之論曰當以止觀力功熟乃證知急亦不得成而緩亦
 不得但知常不休必定不虛棄如乳中有酪要須待其緣
 彼緣緣之中本無有作者故其酪成已亦無有來處亦非
 是本有如來智慧海方便亦如是是以知古老宿行處皆
 聖賢之言也又曰此如唐郭中令李西平皆稱王然非有
 種也以勲勞而至焉高祖之秦王明皇之肅宗則以生帝
 王之家皆有種非以勲勞而至者也謂之內紹者無功之
 功也先聖貴之謂之外紹者借功業而然故又名曰借句
 曹山章禪師偈有曰妙明體盡知傷觸力在逢緣不借中
 雲居膺禪師曰頭頭上了物物上通只喚作了事人終不
 喚作尊貴將知尊貴一路自別寂音復述洞山尊貴旨

訣云、雲居膺禪師曰、僧家發言吐氣、須有來由、莫將作等閑、這裏是什麼處所、爭受容易、凡問個事、也須識些子好惡、若不識尊卑良賤、不知觸犯、信口亂道、也無利益、并馳行腳、到處覓相似語、所以尋常向兄弟道、莫怪不相似、恐同學太多去、第一莫將來將來不相似、言語也須看首尾、八十老人入場屋、不是小兒嬉、不是因循底事、一言參差、卽千里萬里難收攝、蓋爲學處容易、又曰、汝等諸人、直饒學得佛邊事、早是錯用心了、也不見古人講得天花落石點頭、尚不干自己事、自餘是甚麼閑、如今擬將有限身心、向無限中用、有甚麼交涉、如將方木逗於圓孔、多少誚訛、若無恁麼事、饒汝說得簇花簇錦、亦無用處、未離識情在、一切事須向這裏及盡、始得無過、方得出身、若一毫髮去、不盡、卽被塵累、豈況更多、差之毫釐、過犯山嶽、不見古人道、學處不元、卽是流俗、閨閣中物、捨不得、卽爲滲漏、直須向這裏及取、及去、及來、併盡一切事、始得無過、如人頭頭上了、物物上通、只喚作了事、人終不喚作尊貴、將知尊貴一路、自別、便是世間極重極貴物、不得將來向尊貴邊、須知不可思議、不當好心、所以古人道、猶如雙鏡、光光相對、

光明相照更無虧盈豈不是一般猶喚作影像邊事如日出照於世間明朗是一半那一半喚作什麼如今人未識得光影門頭戶底粗淺底事將作屋裏事又爭得又曰升天底事須對眾颺卻十成底事對眾去卻擲地作金聲不得回頭顧著自餘有什麼用處不見二祖當時詩書博覽三藏聖教如觀掌中因甚麼更求達磨安心將知此門中事不是等閑予味雲居之語知尊貴之旨須自悟噫垂衣裳而天下治者堯舜也僧問曹山子歸就父爲甚麼父子全不顧山曰理合如是曰父子之恩何在山曰始成父子之恩曰如何是父子之恩山曰刀斧斫不開又僧問如何是師子山曰眾獸不能近曰如何是師子兒山曰能吞父母者曰既是眾獸近不得爲甚麼卻被兒吞山曰豈不見道子若哮吼祖父俱盡曰盡後如何山曰全身歸父曰未審祖盡時父歸何所出曰所亦盡曰前來爲甚麼道全身歸父山曰譬如王子能成一國之事又曰關黎此事不得孤滯直須枯木上更撒些子花投子感溫禪師僧問父不投爲甚麼卻投子投曰豈是別人屋裏事曰父與了還屬功也無投曰不屬曰不屬功底如何投曰父子各自脫

言行錄

卷十六

洞山

三

日爲甚麼如此。投曰：汝與我會。華嚴隆禪師少時事石門徹禪師。一日問門曰：但得隨處安閑，自然合他古轍。雖有此語，疑心未歇。時如何？門曰：知有乃可。隨處安閑，如人在州縣住，或聞或見，千奇百怪，他總將作尋常。不知有而安閑，如人在村落住，有少聲色，則驚怪傳說。先洞山示眾曰：欲知此事，如人家養三兒，以一著州中，一著村中，一著縣中。其一用家中錢物，其一用外處錢物，有一不得家中錢物，亦不得外處錢物，且道那一個合在州中，那一個合在縣中？那一個合在村中？有僧便問：三個莫明輕重否？曰：是。僧曰：如何？是此人出身處。洞曰：知有卻不知？有是此人出身處。僧曰：未審此人從今日去也。無曰：亦從今日去。僧曰：恁麼則屬功也。洞曰：是。僧曰：喚作甚麼功？洞曰：喚作功就之功。僧曰：此人還知有州中人否？洞曰：知有始解奉重矣。僧曰：恁麼則村中人全明過也。洞曰：是。僧曰：如何？是此人過處。洞曰：不知有喚作閑人，是此人過處。不見先師道。今時學道之人，須知有轉身處。始得。隆曰：古人知有便如州中人耶？亦須因奉重而至耶？門曰：洞山曰：向時作麼生？奉時作麼生？功時作麼生？其功時作麼生？功時作麼生？

僧問如何是向。曰。喫飯時作麼。生曰。如何是奉。曰。背時作麼。生曰。如何是功。曰。放下饅頭時作麼。生曰。如何是共。功曰。不得色。曰。如何是功。功曰。不共。此名功勲。五位也。譬如初生鳩兒。毛羽可憐。生久久自能高飛遠揚。僧問雲居宏覺禪師。如何是沙門所重。覺曰。心識不到處。洪覺範曰。洞上宗旨。語忌十成。不欲犯犯。則謂之觸諱。如五位曰。但能不觸。當今諱也。勝前朝斷舌才。洪覺蓋洞山之高弟也。而所答之語如此。豈非觸諱乎。曰。東坡最能爲譬。嘗曰。以吾之所知。推至其所不知。嬰兒生而導之言。稍長而教之。書口必至於忘聲。而後能言。手必至於忘筆。而後能書。此吾之所知也。口不能忘聲。則語言難於屬文。手不能忘筆。則字畫難於刻雕。及其相忘之至。則形容心術。酬酢萬物之變。忽然而不自知也。夫不犯諱忌十成者。法也。宏覺不忘法。何以能識宗。金剛般若曰。一切聖賢皆以無爲法而有差別。宏覺以之。林間錄又曰。夫教語皆是三句相連。初中後善。初直須教渠發善心。中破善。後始名善。菩薩卽非菩薩。是名菩薩。法非法。非非法。總與麼也。若卽說一句。答令人入地獄。若三句一時說。渠自入地獄。不干教士事。

故知古大宗師說法皆依佛祖法式不知者以爲苟然語如無著所釋金剛般若，是此意也。洞山安立五位，道眼明者視其題目十五字排布，則見悟本老人如曰：正中偏，偏中正，正中來，偏中至，兼中到，是也。人天眼目，從寂音之說，悉改兼中至爲偏中至。幻寄曰：人多指洞山君臣五位爲語，忌觸諱。機貴回互，臨濟用棒用喝，爲全提正令，直示家風，殊不知用棒用喝，卽回互不觸諱之密令也。語忌觸諱，機貴回互，卽全提直指之妙運也。至第以黑不言黑，而言半夜炭裏白，不言白，而言古鏡老婆爲回互，尤屬皮相。夫一切萬法，有無俱屬名言，都無實義。若確有定稱，盡爲邪見。故洞山假黑白而示回互，忌觸諱，忌十成死語也。所以云：借黑權正，假白示偏，正不坐正，夜半虛明，偏不坐偏。天曉陰晦，自昔聖賢說法皆然。洞山特爲一拈出耳。世間豈有不同互，不忌觸諱，以十成死語示人之聖賢耶？覺範謂宏覺心識不到處是觸諱，而又讚其忌法識宗，吾恐宏覺未肯點頭。心識不到處是觸諱，則洞山非佛與直饒將來，亦無處著語。皆是觸諱耶？未可謂洞山旣沒，莫爲之正也。至於欲易兼中至爲偏中至，予初亦心是之，旣而反復。

洞山五位語知其不然何也蓋向者君向臣也正中偏也奉者臣奉君也偏中正也正中來君位也曹山所云本來無物者也學人證此功也故云功猶之法界觀理法界也正偏兼叶故云其功猶之事理無礙也功猶之事事無礙也今以共功爲偏中至無待智者知其不然又古德謂事不獨立若獨觀之是情智之境非觀智之境又謂色中無空文理俱絕則偏中至之不立固如覺範言大宗師說法皆依佛祖法式者也妙喜親見洞下諸尊宿嘗受室中密傳而引五位語亦仍兼中至之文未嘗易爲偏中至此亦可證也又斷舌事覺範援賀若弼而遺世親世親以習小乘謗大乘欲斷舌與觸諱最切何乃舍親而就疎乎又人天眼目以五王子配五位以末生當正位既繆矣又以內生爲同誕生亦非也誕生猶有待者也內生即能紹種者也覺範言之甚詳已載於前不復繁引又有謂洞宗頗落言詮不如臨濟直截是亦不然賓主何異君臣四喝何異五位即眾盲摸象良可悲夫

問欲見

和尚本來師如何得見師曰年牙相似即無阻矣僧擬進

契果子次乃問有一物上拄天下拄地黑似漆常在動用中動用中收不得且道過在甚麼處泰曰過在動用中師喚侍者掇退果卓馮山喆云諸人還知洞山落處麼若也果子非但首座不得喫假使盡大地人來也不敢正眼覷著瑯琊覺云若不是洞山老人焉能辨得雖然如是洞山猶欠一著在雲蓋本云洞山雖有打破虛空錮錘而無補綴的針線待伊道過在動用中但道請首座喫果子泰首座若是個衲僧喫了也須吐出問蛇吞蝦蟇救則是不救則是師曰救則雙目不瞎不救則形影不彰幻寄曰昔洪州廉使問馬祖喫酒肉卽是不喫卽是祖曰喫是中丞祿不喫是中丞福徑山國一禪師人問傳舍有二使郵吏爲刲一羊二使聞之一人救一人不

馮山喆云諸人還知洞山落處麼若也
不知往往作是非得失會去山僧道這

果子非但首座不得喫假使盡大地人來也不敢正眼覷

著瑯琊覺云若不是洞山老人焉能辨得雖然如是洞

山猶欠一著在。雲蓋本云洞山雖有打破虛空鉏鏹而

無補綴的針線待伊道過在動用中，但道請首座喫果子。

秦首座若是個衲
曾契了也。頭上出
問蛇吞蝦蟇。救則
是不救。則是師曰。

僧喫了也須吐出。非坐不坐。求見夫。求見是。自曰。

救則雙目不瞎不救則形影不章。公寄曰昔洪州廉使問馬祖契西肉即是契

卽是祖曰契是中丞祿不契是中丞福徑山國一禪師人

問傳舍有二使郵吏爲刲一羊二使聞之、一人救、一人不

救罪福異之乎國一日救者慈悲不救者解脫此三尊宿
一人雷轟電掃卻墮見滲漏一人珠輝玉潤卻墮情滲漏
一人山高水深卻墮語滲漏若人能一一辨出有目如盲
若辨不出有口若瘞或道一模脫出無有參差拋臂大
哭須有
日在
問雪峰從甚處來曰天台來師曰見智者否曰
義存喫鐵棒有分雪峰上問訊師曰入門來須有語不
得道早個入了也峰曰某甲無口師曰無口且從還我眼
來峰無語雪峰搬柴次乃於師面前抛下一束師曰重
多少峰曰盡大地人提不起師曰爭得到這裏峰無語
問時時勤拂拭爲甚麼不得他衣鉢未審甚麼人合得師
曰不入門者曰祇如不入門者還得也無師曰雖然如此

旨曰緣

卷十六

洞山

左

不得不與他。卻又曰：直道本來無一物，猶未合得他衣鉢。汝道甚麼人合得這裏合？下得一轉語，且道下得甚麼語。時有一僧下九十六轉語，并不契。末後一轉，始愜師意。師曰：闍黎何不早恁麼道？別有一僧密聽，祇不聞末後一轉。遂請益其僧，僧不肯說。如是三年相從，終不爲舉。一日因疾，其僧曰：某三年請舉前話，不蒙慈悲，善取不得，惡取去。遂持刀白曰：若不爲某舉，卽殺上座去也。其僧悚然曰：闍黎且待我爲你舉。乃曰：直饒將來亦無處著。其僧禮謝。雪竇顯云：他既不受，是眼將來必應是瞎。還見祖師衣鉢麼？若於此入門，便乃兩手分付，非但大庾嶺頭一個提不起。設

使合國人來。且款款將去。天童拈云。長蘆卽不然。直須將來。若不將來。爭知不受。直須不受。若不不受。爭免將來。將來底必應是眼。不受底真個是瞎。還會麼。照盡體無依。通身合大道。問師尋常教學人。行鳥道未審如何。是鳥道。師曰。不逢一人。曰。如何行。師曰。直須足下無私去。曰。祇如行鳥道。莫便是本來面目否。師曰。闍黎因甚顛倒。曰。甚麼處是學人顛倒。師曰。若不顛倒。因甚麼卻認奴作郎。曰。如何是本來面目。師曰。不行鳥道。後夾山會問僧甚麼處來。曰。洞山來。山曰。洞山有何言句。示徒曰。尋常教學人三路學。山曰。何者三路。曰。元路。鳥道。展手。山曰。實有此語否。曰。實有。山曰。執持千里欽林。下道人悲。浮山遠曰。不因黃葉落。焉知是一秋。問僧名甚麼。曰。某甲。師曰。阿那個是闍黎主人公。曰。見祇對。

次師曰。苦哉。苦哉。今時人例皆如此。祇認得驢前馬後底。將爲自己。佛法平沉。此之是也。賓中主。尙未分。如何辨得。主中主。僧便問。如何是主中主。師曰。闍黎自道取。曰。某甲道得。卽是賓中主。如何是主中主。師曰。恁麼道。卽易相續也。大難。遂示頌曰。嗟見今時學道流。千千萬萬認門頭。恰似入京朝聖主。祇到潼關卽便休。有僧不安。要見師。師遂往。僧曰。和尚何不救取人家男女。師曰。你是甚麼人家男女。曰。某甲是大闡提人家男女。師良久。僧曰。四山相逼。時如何。師曰。老僧日前也向人家屋簷下過來。曰。回互不。

同互。師曰。不同互曰。教某甲向甚處去。師曰。栗畚裏去。僧
噓一聲。曰。珍重。便坐脫。師以拄杖敲頭三下。曰。汝祇解與
麼去。不解與麼來。因夜參不點燈。有僧出問話。退後。師
令侍者點燈。乃召適來問話僧出來。其僧近前。師曰。將取
三兩粉來。與這個上座。其僧拂袖而退。自此省發。遂罄捨
衣資。設齋。得三年後。辭師。師曰。善爲時。雪峰侍立。問曰。祇
如這僧辭去。幾時卻來。師曰。他祇知一去不解再來。其僧
歸堂。就衣鉢下坐。化峰上報師。師曰。雖然如此。猶較老僧
二生在。問僧甚處來。曰。遊山來。師曰。還到頂麼。曰。到師

曰。頂上有人麼。曰。無人。師曰。恁麼則不到頂也。曰。若不到頂。爭知無人。師曰。何不且住。曰。某甲不辭住。西天有人不肯。師曰。我從來疑著這漢。僧問茱萸。如何是沙門行。萸曰。行則不無。有覺卽乖。別有僧舉似師。師曰。他何不道未審。是甚麼行。僧遂進此語。萸曰。佛行。佛行。僧回舉似師。師曰。幽州猶似可。最苦是新羅。僧卻問如何是沙門行。師曰。頭上三尺頸長二寸。師令侍者持此語問三聖。然和尚。聖於侍者手上招一招。侍者回舉似師。師肯之。洗鉢次。見兩烏爭蝦蟆。有僧便問。這個因甚麼到恁麼地。師曰。祇爲

闍黎。問三身之中阿那身不墮眾數。師曰。吾嘗於此切。

僧問曹山先師道吾嘗於此切意作麼生。山云。要頭便斫去。又問雪峰峰以拄杖劈口打云。我亦曾到洞山來承天宗云。一轉語。海晏河清。一轉語。風高月冷。一轉語。騎賊馬趁賊忽。有個衲僧出來道。總不與麼也。詐伊具隻眼。妙喜曰。恁麼葛藤也未夢見。三個老漢。問僧作甚麼來。曰。孝在。復云。何不向膏肓穴上下一針。

順和尚來。師曰。世間甚麼物最孝順。僧無對。陳尚書問。

師五十二位菩薩中。爲甚麼不見妙覺。師曰。尚書親見妙

覺。僧問。如何是青山白雲父。師曰。不森森者是。曰。如何

是白雲青山兒。師曰。不辨東西者是。曰。如何是白雲終日

倚。師曰。去離不得。曰。如何是青山總不知。師曰。不顧視者

是師與雲居過水。師問水多少。居曰：不濕。師曰：粗人居。卻問水深多少。師曰：不乾。五祖演云：二人恁麼說話，還有優劣也。無山僧今日因行掉臂，爲汝諸人說破過水一句不溼。庫藏珍珠堆積過水一句不乾。無錐說甚貧寒。乾涇二途俱不涉。任他綠水與青山。

上堂。有一人在千人萬人中，不背一人，不向一人。你道此人具何面目。雲居出曰：某甲參堂去。官人問：有人修行否。師曰：待公作男子，卽修行。上堂。還有不報四恩三有者麼。眾無對。又曰：若不體此意，何超始終之患。直須心。心不觸物，步步無處所，常無間斷，始得相應。直須努力。莫閑過日。師有時曰：體得佛向上事，方有些子語話分。僧

問如何是語話。師曰。語話時聞。黎不聞。曰。和尚還聞否。師曰。不語話時。即聞。僧問。如何是佛。向上人。師曰。非佛。雲門云。不得狀。不得所以言非。徑山杲云。二尊宿。怎麼提持。佛向上事。且緩緩。這裏即不然。如何是佛。向上事。拽拄杖。劈脊便打。免教伊在佛。向上躲根。師因曹山辭遂囑曰。吾在雲巖先師處。親印寶鏡三昧事。窮的要。今付於汝。詞曰。如是之法。佛祖密付。汝今得之。宜善保護。銀盃盛雪。明月藏鷺。類之弗齊。混則知處。意不在言。來機亦赴。動成窠臼。差落顧伧。背觸俱非。如大火聚。但行文彩。即屬染污。夜半正明。天曉不露。爲物作則。用拔諸苦。雖非有爲。不是無語。如臨寶鏡。形影

相睹。汝不是渠。渠正是汝。如世嬰兒。五相完具。不去不來。
不起不住。婆婆和和。有句無句。終不得物。語未正故。重離
六爻。偏正回互。疊而爲三。變盡成五。如莖直尼切草味。如金
剛杵。正中妙挾。敲唱雙舉。通宗通塗。挾帶挾路。錯然則吉。
不可犯忤。天真而妙。不屬迷悟。因緣時節。寂然昭著。細入
無間。大絕方所。毫忽之差。不應律呂。今有頓漸。緣立宗趣。
宗趣分矣。卽是規矩。宗通趣極。眞常流注。外寂中搖。係駒
伏鼠。先聖悲之。爲法檀度。隨其顛倒。以緇爲素。顛倒想滅。
肯心自許。要合古轍。請觀前古。佛道垂成。十劫觀樹如虎。

之缺如馬之馵。以有下劣。寶几珍御。以有驚異。貍奴白牯。翬以巧力。射中百步。箭鋒相直。巧力何預。木人方歌。石女起舞。非情識到。甯容思慮。臣奉於君。子順於父。不順非孝。不奉非輔。潛行密用。如愚若魯。但能相續。名主中主。智證傳洞山悟本禪師所立正中妙挾。挾路通宗。通塗挾帶。傳曰。百丈曰。依文解義。三世佛冤。離經一字。即同魔說。故教外宗旨。其所開示。必曰。藉教如言。妙挾則曰。正中。如言挾路。則曰。通宗。如言挾帶。則曰。通塗。蓋本一挾帶。而加妙字耳。然挾帶之語。必有根本。大乘所緣。緣義曰。言是帶已相者。帶與己相。各有二義。言帶有二義者。一者挾帶。即能緣心。親挾境體。而緣二者。變帶。即能緣心。變起相分。而緣也。曹山見杜順法身頌曰。我意不欲與麼道。乃自作之曰。渠本不是我。我本不是渠。渠無我。即死我。無渠。即餘渠。如我是佛。我如渠。即驢。不食空王俸。何假雁傳書。我說橫身偈。君看

背上毛乍如謠白雪猶恐是巴歌予觀曹山之語皆妙挾也語不挾帶則如能緣之心不挾境體則是渠無我我無渠血脈斷緣世流布想耳非宗旨也幻寄曰觀所緣緣論能緣心親挾境體而緣此似帶質也能緣心變起相分而緣此有質獨影也是皆情量純在偏位臣位此借之明妙挾耳宗塗渠我即偏正也挾帶即兼也師又曰末法時代人多乾慧若要辨驗真偽有三種滲漏一曰見滲漏機不離位墮在毒海二曰情滲漏滯在向背見處偏枯三曰語滲漏究妙失宗機昧終始濁智流轉於此三種子宜知之覺範云大般若經曰應觀欲界色界無色界亂則不見法若不見法則不作證又曰若金翅鳥飛騰虛空自在翱翔久不墮落雖依於空戲而不據空亦不爲空之所拘礙昔洞山大師立五位偏正以標準大法約三種滲漏以辨衲子非意斷苟爲皆本佛之遺意今叢林聞滲

已曰子案
卷十六
洞山

三

洞之語往往異矣。雖洞山復出安能為哉。又綱要偈三首。一敲唱俱行。偈曰。

金針雙鎖備。叶路隱全該。寶印當風妙。重重錦縫開。二金

鎖元路。偈曰。交互明中暗。功齊轉覺難。力窮忘進退。金鎖

綱。鞵鞵三不障。凡聖亦名理事不涉。偈曰。事理俱不涉。回照絕幽

微。背風無巧拙。電火爍難追。又偈曰。道無心合人。人無

心合道。欲識個中意。一老一不老。後僧問曹山如何是一

是一不老。山云枯木僧又舉似逍遙。忠忠云。三從六義。師不安。令沙彌傳語雲居。

乃囑曰。他或問和尙安樂否。但道雲巖路相次絕也。汝下

此語。須遠立。恐他打汝。沙彌領旨去。傳語聲未絕。早被雲

居打一棒。將圓寂謂眾曰。吾有閑名在世。誰人爲吾除得。眾皆無對。時沙彌出曰。請和尚法號。師曰。吾閑名已謝。僧問和尚。違和還有不病者也無。師曰。有。曰。不病者還看和尚否。師曰。老僧看他有分。曰。未審和尚如何看他。師曰。老僧看時。不見有病。師乃問僧。離此殼漏子。向甚麼處與吾相見。僧無對。師示頌曰。學者恒沙無一悟。過在尋他舌頭路。欲得忘形泯蹤跡。努力慙懃空裏步。乃命剃髮澡身。披衣聲鐘辭眾。儼然坐化。時大眾號慟移晷不止。師忽開目。謂眾曰。出家人心不附物。是真修行。勞生惜。一哀悲何。

益復令主事辦愚癡齋。眾猶戀慕不已。延七日。食具方備。師亦隨眾齋畢。乃曰。僧家無事。大率臨行之際。勿須喧動。遂歸丈室。端坐長往。當咸通十年三月。壽六十三。臘四十二。諡悟本禪師。

指月錄卷之十六終

指月錄卷之十七

六祖下第六世

睦州刺史陳操尙書問僧。有個事與上座商量得麼。曰。合取狗口。公自擲口曰。某甲罪過。曰。知過必改。公曰。恁麼則乞上座口喫飯得麼。齋次。拈起胡餅問僧。江西湖南還有這個麼。曰。尙書適來喫個甚麼。公曰。敲鐘謝響。又與僚屬登樓次。見數僧行來。有一官人曰。來者總是行腳僧。公曰。不是。曰。焉知不是。公曰。待來勘過。須臾僧至樓前。公驀以上座僧皆舉首。公謂諸官曰。不信道。看資福。福見來。

便畫一圓相。公曰。弟子恁麼來。早已是不著便。何況師更

畫一圓相。福便掩卻方丈門。

雪竇云。陳操只具一隻眼。復頌云。團團珠遶玉珊瑚。馬載

驢。驢上鐵船。分付海山無事客。釣鰲時下一圈。團復云。天下衲僧跳不出。

袁州仰山南塔光涌禪師。豫章豐城章氏子。母乳之夕。神光

照庭。廐馬皆驚。因以光涌名之。少甚俊敏。依仰山剃度。北

遊謁臨濟。復歸侍山。山曰。汝來作甚麼。師曰。禮覲和尚。山

曰。還見和尚麼。師曰。見山曰。和尚何似驢。師曰。某甲見和

尚亦不似佛。山曰。若不似佛。似個甚麼。師曰。若有所似。與

驢何別。山大驚曰。凡聖兩忘。情盡體露。吾以此驗人。二十

年。無決了者。子保任之。山每指謂人曰。此子肉身佛也。

杭州無著文喜禪師。嘉禾語溪人。姓朱氏。七歲出家。常習律聽教。後謁大慈山性空禪師。空曰。子何不徧參乎。師直往五臺山華嚴寺。至金剛窟禮謁。遇一老翁。牽牛而行。邀師入寺。翁呼均提。有童子應聲出迎。翁縱牛。引師陞堂。堂宇皆耀金色。翁踞牀。指繡墩命坐。翁曰。近自何來。師曰。南方。翁曰。南方佛法如何住持。師曰。末法比並。少奉戒律。翁曰。多少眾。師曰。或三百。或五百。師卻問此間佛法如何住持。翁曰。龍蛇混雜。凡聖同居。師曰。多少眾。翁曰。前三三。後三

三翁呼童子致茶。并進酥酪。師食之。覺心意開爽。翁拈起玻璃盞。問曰。南方還有這個麼。師曰。無。翁曰。尋常將甚麼喫茶。師無對。師睹日色稍晚。遂問翁。擬投一宿得否。翁曰。汝有執心在。不得宿。師曰。某甲無執心。翁曰。汝曾受戒否。師曰。受戒久矣。翁曰。汝若無執心。何用受戒。師辭退。翁令童子相送。師問童子。前三三後三三。是多少。童召大德。師應諾。童曰。是多少。師復問曰。此爲何處。童曰。此金剛窟。般若寺也。師悽然悟彼翁者。卽文殊也。不可再見。卽稽首。童子願乞一言爲別。童說偈曰。面上無嗔。供養具。口裏無嗔。

吐妙香。心裏無嗔。是珍寶。無垢無染。是真常。言訖。均提與
寺俱隱。但見五色雲中。文殊乘金毛獅子往來。忽有白雲
自東方來。覆之不見。師因駐錫五臺。後參仰山。頓了心契。
令充典座。文殊嘗現於粥鉢上。師以攪粥筴。便打曰。文殊
自交殊。文喜自文喜。殊乃說偈曰。苦瓠連根苦。甜瓜徹蒂
甜。修行三大劫。卻被老僧嫌。一日有異僧來求齋食。師
減己分饋之。仰山預知。問曰。適來果位人至。汝給食否。師
曰。輟己回施。山曰。汝大利益。將順寂。於子夜告眾曰。三
界心盡。卽是涅槃。言訖。跏趺而終。白光照室。竹樹同色。塔

於靈隱山之西塢。天福二年。田頴許思之亂。寇發師塔。暗肉身不壞。爪髮俱長。錢武肅王異之。遣裨將邵志重加封瘞。

福州雙峯古禪師。本業講經。因參先雙峯。峰問大德甚麼處住。曰城裏。峯曰尋常還思老僧否。曰常思和尚無由禮覲。峯曰祇這思底便是大德。師從此領旨。卽罷講席。侍奉數年後。到石霜。但隨眾而已。更不參請。眾謂古侍者常受雙峯印記。往往聞於石霜。霜欲詰其所悟。而未得其便。師因辭去。霜將拂子送出門首。召曰古侍者。師回首。霜曰擬著。

卽差是著卽乖不擬不是亦莫作個會除非知有莫能知
之好去好去師應喏喏卽前邁尋屬雙峯示寂師乃繼續
住持僧問和尚當時辭石霜石霜恁麼道意作麼生師曰
祇教我不著是非元覺云且道他
會石霜意不會

魏府興化存獎禪師初在臨濟爲侍者洛浦來參濟問甚處
來浦曰鑾城來濟曰有事相借問得麼浦曰新戒不會濟
曰打破大唐國覓個不會底人也無參堂去師隨後請問
曰適來新到是成褫他不成褫他濟曰我誰管你成褫不
成褫師曰和尚祇解將死雀就地彈不解將一轉語蓋覆

卻濟曰。你又作麼生。師曰。請和尚作新到。濟遂曰。新戒不會。師曰。卻是老僧罪過。濟曰。你語藏鋒。師擬議。濟便打。至晚。濟又曰。我今日問新到。是將死雀就地彈。就窠子裏打。及至你出得語。又喝起了。向青雲裏打。師曰。草賊大敗。濟便打。後在三聖會裏爲首座。常曰。我向南方行腳一遭。拄杖頭不會撥著一個會佛法底人。三聖聞得。問曰。你具個甚麼眼。便恁麼道。師便喝。聖曰。須是你始得。後大覺聞舉。遂曰。作麼生得風吹到大覺門裏來。師後到大覺爲院主。一日。覺喚院主。我聞你道向南方行腳一遭。拄杖頭不會

撥著一個會佛法底。你憑個甚麼道理。與麼道。師便喝。覺便打。師又喝。覺又打。師來日從法堂過。覺召院主。我直下疑你昨日這兩喝。師又喝。覺又打。師再喝。覺亦打。師曰。某甲於三聖師兄處。學得個賓主句。總被師兄折倒了也。願與某甲個安樂法門。覺曰。這瞎漢。來這裏納敗缺。脫下衲衣。痛打一頓。師於言下薦得臨濟先師於黃檗處喫棒底道理。師後開堂日。拈香曰。此一炷香。本爲三聖師兄。三聖於我太孤。本爲大覺師兄。大覺於我太賒。不如供養臨濟先師。師有時喚僧。僧應諾。師曰。點卽不到。又喚一僧。僧

應諾。師曰。到則不點。僧問。四面八方來時如何。師曰。打

中間底。僧便禮拜。師曰。昨日赴個村齋。中途遇一陣卒風。

暴雨。卻向古廟裏躲避得過。

晦堂心頌。一不是。二不成。落花芳草伴啼鶯。閑庭雨歇夜

初靜。片月還從海上生。徑山杲頌。古廟裏頭回避得。紙錢堆裏暗嗟吁。閑神野鬼都驚怕。只爲渠儂識梵書。

師謂克賓。維那曰。汝不久爲唱導之師。賓曰。不入這保社。

師曰。會了不入。不會了不入。曰。總不與麼。師便打曰。克賓。

維那。法戰不勝。罰錢五貫。設饌飯一堂。次日。師自白椎曰。

克賓。維那。法戰不勝。不得喫飯。卽便出院。

雪竇云。克賓要承嗣。興化罰錢

出院。且置卻須索。這一頓棒始得。且問諸人。棒旣喫了。作麼生。索雪竇要斷不平之事。今夜與克賓。維那雪屈。以拄

杖一時打散。雲居舜云。大治精金。應無變色。其奈興化令行太嚴。不是克賓維那也。大難承當。若是如今。況況之徒。翻轉面皮。多少時也。徑山杲云。雲居拗曲作直。妙喜道。要作臨濟。烜赫兒孫。直須翻轉面皮。始得。洞山廣道者。梓州人。叢林號廣無心。初遊方。問雲蓋智和。尚興化打維那。意旨如何。智下禪牀。展兩手。吐舌示之。廣打一坐。具智云。此是風力所轉。又持此語問石霜琳和。尚琳云。你意作麼。生廣亦打一坐。具琳云。好。一坐。具祇是你不知落處。又問真淨淨云。你意作麼。生廣亦打一坐。具祇是你不知落處。亦打廣於此大悟。淨因作頌云。丈夫當斷不自斷。興化為人。徹底漢。已後從他眼。示眾曰。若是作家戰將。便須單自開棒。了罰錢。趁出院。

萬直入。更莫如何。若有旻德禪師出禮拜起。便喝。師亦喝。德又喝。師亦喝。德禮拜歸眾。師曰。適來若是別人。三十棒。一棒也較不得。何故。為他旻德會一喝。不作一喝用。山首

拈云看他興化與麼用爲甚麼放得他過諸上座且道甚麼處是一喝不作一喝用前一喝後一喝且道那個是賓那個是主雖然如是亦須子細便下座又曰二俱有過二俱無過覺範曰子觀首山可謂臨濟興化的骨孫幻寄曰首山如優孟學孫叔敖耳洪公更矢上加尖師見同參來纔上法堂師便喝僧亦喝師又喝僧亦喝師近前拈棒僧又喝師曰你看這瞎漢猶作主在僧擬議師直打下法堂侍者請問適來那僧有甚觸忤和尚師曰他適來也有權也有實也有照也有用及乎我將手向伊面前橫兩橫到這裏卻去不得似這般瞎漢不打更待何時僧禮拜圓悟勤云甚處是興化將手向伊面前劃兩遭處若這裏洞明可以荷負臨濟正法眼藏如或泥水未分未免瞎驢隨大隊雲居住三峯菴

時師問權借一問以爲影草時如何。居無對。師云。想和尚答這話不得。不如禮拜了退。二十年後居云。如今思量當時。不消道個何必。後遣化主到師處。師問和尚住三峯菴時。老僧問伊話對不得。如今道得也未。主舉前話。師云。雲居二十年。祇道得個何必。興化卽不然。爭如道個不必。妙喜曰。何必不必。綿綿密密。覲面當機。有人續得。未後句許。你親見二尊宿。後唐莊宗車駕幸河北。回至魏府行宮。詔師問曰。朕收中原。獲得一寶。未曾有人酬價。師曰。請陛下寶看。帝以兩手舒幘頭腳。師曰。君王之寶。誰敢酬價。宗大悅。賜紫衣師號。師皆不受。乃賜馬。

師乘馬忽驚墜傷足。師喚院主與我做個木拐子。主做了將來。師接得。遶院行。問僧曰。汝等還識老僧麼。曰。爭得不識和尚。師曰。踈腳法師說得行不得。又至法堂。令維那聲鐘集眾。師曰。還識老僧麼。眾無對。師擲下拐子。端然而逝。魏府大覺和尚參臨濟語。接興化語。具二師章。臨終時。謂眾曰。我有一隻箭。要付與人。時有一僧出曰。請和尚箭。師曰。汝喚甚麼作箭。僧喝。師打數下。便歸方丈。卻喚其僧入來。問曰。汝適來會麼。曰。不會。師又打數下。擲卻拄杖。曰。已後遇明眼人。分明舉似。便乃告寂。

鎮州寶壽沼禪師在方丈坐。因僧問訊次。師曰。百千諸聖。盡不出此方丈內。曰。祇如古人道。大千沙界海中漚。未審此方丈向甚麼處著。師曰。千聖現在。曰。阿誰證明。師便擲下拂子。僧從西過東立。師便打。僧曰。若不久參焉。知端的。師曰。三十年後。此話大行。趙州來。師在禪牀背面而坐。州展坐具禮拜。師起入方丈。州收坐具而出。師問僧甚麼處來。曰。西山來。師曰。見獼猴麼。曰。見。師曰。作甚麼伎倆。曰。見某甲一個伎倆也。作不得。師便打。

鎮州三聖院慧然禪師至仰山。山問汝名甚麼。師曰。慧寂。山

曰。慧寂是我名師。曰。我名慧然。山大笑。妙喜曰。兩僧藏身

觀者。不知何處去。只應千古動悲風。宗師騎虎由來要絕功。笑

罷頭笑不同。巖頭笑有毒。藥這笑千古動悲風。也是死而不弔

爲甚麼。雪竇末後卻道。只應千古動悲風。也是死而不弔

一時與你註解了也。爭奈天下人啗啄不入。仰山因

知落處。縱是山僧也。不知落處。諸人還知麼。有官人相訪。山問官居何位。曰。推官。山豎起拂子。曰。還推

得這個麼。官人無對。山令眾下語。皆不契。時師不安。在涅槃堂內將息。山令侍者去請下語。師曰。但道和尙今日有

事。山又令侍者問。未審有甚麼事。師曰。再犯不容。到德

山纔展坐具。山曰。莫展炊巾。這裏無殘羹餽飯。師曰。縱有

山纔展坐具。山曰。莫展炊巾。這裏無殘羹餽飯。師曰。縱有

也無著處。山便打師接住棒。推向禪牀上。山大笑。師哭蒼
天。便下參堂。堂中首座號踢天泰。問行腳高士。須得本道
公驗。作麼生是本道公驗。師曰。道甚麼。座再問。師打一坐
具曰。這漆桶。前後觸忤多少賢良。座擬人事。師便過第二
座。人事。上堂。我逢人卽出。出則不爲人。便下座。興化云。
我逢人
則不出
則便爲人。

定州善崔禪師。州將王令公於衙署張座。請師說法。師陞座。
拈拄杖曰。出來也打。不出來也打。僧出曰。崔禪師。師擬下
拄杖曰。久立令公。伏惟珍重。

幽州談空和尚。鎮州牧有姑爲尼。行腳回。欲開堂爲人。牧令師勘過。師問曰。見說汝欲開堂爲人。是否。尼曰。是。師曰。尼是五障之身。汝作麼生爲人。尼曰。龍女八歲。南方無垢世界。成等正覺。又作麼生。師曰。龍女有十八變。汝試一變看。尼曰。設使變得也。祇是個野狐精。師便打。牧聞舉。乃曰。和尚棒折那。翠巖芝云。且道尼具眼麼。只擔得個斷貫索。作麼生會。寶壽和尚問。除卻中下二根人來時。師兄作麼生。師曰。汝適來舉。早錯也。壽曰。師兄也不得無過。師曰。汝卻與我作師兄。壽側掌曰。這老賊。

虎溪菴主僧問菴主在這裏多少年也。師曰：祇見冬凋夏長。年代總不記得。曰：大好記不得。師曰：汝道我在這裏得多少年也。曰：冬凋夏長。師曰：鬧市裏虎。

覆盆菴主有僧從山下哭上。師閉卻門。僧於門上畫一圓相。門外立地。師從菴後出。卻從山下哭上。僧喝曰：猶作這個去就在。師便換手搥胸曰：可惜先師一場埋沒。僧曰：苦苦。師曰：菴主被謾。

桐峯菴主僧問和尚這裏忽遇大蟲作麼生。師便作大蟲吼。僧作怖勢。師大笑。僧曰：這老賊。師曰：爭奈老僧何。雪竇云：是則是。

兩個老賊只解掩耳偷鈴復頌云見之不取思之千里好個斑斑爪牙未備君不見大雄山下忽相逢落落聲光皆振地大丈夫見也無收虎尾兮將虎鬚幻寄曰雪竇著這兩賊毒手也

有老人入山參師

曰。住在甚處。老人不語。師曰。善能對機。老人地上拈一枝草示師。師便喝。老人禮拜。師便歸菴。老人曰。與麼疑殺一切人在。

杉洋菴主有僧到參。師問阿誰。曰。杉洋菴主。師曰。是我。僧便喝。師作噓聲。僧曰。猶要棒喫在。師便打。問僧甚麼處來。曰。江西來。師豎起痒和子曰。江西還有這個麼。僧拓膝閉曰。師曰。東家廝兒。卻向西家使喚。僧曰。有口不煩。竇主說。

師曰。適來患龔而今患瘕。僧曰。買鐵得金。一場富貴。師曰。客作無功。未免逃避。僧便行。師曰。自累猶可。莫累老僧。僧卻回。向師禮拜。師曰。若不與麼。已後喪我兒孫。

定上座初參臨濟。問如何是佛法大意。濟下禪牀擒住。師擬議。濟與一掌。師伫思。旁僧曰。定上座何不禮拜。師方作禮。忽然大悟。後南遊。路逢巖頭雪峯欽山三人。巖頭問上座甚處來。師曰。臨濟來。巖曰。和尚萬福。師曰。和尚已順世也。巖曰。某甲三人特去禮拜。薄福不遇。不知和尚在日有何言句。請上座舉一兩則。師遂舉臨濟上堂曰。赤肉團上有

一無位真人常在汝等諸人面門出入。未證據者看看。時有僧問。如何是無位真人。濟下禪牀。搦住曰。道道。僧擬議。濟拓開曰。無位真人。是甚麼乾矢橛。巖頭不覺吐舌。雪峯曰。臨濟大似白拈賊。欽山曰。何不道赤肉團上。非無位真人。師便擒住曰。無位真人。與非無位真人。相去多少。速道。速道。欽山被擒。直得面黃面青。語之不得。巖頭雪峯曰。這新戒不識好惡。觸忤上座。且望慈悲。師曰。若不是這兩個老漢。剋殺這尿牀鬼子。師在鎮府齋。回到橋上坐次。逢三人座主。一人問。如何是禪河深處。須窮到底。師擒住。擬

拋向橋下。二座主近前諫曰：「莫怪觸忤上座，且望慈悲。」師曰：「若不是這兩個座主，直教他窮到底。」

歲上座離臨濟。參德山，山纔見，下禪牀，作拙坐具勢。師曰：「這

個且置。或遇心境一如的人來，向伊道個甚麼，免被諸方

檢責。」山曰：「猶較昔日三步在。」別作個主人公來。師便喝。山

默然。師曰：「塞卻這老漢咽喉也。」拂袖便出。滌山聞舉云：「歲上座雖得便宜，

爭奈掩耳偷鈴。」蔣山勸云：「歲公一喝賓主，歷然德山無

語言徧天下。」瀉山老子雪上加霜，子細點檢將來，總不可

放過乃擲。參百丈。丈曰：「闍黎有事相借問得麼？」師曰：「幸

下拄杖。」自非言何須諮諱。丈曰：「收得安南，又憂塞北。」師劈開胸曰：

與麼不與麼。丈曰。要且難搆。要且難搆。師曰。知卽得知卽

得。

仰山寂云。若有人知此二人落處。不
妨奇特。若辨不得。大似日中迷路。

瑞州九峯道虔禪師。爲石霜侍者。洎霜歸寂。眾請首座繼住。
持師白眾曰。須明得先師意。始可。座曰。先師有甚麼意。師
曰。先師道休去歇去。冷湫湫地去。一念萬年去。寒灰枯木
去。古廟香鑪去。一條白練去。其餘則不問。如何是一條白
練去。座曰。這個祇是明一色邊事。師曰。原來未會先師意。
在。座曰。你不肯我。那但裝香來。香煙斷處。若去不得。卽不
會先師意。遂焚香。香煙未斷。座已脫去。師拊座背曰。坐脫。

立亡卽不無。先師意未夢見在。

南堂靜云。要識虔侍者麼。只是急殺人底漢子。要識

首座麼。也只是孟春猶寒。仲春漸煖。季春漸暝。忽有人喚和尚。和尚啞賴他喚一聲。若不喚一聲。念到臘月三十日。

也未了。

僧問。無間中人行甚麼行。師曰。畜生行。曰。畜生復

行甚麼行。師曰。無間行。曰。此猶是長生路上人。師曰。汝須

知有不共命者。曰。不共甚麼命。師曰。長生氣不常。師乃曰。

諸兄弟還識得命麼。欲知命。流泉是命。湛寂是身。千波競

涌。是文殊境界。一旦晴空。是普賢牀榻。其次借一句子是

指月於中事。是話月。從上宗門中事。如節度使信旗相似。

且如諸方先德。未建許多名目。指陳已前。諸兄弟約甚麼

體格商量到這裏不假三寸。試話會看不假耳。試采聽看。不假眼。試辨白看。所以道聲前拋不出。句後不藏形。盡乾坤大地都來是汝當人個體。向甚麼處安眼耳鼻舌。莫但向意根下圖度作解。盡未來際亦未有休歇分。所以洞山道擬將心意學元宗。大似西行卻向東。珍重。問諸聖間出祇是個傳語底人。豈不是和尚語。師曰是。曰祇如世尊生下一手指天。一手指地。云天上天下唯我獨尊。爲甚麼喚作傳語底人。師曰爲他指天指地。所以喚作傳語底人。僧禮拜而退。問盡乾坤都來是個眼。如何是乾坤眼。師

曰。乾坤在裏許。曰。乾坤眼何在。師曰。正是乾坤眼。曰。還照燭也。無。師曰。不借三光勢。曰。既不借三光勢。憑何喚作乾坤眼。師曰。若不如是。髑髏前見鬼人無數。吳順義初告眾安坐而化。

洞宗諸語
具洞山章

臺州涌泉景欣禪師。疆德二禪客。於路次見師騎牛。不識師。忽曰。蹄角甚分明。爭奈騎者不鑒。師驟牛而去。疆德憇於樹下煎茶。師回。卻下牛問曰。二禪客近離甚麼處。曰。那邊。師曰。那邊事作麼生。疆提起茶盞。師曰。此猶是這邊事。那邊事作麼生。疆無對。師曰。莫道騎者不鑒。

論轉功語
具洞山章

邵武軍龍湖普聞禪師。唐僖宗太子。眉目風骨。清明如畫。生而不茹葷。僖宗百計移之。終不得。及僖宗幸蜀。遂斷髮逸遊。人無知者。造石霜。一夕入室。懇曰。祖師別傳事。肯以相付乎。霜曰。莫謗祖師。師曰。天下宗旨盛傳。豈妄爲之耶。霜曰。是實事。那師曰。師意如何。霜曰。待案山點頭。卽向汝道。師聞。俯而惟曰。大奇。汗下。遂拜辭。至邵武城外。見山蔚然深秀。因撥草趨煙起處。有一苦行居焉。苦行見師至。乃曰。上人當興此長揖而去。師居十餘年。一日有一老人拜謁。師問。住在何處。至此欲何求。老人曰。住於此山。然非人龍。

也。行雨不職。上天有罰。當死。願垂救護。師曰。汝得罪上帝。我何能致力。無已。可易形來。俄失老人所在。視座旁有一小蛇。延緣入袖。至暮。雷電震山。風雨交作。師危坐不動。達旦。晴霽。垂袖。蛇墮地而去。有頃。老人拜而泣曰。自非大士慈悲。爲血腥穢。此出矣。念何以報斯德。卽穴巖下爲泉。曰。深山之泉。致此以供養。邦人聞之。翕然相與唱導。聿成崇刹。號爲龍湖云。其旁有神最靈異。民致牲饗不絕。師仗策至廟。與之約曰。能食素。持不殺戒。乃可爲鄰。不然。道不同。不相爲謀。何山不可居乎。是夕。邦之父老夢神告之曰。聞

禪師爲我受戒。我不復血食。祭我當如比。北飯足矣。自是神顯異迹。護持此山。師將化。令擊鐘集眾。跏趺而坐。說偈曰。我逃世難來出家。宗師指示個歇處。住山聚眾三十年。對人不欲輕分付。今日分明舉似君。我斂目時齊聽取。於是斂目安坐。寂然良久。撼之已化矣。塔於本山。

潭州雲蓋山志。元圓淨禪師。遊方時。問雲居曰。志元不奈何時如何。居曰。祇爲闍黎功力不到。師不禮拜。直造石霜。亦如前問。霜曰。非但闍黎。老僧亦不奈何。師曰。和尚爲甚麼不奈何。霜曰。老僧若奈何。拈過汝不奈何。師便禮拜。僧問。

石霜萬戶俱閉。卽不問萬戶俱開時如何。霜曰。堂中事作麼生。僧無對。經半年。始下一轉語曰。無人接得渠。霜曰。道卽忒煞道。卻祇道得八成。曰。和尚又且如何。霜曰。無人識得渠。師知。乃禮拜乞爲舉。霜不肯。師乃抱霜上方丈曰。和尚若不道打和尚去在。霜曰。得在師頻禮拜。霜曰。無人識得渠。師於言下頓省。問如何是師子。師曰。善哮吼。僧拊掌曰。好手好手。師曰。青天白日。卻被鬼迷。僧作掀禪牀勢。師便打曰。驢事未去。馬事到來。師曰。灼然作家。僧拂袖出。師曰。將甌盛水。擬比大洋。僧參。師便作起勢。僧便出。師

日闇黎且來人事。僧回作拙坐具勢。師卻歸方丈。僧曰。蒼
 天蒼天。師曰。龍頭蛇尾。僧近前叉手立。師曰。敗將投王。不
 存性命。道吾問。久嚮和尚會禪。是否。師曰。蒼天蒼天。吾
 近前掩師口曰。低聲低聲。師與一掌。吾曰。蒼天蒼天。師把
 住曰。得與麼無禮。吾卻與一掌。師曰。老僧罪過。吾拂袖便
 行。師呵呵大笑曰。早知如是不見如是。師將示寂。三日
 前。令侍者喚第一座來。師卧出氣一聲。座喚侍者曰。和尚
 渴要湯水。喫。師乃面壁而卧。臨終令集眾。乃展兩手出舌
 示之。時第三座曰。諸人和尚舌根硬也。師曰。苦哉苦哉。誠

如第三座所言舌根硬去也。言許而寂。

鳳翔府石柱禪師。遊方時到洞山。時虔和尚垂語曰。有四種人。一人說過佛祖。一步行不得。一人行過佛祖。一句說不得。一人說得行得。一人說不得行不得。阿那個是其人。師出眾曰。一人說過佛祖。行不得者。祇是無舌不許行。一人行過佛祖。一句說不得者。祇是無足不許說。一人說得行得者。祇是函蓋相稱。一人說不得行不得者。如斷命求活。此是石女兒披枷帶鎖。山曰。闍黎分上作麼生。師曰。該通分上。卓卓甯彰。山曰。祇如海上明公秀。又作麼生。師曰。幻

七日

卷十七

石柱

張拙

人相逢拊掌呵呵。

張拙秀才因禪月大師參石霜。霜問秀才何姓。曰。姓張名拙。霜曰。覓巧尚不可得。拙自何來。張忽有省。乃呈偈曰。光明寂照徧河沙。凡聖含靈共我家。一念不生全體現。六根纔動被雲遮。破除煩惱重增病。趣向真如亦是斜。隨順世緣無罣礙。涅槃生死等空花。

妙喜曰。驢揀濕處尿。雲門問僧。光明寂照徧河沙。豈不是張拙。

秀才語僧云是門云話墮也。

澧州洛浦山元安禪師。卅歲出家。通經論具戒。爲臨濟侍者。濟嘗稱之曰。此臨濟門下一隻箭。誰敢當鋒。師自謂已足。

濟一日問從上來一人行棒。一人行喝。阿那個親。師曰。總不親。濟曰。親處作麼生。師便喝。濟便打。濟一日又拈胡餅示師曰。萬種千般不離這個。其理不二。師曰。如何是不二之理。濟再拈起餅示之。師曰。與麼則萬種千般也。濟曰。碣矢見解。師曰。羅公照鏡。又一日侍立。次有座主參濟。濟問。有一人於三乘十二分教明得。有一人不於三乘十二分教明得。且道此二人是同是別。主曰。明得卽同。明不得卽別。師曰。這裏是甚麼所在。說同說別。濟顧師曰。汝又作麼生。師便喝。濟送座主回問師。汝豈不是適來喝老僧者。師

曰是濟便打。師後辭濟。濟問甚麼處去。師曰南方去。濟以拄杖畫一畫曰。過得這個便去。師乃喝。濟便打。師作禮而去。濟明日陞堂曰。臨濟門下有個赤梢鯉魚。搖頭擺尾向南方去。不知向誰家。虀羹裏淹殺。師遊歷罷。直往夾山卓菴。經年不訪。夾山山乃修書令僧馳往。師接得便坐。卻再展手索。僧無對。師便打曰。歸去舉似和尚。僧回舉似。山曰。這僧若開書。三日內必來。若不開書。斯人救不得也。夾山卻令人伺師出菴。便與燒卻。越三日。師果出菴來。人報曰。菴中火起。師亦不顧。直到夾山。不禮拜。乃當面叉手而立。

山曰。雞棲鳳巢。非其同類。出去。師曰。自遠趨風。請師一接。
山曰。目前無闍黎。此間無老僧。師便喝。山曰。住住。且莫草。
草。忽忽。雲月是同。溪山各異。截斷天下人舌頭。卽不無闍。
黎。爭教無舌人解語。師仁思。山便打。因茲服膺。興化代云
但知作佛
莫愁一日問山。佛魔不到處。如何體會。山曰。燭明千里像。
閻室老僧迷。又問朝陽已昇。夜月不現時。如何。山曰。龍銜。
海珠。遊魚不顧。師於言下大悟。山將示滅。垂語曰。石頭一。
枝。看看卽滅矣。師曰。不然。山曰。何也。師曰。他家自有青山。
在山曰。苟如是。卽吾宗不墜矣。抵潯陽。遇故人。因話武。

陵舊事。問曰。倏忽數年。何處逃難。師曰。祇在闌闌中。曰。何不向無人處去。師曰。無人處有何難。曰。闌闌中如何逃避。師曰。雖在闌闌中。要且人不識。故人罔測。上堂。末後一句。始到牢關。鑰斷要津。不通凡聖。尋常向諸人道。任從天下樂欣欣。我獨不肯。欲知上流之士。不將佛祖言教。貼在額頭上。如龜負圖。自取喪身之兆。鳳縈金網。趨霄漢。以何期。直須旨外明宗。莫向言中取則。是以石人機似汝也。解唱巴歌。汝若似石人。雪曲也應和。指南一路。智者知疏。又云。學道先須識得自己宗旨。方可臨機不失其宜。祇如

鋒鈍未兆已前。都無是個非個。瞥爾暫起見聞。便有張三李四。胡來漢去。四姓雜居。不親而親。是非互起。致使元關固閉。識鑰難開。疑網羅籠。智刀劣剪。若不當陽曉示。迷子何以知歸。欲得大用見前。但可頓忘諸見。諸見若盡。昏霧不生。智照洞然。更無他物。以今學人觸目有滯。蓋爲因他數量作解。被他數量該括。方寸不能移易。所以聽不出聲。見不超色。假饒併當門頭潔淨。自己未能通明。還同不了。若也單明自己。法眼未明。此人祇具一隻眼。所以是非欣厭貫系。不得脫圻自由。謂之深可愍傷。各自努力。龐居

士禮拜起曰。孟夏毒熱。孟冬薄寒。師曰。莫錯。士曰。龐公年
 老師曰。何不寒時道寒。熱時道熱。士曰。患聾作麼。師曰。放
 你三十棒。士曰。啞卻我口。塞卻你眼。蛤溪道者相訪。師
 問。自從犁溪相別。今得幾年。溪曰。和尚猶記得昔年事。師
 曰。見說道者。總忘卻年月也。溪曰。和尚住持事繁。且容仔
 細看。師曰。打卽打。會禪漢。溪曰。某甲消得。師曰。道者住山
 事繁。問僧近離甚處。曰。荆南。師曰。有一人與麼去。還逢
 麼。曰。不逢。師曰。爲甚不逢。曰。若逢卽頭粉碎。師曰。閤黎三
 寸甚密。雲門於江西見其僧。乃問。還有此語否。曰。是。門曰。

洛浦倒退三千里。問一毫吞盡巨海。於中更復何言。師

曰。家有白澤之圖。必無如是妖怪。

保福別云。家無白澤之圖。亦無如是妖怪。

問學人擬歸鄉時如何。師曰。家破人亡。子歸何處。曰。怎麼則不歸去也。師曰。庭前殘雪。日輪消。室內紅塵。遣誰掃。

光化元年八月。誠主事曰。出家之法。長物不留。播種之時。切宜減省。締構之務。悉從廢停。流光迅速。大道元深。苟或因循。曷由體悟。雖激勵懇切。眾以爲常。畧不相儆。至冬示微疾。亦不倦參請。十二月一日。告眾曰。吾非明。卽後也。今有一事。問汝等。若道這個是。卽頭上安頭。若道不是。卽斬。

頭求活。第一座對曰。青山不舉足。日下不挑燈。師曰。是甚麼時節。作這個語話。時有彥從上座對曰。除此二塗。請和尚不問。師曰。未在。更道。曰。彥從道不盡。師曰。我不管汝盡不盡。曰。彥從無侍者。祇對和尚。師便休。至夜令侍者喚從問曰。闍黎今日祇對。甚有道理。汝合體得先師意。先師道目前無法。意在目前。不是目前法。非耳目之所到。且道那句是賓。那句是主。若擇得出。分付鉢袋子。曰。彥從不會。師曰。汝合會。曰。彥從實不會。師喝出。乃曰。苦苦。元覺云。且道從上座實不會。是怕見鉢袋子。粘著伊。二日午時。別僧舉前話問師。師曰。慈舟不棹。

清波上。劒峽徒勞放木鷺。便告寂。

撫州黃山月輪禪師。謁夾山。山問名甚麼。師曰。月輪。山作一圓相曰。何似這個。師曰。和尚恁麼語話。諸方大有人不肯。在山曰。闍黎作麼生。師曰。還見月輪麼。山曰。闍黎恁麼道。此間大有人不肯。諸方師乃服膺參訊。一日夾山抗聲問曰。子是甚麼處人。師曰。閩中人。山曰。還識老僧麼。師曰。和尚還識學人麼。山曰。不然。子且還老僧草鞋錢。然後老僧還子廬陵米價。師曰。恁麼則不識和尚也。未委廬陵米作麼價。山曰。真師子兒。善能哮吼。乃入室受印。

皆司錄

卷十七

黃山輪

韶山寰

三

洛京韶山普寰禪師僧參。師問莫是多口白頭。因麼因曰不敢。師曰有多少口。曰通身是。師曰尋常向甚麼處。曰向韶山口裏。師曰有韶山口。即得無韶山口。向甚麼處。因無語。師便打。雲門代云。這個墮阿師。放你三十棒。又云。韶山今日瓦解冰消。遵布衲訪師。在山下相見。遵問韶山路向甚麼處去。師以手指曰。鳴那青青黯黯處去。遵近前把住曰。久嚮韶山。莫便是否。師曰。是即是。閣黎有甚麼事。遵曰。擬伸一問。師還答否。師曰。看君不是金牙作。爭解彎弓射尉遲。遵曰。鳳凰直入烟霄去。誰怕林間野雀兒。師曰。當軒畫鼓從君擊。試展家風。

似老僧。遵曰。一句迴超千聖外。松蘿不與月輪齊。師曰。饒君直出威音外。猶較韶山半月程。遵曰。過在甚處。師曰。個儻之辭。時人知有。遵曰。恁麼則真玉泥中異。不撥萬機塵。師曰。魯班門下徒施巧妙。遵曰。學人卽恁麼。未審師意如何。師曰。玉女夜拋梭。織錦於西舍。遵曰。莫便是和尚家風也。無師曰。耕夫製玉漏。不是行家作。遵曰。此猶是文言。如何是和尙家風。師曰。橫身當宇宙。誰是出頭人。遵無語。師遂同歸山。纔人事了。師召近前曰。闍黎有衝天之氣。老僧有入地之謀。闍黎橫吞巨海。老僧背負須彌。闍黎按劍上。

來。老僧扭鎗相待。向上一路。速道。速道。遵曰。明鏡當臺。請師一鑒。師曰。不鑒。遵曰。爲甚不鑒。師曰。水淺無魚。徒勞下釣。遵無對。師便打。妙喜曰。笑殺睦州陳尊宿。

鄆州四禪禪師。僧問。古人有請不背。今請和尚入井。還背也。無師曰。深深無別源。飲者消諸患。

鳳翔府天蓋山幽禪師。因有一院。名無垢淨光。造浴室。有人問。既是無垢淨光。爲甚麼卻造浴室。僧無語。後請師代。師曰。三秋明月夜。不是騁團圓。丹霞滿頰。雖然答盡深深意。爭奈投機句。未親欲會本來無垢的吏須入水見長人。

鄂州巖頭全歲禪師。泉州柯氏子。少禮。青原誦公落髮。往長安寶壽寺。稟戒。習經律諸部。優游禪院。與雪峯欽山爲友。謁臨濟。濟先化去。乃謁仰山。纔入門。提起坐具曰。和尚。仰山取拂子擬舉。師曰。不妨好手。後參德山。執坐具上法堂。瞻視。山曰。作麼。師便喝。山曰。老僧過在甚麼處。師曰。兩重公案。乃下。參堂。山曰。這個阿師。稍似個行腳人。至來日上。問訊。山曰。闍黎是昨日新到否。曰。是。山曰。甚麼處學得這虛頭來。師曰。全歲終不自謾。山曰。他後不得孤負老僧。一日參德山。方跨門便問。是凡是聖。山便喝。師禮拜。有人

舉似洞山。山曰：若不是叢公。大難承當。師曰：洞山老人不

識好惡。錯下名言。我當時一手擡。一手搦。在山果云：猛虎

死蛟龍不怖劍。劍下身亡。巖頭雖於虎奔之中。自有透脫

一路向劍刃上有翻身之機。若子細點檢。將來猶欠悟在。

即今莫有爲巖頭作主底麼？出來與大慧相見。良久。喝一喝。拍一拍。云：泊合停凶。長智。

山作飯頭。一日飯遲。德山擎鉢下法堂。峯曬飯巾。次見德

山。乃曰：鐘未鳴。鼓未響。拓鉢向甚麼處去？德山便歸方丈。

峯舉似師。師曰：大小德山。未會末後句。在山間令侍者喚

師去問。汝不肯老僧那？師密啓其意。山乃休。明日陞堂。果

與尋常不同。師至僧堂前。拊掌大笑曰：山喜堂頭老漢會

末後句。他後天下人不奈伊何。雖然也祇得三年活。山果三年

後示寂徑山杲頌云。一搥塗毒。聞皆喪身。在其
中總不知。八十翁翁。入場屋。真成不是小兒嬉。師與羅

山卜塔基。羅山中路忽曰。和尚師回顧曰。作麼。山舉手指

曰。這裏好片地。師咄曰。瓜州賣瓜漢。又行數里歇次。山禮

拜問曰。和尚豈不是三十年前在洞山而不肯洞山。師曰。

是。又曰。和尚豈不是嗣德山。又不肯德山。師曰。是。山曰。不

肯德山。卽不問。祇如洞山有何虧缺。師良久曰。洞山好佛。

祇是無光。山禮拜。無軫上座問羅山巖頭道洞山好佛祇

山召軫。軫應諾。山曰。灼然好個佛。祇是無光。曰。大師爲甚
撥無軫話。山曰。甚麼處是陳老師。撥尔話處。快道。快道。軫

旨司錄
卷十七 巖頭

卷十七（陸州刺史陳操居士）
襄州高亭簡禪師

三

無語。山打三十棒。趁出。軫舉似招慶慶。一夏罵詈。至夏末。自來問山。乃分明舉似慶。便作禮懺悔。曰。泊錯怪大師。妙喜曰。巖頭父子。雖善暗去。明來。問僧甚處來。曰。西京。仔細檢點將來。未免髑髏敲磕。

來。師曰。黃巢過後。還收得劍麼。曰。收得。師引頸近前。曰。因。曰。師頭落也。師呵呵大笑。僧後到雪峯。峯問甚處來。曰。巖頭來。峯曰。巖頭有何言句。僧舉前話。峯便打三十棒。趁出。德山一日。謂師曰。我這裏有兩僧。入山住菴多時。汝去看他。怎生。師遂將一斧去。見兩人在菴內坐。師乃拈起斧。喝曰。道得也。一下斧。道不得也。一下斧。二人殊不顧。師擲下斧。曰。作家。作家。歸舉似德山。山曰。汝道他如何。師曰。洞。

山門下。不道全無。若是德山門下。未夢見在。問三界競

起時如何。師曰。坐卻著。曰。未審師意如何。師曰。移取廬山

來。卽向汝道。

徑山杲云。巖頭占佛。向萬仞崖頭。垂手鑊湯。爐炭裏蹲身。蓋爲慈悲之故。有落草之談。今

日若有人問雲門三界競起時如何。只向他道。快便難逢。未審師意如何。移取雲門山來。卽向汝道。僧問

塵中如何辨主。師曰。銅鈔鑼裏滿盛油。招慶問羅山云。巖

盛油意旨如何。山召大師。慶應諾。山云。獼猴入道場。山卻問明招。有人問你作麼生。招云。箭穿紅日影。徑山杲頌

云。獼猴入道場。箭穿紅日影。兩個老古錘。擔雪共填井。喝。師因沙汰甘贄家過夏。

補衣次。贄行過師。以針作劄勢。贄遂整衣欲謝。妻問云。作

甚麼。贄云。說不得。妻云。也要大家知。贄舉前話。妻云。此去

三十年後須知一回飲水一回咽女子聞云誰知盡大地
人性命被歲上座劄將去也。師值沙汰於鄂州湖邊作
渡子。兩岸各挂一板。有人過渡。打板一下。師曰。阿誰。或曰。
要過那邊去。師乃舞棹迎之。一日因一婆抱一孩兒來。乃
曰。呈撓舞棹。卽不問。且道婆手中兒。甚處得來。師便打婆。
曰。婆生七子。六個不遇知音。祇這一個。也不消得。便拋向
水中。上堂。吾嘗究涅槃經七八年。覩三兩段義。似衲僧
說話。又曰。休休。時有一僧出禮拜。請師舉。師曰。吾教意如
八字三點。第一向東方下一點。點開諸菩薩眼。第三向西

方下一點點。諸菩薩命根第三。向上方下一點點。諸菩薩頂。此是第一段義。又曰。吾教意如摩醯首羅。擘開面門。豎豎亞一隻眼。此是第二段義。又曰。吾教意猶如塗毒鼓。擊一聲。遠近聞者皆喪。此是第三段義。時小巖上座問。如何是塗毒鼓。師以兩手按膝。亞身曰。韓信臨朝底。巖無語。妙舉了。喝云。縮頭去。示眾。但明取綱宗。本無實法。不見道。無實無虛。若向事上覷。卽疾。若向意根下尋。卒摸索不著。又曰。此是向上人活計。只露目前些子。如同電拂。如擊石火。截斷兩頭。靈然自在。若道向上有法。有事。真。碗鳴聲。塗糊汝繫。

單汝。古人喚作繫驢橛。若將實法與人。土亦消不得。示
眾云。夫大統綱宗中事。須識句。若不識句。難作個話會。甚
麼是句。百不思時。喚作正句。亦云居頂。亦云居住。亦云歷
歷。亦云惺惺。亦云的的。亦云佛未生時。亦云得地。亦云與
麼時。將與麼時等破。一切是非。纔與麼。便不與麼。便轉轉
轉地。若也看不過。纔被人刺著。眼眨瞪地。恰似殺不死底
羊。相似不見古人道。沉昏不好。須轉得始得。觸著便轉。纔
與麼。便不與麼。是句亦剗。非句亦剗。自然轉轉轉。自然目
前露。傀儡地。飽齣齣地。不解卻。不解齣。不見道。卻物爲上。

逐物爲下。瞥起微情。早落地上。若是齧豬狗眼赫赤。若有人問。如何是禪。向伊道。合取屎孔著。卻有些子氣息。便知淺深。硬糾糾地。汝識取這個狸奴面孔。與麼時。不要故揅伊。不要稱量伊。於中有一般漢。撞著物。不解轉。刺著。伺漉漉地。遮般底。惟殺萬個。亦無罪過。若是本色底。撥著。便上敵。人火急。卻似刺蝟子相似。未觸著時。自弄毛羽。可憐生。纔有人撥著。便嗔斗。咤地。有甚麼近處。若也未得與麼蕩蕩地。喚作依句修行。有則便須等破。與麼時。一物不存。信知從來學得一切言句。隘在胸中。有甚麼用處。不見道。辟

觀辟句外不放入。內不放出。截斷兩頭。自然光煖煖地。不與一物作對。便是無諍三昧。兄弟若欲得易會。但向根本明取。欲出不出。便須轉一口。齧斷。後不用尋伊。去住底遠近。但放卻。自然露倮倮地。不用思搭著昏昏地。纔有所重。便成窠臼。古人喚作貼體衣。病最難治。是我向前行腳時。參著一兩處尊宿。只教日夜管帶坐。得骨臀生胝。口裏水漉漉地。初向然燈佛肚裏黑漆漆地。道我坐禪。守取與麼時。猶有欲在。不見道。無依無欲。便是能仁。古人道。置毒藥安乳中。乃至醍醐亦能殺人。這個不是汝習學得底。這個

不是汝去住底。不是汝色裏底。莫錯認門頭戶口。賺汝臘
月三十日。赤閑閑地無益。當莫造作捏怪。但知著衣喫飯。
倚矢送尿。隨分遣時。莫亂統詐。稱道者有一片衣。不敢將
出。嚇恐人見。怕失道者名。圖人讚歎。作恁麼不中心行。兄
弟亦不要信他。繩牀上老楞櫚。扇漉漉地。將爲好誑。誑人
別造地獄。著汝在。信知古風大好。不見道。有卽是無。無卽
是有。與麼送出來時。便知深淺。這個是古格。於中有一般
漢信彩吐出來。有甚麼碑記。但知喚作禪道。但知喚作一
句子。軟嫩嫩地。真是無孔鐵椎。聚得一萬個。有甚麼用處。

若是有筋骨底。不用多。諸處行腳。也須帶眼。始得莫被人
謾。不見道。依法生解。猶落魔界。夫唱教。須一一從自己胸
襟中吐得出來。與人爲榜樣。今時還有與麼漢麼。第一切
須識取左右句。這個是出頭處。識取去底。識取住底。這個
是兩頭句。亦是左右句。亦喚作是非句。纔生便皺。自然無
事。兄弟見與麼說。還會麼。莫終日閤閤地。亦無了期。欲得
易會。但知於聲色前。不被萬境惑亂。自然露倮倮地。自然
無事。送向聲色前。蕩蕩地。恰似一團火。燄相似。觸著便燒。
更有甚麼事。不見道。非是塵不侵。自是我無心。時熱珍重。

人天眼目云。四藏鋒者。巖頭所立也就事者。全事也就理者。全理也。理事俱藏。則曰入就。俱不涉理事。則曰出就。達觀頴頴。就事藏鋒。事獨全不於理上取言詮。錦鱗若不香餌。掉尾揚鬚。戲碧川。就理藏鋒。理最微。豈從事上立。辜釐新羅鷄子。飛天外。肯搢林間野雀兒。入就藏鋒。理事出就。藏鋒。理事忘長天。赫日更無妨。雷公電母。分明說霹靂聲中石火光。師嘗謂眾曰。老漢去時。大吼一聲了去。唐光啓之後。中原盜起。眾皆避地。師端居宴如也。一日賊大至。責以無供饋。遂傳刃焉。師神色自若。大叫一聲而終。聲聞數十里。卽光啓三年丁未四月八日也。門人後焚之。獲舍利四十九粒。眾爲塔藏之。

目錄

卷十七 雪峯

福州雪峯義存禪師。泉州安南曾氏子。家世奉佛。師生惡茹葷。於襦褌中聞鐘梵之聲。或見幡花像設。必爲之動容。十二出家。十七落髮。後往幽州寶刹寺受戒。从歷禪會。在洞山作飯頭。淘米次。山問淘沙去米。淘米去沙。師曰。沙米一時去。山曰。大眾喫個甚麼。師遂覆卻米盆。山曰。據子因緣。合在德山洞山。一日問師作甚麼來。師曰。斫槽來。山曰。幾斧斫成。師曰。一斧斫成。山曰。猶是這邊事。那邊事作麼生。師曰。直得無下手處。山曰。猶是這邊事。那邊事作麼生。師休去。師辭洞山。山曰。子甚處去。師曰。歸嶺中去。山曰。當時

從甚麼路出師曰從飛猿嶺出山曰今回向甚麼路去師曰從飛猿嶺去山曰有一人不從飛猿嶺去子還識麼師曰不識山曰爲甚麼不識師曰他無面目山曰子旣不識爭知無面目師無對遂謁德山問從上宗乘學人還有分也無山打一棒曰道甚麼師曰不會至明日請益山曰我宗無語句實無一法與人師有省後與巖頭至澧州鰲山鎮阻雪頭每日祇是打睡師一向坐禪一日喚曰師兄師兄且起來頭曰作甚麼師曰今生不著便共文遂個漢行腳到處被他帶累今日到此又祇管打睡頭喝曰嚏眠去

每日牀上坐。恰似七村裏土地。他時後日。魔魅人家男女。去在師自點胸曰。我這裏未穩。在不敢自謾。頭曰。我將謂你他日向孤峯頂上盤結草庵。播揚大教。猶作這個語話。師曰。我實未穩。在頭曰。你若實如此。據你見處。一一通來。是處與你證明。不是處與你剗卻。師曰。我初到鹽官。見上堂舉色空義。得個入處。頭曰。此去三十年。切忌舉著。又見洞山過水。偈曰。切忌從他覓。迢迢與我疏。渠今正是我。我今不是渠。頭曰。若與麼自救也未了。在師又曰。後問德山。從上宗乘中事。學人還有分也無。德山打一棒曰。道甚麼。

我當時如桶底脫相似。頭喝曰：你不聞道從門入者，不是家珍。師曰：他後如何？卽是頭曰：他後若欲播揚大教，一一從自己胸襟流出，將來與我蓋天蓋地去。師於言下大悟，便作禮起，連聲叫曰：師兄，今日始是鼇山成道。師與欽山中入江南至新吳山之下，欽山濯足澗側，見菜葉而喜曰：此山必有道人，可沿流尋之。師恚曰：汝智眼太濁。他日如何辨人，彼不惜福如此。住山何爲哉。住後，僧問和尚見德山得個甚麼，便休去。師曰：我空手去，空手歸。有兩僧來，師以手拓菴門放身出，曰：是甚麼？僧亦曰：是甚麼？師低頭歸菴。僧辭去，師問甚麼處去。曰：湖南。師曰：我有個同行住巖頭，附汝一書。

去書曰。某書上師兄某。一自鰲山成道後。迄至於今。飽不
饑。同參某書上僧。到巖頭問甚麼處來。曰。雪峯來。有書達
和尚。頭接了。乃問僧。別有何言句。僧遂舉前話。頭曰。他道
甚麼。曰。他無語。低頭歸菴。頭曰。噫。我當初悔不向伊道末
後句。若向伊道。天下人不奈雪老何。僧至夏末。請益前話。
頭曰。何不早問。曰。未敢容易。頭曰。雪峯雖與我同條生。不
與我同條死。要識末後句。祇這是。此後有僧問招慶。慶云。彼
神洲道一句。西瞿耶尼洲也。知天上道一句。人間也。知心
時節。同條生也。共相知。不同條死。還殊絕。黃頭碧
眼。須甄別。南北東西。歸去來。夜深同看千巖雪。僧問。徑

旨引錄

卷十七 雪峯

三

山杲雪峯三上投子。九到洞山。爲甚麼向鰲山成道。山云。屋裏裏販揚州。僧云。後來住菴。有僧敲門。雪峯放身出云。是甚麼。僧亦云。是甚麼。還有優劣也無。山云。優則總優。劣則總劣。僧云。爲甚麼雪峯低頭歸菴。山云。疑殺天下人。僧云。僧舉似巖頭。頭云。我當時若向伊道。末後句。天下人不奈雪老何。作麼生。是末後句。山云。若不同牀睡。焉知被底穿。僧云。巖頭道。雪峯與我同條生。不與我同條死。要識末後句。祇這是。意旨如何。山云。殺人須是殺人刀。活人須是活人劍。乃云。古德道。青蘿黃緣。直上寒松之頂。白雲澹仁。出沒太虛之中。萬法本閑。惟人自鬧。又教中道。凡夫見諸法。但隨於相轉。不了法無相。以是不見佛。遂舉起拂子云。這個是相。那個是無相。現今目前。森羅萬象。眼見耳聞。悉皆是法。又何曾鬧來。既不曾鬧。教甚麼物隨相轉。又舉拂子云。這個是無相。又作麼生了。既無可了。卻向甚麼處見佛。且道。古德底是教中底。是。又是個甚麼。若向這裏分割得出。釋迦不先彌勒。不後雖然。如是未免被山僧拂子穿。卻鼻孔。又舉起拂子云。隨相轉也。被拂子穿。卻鼻孔。不隨相轉也。被拂子穿。卻鼻孔。見佛也。被拂子穿。卻鼻孔。不見

佛也被拂子穿卻鼻孔。乃顧視大眾云。且作麼生免得。此過畢竟水須朝海去。到頭雲定覓山歸。擊禪牀下座。僧問西山和尚。如何是祖師西來意。山舉拂子示之。其僧不肯。後參師。師問甚處來。云浙中來。師曰。今夏在甚處。曰。蘇州西山。師曰。和尚安否。曰。來時萬福。師曰。何不在彼從容。曰。佛法不明。師曰。有甚麼事。僧舉前話。師曰。汝作麼生不肯。他曰。是境。師曰。汝見蘇州人家男女否。曰。見。師曰。汝見路上林木否。曰。見。師曰。凡覩人家男女。大地林沼。總是境。汝肯他否。曰。肯。師曰。祇如拈拂子。汝作麼生不肯。僧乃禮拜曰。學人取次發言。乞和尚慈悲。師曰。盡乾坤是個眼。

汝向甚麼處蹲坐。僧無對。師問僧見說大德曾爲天使來。是否。僧曰不敢。師曰又爭解恁麼來。僧曰仰慕道德。豈憚關山。師曰汝猶醉在。出去。僧便出。師乃召大德。僧回首。師曰是甚麼。僧亦曰是甚麼。師曰這漆桶。僧無語。師顧謂鏡清曰好個師僧。向漆桶裏折倒。清云和尚豈不是據款結案。師曰也是我尋常用底。忽若喚回。向伊道是甚麼。被他道這漆桶又作麼生。清曰成何道理。師曰我與麼及伊。汝又道據款結案。伊與麼及我。汝又道成何道理。一等是恁麼時節。其間有得有不得。清云不見道醍醐上味爲世

所珍遇斯等人。翻成毒藥。雪竇云看他父子相投言氣相合。知者謂粉骨碎身此恩難報。

不知者謂扶高抑下臨危悚人毒藥醞釀千古龜鑑。還會麼。這漆桶。有一僧山下卓菴多

年。不剃頭。畜一長柄杓。溪邊舀水。時有僧問如何。是祖師

西來意。主曰。溪深杓柄長。師聞得。乃曰。也甚奇怪。一日將

剃刀。同侍者去訪。纔相見。便舉前話。問是菴主語否。主曰。

是。師曰。若道得。卽不剃你頭。主便洗頭。胡跪師前。師卽與

剃卻。三聖問透網金鱗。以何爲食。師曰。待汝出網來。向

汝道。聖曰。一千五百人善知識。話頭也不識。師曰。老僧住

持事繁。雪竇顯云。可惜放過好。與三十棒。這棒一棒也饒不得。直是窄遇作家。五祖演云。眾中或謂雪峯

三聖宗派不以故言不相契或謂三聖作家雪峯不能達其意如斯話會有何交涉若問五祖提綱金鱗以何為食只向伊道好個問頭且道與雪峯是同是別圓悟勤云雪竇道便打是有過是無過你若辨得出拄杖子屬你

普請次路逢一獼猴師曰人人有一面古鏡這個獼猴

亦有一面古鏡三聖曰曠劫無名何以彰為古鏡師曰瑕

生也聖曰這老漢著甚麼死急話頭也不識師曰老僧住

持事繁雪竇顯云好與三十棒這棒放過也好免見將錯就錯問僧甚處來曰瀉

山來師曰瀉山有何言句曰某甲曾問如何是祖師西來

意瀉山據座師口汝肯他否曰某甲不肯他師曰瀉山古

佛汝速去懺悔元沙云山頭和尚蹉過瀉山僧問意旨如何沙云大小瀉山被這僧一問直得百雜

白雲集卷十七

陸州刺史陳操居士襄州高亭高禪師

三五

碎

問古澗寒泉時如何。師曰：瞪目不見底。曰：飲者如何？

師曰：不從口入。僧舉似趙州。州曰：不從口入，不可從鼻孔

裏入。僧卻問古澗寒泉時如何。州曰：苦。曰：飲者如何。州曰：

死。師聞得，乃曰：趙州古佛，遙望作禮。自此不答話。雪竇拈云：眾中

總道雪峯不出這僧問頭，所以趙州不肯，如斯話會，深屈古人。雪竇即不然，斬釘截鐵，本分宗師，就下平高，難爲作

者。徑山杲云：雪峯不答話，疑殺多少人。趙州道：苦。面赤不如語直。若是妙喜，即不然。古澗寒泉時如何？到江扶客

棹出嶽濟民田，飲者如何？清涼肺腑，此話有兩負門。若人檢點得出，許你具參學眼。問僧甚麼處

去。曰：識得即知去處。師曰：你是了事人。亂走作麼。曰：和尚

莫塗汚人好。師曰：我即不塗汚你。古人吹布毛作麼生，與

我說來看。曰。殘羹餽飯。已有人喫了。師休去。雲門別前語。築著便作屎。

臭氣。又代後語。謂是鑽天鷄子。元來只是死。水裏蝦蟇。雪竇出雪峯語云。一死更不再活。僧問。聲

聞人見性。如夜見月。菩薩人見性。如晝見日。未審和尚見

性如何。師打三下。後問巖頭。頭打三掌。雪竇云。應病與藥。且打三下。據令而

行。合打多少。天童云。雪竇一期趁快。後人往。往作行令會。殊不知雪峯巖頭是個無固必漢。問僧甚

處來。曰。近離浙中。師曰。船來陸來。曰。二塗俱不涉。師曰。爭

得到這裏。曰。有甚麼隔礙。師便打趁出。僧過十年後再來。

師又問甚處來。曰。湖南。師曰。湖南與這裏相去多少。曰。不

隔。師豎起拂子曰。還隔這個麼。曰。若隔。卽不到也。師又打

趁出此僧。往後凡見人便罵師。一日有同行聞特去訪問。兄到雪峯有何言句。便如是罵他。遂舉前話。被同行詬叱。與他說破。這僧當時悲泣。常向中夜焚香遙禮。問僧甚處去。曰。禮拜徑山和尚去。師曰。徑山若問此間佛法如何。汝作麼生祇對。曰。待問卽道。師便打。後舉問鏡清。這僧過在甚麼處。清曰。問得徑山徹困。師曰。徑山在浙中。因甚麼問得徹困。清曰。不見道遠問近對。師曰。如是如是。問僧近離甚麼處。曰。覆船。師曰。生死海未渡。爲甚麼覆卻船。僧無對。乃回舉似覆船。船曰。何不道渠無生死。僧再至。進此語。

師曰。此不是汝語。曰。是覆船。恁麼道。師曰。我有二十棒。寄與覆船。二十棒。老僧自喫。不干闍黎事。元沙謂師曰。某甲如今大用去。和尚作麼。生師將三個木毬。一時拋出。沙作斫牌勢。師曰。你親在靈山。方得如此。沙曰。也是自家事。妙喜曰。祇許老胡知。不許老胡會。一日陞座。眾集定。師輓出木毬。元沙遂捉來安舊處。師一日在僧室內燒火。閉卻前後門。乃叫曰。救火救火。元沙將一片柴。從牕櫺中拋入。師便開門。上堂。南山有一條鼈鼻蛇。汝等諸人。切須好看。長慶出曰。今日堂中。大有人喪身失命。雲門以拄杖攬向師前作。

怕勢。有僧舉似元沙。沙曰。須是稜兄始得。雖然如是。我卽不然。曰。和尚作麼生。沙曰。用南山作麼。雪竇頌。象骨巖高弄蛇手。稜師備師不奈何。匝身失命有多少。韶陽知重撥草南北東西無處討。忽然突出拄杖頭。拋對雪峯大張口。大張口兮同閃電。剔起眉毛還不見。如今藏在乳峯前來者。一一看方便。高聲喝云。看脚下。真淨示眾舉此云。雪峯云。南山有條鼈鼻蛇。汝等諸人出入好看。雪峯無大人相。然則蛇無頭不行。長慶恰似個新婦兒。怕阿家相似。便道堂中今日大有人喪身失命。雲門拽拄杖攬向雪峯面前。作怕勢。爲蛇畫足。元沙云。用南山作甚麼。道我見處。親切不免祇在窠窟裏。更無有一人有些子天然氣概。報甯門下。莫有天然氣槩底麼。不敢望你別懸慧日。獨振元風。且向古人鵲鼻布衫上。上堂舉拂子曰。這個爲中下。僧知些子氣息也。難得。上堂舉拂子曰。這個爲中下。僧問上上人來如何。師舉拂子曰。這個爲中下。師便打。門。

云我不似雪峯打破這葛藤乃拈拄杖云這個爲中下機人僧問忽遇上上機人來如何門便打

師上

堂云盡大地撮來如粟米粒大拋向面前漆桶不會打鼓

普請看

長慶問雲門曰雪峯與麼道還有出頭不得處麼門曰有曰作麼生門曰不可總作野狐精見解又

曰狼藉不少圓悟勤云眾中道心是萬法之主盡大地一時在我手裏且喜沒交涉曹溪鏡裏絕塵埃打鼓看來君不見百花春至爲誰開

師云飯籬邊坐餓死人臨

河渴死漢元沙云飯籬裏坐餓死漢水裏沒頭浸渴死漢

雲門云通身是飯通身是水

妙喜舉了喝云多嘴呵師可煞忍俊不禁通身是飯通身

是水那裏得這消息來

上堂諸上座望州亭與汝相見了也烏石

嶺與汝相見了也僧堂前與汝相見了也

保福展舉問鷲湖智孚僧堂前

相見卽且置祇如望州亭烏石嶺甚麼處相見驚湖驟步歸方丈保福低頭入僧堂

師將示寂白

製塔銘并敘曰夫從緣有者始終而成壞非從緣得者歷劫而常堅堅之則在壞之則捐雖然離散未至何妨預置者哉所以疊石結室剪木成函搬土積塊爲龕諸事已備頭南腳北橫山而臥惟願至時同道者莫違我意知心者不易我志深囑再囑幸勉勵焉縱然他日邪造顯揚豈如當今正眼密宏善思之審思之銘曰兄弟橫十字雪竇註云國無二君又同心著一儀風行草偃又云直與土主曰松山四顧匪絕卯云知麼獨露相倚更有胡家曲一西一東汝等切須知又云險

塔號難提

又云險

更有胡家曲

一西一東

汝等切須知

南自北。我唱泥牛吼。又云會也。又云莫舉。又云呵。又云汝和木馬嘶。又云應正服。

但看五六月。又云豈可徒然。又云吁。又云冰片滿長街。又云事非草草。又云薪盡火滅。

後又云去誰同。又云好住。密室爛如泥。又云須到如此。又云努力。梁開平戊辰三月

示疾。閩帥命醫。師曰。吾非疾也。竟不服藥。遺偈付法。五月

二日朝遊藍田。暮歸澡身。中夜入滅。壽八十七。臘五十九。

泉州瓦棺和尚在德山爲侍者。一日同入山斫木。山將一碗

水與師。師接得。便喫。卻山曰。會麼。師曰。不會。山又將一碗

水與師。師又接喫。卻山曰。會麼。師曰。不會。山曰。何不成禡。

取不會底。師曰。不會。又成禡。個甚麼。山曰。子大似個鐵橛。

住後雪峯訪師。茶話次。峯問當時在德山斫木。因緣作麼。
生師曰。先師當時肯我。峯曰。和尚離師太早。時面前偶有
一碗火。峯曰。將水來。師便度與。峯接得潑卻。雲門云。莫
壓良爲賤。
襄州高亭簡禪師參德山。隔江纔見。便云。不審。山乃搖扇招
之。師忽開悟。乃橫趨而去。更不回顧。

指月錄卷之十七終

指月錄卷之十八

六祖下第六世

撫州曹山本寂禪師。泉州莆田黃氏子。少業儒。年十九。往福州靈石出家。二十五登戒。尋謁洞山。山問闍黎名甚麼。師曰。本寂。山曰。那個響。師曰。不名本寂。山深器之。此與雲居對洞山語同。僧寶傳師名耽章。此燈錄所載遂仍之。自此入室。盤桓數載。乃辭去。山遂密授洞上宗旨。復問曰。子向甚麼處去。師曰。不變異處去。山曰。不變異處。豈有去耶。師曰。去亦不變異。遂造曹溪禮祖塔。自螺川還。止臨川。有佳山水。因定居焉。以志慕六祖。乃

名山爲曹。示眾曰。凡情聖見。是金鎖。路直須回互。夫取正命食者。須具三種墮。一者披毛戴角。一者不斷聲色。三者不受食。時有稠布衲。問披毛戴角。是甚麼墮。師曰。是類墮。曰。不斷聲色。是甚麼墮。師曰。是隨墮。曰。不受食。是甚麼墮。師曰。是尊貴墮。乃曰。食者。卽是本分事。知有不取。故曰尊貴墮。若執初心。知有自己及聖位。故曰類墮。若初心知有已事。回光之時。擯卻色聲香味觸法。得甯謐。卽成功。勲後卻不執六塵等事。隨分而昧。任之則礙。所以外道六師。是汝之師。彼師所墮。汝亦隨墮。乃可取食。食者。卽是正。

命食也。亦是就六根門頭。見聞覺知。祇是不被他染汚。將
爲墮。且不是同。向前均他本分事。尙不取。豈況其餘事耶。
師凡言墮。謂混不得。類不齊。凡言初心者。所謂悟了同未
悟耳。燈錄無凡情聖見至三者不受食四十一字林間錄
無凡情聖見至回互十三字僧寶傳自稠布衲問答
後則云。夫冥合初心而知有是類墮。知有而不礙六塵。是
隨墮。維摩經云。外道六師是汝之師。彼師所墮。汝亦隨墮。
乃可取食。食者正命食也。食者亦是就六根門頭見聞覺
知。只不被他染汚。將爲墮。且不是同也。此覺範節釋曹山
之語也。林間乃直述曹山之語也。自師凡言下甘四字亦
記者之辭也。隨墮言不礙六塵而云不被染汚。又云本分
事尙不取。豈況其餘。古人立言。知所仿矣。智證傳曰。世
尊說九因九緣。未盡壽量而死。何等爲九。謂食無度量。食
時不宜。不消復食。生而不吐。熟而持之。不近醫藥。不知于
己若損。若益。非時非量。行非梵行。此名非時死。予以是觀

之乃知時而食，卽不枉死，故名正命食。黃檗曰：今時纔出來者，只欲多知多解，廣求文義，喚作修行，不知多知解，翻成壅塞。唯多與兒酥乳，消與不消，都總不知。三乘學道，大皆此樣。盡名食不消，食不消者，所謂知解不消，皆爲毒藥。盡向生滅邊收，眞如之中，無此事故。以此知曹山貴正命食，立三墮。又曰：維摩經曰：爲壞和合相故，應取食爲不受食故，應受彼食以空聚相，入於聚落，所見色與盲等，所聞聲與聾等，所觀香與風等，所食味不分別，受諸觸如智證。知諸法如幻相，無自性，無他性，本自不然。今則無滅，此不斷。盤色墮，所由立也。又曰：須菩提，不見佛，不聞法，彼外道六師、富蘭那、迦葉、末伽黎、拘賒黎子、刪闍夜毘羅、抵子阿者，多超舍欽婆羅、迦羅鳩駄、迦旃延、尼犍陀若提子等，是汝之師，因其出家，彼師所墮，汝亦隨墮，乃可取食。此墮墮之所由立也。又曰：訪諸佛，毀於法，不入眾數，終不得滅度。汝若如是，乃可取食。此尊貴墮之所由立也。予嘗深觀曹山，其自比六祖，無所媿，以其蕩除聖凡之情，有大方便。南泉曰：三世諸佛，不知有狸奴、白牯，卻知有乃不如曹山止言一墮字耳。覺範三墮頌：類墮頌，紛然作息同，銀碗裏。

盛雪若欲異牯牛與牯牛何別隨墮頌有聞皆無聞有見
元無物若斷聲色求木偶當成佛尊貴墮頌生在帝王家
那復有尊貴自應著珍御顧見何驚異大陽子曰此三
種須明轉位始得一日水牯牛是類墮是要你一念無私即
異類中事若不曉此意即有所滯直是要你一念無私即
有出身之路二曰不斷聲色是隨墮以不明聲色故隨處
墮須向聲色有出身之路作麼生是聲色外一句曰聲不
自聲色不自色故云不斷指掌當指何掌也三曰不受食
是尊貴墮須是知那邊了卻來這邊行履不虛此位即坐
在尊貴幻寄曰佛說比丘乞食乃正命食破四邪命食
邪命謂醫卜種種等具于教乘華嚴疏諸典中曹山取正
命食表本分事蓋本此寂音引瑜珈九因黃檗兒酥語意
雖佳而失其本矣僧寶傳述三墮語遺尊貴墮智證傳以
不斷聲色與隨墮分二而遺類墮濟公不取僧寶智證獨
載林間固有所擇也至於大陽謂不明聲色故隨處墮與
坐在尊貴是直以墮為墮落非曹山旨也寂音又曰金
剛般若曰知我說法如筏喻者法尚應捨何況非法西天
此土聖賢釋者無慮千餘人然莫如無著得佛之意雙林

旨引錄

曹山

三

大士又從而申明之。無著於此。判爲言說法身。意以爲筏者。言說也。雖與人俱。然亦不類。如筏行水中。而實不住。非法者。二邊也。在筏且不類。豈於二邊而止住耶。故曰。何況非法。大士偈曰。渡河須用筏。到岸不須船。人法俱名執。悟理詎勞詮。中流仍被溺。誰論在二邊。有無如取一。卽被汚心田。故曹洞宗旨。有混不得類不齊之語也。幻寄曰。洪師如漢儒。揆經傳事。

僧問。學人通身是病。請師醫。師曰。不醫。曰。爲甚麼不醫。師曰。教汝求生不得。求死不得。問。沙門豈不是具大慈悲底人。師曰。是。曰。忽遇六賊來時。如何。師曰。亦須具大慈悲。曰。如何具大慈悲。師曰。一劍揮盡。曰。盡後如何。師曰。始得和同。問。睂與目還相識也無。師曰。不相識。曰。爲甚麼不相識。師曰。爲同在一處。曰。恁麼則不分去也。

師曰。眉且不是目。曰。如何是目。師曰。端的去。曰。如何是眉。
師曰。曹山卻疑。曰。和尚爲甚麼卻疑。師曰。若不疑。卽端的
去也。師示眾云。諸方盡把格則。何不與他道卻。令他不
疑去。雲門在眾出問。密密處爲甚麼不知有。師曰。只爲密
密。所以不知有。門曰。此人如何親近。師曰。莫向密密處親
近。門曰。不向密密處時如何。師曰。始解親近。門曰。喏。喏。
曰。濁油更喜。雲門問。如何是沙門行。師曰。喫常住苗稼者。
著濕燈心。是曰。便恁麼去時如何。師曰。你還畜得麼。曰。畜得。師曰。你
作麼生畜。曰。著衣喫飯。有甚麼難。師曰。何不道披毛戴角。

門禮拜。問家貧遭劫時如何。師曰。不能盡底去。曰。爲甚麼不能盡底去。師曰。賊是家親。師問德上座。菩薩在定。聞香象渡河。出甚麼經。曰。出涅槃經。師曰。定前聞定後聞。曰。和尚流也。師曰。道也太煞道。祇道得一半。曰。和尚如何。師曰。灘下接取。妙喜曰甚麼處去也鏡清問清虛之理。畢竟無身時如何。師曰。理卽如此。事作麼生。曰。如理如事。師曰。謾曹山一人。卽得爭奈諸聖眼何。曰。若無諸聖眼。爭鑑得個不恁麼。師曰。官不容針。私通車馬。大滄詰云曹山雖然善能切磋琢磨其奈鏡清玉本無瑕要會麼不經敏手終成廢器問。教中道。大海不宿死屍。如何。是大

海師曰。包含萬有者。曰。既是包含萬有。爲甚麼不宿死屍。
師曰。絕氣息者不著。曰。既是包含萬有。爲甚麼絕氣息者
不著。師曰。萬有非其功。絕氣息者有其德。曰。向上還有事
也。無師曰。道有道無。卽得爭奈。龍王按劍何。問。具何知
解。善能問難。師曰。不呈句。曰。問難個甚麼。師曰。刀斧所不
入。曰。恁麼問難。還有不肯者麼。師曰。有。曰。是誰。師曰。曹山
問僧作甚麼。曰。掃地。師曰。佛前掃。佛後掃。曰。前後一時
掃。師曰。與曹山過。鞞鞋來。問。親何道伴。卽得常聞於末
聞。師曰。同共一被蓋。曰。此猶是和尙得聞。如何是常聞於

未聞。師曰：不同於木石。曰：何者在先？何者在後？師曰：不見道。常聞於未聞。問：一牛飲水，五馬不嘶，時如何？師曰：曹山解忌口。紙衣道者來參。師問：莫是紙衣道者否？者曰：不敢。師曰：如何是紙衣下事？者曰：一裘纔挂體，萬法悉皆如。師曰：如何是紙衣下用？者近前應諾，便立脫。師曰：汝祇解與麼去，何不解恁麼來？者忽開眼問曰：一靈真性，不假胞胎時如何？師曰：未是妙者。曰：如何是妙？師曰：不借借者珍重，便化。師示頌曰：覺性圓明無相身，莫將知見妄疎親。念異便於平體昧，心差不與道爲鄰。情分萬法沈前境，識

鑑多端喪本真。如是句中全曉會。了然無事昔時人。問
強上座曰。佛真法身。猶若虛空。應物現形。如水中月。作麼
生說個應底道理。曰。如驢覷井。師曰。道則太煞。道祇道得
八成。曰。和尚又如何。師曰。如井覷驢。僧舉藥山問僧年
多少。曰。七十二。山曰。是七十二。那曰。是山便打。此意如何。
師曰。前箭猶似可。後箭射人深。曰。如何免得此棒。師曰。王
勅旣行。諸侯避道。僧問香嚴。如何是道。嚴曰。枯木裏龍
吟。曰。如何是道中人。嚴曰。觸體裏眼睛。僧不領。乃問石霜。
如何是枯木裏龍吟。霜曰。猶帶喜在。曰。如何是觸體裏眼

晴霜曰。猶帶識在。又不領問師。如何是枯木裏龍吟。師曰。血脉不斷曰。如何是髑髏裏眼睛。師曰。乾不盡曰。未審還有得聞者麼。師曰。盡大地未有一人不聞曰。未審枯木裏龍吟。是何章句。師曰。不知是何章句。聞者皆喪。遂示偈曰。枯木龍吟。真見道。髑髏無識眼。初明喜識盡時。消息盡當人那。辨濁中清。昭覺勤云。念不異。心不差。圓融五位。君臣巖中吹律。看他三個老宿。一人透語。滲漏一人透情。滲漏一人透見。滲漏若善參詳。便可各關獨步。還委悉麼。莫守寒巖異草。青坐斷白雲。機不妙。徑山杲舉圓悟透三種語了云。諸人還揀得出麼。若揀不出。妙喜不惜眉毛。爲諸人說破。香嚴透語。滲漏被語言縛殺。石霜透情。滲漏被情識使殺。曹山透見。滲漏被見聞覺知惑殺。分明說了具眼。

者辨取、寂音曰喜識盡時消息盡當人那辨濁中清者
達觀所謂偏正互縱橫迢然忌十成龍門須要透鳥道不
堪行石女霜中織泥牛火裏耕
兩頭如脫得古木一枝榮是也
師讀杜順傳大士所作

法身偈曰我意不欲與麼道門弟子請別作之既作偈又

註釋之其詞曰渠本不是我我非我本不是渠非渠無我即

死即汝取活我無渠即余有別渠如我是佛要且不是我如渠即

驢二俱不立不食空王俸若遇御飯何假鴈傳書不通我說橫

身唱為信君看背上毛不與你乍如謠白雪將謂是猶恐

是巴歌傳此句無註示學人偈曰從緣薦得相應疾就體消停

得力遲瞥起本來無處所吾師暫說不思議寂音曰予以是觀之于聖

皆歷此一念之心。起時了不可得。是真不可思議也。離則決定無別殊勝故。如是了知。豈不疾乎。華嚴經曰。以少方便。疾成菩提。曰。然則學者何爲而不信耶。曰。如竹林善會禪師爲道吾發之。以見船子言下省悟。既去而回顧船子笑曰。這漢疑我別有也。於是覆其舟。蓋信力。師作四禁。尚微未大通透故耳。幻寄曰。于古繫驢橛子。偈曰。莫行心處路。不挂本來衣。何須正恁麼。切忌未生時。示眾曰。僧家在此等衣線下。須理會通向上事。莫作等閑。若也承當處分明。卽轉他諸聖向自己背後。方得自由。若也轉不得。直饒學得十成。卻須向他背後叉手。說什麼大話。若轉得自己。則一切粗重境來。皆作得主宰。假如泥裏倒地。亦作得主宰。如有僧問藥山曰。三乘教中。還有祖

意也。無答曰。有曰。既有達摩。又來作麼。答曰。只爲有。所以來。豈非作得主宰。轉得歸自己乎。如經曰。大通智勝佛。十劫坐道場。佛法不現前。不得成佛道。言劫者。滯也。謂之十成。亦曰。斷滲漏也。只是十道頭絕矣。不忘大果。故云守住。耽著名爲取次承當。不分貴賤。我常見叢林。好論一般兩般。還能成立得事麼。此等但是說向去事路布。汝不見南泉曰。饒汝十成。猶較王老師一線道也。大難事。到此直須子細。始得明白自在。不論天堂地獄。餓鬼畜生。但是一切處不移易。元是舊時人。只是不行舊時路。若有所心。還成。

滯著。若脫得。揀什麼。古德云。只恐不得輪迴。汝道作麼生。
只如今人說個淨潔處。愛說向去事。此病最難治。若是世
間粗重事。卻是輕。淨潔病爲重。只如佛味祖味。盡爲滯著。
先師曰。擬心是犯戒。若也得味。是破齋。且喚什麼作味。只
是佛味祖味。纔有忻心。便是犯戒。若也如今。訛破齋破戒。
卽今三羯磨時。早破了也。若是粗重貪嗔癡。雖難斷。卻是
輕。若也無爲無事淨潔。此乃重。無以加也。祖師出世。亦只
爲這個。亦不獨爲汝。今時莫作等閑狸奴白牯。修行卻快。
不是有禪有道。如汝種種馳求。覓佛覓祖。乃至菩提涅槃。

幾時休歇成辦乎。皆是生滅心。所以不如狸奴白牯。兀兀無知。不知佛。不知祖。乃至菩提涅槃。及以善惡因果。但饑來喫草。渴來飲水。若能恁麼。不愁不成辦。不見道。計較不成。是以知有。乃能披毛戴角。牽犁拽耒。得此便宜。始較些子。不見彌勒阿閼。及諸妙喜等世界。被他向上人。喚作無慚愧。懈怠菩薩。亦曰變易生死。尙恐是小懈怠。在本分事合作麼生。大須子細始得。人人有一坐具地。佛出世。侵他不得。恁麼體會修行。莫趁快利。欲知此事。饒今成佛成祖去。也只這是。便墮三塗地獄六道去。也只這是。雖然沒用。

處要且離他不得。須與他作主宰始得。若作得主宰。卽是不變易。若作主宰不得。便是變易也。不見永嘉云。莽莽蕩蕩。招殃禍。問。如何是莽莽蕩蕩招殃禍。曰。只這個總是問。曰。如何免得。曰。知有卽得。用免作麼。但是菩提涅槃煩惱。無明等總。是不要免。乃至世間粗重之事。但知有便得。不要免。卽同變易去也。乃至成佛成祖菩提涅槃。此等殃禍爲不小。因什麼如此。只爲變易。若不變易。直須觸處自由始得。南平鍾王雅重師。致禮敦請。師但書大梅山居頌一首付使者。大梅和尚自得心印於大寂遂入四明梅子真舊隱縛茆燕處唐貞元中鹽官會下

自序

卷一、曹山

上

有僧因採拄杖，迷路至菴所，問和尚在此多少時。梅曰：「祇見四山青，又黃，又問：『出山路向甚麼處去？』」梅曰：「隨流去。」僧歸，舉似鹽官。官曰：「我在江西時，曾見一僧，自後不知消息。莫是此僧否？」遂令僧去，招之。梅答以偈曰：「摧殘枯木倚寒林，幾度逢春不變心。樵客遇之猶不顧，郢人那得苦追尋。」一池荷葉衣無數，滿樹松花食有餘。剛被世人知住處，又移茅舍入深居。寂師寫辭，南平者摧殘枯木一偈也。梅諸機緣具於第九卷。此因錄寂師辭，南平事嘉梅之幽韻。復述其肥遯之跡云。後偈，或作「隱山和尚偈」。

天復辛酉夏夜，問知事：「今日是幾何日月？」對曰：「六月十五。」師曰：「曹山平生行腳，到處只管九十日爲一夏。明日辰時，吾行腳去。及時焚香宴坐而化。」閱世六十有二，坐三十有七夏。門弟子葬全身於山之西阿。

洪州雲居道膺禪師、幽州玉田王氏子童州出家於范陽延

壽寺二十五成大僧。其師令習聲聞篇聚。非其好。棄之遊方。至翠微問道。會有僧自豫章來。盛稱洞山法席。師遂造焉。山問甚處來。師曰。翠微來。山曰。翠微有何言句示徒。師曰。翠微供養羅漢。某甲問供養羅漢。羅漢還來否。微曰。你每日。噉個甚麼。山曰。實有此語否。師曰。有。山曰。不虛參見作家來。山問汝名甚麼。師曰。道膺。山曰。向上更道。師曰。向上。卽不名道膺。山曰。與老僧祇對道。吾底語一般。師問。如何。是祖師意。山曰。闍黎。他後有把茅蓋頭。忽有人問。如何。祇對。師曰。道膺罪過。山謂師曰。吾聞思大和尚。生倭國。作

王。是否。師曰。若是。思大佛亦不作。山然之。山問師。甚處來。去。師曰。踢山來。山曰。那個山堪住。師曰。那個山不堪住。山曰。恁麼。則國內總被闍黎占卻。師曰。不然。山曰。恁麼。則子得個入路。師曰。無路。山曰。若無路。爭得與老僧相見。師曰。若有路。卽與和尚隔山去也。山乃曰。此子已後。千人萬人。把不住。去在。師結菴於三峯。經旬不赴堂。山問子。近日何不赴齋。師曰。每日自有天神送食。山曰。我將謂汝是個人。猶作這個見解。在。汝晚間來。師晚至。山召膺菴主。師應諾。山曰。不思善。不思惡。是甚麼。師曰。菴寂然。冥坐。天神自此。

竟尋不見。如是三日。乃絕。山問師作甚麼。師曰。合醬。山曰。用多少鹽。師曰。旋入。山曰。作何滋味。師曰。得。山問大闡提人作五逆罪。孝養何在。師曰。始成孝養。自爾洞山許爲室中領袖。劉禹端公上山謝雨。問師云。雨從何來。師曰。從端公問處來。端公遂禮三拜。歡喜而退。行數步。師召云端。公回首。師問云。問從何來。公無語。歸家三日而死。大慧拈云。劉禹端公無語。歸家三日而死。正爬著宏覺癢處。只是不知轉身一路。當初待伊道。問從何來。但依前禮三拜。歡喜而退。且教宏覺疑三十年。又東平嘗問一官人。風作何色。雪竇因并頌云。雨從何來。風作何色。龍門萬仞曾留宿。客進退相將。誰遭點額。風作何色。雨從何來。師曾令侍不用彈指。樓閣門開。波波稜稜。南方未回。

者送袴與一住菴道者。道者曰。自有孃生袴。竟不受。師再令侍者問。孃未生時。著個甚麼。道者無語。後遷化。有舍利。持似於師。師曰。直饒得八斛四斗。不如當時下得一轉語。好。師在洞山作務。候剗殺蚯蚓。山曰。這個響。師曰。他死。山曰。二祖往鄴都。又作麼生。師不對。後有僧問。和尚在洞山。剗殺蚯蚓。因緣。和尚豈不是無語。師曰。當時有語。祇是無人證明。問山河大地。從何而有。師曰。從妄想有。曰。與某甲想出一錠金得麼。師便休去。僧不肯。雲門云。已是合待伊道。想出一錠金得麼。拈拄杖便打。新羅僧問。佛陀波利。見文殊。爲甚。

卻回去。師曰。祇爲不將來。所以卻回去。問。教中道是人。先世罪業。應墮惡道。以今世人輕賤。故此意如何。師曰。動則應墮惡道。靜則爲人輕賤。示眾曰。佛法有甚麼多事。行得卽是。但知心是佛。莫愁佛不解語。欲得如是事。還須如是人。若是如是人。愁個甚麼。若云。如是事卽難。自古先德。醇素任真。元來無巧。設有人問。如何是道。或時答。甌磚木頭。作麼皆重。元來他根本腳下實有力。卽是不思議人。握土成金。若無如是事。饒汝說得簇花簇錦相似。直道我放光動地。世間更無過也。盡說了合殺頭。人總不信受。元

來自家腳下虛無力。汝等譬如獵狗，但尋得有蹤跡底。若遇羴羊挂角時，非但不見蹤跡，氣息也不識。僧便問羴羊挂角時如何。答曰：六六三十六。曰：會麼？僧曰：不會。曰：不見道無蹤跡。其僧舉似趙州，州曰：雲居師兄，猶在。僧便問羴羊挂角時如何。州曰：九九八十一。曰：得恁麼難會。州曰：有甚麼難會。曰：請和尚指示。州曰：新羅新羅，又問長慶羴羊挂角時如何。慶曰：草裏漢。曰：挂後如何。慶曰：亂叫喚。曰：畢竟如何。慶曰：驢事未去，馬事到來。又問世尊有密語。迦葉不覆藏，如何。是世尊密語。師呼問者名曰：會麼。曰：不會。曰：汝若不會，世尊有密語。汝若會，迦葉不覆藏。乃曰：僧家發言吐氣，須有來由。莫當等閑。這裏是什麼所在。爭

受容易。凡問個事也。須識好惡。若不識尊卑良賤。不知觸犯。信口亂道。也無利益。益家行腳。到處覓相似語。所以尋常向兄弟道。莫怪不相似。恐怕同學多去。第一莫將來。將來不相似。言語也須看他前頭。八十老人入場屋。不是小兒戲。不是因循底事。一言參差。卽千里萬里。難爲收攝。蓋爲學處容易。不著力。敲骨打髓。須有來由。言語如鉗如夾。如鈎如鎖。須教相續不斷。始得頭頭上具。物物上明。豈不是得妙底事。一種學。大須仔細研窮。直須諦當。的的無差。到這裏有什麼蹉跎處。有什麼擬議處。向去底人。須常慘。

悚戢翼始得。若是知有底人。自解護惜。終不取次。十度發言。九度休去。爲什麼如此。常恐無利益。體得底人。心若臘月扇口邊。直得醖出。不是強爲任運如此。欲得與麼事。須是與麼人。既是與麼人。不愁恁麼事。恁麼事卽難得。又曰。汝等直饒學得佛邊事。早是錯用心了也。不見古人講得天花落。石點頭。尚不干自己事。自餘是什麼閑。如今擬將有限身心。向無限中用。有什麼交涉。如將方木逗圓孔中。多少聲訛。若無與麼事。饒汝說得簇花簇錦也。無用處。未離情識在。若一切事。須向這裏及盡。始得無過。方得出。

身若有一毫髮去不盡。卽被塵累。豈況更多。差之毫釐。過
 犯山嶽。不見古人道。學處不彳。盡是流俗。閨閣中物。捨不
 得。俱爲滲漏。直須向這裏及取去。及去及來。併盡一切事。
 始得無過。如人頭頭上了。物物上通。祇喚作了事人。終不
 喚作尊貴。將知尊貴一路自別。便是世間極重極貴物。不
 得將來向尊貴邊。須知不可思議。不當好心。所以古人道。
 猶如雙鏡。光光相對。光明相照。更無虧盈。豈不是一般。猶
 喚作影像邊事。如日出時。光照世間。明朗是一半。那一半
 喚作甚麼。如今人未認得光影。門頭戶底粗淺底事。將作

屋裏事又爭得。將知尊貴一路自別下燈錄無便是世間諸語但云不見道從門入者非寶持上不成龍二句而已。又曰得者不輕微。明者不賤用。識者不咨嗟解者無厭惡。從天降下卽貧窮。從地涌出卽富貴。門裏出身則易。身裏出門則難。動則埋身千尺。不動則當處生苗。一言迴脫。獨拔當時。語言不要多。多則無用處。僧問如何是從天降下卽貧窮。曰不貴得。又問如何是從地涌出則富貴。曰無中或有。又曰了無所有。得無所圖。言無所是。行無所依。心無所託。及盡始得無過。在眾如無眾。無眾如在眾。在身如無身。處世如無世。豈不是無燒其德。超於萬類。

脫一切羈鎖。千人萬人得。尙道不當自己。如今若得共起。初一般。古人曰。體得那邊事。卻來這邊行履。那邊有什麼事。這邊又作麼生行履。所以道。有也莫將來。無也莫將去。現在底是誰家事。又曰。欲體此事。直似一息不來底人。方與那個人相應。若體得這個人意。方有少許說話分。方有少許行履分。暫時不在。如同死人。豈況如今論年論月不在。如人常在。愁什麼家事不辦。欲知久遠事。祇在如今。如今若得。久遠亦得。如人千鄉萬里歸家。行到卽是。是卽一切總不是。卽一切總不是。直得頂上光燄生。亦不是。

能爲一切。一切不爲道終日貪前頭事。失卻背後事。若見背後事。失卻前頭事。如人不前後。有什麼事。僧問。有人衣錦繡入來。見和尚後。爲甚寸絲不挂。曰。直得琉璃殿上行。撲倒也須粉碎。乃曰。若有一毫許去。及不盡。卽被塵累。豈況更多。不見尋常道。升天底事。須對眾掉卻。十成底事。須對眾去卻。擲地作金聲。不須回頭顧著。自餘有什麼用處。不見二祖當時。詩書博覽。三藏聖教。如觀掌中。因甚麼更求達摩安心。將知此門中事。不是等閑。所以道。智人不向言中取。得人豈向說中求。不是異於常徒。息一切萬累。

道暫時不在。塗路便有來由。非但惡眷屬。善眷屬也。覓不得。甚處去。通身去。歸家去。省覲去。始脫得。諸有門去。去得牢籠。脫險難。異常徒。又曰。如掌中觀物。決定決定。方可隨緣。若一如此。千萬亦然。千萬之中。難爲一二。一二不可得。不見道。顯照底人。卽易得。顯已底人。卽難得。不道全無。卽是希有。若未得如此。不受強爲。強爲卽生惱。生惱卽退道。退道則罪來加身。卽見不得。說什麼大話。汝旣出家。如因免獄。少欲知足。莫貪世榮。忍饑忍渴。志存無爲。得在佛法中。十生九死也。莫相拋。出生入死。莫違佛法。斬釘截鐵。

莫負如來。事宜無多。各自了取。有事近前。無事莫立。

自示眾佛

法有什麼多事至此悉依僧寶傳

師住持三十年。道徧天下。眾至千五

百人。南昌鍾王師尊之。願以爲世世師。唐天福元年秋。示微疾。十二月二十八日。爲大眾開最後方便。敎出世始卒之意。眾皆愴然。越明年正月三日。問侍者。今日是幾。對云。初三。師云。三十年後。但云祇這。是乃端然告寂。

撫州疎山匡仁禪師。吉州新淦人。投本州元證禪師出家。一日告其師。往東都聽習。未經歲月。忽曰。尋行數墨。語不如默。捨已求人。假不如真。遂造洞山。值山早參。出問。未有之。

百三

卷十八

雲居膺

言請師示誨。山曰。不諾。無人肯。師曰。還可功也。無。山曰。你
 卽今還功得麼。師曰。功不得。卽無諱處。山他日上堂曰。欲
 知此事。直須如枯木生花。方與他合。師問一切處不乖時。
 如何。山曰。闍黎。此是功勳邊事。幸有無功之功。子何不問。
 師曰。無功之功。豈不是那邊人。山曰。大有人笑子。恁麼問。
 師曰。恁麼則迢然去也。山曰。迢然。非迢然。師曰。
 如何是迢然。山曰。喚作那邊人。卽不得。師曰。如何是非迢
 然。山曰。無辨處。山問師。空劫無人家。是甚麼人住處。師曰。
 不識。山曰。人還有意旨也。無。師曰。和尙何不問他。山曰。現

問次。師曰：是何意旨？山不對。泊洞山順世弟子禮終，乃到潭州大滬。值滬示眾曰：行腳高士，直須向聲色裏睡眠。聲色裏坐臥始得。師出問：如何？是不落聲色句。滬豎起拂子。師曰：此是落聲色句。滬放下拂子。歸方丈。師不契，便辭香嚴。嚴曰：何不且住。師曰：某甲與和尚無緣。嚴曰：有何因緣。試舉看。師遂舉前話。嚴曰：某甲有個話。師曰：道甚麼。嚴曰：言發非聲。色前不物。師曰：元來此中有人。遂囑香嚴曰：向後有住處，某甲卻來相見。乃去。滬問嚴曰：問聲色話底矮閣黎在麼。嚴曰：已去也。滬曰：曾舉向子麼。嚴曰：某甲亦曾。

對他來。滹曰。試舉看。嚴舉前話。滹曰。他道甚麼。嚴曰。深肯某甲。滹失笑曰。我將謂這矮子有長處。元來祇在這裏。此子向去若有個住處。近山無柴燒。近水無水喫。師聞福州大滹安和尚示眾曰。有句無句。如藤倚樹。師特入嶺到彼。值滹泥壁。便問。承聞和尚道有句無句。如藤倚樹。是否。滹曰。是。師曰。忽遇樹倒藤枯。句歸何處。滹放下泥盤。呵呵大笑。歸方丈。師曰。某甲三千里賣卻布單。特爲此事而來。和尚何得相弄。滹與侍者取錢二百。與這上座去。遂囑曰。向後有獨眼龍爲子點破在。滹山次日上堂。師出問。法身之

三

卷十八

疎山仁

七

理。理絕乎微。不奪是非之境。猶是法身邊事。如何是法身
向上事。漚舉起拂子。師曰。此猶是法身邊事。漚曰。如何是
法身向上事。師奪拂子。摺折。擲向地上。便歸眾。漚曰。龍蛇
易辨。衲子難謾。後聞婺州明招謙和尚出世。謙眇徑往禮
拜。招問甚處來。師曰。閩中來。招曰。曾到大漚否。師曰。到。招
曰。有何言句。師舉前話。招曰。漚山可謂頭正尾正。祇是不
遇知音。師亦不省。復問。忽遇樹倒藤枯。句歸何處。招曰。卻
使漚山笑轉新。師於言下大悟。乃曰。漚山元來笑裏有刀。
遙望禮拜悔過。楊岐示眾云。有句無句。如藤倚樹。文殊維
摩撒手歸去。楊岐恁麼道。也是看鎗鎗。更

有後語。不得錯舉。
妙喜曰。利動君子。

曰。第七個無尾巴。

招一日問虎生七子。那個無尾巴。師

香嚴出世。師不爽前約。遂往訪之。

嚴上堂。僧問。不求諸聖。不重己靈。時如何。嚴曰。萬機休罷。
千聖不攜。師在眾作嘔聲曰。是何言歟。嚴聞便下座曰。適
對此僧語。必有不是。致招師叔如是。未審過在甚麼處。師
曰。萬機休罷。猶有物在。千聖不攜。亦從人得。如何無過。嚴
曰。卻請師叔道。師曰。若教某甲道。須還師資禮始得。嚴乃
禮拜。躡前問。師曰。何不道肯諾不得全。嚴曰。肯又肯個甚
麼。諾又諾於阿誰。師曰。肯卽肯他千聖。諾卽諾於己靈。嚴

曰。師叔恁麼道。向去倒屣三十年在。師住後果病吐二十七年而愈。師卻每於食後。挾口令吐。曰。香嚴師兄。記我三十年倒屣。尚欠三年。在師後。問鏡清。肯諾不得。全子作麼生。會清曰。全歸肯諾。師曰。不得全。又作麼生。清曰。個中無肯路。師曰。始慙病僧意。

師到來山。山上堂。師問。

承師有言。曰。目前無法。意在目前。如何是非目前法。山曰。夜月流輝。澄潭無影。師作掀禪牀勢。山曰。闍黎作麼生。師曰。目前無法。了不可得。山曰。大眾看取這一員戰將。師參巖頭。頭見來。乃低頭佯睡。師近前而立。頭不顧。師拍禪牀一下。頭回首曰。作甚麼。師曰。和尚且瞋睡。拂袖便行。頭呵呵大笑曰。三十年弄馬騎。今日被驢撲。上堂。病僧咸通。

年前會得法身邊事。咸通年後會得法身向上事。雲門出問。如何是法身邊事。師曰。枯椿。曰。如何是法身向上事。師曰。非枯椿。曰。還許某甲說道理也無。師曰。許曰。枯椿豈不是明法身邊事。師曰。是。曰。非枯椿。豈不是明法身向上事。師曰。是。曰。祇如法身還該一切也無。師曰。法身周徧。豈得不該。門指淨瓶。曰。祇如淨瓶。還該法身麼。師曰。闍黎莫向淨瓶邊覓。門便禮拜。妙喜曰。雲門禮拜不是好心。有僧爲師造壽塔畢。白師。師曰。將多少錢與匠人。曰。一切在和尙。師曰。爲將三錢與匠人。爲將兩錢與匠人。爲將一錢與匠人。若道得。

與吾親造壽塔來。僧無語。後僧舉似大嶺菴閑和尚。即羅山也嶺曰。還有人道得麼。僧曰。未有人道得。嶺曰。汝歸與疎山道。若將三錢與匠人。和尚此生決定不得塔。若將兩錢與匠人。和尚與匠人共出一隻手。若將一錢與匠人。累他匠人鬚眉墮落。僧回。如教而說。師具威儀。望大嶺作禮。歎曰。將謂無人大嶺有古佛。放光射到此間。雖然如是。也是臘月蓮花大嶺後。聞此語曰。我怎麼道。早是龜毛長三尺。徑

果頌鑿壞十方常住地。三錢使盡。露屍骸。羅山古佛雖靈驗。未免將身一處埋。應菴華頌鑿開蒼徑。造浮圖。往復商量。價不孤。無限落花隨水去。夕陽春色滿江湖。崇覺空頌。三文與匠人。每愛佳人笑。目青音容常隔一沙江。黃

河誰道如今。輓波浪無風。不挂情。頌兩文與匠人。惱惱牛欄。昨夜開嶺頭人。喚不歸來。煩君道與西江月。莫照孤燈。冷處灰頌一文與匠人。行因感果。事須分寶塔。凌空直一文。要會疎山端的意思。吾家宗祖在并汾。師臨遷化。有偈示眾曰。我路碧空外。白雲無處閑。世有無根樹。黃葉風送還。偈終而逝。

青林師虔禪師。初參洞山。山問近離甚處。師曰。武陵曰。武陵法道。何似此間。師曰。胡地冬抽筋。山曰。別甌炊香飯。供養此人。師拂袖便出。山曰。此子向後走殺天下人在。師在洞山栽松次。有劉辰翁者。求偈。師作偈曰。長長三尺餘。鬱鬱覆青草。不知何代人。得見此松老。劉得偈。呈洞山。山謂曰。

此是第三代洞山主人。師辭洞山。山曰。子向甚麼處去。師曰。金輪不隱的。徧界絕紅塵。山曰。善自保任。師珍重而出。洞山門送。謂師曰。恁麼去一句。作麼生道。師曰。步步踏紅塵。通身無影像。山良久。師曰。老和尚何不速道。山曰。子得恁麼性急。師曰。某甲罪過。便禮辭。住青林。後遷洞山。凡有新到。先令搬柴三轉。然後參堂。有一僧不肯。問師曰。三轉內則不問。三轉外如何。師曰。鐵輪天子。寰中旨。僧無對。師便打趁出。問學人徑往時如何。師曰。死蛇當大路。勸子莫當頭。曰。當頭者如何。師曰。喪子命根。曰。不當頭者如

何師曰。亦無迴避處。曰。正當恁麼時。如何。師曰。失卻也。曰。向甚麼處去。師曰。草深無覓處。曰。和尚也須提防。始得。師拊掌曰。一等是個毒氣。

高安白水本仁禪師上堂。老僧尋常不欲向聲前色後。鼓弄人家男女。何故。且聲不是聲。色不是色。僧問。如何是聲。不是聲。師曰。喚作色。得麼。曰。如何是色。不是色。師曰。喚作聲。得麼。僧作禮。師曰。且道爲汝說。答汝話。若向這裏會得。有個入處。師將順世。焚香白眾曰。香烟盡處。是吾涅槃時也。言訖。跏趺而坐。息隨烟滅。

潭州龍牙山居遁證空禪師。叅翠微。乃問學人自到和尚法

席。一個餘月。不蒙示誨一法。意在於何。微曰。嫌甚麼。師又

問洞山。山曰。爭怪得老僧。

法眼別云。祖師來也。雲居齊云。此三大尊宿。還有親疎也。無若

有那個親若無親疎。眼在甚麼處。

師又問翠微。如何是祖師意。微曰。與

我將禪板來。師遂過禪板。微接得便打。師曰。打卽任打。要

且無祖師意。又問臨濟。如何是祖師意。濟曰。與我將蒲團

來。師乃過蒲團。濟接得便打。師曰。打卽任打。要且無祖師

意。後有僧問和尚行腳時。問二尊宿。祖師意。未審二尊宿

明也未。師曰。明卽明也。要且無祖師意。

東禪齊云。眾中道佛法卽有祇是無

祖師意若恁麼會有何交涉別作麼生會無祖師意底道理雪竇頌龍牙山裏龍無眼死水何曾振古風禪板蒲團不能用只應分付與盧公盧公付了亦何憑坐倚休將繼祖燈堪對暮雲歸未合遠山無眼碧層層圓悟勤云雪竇據欵結案他雖恁麼頌且道意在甚麼處甚處是無眼甚處是死水裏且道是扶持伊是滅伊威光人多錯會道爲甚麼只應分付與盧公殊不知卻是龍牙分付與人僧寶傳云初謁翠微不契至臨濟亦不契乃造洞山悟本价禪師問如何是祖師西來意价曰待洞水逆流卽向汝道師豁然大悟研味其旨悲欣交集覺範曰予觀龍牙偈曰學道先須有悟由還如慣鬪快龍舟雖然舊閣閑田地一度贏來方始休君若隨緣得似風吹沙走石不勞功但於事上通無事見色聞聲不用聾皆清深精密如其爲人疑問翠微臨濟祖意度禪板蒲團機語在已見洞山之後雪竇以瞎龍死水罪師復舉德山頭落底語因自省之龍牙聞之必大笑

過遂止於洞山隨眾參請一日問如何是祖師西來意山

曰。待洞水逆流。即向汝道。師始悟厥旨。服勤八稔。此見於濟公燈

錄

師有頌曰。學道如鑽火。逢煙未可休。直待金星現。歸

家始到頭。

後神鼎譚舉云。山僧即不然。學道如鑽火。逢煙便可休。莫待金星現。燒額又燒頭。翠巖真云。

若論頓也。龍牙猶在半途。若論漸也。神鼎猶欠悟在。於此復且如何。諸仁者。今年多落葉。幾處掃歸家。

問十二時中如何著力。師曰。如無手人欲行拳始得。大

秀云。是則是。又教人陰界中作活計。十二時中如何用力。如有手人行拳。又且如何。問古人得個

甚麼。便休去。師曰。如賊入空室。問維摩掌擎世界。未審

維摩向甚麼處立。師曰。道者。汝道維摩掌擎世界。問如

何是祖師西來意。師曰。待石烏龜解語。即向汝道。曰。石烏

老日錄

卷十八 龍牙

云

龜語也。師曰向汝道甚麼。裴相國入大安寺。問諸大德。

曰羅睺羅以何爲第一。曰以密行爲第一。裴不肯。遂問此

間有何禪者。時師在後園種菜。遂請來問。羅睺羅以何爲

第一。師曰不知。裴便拜曰破布裏眞珠。報慈嶼讚師眞

曰日出連山。月圓當戶。不是無身。不欲全露。師一日在帳

中坐。僧問不是無身。不欲全露。請師全露。師撥開帳子曰。

還見麼。曰不見。師曰不將眼來。報慈聞云龍牙祇道得一半。雲門令僧舉此公案。

云汝舉我與汝道。僧舉了。門云我不妨與汝道。上堂夫參予人。須透過祖佛始

得。新豐和尚道祖佛言教似生冤家。始有參學分。若透不

得。卽被祖佛謾去。僧問祖佛還有謾人之心也。無。師曰。汝道江湖還有礙人之心也。無。乃曰。江湖雖無礙人之心。爲時人過不得。江湖成礙。人去不得。道江湖不礙人。祖佛雖無謾人之心。爲時人透不得。祖佛成謾人。去不得。道祖佛不謾人。若透得祖佛過。此人過卻祖佛。若也如是。始體得佛祖意。方與向上人同。如未透得。但學佛學祖。則萬劫無有。出期。僧曰。如何得不被祖佛謾去。師曰。道者直須自悟去。始得。

益州北院通禪師初參夾山。問曰。目前無法。意在目前。不是

目前法。非耳目之所到。豈不是和尚語。山曰。是師乃掀倒
禪牀。叉手而立。山起來打一拄杖。師便下去。法眼云。是他
掀倒禪牀。何
不便去。須待他打了次。叅洞山。山上堂曰。坐斷主人公。不
一棒去。意在甚麼處。
落第二。見師出眾曰。須知有一人不合伴。山曰。猶是第二
見。師便掀倒禪牀。山曰。老兄作麼生。師曰。待某甲舌頭爛。
卽向和尚道。後辭洞山。擬入嶺。山曰。善爲飛猿嶺峻。好看
師良。久山召通闍黎。師應諾。山曰。何不入嶺去。師因有省。
更不入嶺。

京兆府蜆子和尚。不知何許人也。事跡頗異。居無定所。自卽

心於洞山。混俗閩川。不畜道具。不循律儀。冬夏惟披一衲。逐日沿江岸採掇蝦蜆。以充其腹。暮卽宿東山白馬廟紙錢中。居民目爲蜆子和尙。華嚴靜禪師聞之。欲決真假。先潛入紙錢中。深夜師歸。嚴把住曰。如何是祖師西來意。師遽答曰。神前酒臺盤。嚴放手曰。不虛與我同根生。

越州乾峯和尙上堂。法身有三種病。二種光。須是一一透得。始解歸家穩坐。須知更有向上一竅。在雲門出問。菴內人爲甚麼不知菴外事。師呵呵大笑。門曰。猶是學人疑處。師曰。子是甚麼心行。門曰。也要和尙相委。師曰。直須與麼始。

解穩坐門應喏喏。上堂舉一不得舉二放過一著落在

第二雲門出眾曰昨日有人從天台來卻往徑山去師曰

典座來日不得普請便下座。妙喜曰彼此揚家醜賴遇無旁觀者雲門到

曰請和尚答話師曰到老僧也未門曰恁麼那恁麼那師

曰將謂猴白更有猴黑問十方薄伽梵一路涅槃門未

審路頭在甚麼處師以拄杖畫云在這裏僧後請益雲門

門拈起扇子云扇子踰跳上三十三天築著帝釋鼻孔東

海鯉魚打一棒雨似盆傾會麼。寶峯文云乾峯與麼道還

然十方薄伽梵一路涅槃門未審路頭在甚麼處劈脊便棒

卻問他路頭在甚麼處待伊擬開口熱喝出去更有個雲門

折腳老比丘。不分緇素。不辨邪正。拈起扇子云云。似這般。和泥和水。漢糞堆頭埋卻。十個五個。有甚麼過。阿呵呵。樂不樂。足不足。而今幸對山青水綠。年來事事。一時休。信任身心。懶拘束。大眾休瞌睡好。問僧甚處

來。曰。天台。師曰。說見石橋作兩段。是否。曰。和尚甚處得這

消息。來。師曰。將謂華頂峯前客。元是平田莊裏人。法石光禪師因

舊住相訪師問。頃年有一則公案。與你商量不下。如今作麼生云。未入門時。早呈似和尚了也。師云。這裏又作麼生云。不可頭上安頭。師劃一劃云。這裏且置。你爲甚麼踏斷天台石橋。僧無語。師云。脫空妄語。漢出去。幻寄曰。此二尊宿勘僧。一人得法身。二種光。一人得法身三種病。若人辨得出。許具隻眼。

澧州欽山文邃禪師與巖頭雪峯過江西。到一茶店。喫茶次

師曰。不會轉身通氣者。不得茶喫。頭曰。若恁麼。我定不得

旨。司策

卷十八 欽山

茶喫峯曰某甲亦然師曰這兩個老漢話頭也不識頭曰甚處去也師曰布袋裏老鴉雖活如死頭退後曰看看師曰。歲公且置存公作麼生峯以手畫一圓相師曰不得不問頭呵呵曰太遠生師曰有口不得茶喫者多 巨良禪客。叅禮拜了便問一鏃破三關時如何師曰放出關中主看良曰。恁麼則知過必改師曰更待何時良曰好隻箭放不著所在便出去師口闍黎且來良回首師下禪牀擒住曰一鏃破三關卽且置試爲欽山發箭看良擬議師打七棒曰且聽個亂統漢疑三十年有僧舉似同安察安曰良

公雖解發箭要。且未中的。僧便問。未審如何得中的。去安。
曰。關中主是甚麼人。僧回舉似師。師曰。良公若解恁麼會。
也。免得欽山口。然雖如此。同安不是好心。亦須看始得。雪竇
顯頌云。與君放出關中主。放箭之徒莫莽鹵。取個眼兮耳
必聾。捨個耳兮目。雙聾可憐一。鏃破三關的。的分明箭後
路。君不見。平沙有言兮。大丈夫先天爲心祖。天童覺云
山堆嶽積來。瓦解冰消去。則時人知有與我放出關中去
看。且合作麼生有底道。當時便喝。當時便掌。然則一期瞎
用。則得要。且未是關中主在。還體得麼。當堂不正坐。那起
雨頭
機

瑞州九峯通平禪師。僧問。自心他心得相見否。師曰。自己尙
不見。他人何可觀。僞唐乾甯三年二月十七日晨興戒。

其徒曰無虛度光陰無虛消信施既已出家惟道是履名
大丈夫於是寂然在定至三月二十日乃化閱世六十有
三坐四十二夏師引法華經以明五位
語具洞山五位章中

指月錄卷之十九

六祖下第七世

吉州資福如寶禪師。陳操尙書來。師畫一圓相。操曰。弟子與麼來。早是不著便。更畫圓相。師於中著一點。操曰。將謂是南番舶主。師便歸方丈。閉卻門。

郢州芭蕉山慧清禪師。上堂。拈拄杖示眾曰。你有拄杖子。我與你拄杖子。你無拄杖子。我奪卻你拄杖子。靠拄杖下座。
大滙詰云。大滙即不然。你有拄杖子。我奪你拄杖子。你無拄杖子。我與你拄杖子。大滙即如是。諸人還用得也。未。若人用得。德山先鋒臨濟合後。若用不得。且還本土。天童正覺云。你有則一切有。你無則一切無。有無自是。當人與旨。目。錄。全。上。乙。資。福。慧。清。

參關芭蕉甚事。正恁麼時。作麼生是你拄杖子。

問賊來須打。客來須看。忽遇客

賊俱來時如何。師曰。屋裏有一緇破草鞋。曰。祇如破草鞋。

還堪受用也無。師曰。汝若將去。前凶後不吉。師謂眾曰。

我年二十八。到仰山。參見南塔。見上堂曰。汝等諸人若是

個漢。從孃肚裏出來。便作獅子吼。好麼。我於言下。歇得身

心。便住五載。

汝州南院慧顒禪師。

亦曰寶應

上堂。赤肉團上。壁立千仞。僧問。赤

肉團上。壁立千仞。豈不是和尚道。師曰。是。僧便掀倒禪牀。

師曰。這瞎驢。亂做。僧擬議。師便打。趁出。

妙喜曰。吾今爲汝保任。此事終不虛。

也復頌云。赤肉團邊用得親。主賓有理各難伸。兩個驢子相逢著。世上於今無直人。

問僧近離甚

處。曰。襄州。師曰。來作甚麼。曰。特來禮拜和尚。師曰。恰遇寶應老不在。僧便喝。師曰。向汝道不在。又喝。作甚麼。僧又喝。師便打。僧禮拜。師曰。這棒本是汝打我。我且打汝。要此話大行。瞎漢叅堂去。問僧近離甚處。曰。襄州。師曰。是甚麼物。恁麼來。曰。和尚試道看。師曰。適來禮拜底。曰。錯。師曰。禮拜底錯個甚麼。曰。再犯不容。師曰。三十年弄馬騎。今日被驢撲。瞎漢叅堂去。問從上諸聖。向甚麼處去。師曰。不上天堂。則入地獄。曰。和尚又作麼生。師曰。還知寶應老漢落

處麼。僧擬議。師打一拂子。曰。你還知喫拂子底麼。曰。不會。

師曰。正令卻是你行。又打一拂子。

雪竇云。令既自行。且拂子不知來處。雪竇道。個

暗。且圖雪上加霜。妙喜云。權衡臨濟三要三系。須還他南院始得。雪竇爲甚麼卻道拂子不知來處。妙喜亦道。個

暗。且圖兩得相見。

問僧名甚麼。曰。普叅。師曰。忽遇失櫬作麼生。

僧便不審。師便打。上堂。諸方祇具啐啄同時眼。不具啐

啄同時用。僧便問。如何是啐啄同時用。師曰。作家不啐啄。

啐啄同時失。曰。此猶未是。某甲問處。師曰。汝問處作麼生。

僧曰。失。師便打。其僧不肯。後於雲門會下。聞二僧舉此話。

一僧曰。當時南院棒折那。其僧忽契悟。遂奔回省觀。師已

旨司錄

守廓侍者

三

圓寂。乃謁風穴。穴一見便問。上座莫是當時。問先師啐啄。

同時話底麼。僧曰。是。穴曰。汝當時作麼生會。曰。某甲當時。

如在燈影裏行相似。穴曰。汝會也。雲居悟云。且作麼生是啐啄同時眼。若得眼明。

其用自備。又道作家不啐啄。啐啄同時失。何故不啐啄。所以道子若啐。吼其母即喪。諸人還明得麼。乃頌曰。子若啐。吼其母即喪。全歸其子。十方通暢。大用現前。理自然。何必起心作模樣。更若不會。雲居拄杖。僧纔參。

入方丈。以手指云。敗也。師乃拈起拄杖。度與僧。僧纔接。師。

便打。雲峯悅云。這僧雖然頭上有光。不知腳下似漆。直饒十字縱橫。朝打三千。暮打八百。

守廓侍者問德山曰。從上諸聖向甚麼處去。山曰。作麼作麼。

師曰。勅點飛龍馬。跛鼈出頭來。山便休去。來日浴出。師過。

茶與山。山於背上拊一下曰。昨日公案作麼生。師曰。這老漢。今日方始瞥地。山又休去。師行腳到襄州。華嚴和尚會下。一日嚴上堂曰。大眾。今日若是臨濟德山。高亭大愚。鳥窠船子兒孫。不用如何若何。便請單刀直入。華嚴與汝證據。師出禮拜起。便喝。嚴亦喝。師又喝。嚴亦喝。師禮拜起。曰。大眾。看這老漢。一場敗闕。又喝一喝。拍手歸眾。嚴下座。歸方丈。時風穴作維那。上去問訊。嚴曰。維那。汝來也。叵耐守廓。適來把老僧扭捏一上。待集眾打一頓。趁出穴曰。趁他遲了也。自是和尙言過。他是臨濟下兒孫。本分恁麼。嚴

方息怒。穴下來舉似師。師曰。你著甚來由勸這漢。我未問前早要棒喫。得我話行。如今不打。搭卻我這話也。穴曰。雖然如是。已徧天下也。師到鹿門。一日見楚和尚與僧道話次。鹿門下來問楚和尚。你終日披披搭搭作甚麼。楚云。和尚見某甲披披搭搭。那門便喝。楚亦喝。兩家總休去。師云。諸上座。你看這兩個瞎漢。隨後便喝。門歸方丈。卻令侍者請師上來。云。老僧適來與楚闍黎賓主相見。什麼處敗缺。師曰。轉見病深。門云。老僧自見興化來。便會也。師云。和尚到興化時。某甲爲侍者。記得與麼時語。門云。請舉看。師

遂舉興化問和尚甚處來。和尚云。五臺來。化云。還見文殊麼。和尚便喝。化云。我問你還見文殊麼。又惡發作麼。和尚又喝。化不語。和尚作禮。化至明日教某甲喚和尚。和尚早去也。化上堂云。你看這個僧。擔條斷貫索。向南方去也。已後也道見興化來。師云。今日公案。恰似與麼時底。門云。興化當時爲甚無語。師曰。見和尚不會賓主句。所以不語。及欲喚和尚持論。和尚已去也。鹿門明日特爲煎茶。晚叅告眾曰。夫叅學龍象。直須仔細。入室決擇。不得容易。連得個語。便以爲極則。道我靈利。只如山僧當初見興化時。認得

個動轉底。見人道一喝兩喝。便休。以爲佛法也。今日被明
眼人覷破。卻成一場笑具。圖個甚麼。只爲我慢無明。不能
回轉。親近上流。賴得明眼道人。不惜身命。對眾證據。此恩
難報。何故。興化云。饒你喝得興化老人上三十三天。卻撲
下來。一點氣也無。欸欸地蘇息起來。向你道。未在。何故如
此。興化未曾向紫羅帳裏撒真珠。與你在。胡喝亂喝作麼。
真謂藥石之言。道流難信。如今直須明辨取。豈不慶快平
生。叅學事畢。

汝州西院思明禪師。從漪上座到法席。旬日。常自曰。莫道會

佛法人。覓個舉話底人也無。師聞而默之。漪異日上法堂。次。師召從漪。漪舉首。師曰。錯。漪進三兩步。師又曰。錯。漪近前。師曰。適來兩錯。是上座錯。是思明老漢錯。曰。是從漪錯。師曰。錯錯。乃曰。上座且在這裏過夏。共汝商量這兩錯。漪不肯。便去。後住相州天平山。每舉前話曰。我行腳時。被惡風吹到汝州。有西院長老勘我。連下兩錯。更畱我過夏。待共我商量。我不道恁麼時錯。我發足向南方去時。早知錯了也。首山念云。據天平作恁麼解會。未夢見西院在何故。話在。圓悟勤云。如今人聞他道。發足向南方去時。早知道錯了也。便去卜度道。未行腳時。自無許多佛法禪道。及至行腳。被諸方熱鬧。不可未行腳時。喚地作天。喚山

作水幸無一星事若總恁麼作流俗見解何不買一片帽戴大家過時有什麼用處佛法不是這個道理

寶壽和尚

第二世

在先寶壽爲供養主壽問父母未生前還我

本來面目來師立至夜深下語不契翌日辭去壽曰汝何往師曰昨日蒙和尚設問某甲不契往南方叅知識去壽曰南方禁夏不禁冬我此間禁冬不禁夏汝且作街坊過夏若是佛法闐闐之中浩浩紅塵常說正法師不敢違一日街頭見兩人交爭揮一拳曰你得恁麼無面目師當下大悟走見寶壽未及出語壽便曰汝會也不用說師便禮拜壽臨遷化時囑三聖請師開堂師開堂日三聖推出一

僧。師便打。聖云。與麼爲人。非但瞎卻這僧眼。瞎卻鎮州一

城人眼。去在。師擲下拄杖。便歸方丈。雲峯悅云。臨濟一宗。掃地而盡。因甚麼卻。

到這裏。驀拈拄杖云。甚麼處去也。真淨頌。探騎飛來棒。

下猶瞎人。翻滿鎮州城。太平本是將軍致。不許將軍見太

平。真如頌。法眼持來付與誰。三聖推僧決。師將順寂。

眾疑。將軍令舉羣夫駭。直得盲聲徹四夷。

謂門人曰。汝還知吾行履處否。曰。知和尚長坐不臥。師又

召僧近前來。僧近前。師曰。去。非吾眷屬。言訖而化。

洪州鳳棲同安院常察禪師。僧問。學人未曉時機。乞師指示。

師曰。參差松竹籠烟薄。重疊峯巒上月遲。僧擬進語。師曰。

劍甲未施。賊身已露。僧曰。何也。師曰。精陽不剪。霜前竹水。

墨徒誇海上龍。僧繞禪牀而出。師曰。閉目食蝸牛。一場酸
澀苦。新到持錫。繞師三匝。振錫一下。曰。凡聖不到處。請
師道。師鳴指三下。僧曰。同安今日。嚇得忘前失後。師曰。閣
黎發足何處。僧珍重便出。師曰。五湖衲子。一錫禪人。未到
同安。不妨疑著。僧回首曰。遠聞不如近見。師曰。貪他一杯
酒。失卻滿船魚。問僧近離何處。曰。江西。師曰。江西法道。
何似此間。曰。賴遇問著某甲。若問別人。則禍生也。師曰。老
僧適來造次。曰。某甲不是嬰兒。徒用止啼黃葉。師曰。傷鼈
怨龜。殺活由我。僧又問。久造平微。如何洞曉。師曰。老僧耳。

背分明問將來。曰。快鷄不打籬邊雀。師曰。暗中臨鏡。誰辨妍媸。曰。向上機關。如何洞曉。師曰。何必。曰。休休。師曰。始解乘舟擬跨劍水。問僧甚處來。曰。五臺。師曰。還見文殊麼。僧展兩手。師曰。展手頗多。文殊難覩。曰。氣急殺人。師曰。不覩雲中鴈。焉知沙塞寒。曰。遠趨丈室。乞師一言。師曰。孫臏門下。徒話鑽龜。曰。名不浪得。師曰。喫茶去。僧珍重。便出。師曰。雖得一場榮。別卻一雙足。師問僧。眼界無光。如何得見。曰。北斗東轉。南斗西移。師曰。夫子入太廟。曰。與麼則同安門下。道絕人荒去也。師曰。橫抱嬰孩。擬彰皇簡。師一

日遊山次。大眾隨之。師曰。堦前翠竹。砌下黃花。古人道真如般若。同安卽不然。時有僧曰。古人也好。和尚。師曰。不貪香餌味。可謂碧潭龍。曰。諸方眼目。不恠陶潛。師曰。闍黎閉目中秋坐。卻恠月無光。曰。堦前翠竹。砌下黃花。又作麼生。師曰。安南未伏。塞北那降。僧禮拜。師曰。名稱普聞。問僧近離甚處。曰。太原。師曰。太原近日法道如何。曰。只見雲隨日出。水逐波生。不知太原法道如何。師曰。豈不是離太原乎。曰。苦苦。師曰。不覩海雲色。微覺旱雷聲。曰。以金易鋤。憎真愛假。師便歸。方丈僧拂袖便出。師曰。得縮頭時。且縮頭。

吉州禾山無殷禪師。生吳氏。福州人。七齡。雪峯存禪師見之。愛其純粹。化其親。令出家。年二十。乃剃落。受具。辭遊方。至九峯。虔公問。汝遠來何所見。當由何路出生死。對曰。重昏廓闕。盲者自盲。虔笑。以手揮之曰。佛法不如是。師不懌。請曰。豈無方便。曰。汝問我。師理前語。問之曰。奴見婢殷勤。師於是依止十餘年。問習學。謂之聞。絕學。謂之鄰。過此二者。謂之真過。如何是真過。師曰。禾山解打鼓。曰。如何是真諦。師曰。禾山解打鼓。問。卽心卽佛。則不問。如何是非心非佛。師曰。禾山解打鼓。曰。如何是向上事。師曰。禾山解打鼓。

指月錄

卷十九 青峯

雪竇頌、一拽石、二搬土、發機須是千鈞弩、象骨老師曾、毘
毘爭似禾山解打鼓、報君知、莫莽鹵甜者、甜兮苦者、苦諸
方目、此為禾山四打鼓、又僧問、護國澄、鶴立枯松、時如何
澄云、腳跟下一場懨懨、又問、雪覆千山、時如何、澄云、日出
後、一場懨懨、又問、會昌沙汰、時護法神向甚處去、澄云、
三門外、兩個漢、一場懨懨、諸方謂之、護國三懨懨、又保福
問、僧殿裏、是甚麼佛、僧曰、和尚定當看、福曰、釋迦佛、僧曰、
莫瞞人、好福曰、卻是你瞞我、又問、僧曰、你又問、僧曰、
曰、或遇枯涸、時如何、曰、誰是枯涸者、曰、我、曰、和尚莫瞞人、
好、曰、卻是你瞞我、又問、僧曰、你作甚麼業、喫得恁麼大、僧曰、
和尚也不小、福作蹲身勢、僧曰、和尚莫瞞人、好、福曰、
你瞞我、又問、浴主、浴鍋、闊多少、主曰、請和尚量、看福作量
勢、主曰、和尚莫瞞人、好、福曰、卻是你瞞我、諸方謂之、保福
四瞞人、松菴閑舉、此三種語、云、諸人要會麼、閑上座、為你
頌出、頌曰、禾山打鼓、護國懨懨、保福
瞞人、三個骨朶、為君一言、總頌出鎖、
月。示有微疾。三月二日。令侍者開方丈集大眾。曰。後來學

者未識禾山。卽今識取。於是泊然而化。

洪覺範曰。石霜言徧界不曾藏。而其

子聞公臨化曰。今日分明說似君。我歛目時。齊聽取。九峯言盡。乾坤是汝。當人自體。何處安眼耳鼻舌。而其子殷公臨化曰。後來學者。未識禾山。卽今取識。子觀其父子兄弟語。言行履。如形著影。出聲呼谷。應而近世禪者。尙仁思可也。悲憐也。

鳳翔府青峯傳楚禪師。一日洛浦問。院主去甚麼處來。師曰。

掃雪來。浦曰。雪深多少。師曰。樹上總是。浦曰。得卽得。汝向

後住個雪窟定矣。後訪白水。水曰。見說洛浦有生機一路。

是否。師曰。是水。曰。止卻生路。向熟路上來。師曰。生路上死

人無數。熟路上不著活漢。水曰。此是洛浦底。你底作麼生。

師曰。非但洛浦。夾山亦不奈何。水曰。夾山爲甚麼不奈何。師曰。不見道生機一路。

袁州木平山善道禪師。初謁洛浦。問一漚未發。已前如何。辨其水脉。浦曰。移舟諳水脉。舉棹別波瀾。師不契。乃叅蟠龍。語同前問。龍曰。移舟不別水。舉棹卽迷源。師從此悟入。雲悅云。木平若於洛浦言下悟去。猶較些子。可惜許。向蟠龍死水裏淹殺。後有問如何。是木平對云。不勞斧斤。果然只在這裏。諸禪德大凡發足遊方也。須甄別邪正。識辨真偽。帶些眼筋。始得。然雖如是。賊過後張弓。妙喜曰。雲峯此語。亦能瞎人眼。亦能開人眼。

郢州桐泉山禪師。叅黃山。山問。天門一合。十方無路。有人道。

省目錄

卷十九 木平

桐泉

得擺手出漳江。師曰：蟄戶不開。龍無龍句。山曰：是你恁麼道。師曰：是卽直言是。不是直言不是。山曰：擺手出漳江山復問：卞和到處荆山秀。玉印從他天子傳。時如何。師曰：靈鶴不於林下憩。野老不重太平年。山深肯之。嘆一盲引眾盲悲哉臺州瑞巖師彥禪師。聞之許氏子。自幼披緇。秉戒無缺。初禮巖頭。問曰：如何是本常理。頭曰：動也。曰：動時如何。頭曰：不是本常理。師良久。頭曰：肯卽未脫根塵。不肯卽永沈生死。師遂領悟。便禮拜。後謁夾山。山問甚處來。曰：臥龍來。山曰：來時龍還起也未。師乃顧視之。山曰：灸瘡瘢上更著艾。

焦曰和尚又苦如此作甚麼。山休去。妙喜曰若不藍田射石虎幾乎悞殺李將軍。

師問夾山與麼即易。不與麼即難。與麼與麼即惺惺。

不與麼不與麼即居空界。與麼不與麼請師速道。山曰老

僧瞞閣黎去也。師喝曰這老和尚而今是甚時節便出去。

後有僧舉似巖頭頭云苦哉將我一枝佛法與麼流將去。師尋居丹其瑞巖坐磐石。

終日如愚。每自喚主人云復應諾。乃曰惺惺著他後莫受。

人瞞。後有僧參系沙沙問近離甚處曰瑞巖沙云有何言句示徒僧舉前話沙云一等是弄精魂也甚奇怪乃

云何不且在彼住云已遷化也。鏡清問天不能覆地不

能載豈不是師曰若是即被覆載清曰若不是瑞巖幾遭

也師自稱曰師彥。嘗有三僧胡形清峭。目若流電。差肩
盃足。致禮師。問曰。子從何來。曰。天竺來。曰。何時發。曰。朝行
適至。曰。得無勞乎。曰。爲法忘勞。諦視之。足皆不蹈地。師令
入堂上位安置。明日忽焉不見。又嘗有村媪來禮。師曰。汝
莫拜。急歸救取數百物命。媪歸見其婦。方拾田螺歸。媪因
亟投水中。又數家召齋。一一同時見師來。走至終闍維有
巨蛇從樹杪投身火聚。及薪盡。舍利散飛。風動草木。紛紛
而墜。師生平神異之蹟。不可勝述云。

福州羅山道閑禪師。問石霜起滅不停時。如何。霜曰。直須寒。

灰枯木去一念萬年去。函蓋相應去。全清絕點去。師不契。
謁巖頭。復如前問。頭喝曰。是誰起滅。師於此有省。師在
禾山。送同行矩長老出門。把拄杖向面前一擲。矩無對。師
曰。石牛攔古路。一馬生雙駒。後僧舉似疎山。山云。石牛攔古路。一馬生三寅。保
福問巖頭道。與麼與麼。不與麼。不與麼。意作麼生。師召福。
福應諾。師曰。雙明亦雙暗。福禮謝。三日後。卻問前日蒙和
尚垂慈。祇爲看不破。師曰。盡情向汝道了也。福曰。和尚是
把火行山。師曰。若與麼。據汝疑處。問將來。福曰。如何是雙
明亦雙暗。師曰。同生亦同死。福又禮謝而退。別有僧問福。

同生亦同死時如何。福曰：彼此合取狗口。僧曰：和尚收取口喫飯。其僧卻問師：同生亦同死時如何。師曰：如牛無角。曰：同生不同死時如何。曰：如虎帶角。後有僧問招慶，慶云：彼此皆知何故。我若東勝昇洲道一句，西瞿耶尼洲也知。天上道一句，人間也知心心相知，眼眼相照。師因遊漳州。

見三平碑云：和尚遷化時，眾請韓亡名作喪主。韓將一條手巾，蓋一面鈔鑼，以一口露刃劍橫放鈔鑼上，直到龕前放下云：還有人道得麼。若道得，某卽作喪主。若道不得，卽不作喪主。道道眾無對。韓便趨卻鈔鑼，哭云：蒼天蒼天！先師遠矣。師云：噫！大奇大奇！三平門下，六百來人總被這俗漢

吞卻也。陳老師當時若在。未放他過時。有僧問。祇如他與麼來。作麼生祇對。師云。我當時若在。只將三尺布。蓋卻頭。橫亞一把露刃刀。以手揭起孝幕。當門而坐。看韓家個漢。要作喪主也未得。要作喪主也未得。進之須有禮。退之須有禮。幻寄曰。眉毛在也。無。師住羅山。初入院上堂。纔攬衣欲坐。卽云。珍重。便下座。良久。卻回云。未識底。近前來。時有僧纔出禮拜。師云。也大苦。僧禮拜起云。某甲咨和尚。師便喝出。僧問。如何是奇特一句。師云。道甚麼。良久云。若是上士。腳纔跨門。便委得。若也覲面相呈。猶是鈍漢。口喃喃地。不消。

一。鑽會麼。不是禪。不是道。不是佛。不是法。是甚麼。靈鋒寶劍。常露現前。亦能殺人。亦能活人。若能操持。一任操持。若也出場定當須。是個漢。始得。機機相副。法法無根。互爲賓主。雖然如此。切忌承當。何故。你若野干鳴。我卽師子吼。我若野干鳴。你亦師子吼。我亦師子吼。臨時布取意句。有主宰。所以道。意中句句。中意意中不停句。句中不停意。意句不同倫。合作麼。生會意。能剗句句。能剗意意句。交馳。是爲可畏。意句不明。事理不通。只是個無孔鐵椎。古人喚作流俗阿師。似這般底。如稻麻竹葦。有甚麼用處。

此個門中。須是個漢。眼卓朔地。點著便轉。轉轉地。豈是你
清濁可羨。凡聖能詮。有恁麼漢。上士相逢。如擊石火。如爆
龜紋。迅速如風。捷辯如電。快著精彩。一人半人。事褫言句。
動逾萬億。低頭學禪。卒不可得。所以道。恁麼則易。不恁麼
則難。亦云恁麼則難。不恁麼則易。諸人作麼生。大須細意。
兄弟。夫行腳也。須帶眼。莫被遮般底罩卻。教你直須冥然
去。須得懸懸去。苦哉。被遮般底無辜枷著。有甚麼出期。遮
個如水。上葫蘆子。有人按得麼。常露現前。滔滔地。自由自
在。未曾有一法解蓋得伊。未曾有一法解等得伊。撥著便

露觸著便轉。轆轤地。蓋聲蓋色。展卽周流無滯。常露目前。豈是兀兀底。出則無無。不是入則個個歸源。聲前迴迴地。豈墮有無。所以道。聲前一句。非聖不傳。未曾親近。如隔大千聲前。一思。大家具知。這個作麼生會。尋常道。聲前有路。從汝洞明。句後不來。猶虧一半。纖毫不透。如隔鐵圍。奇特相逢。將何詰對。大凡唱教。須會目前生死意。句殺活。方可褒揚。殺人刀。活人劍。上古之機鋒。亦是今時之樞要。摧魔破執。不得不無。直露真詮。須知已有的。能破的。大用無虧。圓通現前。魔難措手。若也未得如此。一切四威儀中。合作

麼生明顯。還見伊面孔麼。遮裏尋常道。面門一思。常時無
間。諸人還得恁麼也無。若實未明。且須自立。露倮倮地。不
與萬法爲鄰。一切法蓋伊不得。所以古人道。目前無法。意
在目前。不是目前法。非耳目之所到。第一須得本智現前。
本地風光。常露倮倮地。自由自在。出入無滯。方可違時。乃
至龍神。擎花無路。外道潛覷。不見有蹤。不是泯形實去。兄
弟。透頂透底。始得。莫只遮邊那邊。連得些子言句。到處插
諸。指東畫西。舉古舉今。遮般底。椎殺一萬個。有甚麼罪過。
明朝後日。銅鑼人家男女。打汝鬼骨髀。有日在。知麼。宗門

深奧。酌度。冒襟。粗餐易飽。細嚼難饑。根本差殊。良由自錯。虛勞一報。空腹高心。過是阿誰。食人言語。揀擇是非。只占已長。終無是處。無事珍重。臨遷化。上堂集眾。良人展左手。主事罔測。乃令東邊師僧退後。又展右手。又令西邊師僧退後。乃曰。欲報佛恩。無過流通大教。歸去也。歸去也。珍重。言訖。莞爾而寂。

福州。平沙師備宗一禪師。福州閩縣謝氏子。少漁於南臺江上。及壯。忽棄舟。從芙蓉山靈訓禪師斷髮。詣南昌開元通平律師所。受具足戒。芒鞋布衲。食纔接氣。宴坐終日。眾異。

之初兄事雪峯。既而師承之。峯以其苦行。呼爲頭陀。一日峯問阿那個是備頭陀。師曰。終不敢誑於人。異日峯召曰。備頭陀。何不徧參去。師曰。達摩不來東土。二祖不往西天。峯然之。暨登象骨山。乃與師同力締構。卒徒臻萃。師入室。谷決罔替晨昏。又閱楞嚴。發明心地。由是應機敏捷。與修多羅冥契。諸方爭學。有所未決。必從之。請益。至與雪峯徵詰。亦當仁不讓。峯曰。備頭陀。再來人也。正法眼藏云。初欲徧歷諸方。參尋知識。攜囊出嶺。策著腳指。流血痛楚。歎曰。是身非有。痛從何來。遂同雪峯。雪峯上堂曰。要會此事。猶如古鏡當臺。胡來胡現。漢來漢現。師出眾曰。忽遇

明鏡來時如何。峯曰。胡漢俱隱。師曰。老和尚脚跟猶未點地。在。雪峯指火曰。三世諸佛。在火燄裏轉大法輪。師曰。近日王令稍嚴。峯曰。作麼生。師曰。不許攙奪行市。雲門曰。三世諸佛說法。三世諸佛立地聽。黃龍新云。雪峯雲門交互爭輝。薪盡火滅。三世諸佛向甚麼處聽。莫戀白雲深處坐。切忌寒灰燒殺人。侍雪峯遊山次。峯指面前地曰。這一片地。好造個無縫塔。師曰。高多少。峯乃顧視上下。師曰。人天福報。卽不無和尚。若是靈山授記。未夢見在。峯曰。你又作麼生。師曰。七尺八尺。雪峯曰。世界闊一尺。古鏡闊一尺。世界闊一丈。古鏡闊一丈。師指火鑪曰。火鑪闊多少。峯曰。如

占鏡閣師曰老和尚脚跟未點地在。與雪峯夾籬次師問夾籬處還有佛法也無。峯曰有。師曰如何是夾籬處佛法。峯撼籬一下。師曰某甲不與麼。峯曰子又作麼生。師曰穿過篾頭來。師辭雪峯云啟和尚人人自由自在某甲如今下山去。峯云是誰與麼道。師曰是和尙與麼道。峯曰汝作麼生。師云不自由自在。峯云知。雪峯謂師曰有個南際長老問無有答不得者。際一日到雪峯。峯令訪師。師曰古人道此事惟我能知。長老作麼生。際曰須知有不求知者。師曰山頭老漢喫許多辛苦作麼。大瀉真如舉此云平沙恁麼道大瀉

恁麼舉不得動著何故如擊塗毒鼓遠近聞皆喪

師見僧來禮拜乃曰禮拜著

因我得禮汝

徑山杲頌云夫子不識字達摩不會禪予沙無此語切莫妄流傳

僧問如

何是學入自己師曰用自己作麼

雲門云沒量大人被語脉裏轉卻僧隨問門如

何是學人自己門云忽然路上有人喚衲僧齋你也隨分得飯喫

鼓山來師作一圓相

示之山曰人人出這個不得師曰情知汝向驢胎馬腹裏

作活計山曰和尚又作麼生師曰人人出這個不得山曰

和尚與麼道卻得某甲為甚麼道不得師曰我得汝不得

閩王送荔枝與師師拈起示眾云這個荔枝得恁麼紅

這個荔枝得恁麼赤諸人作麼生會若道得一色猶是獐

目次

卷十九

七

倘若道是眾色。又落斷常。諸人作麼生。有僧出云。不可不識荔枝。師白代云。只是荔枝。智證傳曰。夫以言逐言。以理
楞伽經曰。如楔出楔。如平沙嘗曰。學者當用處。不換機而
雖老於叢林者。亦莫識此語。可嘆也。平沙嘗食荔枝。問眾
曰。這一個荔枝。得與麼紅。這一個得與麼赤。你諸人且作麼生
若道一色。又是儻。倘若道是眾色。只成個斷常。你諸人且
作麼生。彦珩曰。也只和尙自分別。平沙曰。這儻。儻。愚癡。有
什麼交涉。冲機曰。都來只是一色。平沙曰。總與麼儻。儻。有
什麼了時。乃回顧問。皎然。汝作麼生。道。皎然曰。不可不識
荔枝。平沙曰。只是荔枝。又曰。汝諸人如許多時。在我這裏
總與麼說話。不辨縊素。不識吉凶。我比來向汝道。用處不
換機。因甚麼。只管對話。有什麼交涉。道。禪師曰。先聖憫
汝顛倒。馳逐。將一句子。解落。汝知是般事。掉放閑處。自著
些筋力。卻於機語上。答出話頭。將作禪道。非惟自賺。亦乃
賺他。師與韋監軍茶話次。軍曰。占波國人。語話稍難辨。何

況五天梵語還有人辨得麼。師提起托子云。識得這個卽

辨得

雲門舉云。平沙何用繁詞。又云。適來道甚麼。

師一日見三人新到。自去

打普請。鼓三下。卻歸方丈。新到具威儀了。亦自去打普請。鼓三下。卻入僧堂。久住來白。師云。新到輕欺和尚。師云。打鐘集眾。勘過。大眾集。新到不赴。師令侍者去喚。新到纔至法堂。卻向侍者背上拍一下云。和尚喚你。侍者至師處。新到便歸堂。久住乃問。和尚何不勘新到。師云。我與你勘了也。普請斫柴次。見一虎。天龍曰。和尚虎。師曰。是汝虎。歸院後。天龍問。適來見虎云是汝。未審尊意如何。師曰。娑婆

世界有四種極重事。若人透得。不妨出得陰界。妙喜代云也。知和尚

為人切。雪竇云。要與人天爲師。前面端的是虎。保甯

勇頌。猛虎當途。獨振威爪。牙真個利如錐。可憐不覺亡身

者。碎骨拾 韋監軍來謁。乃曰。曹山和尚甚奇怪。師曰。撫

來良可悲。

州取曹山幾里。韋指旁僧曰。上座曾到曹山否。曰。曾到。韋

曰。撫州取曹山幾里。曰。百二十里。韋曰。恁麼則上座不到

曹山。韋卻起禮拜。師曰。監軍卻須禮此僧。此僧卻具慚愧。

師南遊莆田縣。排百戲迎接。來日師問小塘長老。昨日

許多喧鬧。向甚麼處去也。塘提起衲衣角。師曰。料掉沒交

涉。黃龍新云。奇怪。諸禪德。扶豎宗乘。須是小塘長老始得。平沙何故。道料掉沒交涉。我卽不然。昨日許多喧鬧。向

旨司錄 卷十九 平沙

卷十九（吉州資福如寶禪師 太原孚上座）

甚麼處去。天共白雲。曉水和明月流。

問承和尚有言。聞性徧周沙界。雪峯

打鼓。這裏爲甚麼不聞。師曰。誰知不聞。

師問鏡清。教中

道不見一法。爲大過患。且道不見甚麼法。清指露柱曰。莫

是不見這個法。師曰。湊中清水白米。從汝喫。佛法未夢見

在。

大滙詰云。若不是鏡清。幾乎忘前失後。何故不逢別者。終不開拳。雪竇云。大小鏡清。被个沙熱瞞。我當時若

見。但向他道。靈山授記。也未到如此。

長慶來。師問。除卻藥忌。作麼生道。慶

曰。放憨作麼。師曰。雪峯山椽子。拾食來。這裏雀兒放糞。

杲守王公。請師登樓。先語客司曰。待我引大師到樓前。便

昇卻梯。客司稟旨。公曰。請大師登樓。師視樓。復視其人。乃

曰。佛法不是此道理。師與泉守在室中說話。有一沙彌。

揭簾入見。卻退步而出。師曰。那沙彌好與二十拄杖。守曰。

恁麼卽某甲罪過。

同安顯別云。祖師來也。

師曰。佛法不是恁麼。

鏡清云。不

爲打水。有僧問。不爲打水意。作麼生。清云。青山碾爲塵。敢

保莫閑人。東禪齊云。只如。沙意作麼生。或云。直饒。恁

麼去也。好與拄杖。或云。事在當機。或云。

拈破會處。此三說。還會。沙意也無。問承和尚有言。

盡十方世界。是一顆明珠。學人如何得會。師曰。盡十方世

界。是一顆明珠。用會作麼。僧便休。師來日。卻問其僧。盡十

方世界。是一顆明珠。汝作麼生會。曰。盡十方世界。是一顆

明珠。用會作麼。師曰。知汝向鬼窟裏作活計。師因雪峯

遷化爲喪主。三朝集眾煎茶次。師於靈前拈起一隻盞云。
問大眾。先師在日。從你道。如今且作麼生道。若道得。則先
師無過。若道不得。則過在先師。還有人道得麼。如是三問。
眾皆無對。師遂撲破盞子。歸院後。問中塔作麼生會。塔云。
先師有甚麼過。師便面壁。塔便出去。師復召塔。塔回首。師
問。你作麼生會。塔便面壁。師休去。上堂。眾集。遂將拄杖
一時趁下。卻回向侍者道。我今日作得一解。險入地獄如
箭射者。曰。喜得和尚再復人身。翠巖芝云。大小平沙前不
到村後。不至店。且作麼生
道得出身之路。道吾真云。大小芝老。只是偏
枯。若是道吾。卽不然。平沙與侍者。一人具隻眼。師云。若

論此事喻如一片田地四至界分。結契賣與諸人了也。只
有中心樹子。猶屬老僧在。

師垂語曰。諸方老宿。盡道

接物利生。祇如三種病人。汝作麼生接。患盲者。拈槌豎拂。
他又不見。患聾者。語言三昧。他又不聞。患瘧者。教伊說。又
說不得。若接不得。佛法無靈驗。時有僧出曰。三種病人。還
須學人商量否。師曰。許汝作麼生商量。其僧珍重出。師曰。
不是。不是。羅漢曰。桂琛現有眼耳口。和尚作麼生接。師曰。
慙媿。便歸方丈。

中塔曰。三種病人。卽今在甚麼處。又一

時見羅漢舉此僧語。我便會三種病人。兼亦自瞞。法眼云。我當

此僧會不會。若道會。平沙又。道不是。若道不會。法眼爲甚。

麼道我因此僧語便會三種病人上座無事上來商量大
 家要知有僧請益雲門門曰汝禮拜著僧禮拜起門以
 拄杖拄之僧退後門曰汝不是患盲麼復喚近前來僧近
 前門曰汝不是患聾麼門曰會麼曰不會門曰汝不是患
 瘧麼僧于是有省圓悟勤舉此乃舉五祖演上堂云一
 人說得卻不會一人不會卻說得二人若來參如何辨得
 他若辨這兩人不不得管取為人解粘去縛不得在若辨得
 纔見入門我便著草鞋向你肚裏走幾遭也猶自不省討
 甚麼碗出去且莫作盲聾瘡瘻會好雪竇舉此便喝云
 這盲聾瘡瘻漢若不是雲門驢年去如今有底或拈槌豎
 拂他又不管教伊近前他又又不來問會麼他又不應諸方
 還奈何得麼雪竇若不奈何汝這一隊驢漢又堪作什麼
 以拄杖一時趁散雪竇頌盲聾瘡瘻杳絕機宜天上天
 下堪笑堪悲離婁不辨正色師曠豈識平絲爭如獨坐虛
 窗下葉落花開自有時復云還會也無無孔鐵鎚妙喜
 拈云這僧雖然悟去只悟得雲門禪若是平沙禪更買草
 鞋始得妙喜頌平沙三種病人語透過雲門
 六不收莫待是非來入耳從前知己反為讐
 師見亡

僧謂眾曰。亡僧面前。正是觸目菩提。萬里神光頂後相。學者多溟滓其語。有時云。諸禪德。汝諸人盡巡方行腳來。稱我叅禪學道。爲有奇特去處。爲當只恁麼東問西問。若有試通來。我爲汝證明。是非我盡識得。還有麼。若無。當知只是趁韻。是汝旣到這裏來。我今問汝。汝諸人還有眼麼。若有。卽今便合識得。還識得麼。若不識。便被我喚作生盲生聾底人。還是麼。肯恁麼道麼。禪德亦莫自屈。是汝真實何曾是恁麼人。十方諸佛。把汝向頂上著。不敢錯誤著一分子。只道此事。惟我能知。會麼。如今相紹繼。盡道承他釋。

迦。我道釋迦。與我同叅。汝道叅阿誰。會麼。大不容易知。莫非大悟。始解得知。若是限劑所悟。亦莫能觀。汝還識大悟麼。不可是汝向觸體。前任他鑑照。不可是汝說空說無。說遮邊那邊。有世間法。有一個不是世間法。和尚子。虛空猶從迷妄幻生。如今若是大肯去。何處有遮個稱說。尙無虛空消息。何處有三界業次。父母緣生。與汝椿立前後。如今道無。尙是誑語。豈況是有。知麼。是汝多時行腳。和尚子。稱道有覺悟底事。我今問汝。只如巔山巖崖迴絕人處。還有佛法麼。還裁辨得麼。若辨不得。卒未在我尋常道。亡僧面。

前正是觸目菩提。萬里神光頂後相。若人覲得。不妨出得陰界。脫汝髑髏前意想。天衣懷云。亡僧面前。卽且置。只如活人背後底。是個甚麼。都來只是汝真實人體。何處更別有一法解蓋覆汝。知麼。還信得麼。解承當得麼。大須努力。上堂。佛道閑曠。無有程途。無門解脫之門。無意道人之意。不在三際。故不可升沈。建立乖真。非屬造化。動則起生死之本。靜則醉昏沈之鄉。動靜雙泯。卽落空亡。動靜雙收。顚頂佛性。必須對塵對境。如枯木寒灰。臨時應用。不失其宜。鏡照諸像。不亂光輝。鳥飛空中。不雜空色。所以十方無影像。三界絕行蹤。不墮往來。

機不住。中間意。鐘中無鼓響。鼓中無鐘聲。鐘鼓不相交。句無前後。如壯士展臂。不藉他力。師子遊行。豈求伴侶。九霄絕翳。何在穿通。一段光明。未曾昏昧。若到這裏。體寂寂。常的的。日赫燄裏。無邊表。圓覺空中。不動搖。吞爍乾坤。迥然照。夫佛出世者。元無出入。名相無體。道本如如。法爾天真。不同修證。祇要虛閑。不昧作用。不涉塵泥。個中纖毫。道不盡。卽爲魔王眷屬。句前句後。是學人難解處。所以一句當天。八萬門永絕生死。僧寶傳作一句當機。八萬法門生死路絕。直饒得似秋潭月影。靜夜鐘聲。隨扣擊。以無虧。觸波瀾。而不散。猶是生。

死岸頭事。道人行處。如火銷冰。終不卻成冰。箭旣離弦。無
返回勢。所以牢籠不肯住。呼喚不回頭。古聖不安排。至今
無處所。若到這裏。步步登平。不屬邪正。識不能識。智不能
知。動便失宗。覺卽迷旨。二乘膽顫。十地魂驚。語路處絕。心
行處滅。直得釋迦掩室於摩竭。淨名杜口于毘邪。須菩提
唱無說而顯道。釋梵絕聽而雨花。若與麼現前。更疑何事。
沒棲泊處。離去來今。限約不得。心思路絕。不因莊嚴。本來
眞淨。動用諠笑。隨處明了。更無欠少。今時人不悟個中道。
理。妄自涉事涉塵。處處染著。頭頭繫絆。縱悟得塵境紛紜。

名相不實。便擬凝心。歛念攝事。歸空閉目。藏睛。纔有念起。旋旋破除。細想纔生。即便遏捺。如此見解。卽是落空亡底。外道魂不散底。死人冥冥漠漠。無覺無知。塞耳偷鈴。徒自欺誑。這裏分明。則不然。也不是隈門傍戶。句句現前。不得商量。不涉文墨。本絕塵境。本無位次。權名個出家兒。畢竟無蹤踪。真如凡聖。地獄人天。祇是療狂子之方。虛空尙無改變。大道豈有升沈。悟則縱橫。不離本際。若到這裏。凡聖也無立處。若向句中作意。則沒溺殺人。若向外馳求。又落魔界。如如向上。沒可安排。恰似燄鑪。不藏蚊蚋。此理本來。

平坦何用剷除。動靜揚眉。是真解脫。道不强爲。意度建立。乖真。若到這裏。纖毫不受指意。則差。便是千聖出頭來也。安一字不得。久立珍重。又示眾。夫古佛真宗。常隨物現。堂堂應用。處處流輝。隱顯坦然。高低盡照。是以沙門上士。道眼惟先。契本明心。方爲究竟。森羅萬象。一體同源。廓爾無邊。誰論有滯。塵劫中事。都在目前。時人曠隔年深。致乖常體。迷心認物。以背真宗。執有滯空。不遇良朋道友。只自於^疑私作解。縱有商量。渾成意度。及至尋窮理地。不辨正邪。况平生自己。未曾撈攬。若乃先賢古德。便自知時。克已

推功菴巖石室。古德云。情存聖量。猶落法塵。已見未忘。還成滲漏。不可道持齋持戒。長坐不臥。住意觀空。凝神入定。便當去也。有甚麼交涉。西天外道。入得八萬劫定。凝神寂靜。閉目藏睛。灰身滅智。劫數滿後。不免輪迴。蓋爲道眼。不明生死根源。不破。夫出家兒。卽不然。不可同他外道也。莫非真實明達。具大知見。能與諸佛同徹。寂照忘知。虛含萬像。如今甚麼處。不是汝。甚麼處。不分明。甚麼處。不露現。何不與麼會去。若無這個田地。時中爭奈。諸般滲漏。何總成虛妄。阿那個。便是平生得力處。如實未有發明。切須在。

時中忘餐失寢。似救頭然。如喪身命。冥心自救。放捨閑緣。歇卻心識。方有少許相親。若不如是。明朝後日。盡被識情帶將去。有甚麼自由分。如今卻不如他無情之物。數唱分明。土木石頭說法。非常真實。只是少人能聽。若聞此說。始可商量。且道無情說底法。作麼生商量。試道看。不可道無言無說也。無視無聽也。不可道無問而自說。稱讚所行道。不見善財童子。參五十三人知識。末後見彌勒。彈指之頃。得入門。纔入門後。其門自閉。於樓閣中。覩百千諸佛過去。捨身受身。所參一百二十人。知識化境。於樓閣中。一時俱

現爲其證明。善財疑心頓息。大凡三條椽下。具遮個真實發明。即可商量。便向四生六道中。同於諸佛淨土。更懼何生死。且阿誰知他一切諸法。都無實體。至於靈山會上。迦葉親聞。猶如話月。古德云。善惡都莫思量。猶如指月。乃至三乘行位解脫。菩薩涅槃。聖德聖果。盡如空花兔角。不見道。卻來觀世間。猶如夢中事。有爲心法。不可相依。日久年深。全無利益。只爲違真棄本。厭離凡情。忻心聖道。作此見知。不出他限量。拋他五陰不去。不見道。諸行無常。是生滅法。你只擬向前爭能明得。可中徹去。方得知之。若未究得。

當知盡是虛頭。世間難信之法。具大根器。方能明達。今生若徹去萬劫亦然。古德云。直向今生須了。卻誰能累劫受餘殃珍重。上堂。我今問汝諸人。且承當得個甚麼事。在何世界安身立命。還辨得麼。若辨不得。恰似捏目生花。見事便差。知麼。如今目前。現有山河大地。色空明暗。種種諸物。皆是狂勞花相。喚作顛倒知見。夫出家人。識心達本源。故號爲沙門。汝今旣已剃髮披衣。爲沙門相。卽便有自利利他分。如今看著盡黑漫漫地。墨汁相似。自救尙不得。爭解爲得人。仁者。佛法因緣事大。莫作等閑相似聚頭亂說。

雜話趁讀過時光陰難得。可惜許大丈夫兒。何不自省察。看是甚麼事。祇如從上宗乘。是諸佛頂族。汝旣承當不得。所以我方便勸汝。但從迦葉門。接續頓超去。此一門超凡聖。因果超毘盧妙莊嚴世界海。超他釋迦方便門。直下永劫。不教有一物與汝作眼見。何不自急急究取。未可道我且待三生兩生。从積淨業。仁者宗乘是甚麼事。不可由汝用功莊嚴便得去。不可他心宿命便得去。會麼。祇如釋迦出頭來。作許多變弄說十二分教。如瓶灌水。大作一場佛事。向此門中。用一點不得。用一毛頭伎倆不得。知麼。如同

夢事亦如寐語。沙門不應出頭來。不同夢事。蓋爲識得。知麼。識得卽是大出脫。大徹頭人。所以超凡越聖。出生離死。離因離果。超毘盧。越釋迦。不被凡聖因果所謾。一切處無人識得汝。知麼。莫祇長戀生死愛網。被善惡業拘將去。無自由分。饒汝鍊得身心同虛空去。饒汝到精明湛不搖處。不出識陰。古人喚作如急流水。流急不覺。妄爲恬靜。恁麼修行。盡出他輪迴際不得。依前被輪迴去。所以道。諸行無常。直是三乘功果。如是可畏。若無道眼。亦不究竟。何似如今博地凡夫。不用一毫功夫。便頓超去。解省心力麼。還願

樂麼。勸汝。我如今立地待汝搆去。更不教汝加功鍊行。如今不恁麼。更待何時。還肯麼。便下座。上堂。汝諸人如在大海裏坐。沒頭浸卻了。更展手問人乞水喫。夫學般若菩薩。須具大根器。有大智慧。始得。若有智慧。卽今便出脫得去。若是根器遲鈍。直須勤苦耐志。日夜忘疲。無眠失食。如喪考妣相似。恁麼急切。盡一生去。更得人荷挾。剋骨究實。不妨易得備去。且況如今誰是堪任受學底人。仁者莫祇是記言記語。恰似念陀羅尼相似。蹋步向前來。口裏哆哆和和地。被人把住。詰問著沒去處。便道和尚不爲我答。

話。恁麼學事大苦。知麼。有一般坐繩牀和尚。稱善知識。問著。便搖身動手。點睛吐舌。瞪視。更有一般說。昭昭靈靈。靈臺智性。能見能聞。向五蘊身田裏作主宰。恁麼爲善知識。大賺人。知麼。我今問汝。汝若認。昭昭靈靈。是汝真實。爲甚麼瞌睡時。又不成。昭昭靈靈。若瞌睡時。不是。爲甚麼有。昭昭時。汝還會麼。這個喚作認賊爲子。是生死根本。妄想緣氣。汝欲識根由麼。我向汝道。昭昭靈靈。祇因前塵色聲香等法。而有分別。便道。此是昭昭靈靈。若無前塵。汝此昭昭靈靈。同於龜毛兔角。仁者。真實在甚麼處。汝今欲得出他。

五蘊身田主宰。但識取汝秘密金剛體。古人向汝道圓成。正徧徧周沙界。我今少分爲汝。智者可以譬喻得解。汝還見南閻浮提日麼。世間人所作興營。養身活命。種種心行。作業。莫非皆承日光成立。祇如日體。還有許多般心行麼。還有不周徧處麼。欲識金剛體。亦須如是看。祇如今山河大地。十方國土。色空明暗。及汝身心。莫非盡承汝圓成威光所現。直是天人羣生類。所作業。次受生果報。有情無情。莫非承汝威光。乃至諸佛成道成果。接物利生。莫非盡承汝威光。祇如金剛體。還有凡夫諸佛麼。有汝心行麼。不可

道無便得當去也。知麼。汝既有如是奇特。當陽出身處。何不發明取。因何卻隨他向五蘊身田中。鬼趣裏作活計。直下自謾去。忽然無常殺鬼到來。眼目譸張。身見命見。恁麼時。大難支荷。如生脫龜殼相似。大苦。仁者。莫把瞌睡見解。便當卻去。未解蓋覆得毛頭許。汝還知麼。三界無安。猶如火宅。且汝未是得安樂底人。祇大作羣隊。干他人世這邊那邊。飛走野鹿相似。但求衣食。若恁麼爭行他王。此字疑誤道。知麼。國王大臣。不拘執汝。父母放汝出家。十方施主。供汝衣食。土地龍神。荷護汝也。須具慙媿。知恩始得。莫孤負人。

好長連牀上。排行著地銷將去。道是安樂。未。在。皆是粥飯。將養得汝爛冬瓜相似。變將去。土裏埋將去。業識茫茫。無本可據。沙門因甚麼。到恁麼地。祇如大地上蠢蠢者。我喚作地獄劫住。如今若不了。明朝後日。入驢胎馬肚裏。牽犁拽耙。銜鐵負鞍。碓擣磨磨。水火裏燒煮去。大不容易受。大須恐懼好。是汝自累。知麼。若是了去。直下永劫。不曾教汝有這個消息。若不了此。煩惱惡業因緣。不是一劫兩劫得休。直與汝金剛齊壽。知麼。問從上宗乘。如何理論。師曰。少人聽。曰。請和尚直道。師曰。患聾作麼。又曰。仁者。如今事。

不獲已教我抑下如是威光苦口相勸百千方便如此如
彼共汝相知聞盡成顛倒知見將此咽喉唇吻祇成得個
野狐精業謾汝我還肯麼祇如有過無過惟我自知汝爭
得會若是恁麼人出頭來甘伏呵責夫爲人師匠大不易
須是善知識始得知我如今恁麼方便助汝猶尙不能搆
得可中純舉宗乘是汝向甚麼處安措還會麼四十九年
是方便祇如靈山會有百萬眾惟有迦葉一人親聞餘
皆不聞汝道迦葉親聞底事作麼生不可道如來無說說
迦葉不聞聞使得當去不可是汝修因成果福智莊嚴底

事知麼。且如道吾有正法眼藏。付囑大迦葉。我道猶如話。月曹溪豎拂子。還如指月。所以道。大唐國內宗乘中事。未曾見有一人舉唱。設有人舉唱。盡大地人失卻性命。如無孔鐵椎相似。一時亡鋒結舌去。汝諸人賴遇我不惜身命。共汝顛倒知見。隨汝狂意。方有申問處。我若不共汝恁麼知聞去。汝向甚麼處得見我會麼。大難努力珍重。上堂。曰。太虛日輪。是一切人成立。太虛現在。諸人作麼生。滿目覷不見。滿耳聽不聞。此兩處省不得。便是瞌睡漢。若明徹得。坐卻凡聖。坐卻三界夢幻身心。無一物如針鋒。許爲緣。

爲對直饒諸佛出來。作無限神通變現。設如許多教綱。未
曾措著一分毫。惟助初學誠信之門。還會麼。水鳥樹林。卻
解提綱。他甚端的。自是少人聽。非是外事。天魔外道。是孤
恩負義。天人六趣。是自欺自狂。如今沙門。不薦此事。翻成
弄影。漢生死海裏浮沉。幾時休息去。自家幸有此廣大門。
風不能紹繼得。更向五蘊身田裏作主宰。還夢見麼。如許
多田地。教誰作主宰。大地載不起虛空。包不盡。豈是小事。
若要徹。卽今這裏便明徹去。不教仁者取一法如微塵大。
不教仁者捨一法如毫髮許。還會麼。又云。若的自肯當。

人分上。不論初學。入叢林。可謂共諸人。久踐。與過去諸佛。無所乏少。如大海水。一切魚龍。初生至老。吞吐受用。悉皆平等。所以道。初發心者。與古佛齊肩。又云。汝諸根盡成顛倒。古人以無窮妙藥。醫療對治。直至十地。未得惺惺。將知大不容易。古人思惟。如喪考妣。如今兄弟。見似等閑。何處別有人爲汝了得。可惜時光。虛度何妨。密密地。自究。子細觀尋。至無著處。自息諸緣去。又云。是諸人。見有險惡。見有大蟲刀劍諸事。逼汝身命。便生無限怕怖。如似什麼。恰如世間畫師一般。自畫作地獄變相。作大蟲刀劍了。好

好好地看了。卻自生怕怖。汝今諸人亦復如是。百般見有是。汝自幻出。自生怕怖。亦不是別人與汝爲過。汝今欲覺此。幻惑麼。但識取汝金剛眼睛。若識得。不曾教汝有纖塵可得露現。何處更有虎狼刀劍。解憐嚇得汝。直至釋迦如是。伎倆亦覓出頭處不得。所以我向汝道。沙門眼把定世界。函蓋乾坤。不漏絲髮。何處更有一物爲汝知見。知麼。何不。急究取。師疾大法難舉。罕遇上根。學者依語生解。隨照失宗。乃示綱宗三句。曰。第一句。且自承當。現成具足。盡十方世界。更無他故。祇是仁者。更教誰見誰聞。都來是汝心。

王所爲全成不動智。只欠自承當。喚作開方便門。使汝信。有一分眞常流注。亘古亘今。未有不。不是。未有不非者。然此句。只成平等法。何以故。但是以言遣言。以理逐理。平常性相。接物利生耳。且於宗旨。猶是明前不明後。號爲一味平實分。證法身之量。未有出格之句。死在句下。未有自由分。若知出格量。不被心魔所使。入到手中。便轉換。落落地言。通大道。不墮平懷之見。是謂第一句綱宗也。第二句。廻因就果。不著平常。一如之理。方便喚作轉位投機。生殺自在。縱奪隨宜。出生入死。廣利一切。迴脫色欲愛見之境。方便

喚作頓超三界之佛性。此名三理雙明。二義齊照。不被二
邊之所動。妙用現前。是謂第二句綱宗也。第三句。知有大
智性相之本。通其過量之見。明陰洞陽廓周沙界。一真體
性。大用現前。應化無方。全用全不用。全生全不生。方便喚
作慈定之門。是謂第三句綱宗也。幻寄曰。沙謂迦葉親聞。猶如話月。而暗然示人。以此三句。遂與古搭主抗軌。其然豈其然乎。洪公好奇誇博。事未必盡實。多此類矣。師有偈曰。萬
里神光頂後相。沒頂之時何處望。事已成。意亦休。此個來
蹤觸處周。智者撩著便提取。莫待須臾失卻頭。又曰。平
沙遊徑別。時人切須知。三冬陽氣盛。六月降霜時。有語非

關古無言切要詞。會我最後句出世。少人知。梁開平二年戊辰十二月二十七日。示疾而化。師狀短小。然精神可掬。聽法座下者盈七百。閱世七十有四。坐四十四夏。

福州長慶慧稜禪師。初參靈雲。問如何是佛法大意。雲曰。驢事未去。馬事到來。師不契。參雪峯。舉前話。峯曰。汝豈不是蘇州人。師曰。某甲豈不知是蘇州人。峯見。沙舉此。沙曰。恐他因緣不在。和尚處。教伊下來。某向他說。師到。沙處。舉前話。沙曰。你是稜道者。作麼生。不會。師曰。不知靈雲與麼道意。作麼生。沙曰。只是稜道者。不可外覓。師曰。和尚作

麼生與麼說。某名不可不識。乞和尚說道理。沙曰。你是兩浙人。我是福州人。作麼生不會。師曰。實不會。乞和尚說破。沙曰。我豈不是向你說也。師曰。某甲特地來乞和尚爲說。莫與麼相弄。沙曰。你聞鼓聲也無。師曰。某不可不識鼓聲也。沙曰。若聞鼓聲。只是你。師曰。不會。沙曰。且喫粥去了。便來。師喫粥了。便上。曰。乞和尚說破。沙曰。不是喫粥了也。師曰。乞和尚說破。莫相弄。某甲且辭歸去。沙曰。你來時從那裏路來。師曰。大目路來。沙曰。你去也。從大目路去。作麼生說相弄。如是往來雪峯。沙二十年坐破七個蒲團。不明。

此事。一日捲簾。忽然大悟。乃有頌曰。也大差也大差。捲起簾來見天下。有人問我是何宗。拈起拂子劈口打。峯舉謂沙曰。此子徹去也。沙曰。未可。此是意識著述。更須勘過。始得。至晚。眾僧上來問訊。峯謂師曰。備頭陀未肯。汝在。汝實有正悟。對眾舉來。師又頌曰。萬象之中獨露身。惟人自肯。乃方親。昔時謬向途中覓。今日看來火裏冰。峯乃顧沙曰。不可。更是意識著述。師問峯曰。從上諸聖傳授一路。請師垂示。峯良久。師設禮而退。峯乃微笑。師八方丈叅。峯曰。是甚麼。師曰。今日天晴好曬麥。自此酬問。未嘗爽于半旨。

保福辭歸雪峯。謂師曰。山頭和尚。或問上座信。作麼生。祇對。師曰。不避腥羶。亦有少許。曰。信道甚麼。師曰。教我分付阿誰。曰。從展雖有此語。未必有恁麼事。師曰。若然者。前程全自闍黎。師與保福遊山。福問古人道妙峯山頂。莫祇這個便是也。無。師曰。是卽是。可惜許。僧問鼓山。祇如長慶云。孫公若無此語。恁麼道。意作麼生。山可謂羶體徧野。師在西院。問誵上座曰。這裏有象骨。山汝曾到麼。曰。不曾到。師曰。爲甚麼不到。曰。自有本分事。在。師曰。作麼生。是上座本分事。誵乃提起衲衣角。師曰。爲當祇這個。別更有。曰。上座見個甚麼。師曰。何得龍頭蛇尾。

問僧甚處來。曰鼓山來。師曰鼓山有不跨石門底句。有人借問。汝作麼生道。曰昨夜報慈宿。師曰劈脊捧。汝又作麼生。曰和尚若行此棒。不虛受人天供養。師曰幾合放過。問如何得不疑不惑去。師乃展兩手。僧不進語。師曰汝更問。我與汝道。僧再問。師露膊而坐。僧禮拜。師曰汝作麼生會。曰今日風起。師曰恁麼道。未定人見解。汝於古今中有甚麼節要。齊得長慶。若舉得。許汝作話主。其僧但立而已。師卻問。汝是甚處人。曰向北人。師曰南北三千里外。學妄語作麼。僧無對。雪峯問云。吾見瀉山問仰山。從上諸

聖。什麼處去。仰云。或在天上。或在人間。汝道仰山意作麼。
生。師云。若問諸聖。出沒處。與麼道。卽不可。峯云。汝渾不肯。
忽有人問。汝作麼。生道。師云。但道錯。峯云。是汝不錯。師云。
何異於錯。上堂。撞著道伴。交肩過。一生叅學事畢。上
堂。淨潔打疊了也。卻近前問我覓我。劈脊與你一棒。有一
棒到你。你須生慙媿。無一棒到你。你又向甚麼處會。上
堂。總似今日。老胡有望。保福曰。總似今日。老胡絕望。平覺云。恁麼道。是相見語。不是相見語。

漳州保福院從展禪師。年十五。禮雪竇爲受業師。遊吳楚間。

後歸執侍峯。一日忽召曰：「還會麼？」師欲近前，峯以杖挂之。師當下知歸，常以古今方便詢于長慶。一日慶謂師曰：「甯說阿羅漢有三毒，不可說如來有二種語。不道如來無語，祇是無二種語。」師曰：「作麼生？」是如來語。慶曰：「聾人爭得聞。」師曰：「情知和尚向第二頭道。」慶曰：「汝又作麼生？」師曰：「喫茶去。」
雪竇頌云：頭兮第一，第二臥龍不鑒止水，無處有月波澄，有處無風浪起。稜禪客，稜禪客，三月禹門遭點額。
 園悟勤云：如今人不去他古人轉處看，只管去句下走，便道長慶當時不曾用，所以落第二頭。保福云：喫茶去，便是第一頭。若只恁麼看到彌勒下生，也不見古人意。若是作家終不作這般見解，跳出這窠窟，向上自有一條路。你若道聾人爭得聞，有甚麼不是處？保福云：喫茶去，有甚麼是處？轉沒交涉，是故道他叅活句，不叅死句。因舉

盤山道。光境俱亡。復是何物。洞山道。光境未亡。復是何物。
師曰。據此二尊宿商量。猶未得勦絕。乃問長慶。如今作麼。
生道。得勦絕。慶良久。師曰。情知和尚向鬼窟裏作活計。慶
卻問作麼。生師曰。兩手扶犁水過膝。長慶問。見色便見
心。還見船子麼。師曰。見。曰。船子且置。作麼。生是心。師卻指
船子。僧問。雪峯生平有何言句。得似羶羊挂角時。師曰。
我不可作雪峯弟子不得。雪竇顯云。一千五百個布衲保福較些子。上堂。有
人從佛殿後過。見是張三李四。從佛殿前過。爲甚麼不見。
且道佛法利害在甚麼處。僧曰。爲有一分粗境。所以不見。

師乃叱之。自代曰。若是佛殿。卽不見。曰。不是佛殿。還可見否。師曰。不是佛殿。見個甚麼。將化。示微疾。僧入丈室問訊。師曰。吾與汝相識年深。有何方術相救。曰。方術甚有。聞說和尚不解忌口。又謂眾曰。吾旬日來。氣力困劣。別無他祇。是時至也。僧問。時旣至矣。師云。卽是。住卽是。師曰。道道。曰。恁麼則某甲不敢造次。師曰。失錢遭罪。言訖而寂。

福州鼓山神宴興聖國師。大梁李氏子。幼惡葷羶。樂聞鐘梵。年十二時。有白氣數道。騰於所居屋壁。師題壁曰。白道從茲速改張。休來顯現作妖祥。定祛邪行歸眞見。必得超凡

入聖鄉。題罷氣卽隨滅。年甫志學。遘疾甚亟。夢神人與藥。覺而頓愈。明年又夢梵僧告曰。出家時至矣。遂依衛州白鹿山規禪師披削。嵩嶽受具。謂同學曰。古德云。白四羯磨。後全體戒定慧。豈準繩而可拘也。於是杖錫徧扣禪關。而但記語言。存乎知解。及造雪嶺。朗然符契。一日叅雪峯。峯知其緣熟。忽起搗住曰。是甚麼。師釋然了悟。亦忘其了心。惟舉手搖曳而已。峯曰。子作道理耶。師曰。何道理之有。峯審其懸解。撫而印之。師與招慶相遇次。慶曰。家常。師曰。太無厭生。慶曰。且欸欸。師卻曰。家常。慶曰。今日未有火。師

曰太鄙吝生慶曰穩便將取去。師問保福。古人道非。非。是不是。意作麼生。福拈起茶盞。師曰莫是非好。師示眾云。若論此事。如一口劍。時有僧問。承和尚言。若論此事。如一口劍。和尚是死尸。學人是死尸。如何是劍。師云。拖出這死尸。僧應諾。歸衣鉢下。結束便行。師至晚問首座。問話底僧在否。座云。當時便去也。師云。好與二十棒。雪竇云。諸道鼓山失卻一隻眼。殊不知重賞之下。必有勇夫。雖然如此。若子細點檢將來。未免一坑埋卻。東禪齊云。這僧若不肯。鼓山有甚過。若肯。何得便發去。又云。鼓山拄杖賞伊罰伊。具眼底。試商量看。師有偈曰。直下猶難會。尋言轉更賒。若論佛與祖。特地隔天涯。師舉問。

僧汝作麼生會。僧無語。乃謂侍者曰。某甲不會。請代一轉語。者曰。和尚與麼道。猶隔天涯在。僧舉似師。師喚侍者。問汝爲這僧代語。是否。者曰。是。師便打。趁出院。問東使。只如仰山祇對滄山。於面前與一畫意。作麼生。東使云。作家麼。師云。兄真個與麼。作麼生。東使云。日可冷。月可熱。被師攔胸與一托。清源王太尉問安國了院主云。劫火洞然。向甚麼處迴避。院主云。這裏迴避。太尉不肯。自代云。不迴避。進云。爲什麼不迴避。太尉云。他不出頭。迴避什麼。師云。什麼處見他。道不出頭。師因與清源王太尉說話云。但

是世間一切雜學底事盡是網。太尉云。只如今還網得也。
無。師云。太尉噉。太尉乃展手云。卽今有甚麼。師云。只這一
網亦不少。太尉舉南陽喚侍者事。趙州云。如空中書字。
雖然不成。而文彩已彰。師云。只如與麼道。是宗國師。不宗
國師。太尉云。宗與不宗。俱是彰也。師云。只如趙州意。旨作
麼生。太尉云。不孤負趙州。師云。此是句也。趙州意作麼生。
太尉云。作麼。師云。彰也。趙州意作麼生。太尉無對。
龍華照布衲。一夕指半月。問溥上座曰。那一片。甚麼處去也。
溥曰。莫妄想。師曰。失卻一片也。
妙喜曰。自起自倒。問未剖已前。

請師斷。師曰。落在甚麼處。曰。失口即不可。師曰。也是寒山送拾得。僧禮拜。師曰。住住。闍黎失口。山僧失口。曰。惡虎不食子。師曰。驢頭出。馬頭回。

明州翠巖令參永明禪師上堂。一夏與兄弟東語西話。看翠

巖眉毛在麼。

長慶云。生也。心虛。翠巖芝云。爲眾竭力。禍出私門。雪

雲門云。關。

保福云。作賊人。

竇頌云。翠巖示徒。千古無對。關字相酬。失錢遭罪。潦倒保福。抑揚難得。嘮嘮翠巖。分明是賊。白圭無玷。誰辨真假。長慶相詰。眉毛生也。圓悟勤拈云。人多錯會道。白日青天說無向。當話無事。生事夏末。先自說過。先自點檢。免得別人點檢他。且喜沒交涉。這般見解。謂之滅胡種。族歷代宗師出世。若不垂示於人。都無利益。圖個甚麼。到這裏。見得透。方知古人有驅耕夫之牛。奪饑人之食。手段如今人問著。便向言句下。敲噉眉毛上。作活計。看他屋裏人。自然知

他行履處千變萬化節角聲訛著著有出身之路便能如
此與他酬唱此語若無奇特雲門保福長慶三人啞啞地
與他酬唱作甚麼保福云作賊人心虛只因此語惹得適
來說許多情解且道保福意作麼生切忌向句下覓他古
人你若生情起念則換你眼睛殊不知保福下一轉語截
斷翠巖脚跟長慶云生也人多道長慶隨翠巖脚跟轉所
以道生也且得沒交涉不知長慶自出他見解道生也各
有出身處我且問你是甚麼處是生處一似作家面前金
剛王寶劍直下便用若能打破常流見解截斷得失是非
方見長慶與他酬唱處雲門云關不妨奇特只是難參雲
門大師多以一字禪示人雖一字中須具三句看他古人
臨機唱酬自然與今時人迥別此乃下句底樣子他雖如
此道意決不在那裏既不在那裏且道在什麼處也須子
細自參始得又拈雪竇頌云雪竇道千古無對他只道看
翠巖眉毛在麼有什麼奇特處便乃千古無對須知古人
吐一言半句出來不是造次須是有定乾坤底眼始得雪
竇著一言半句如金剛王寶劍如踞地獅子如擊石火似
閃電光若不是頂門具眼爭能見他古人落處這個示眾

直得千古無對過於德山棒臨濟喝且道雪竇爲人意在
什麼處你且作麼生會他道千古無對關字相酬失錢遭
罪這個意如何直饒是具透關底眼到這裏也須子細始
得且道是翠巖失錢遭罪是雪竇失錢遭罪是雲門失錢
遭罪你若透得許你具眼潦倒保福抑揚難得抑自己揚
古人且道保福在甚麼處是抑甚麼處是揚嘮嘮翠巖分
明是賊且道他偷什麼來雪竇道却是賊切忌隨他語脉
轉卻到這裏須是自有一串穿卻末後卻方道長慶相諳
白圭相似更無些瑕翳誰辨真假可謂罕有人辨得雪竇
有大才所以從頭至尾一串穿卻末後卻方道長慶相諳
眉毛生也且道生也在什麼處急著眼看

越州鏡清寺道忞順德禪師永嘉陳氏子六歲不茹葷親黨
強啖以枯魚隨卽嗚噦遂求出家于本州開元寺受具遊
方抵閩謁雪峯峯問甚處人曰温州人峯曰恁麼則與一

宿覺是鄉人也。曰。祇如一宿覺。是甚麼處人。峯曰。好喫一頓棒。且放過。一日師問。祇如古德。豈不是以心傳心。峯曰。兼不立文字。語句。師曰。祇如不立文字。語句。師如何傳。峯良久。師禮謝。峯曰。更問我一轉。豈不好。師曰。就和尙請一轉。問頭。峯曰。祇恁麼。爲別有商量。師曰。和尙恁麼。卽得。峯曰。於汝作麼生。師曰。孤負殺人。雪峯謂眾曰。堂堂密密地。師出問。是甚麼。堂堂密密。峯起立曰。道甚麼。師退步而立。雪峯垂語曰。此事得恁麼尊貴。得恁麼綿密。師曰。道恁自到來數年。不聞和尙怎麼示誨。峯曰。我向前雖無。如今已

有莫有所妨麼。曰不敢。此是和尙不已而已。峯曰。致使我
如此。師從此信入。而且隨眾。時謂之小怱布衲。普請次。雪
峯舉滌山道。見色便見心。汝道還有過也無。師曰。古人爲
甚麼事。峯曰。雖然如此。要共汝商量。師曰。恁麼則不如道
怱鉏地去。師再叅雪峯。峯問甚麼處來。師曰。嶺外來。峯曰。甚
麼處逢見達麼。師曰。更在甚麼處。峯曰。未信汝在。師曰。和
尙莫恁麼粘膩好。峯便休。師後徧厯諸方。益資權智。因
訪先曹山。山問甚麼處來。師曰。昨日離明水。山曰。甚麼時
到明水。師曰。和尙到時到。山曰。汝道我甚麼時到。師曰。適

來猶記得。山曰：如是如是。

師因僧問：新年頭還有佛法

也無？師曰：有。曰：如何是新年頭佛法？師曰：元正啟祚，萬物

咸新。曰：謝師答話。師曰：鏡清今日失利。

僧問明教：寬，新年頭還有佛法也無？

寬曰：無。曰：日日是好日，年年是好年，爲甚卻無？寬曰：張公

喫酒，李公醉，曰：老老大大，龍頭蛇尾。寬曰：明教今日失利。

佛鑑懃頌云：新年佛法鏡清有，須信親言出親口。新年佛法明教無，西天鬍子沒髭鬚。可笑兩翁同失利，南海波斯失卻鼻。太平今夜太，郎當還如雪上更。問學人：啐。請

加霜。歲寒，孫臏收卻劍，釣魚船上謝三郎。師曰：還得活也無？曰：若不活，遭人怪笑。師曰：也是草

裏漢。

雪竇頌云：古佛有家風，對揚遭貶剥。子母不相知，是誰同啐啄。啄覺猶在殼，重遭撲。天下衲僧徒名邈，是

師一日於僧堂自擊鐘，曰：沙道底。沙道底。僧問：予

沙道甚麼。師乃畫一圓相。僧曰。若不从叅爭知與麼。師曰。失錢遭罪。問學人未達其源。請師方便。師曰。是甚麼源。曰。其源。師曰。若是其源。爭受方便。僧禮拜退。雪竇云。死水裏浸卻有甚處。待者問。和尚適來莫是成禪伊麼。師曰。無曰。莫是不成禪伊麼。師曰。無曰。未審意旨如何。師曰。一點水墨。兩處成龍。雪竇云。猶較些子。雪竇不是滅鏡清威光。要與這僧相見。是甚麼源。其源三十年後。與汝三十棒。普請鉏草次浴頭。請師浴。師不顧。如是三請。師舉鑊作打勢。頭便走。師召曰。來來。頭回首。師曰。向後遇作家。分明舉似。頭後到保福。舉前語未了。福以手掩其口。頭卻回舉似師。

師曰。饒伊恁麼也未作家。問僧近離甚處。曰。石橋。師曰。本分事作麼生。曰。近離石橋。師曰。我豈不知你近離石橋。本分事作麼生。曰。和尚何不領話。師便打。僧曰。某甲話在。師曰。你但喫棒。我要這話行。問僧門外甚麼聲。曰。雨滴聲。師曰。眾生顛倒。迷已逐物。曰。和尚作麼生。師曰。泊不迷已。曰。泊不迷已。意旨如何。師曰。出身猶可易。脫體道應難。報恩懷嶽禪師。臨遷化上堂。山僧十二年來。舉揚宗教。諸人怪我甚麼處。若要聽三經五論。此去開元寺咫尺。言訖告寂。

安國弘瑫禪師參雪峯。峯問甚麼處來。曰。江西來。峯曰甚麼處見達摩。曰。分明向和尚道。峯曰。道甚麼。曰。甚麼處去來。一日雪峯見師。忽擒住曰。盡乾坤是個解脫門。把手拽伊。不肯入。曰。和尚怪弘瑫不得。峯拓開曰。雖然如此。爭奈背後許多師僧何。師舉國師碑文云。得之於心。伊蘭作梅檀之樹。失之於旨。甘露乃蒺藜之園。問僧曰。一語須具得失兩意。汝作麼生道。僧舉拳曰。不可喚作拳頭也。師不肯。亦舉拳別云。祇爲喚這個作拳頭。

長生山皎然禪師久依雪峯。一日與僧斫樹次。峯曰。斫到心

且住。師曰。斫卻著。峯曰。古人以心傳心。汝爲甚麼道斫卻。師擲下斧曰。傳峯打一拄杖而去。普請次。雪峯負一束藤。路逢一僧。便拋下。僧擬取峯。便踏倒。歸謂師曰。我今日踏這僧快。師曰。和尚卻替這僧入涅槃堂。始得。峯便休去。雪峯問。光境俱亡。復是何物。師曰。放皎然過。有道處。峯曰。放汝過。作麼生道。曰。皎然亦放。和尚過。峯曰。放汝二十棒。師便禮拜。予沙問。我觀如來。前際不來。後際不去。今亦無住。長老作麼生。師云。放某甲過。有個道處。沙云。放你過。作麼生道。師默然。沙云。教誰委。師云。和尚不委。沙云。情

知你向鬼窟裏作活計。師休去。

越山師魏禪師。初叅雪峯而染指。後因閩王請於清風樓齋。坐。人舉目。忽覩日光。忽然頓曉。而有偈曰。清風樓上赴官齋。此日平生眼豁開。方信普通年遠事。不從蔥嶺帶將來。歸呈雪峯。峯然之。臨終示偈曰。眼光隨色盡。耳識逐聲銷。還源無別旨。今日與明朝。乃跏趺而逝。

太原孚上座。初在揚州光孝寺講涅槃經。有禪者阻雪。因往聽講。至三因佛性。三德法身。廣談法身妙理。禪者失笑。師講罷。請禪者喫茶。白曰。某甲素志狹劣。依文解義。適蒙見

旨。目錄

卷二十九 孚上座

笑且望見教禪者曰。實笑座主不識法身。師曰。如此解說。何處不是。曰。請座主更說一遍。師曰。法身之理。猶若太虛。豎窮三際。橫亘十方。彌綸八極。包括二儀。隨緣赴感。靡不周徧。曰。不道座主說不是。祇是說得法身量邊事實未識。法身在師曰。既然如是。禪德當爲代說。曰。座主還信否。師曰。焉敢不信。曰。若如是。座主輟講旬日。於室內端然靜慮。收心攝念。善惡諸緣。一時放卻。師一依所教。從初夜至五更。聞鼓角聲。忽然契悟。便去扣門。禪者曰。阿誰。師曰。某甲。禪者咄曰。教汝傳持大教。代佛說法。夜來爲甚麼醉酒臥。

街師曰禪德自來講經。將生身父母鼻孔扭捏。從今已去。更不敢如是。禪者曰。且去。來日相見。師遂罷講。徧歷諸方。名聞宇內。嘗遊浙中。登徑山法會。一日於大佛殿前。有僧問。上座曾到五臺否。師曰。曾到。曰。還見文殊麼。師曰。見。曰。甚麼處見。師曰。徑山佛殿前。見其僧後。適閩川舉似雪峯。峯曰。何不教伊入嶺來。師聞乃趣裝入嶺。初至雪峯。解院。憇錫。因分柑子與僧。長慶問。甚麼處將來。師曰。嶺外將來。曰。遠涉不易。擔負將來。師曰。柑子柑子。次日上山。雪峯聞。乃集眾。師到法堂上。顧視雪峯。便下看知事。雪竇云。一千五百人善知。

識被孚老一觀
便高懸降旗

明日卻上禮拜曰某甲昨日觸忤和尚

峯曰知是般事便休。雪竇云果然雲門因僧問作麼生

千萬個有甚麼用處直須盡大地人喫棒方可扶豎雪峯

且道孚上座具甚麼眼雲居舜云大小雪峯被孚上座

惑亂一上只這孚上座也是擔枷過狀雪竇宗云只知

其一不知其二殊不知雪峯坐籌帷幄決勝千里孚上座

逞盡平生見解也只在雪峯圈裡峯一日見師乃指日

裏幻寄日一翳在目空花亂墜

示之師搖手而出峯曰汝不肯我那師曰和尚搖頭某甲

擺尾甚麼處是不肯峯曰到處也須諱卻一日眾生晚參

峯在中庭臥師曰五州管內祇有這老和尚較些子峯便

起去峯問師見說臨濟有三句是否師曰是曰作麼生是

第一句。師舉目視之。峯曰：此猶是第二句。如何是第一句。師叉手而退。自此雪峯深器之。一日，沙上問訊雪峯。峯曰：此間有個老鼠子。今在浴室裏。沙曰：待與和尚勘過。言訖，到浴室遇師打水。沙曰：相看上座。師曰：已相見了。沙曰：甚麼劫中曾相見。師曰：瞌睡作麼。沙卻入方丈。白雪峯曰：已勘破了。峯曰：作麼生勘伊。沙舉前話。峯曰：汝著賊也。妙喜曰：又勘破一個。保福簽瓜次。師至。福曰：道得與汝瓜喫。師曰：把將來。福度與一片。師接得便去。師到投子。子云：久嚮太原孚上座。莫便是麼。師作掌勢。子云：老僧招得。師便出。

子云且聽諸方斷看。師卻回首。子便打。鼓山問父母未生時鼻孔在甚麼處。師曰老兄先道。山曰如今生也。汝道在甚麼處。師不肯。山卻問作麼生。師曰將手中扇子來。山與扇子再徵前話。師搖扇不對山罔測。乃噉師一拳。鼓山赴大王請。雪峯門送。回至法堂。乃曰一隻聖箭。直射九重城裏去也。師曰是伊未在。峯曰渠是徹底人。師曰若不信。待某甲去勘過。遂趁至中路。便問師兄向甚麼處去。山曰九重城裏去。師曰忽遇三軍圍繞時如何。山曰他家自有通霄路。師曰怎麼則離宮失殿去也。山曰何處不稱尊。

師拂袖便回峯。問如何。師曰：「好隻聖箭。中路折卻了也。」遂舉前話。峯乃曰：「奴渠語在。」師曰：「這老凍膿猶有鄉情在。」
杲云：眾中商量道甚麼處是聖箭折處。云：鼓山不合答他話。是聖箭折處。鼓山不合說道理。是聖箭折處。恁麼批判。非惟不識鼓山亦乃不識字。老殊不知字上座正是一枚賊漢。於鼓山面前納一場敗闕。懣懣而歸。卻向雪峯處拔本。大似屋裏販揚州。若非雪峯有大人相。這賊向甚麼處容身。當時可惜放過。卻成不了底公案。只今莫有爲古人出氣底麼。試出來。我要問你甚麼處是聖箭折處。
後歸維揚。陳尙書畱在宅供養。一日謂尙書曰：「來日講一徧大涅槃經。報答尙書書致齋茶畢。」師遂陞座。良久揮尺一下曰：「如是我聞。」乃召尙書書應諾。師曰：「一時佛在。」便乃脫去。

指月錄

指月錄

卷十九終

五

指月錄卷十九終

指月錄卷之二十

六祖下第七世

撫州金峯從志禪師。拈起枕子示僧曰。一切人喚作枕子。金峯道不是。僧曰。未審和尚喚作甚麼。師拈起枕子。僧曰。恁麼則依而行之。師曰。你喚作甚麼。曰。枕子。師曰。落在金峯窩裏。問是身無知。如土木瓦石。此意如何。師下禪牀。扭僧耳朵。僧負痛作聲。師曰。今日始捉著箇無知漢。僧作禮出去。師召闍黎。僧回首。師曰。若到堂中。不可舉著。曰。何故。師曰。大有人笑金峯老婆心。上堂。事存函蓋。合。理應箭。

鋒挂。還有人道得麼。如有人道得。金峯分半院與他住。時有僧出作禮。師曰。相見易得好。共住難爲人。便下座。僧侍次。師曰。舉一則因緣。汝第一不得亂會。曰。請和尚舉。師豎拂子。僧良久。師曰。知道。闍黎亂會。僧以目視東西。師曰。雪上更加霜。師一日見僧來。便起身。僧便出去。師曰。恰共昨日那師僧見解不別。僧遂回曰。昨日僧道甚麼。師曰。恰與麼問。曰。知道。金峯有眼。師曰。金峯且置。你今日何處喫飯。曰。通著。卽不中。師曰。與麼則無來處也。曰。老婆心堪作甚麼。師曰。金峯問僧。不曾弱他。就中闍黎無話處。曰。豈

是分外。師曰。小慈妨大慈。師問僧發足甚處。曰。趙州。師曰。趙州法嗣何人。曰。南泉。師曰。你何曾離趙州。曰。未審和尚尊意何如。師曰。趙州實嗣南泉。僧至晚請益。曰。今日蒙和尚慈悲。某甲未會。請和尚指示。師曰。若到別處。莫道後語。是金峯底。曰。爲甚如此。曰。恐辱他趙州。師一日上堂。喫胡餅次。乃拈一箇。從上座板頭轉一匝。大眾見一一合掌。師曰。假饒十分擡起手。也只得一半。至晚間。有僧請益。曰。今日和尚行胡餅。見眾僧合掌。曰。假饒十分擡起手。也只得一半。請和尚全道。師以手作拈餅勢。曰。會麼。曰。不會。

師曰金峯也始道得一半。

處州廣利容禪師。因僧到。師乃豎拂子云。貞溪老漢。還具眼麼。僧云。某甲不敢見人過。師云。老僧死在闍黎手裏。僧以手指胸。便出去。師云。闍黎。叅見先師來。至晚請喫茶了。僧拈起盞子云。這個是諸佛出世邊事。作麼生。是未出世邊事。師以手撥卻盞云。到闍黎死在老僧手裏。僧云。五里牌在郭門外。師云。無故惑亂師僧。僧遂起謝茶。師曰。特謝闍黎相訪。

洪州鳳棲山同安丕禪師。問如何是和尚家風。師曰。金鷄抱

子歸霄漢。玉兔懷胎。入紫微曰。忽遇客來。將何祇待。師曰。金果朝來。猿摘去。玉花晚後。鳳銜歸。新到叅。師問甚處來。曰。湖南。師曰。還知同安這裏風雲體道。花檻璇璣麼。曰。知。師曰。非公境界。僧便喝。師曰。短販樵人。徒誇書劍。僧擬進語。師曰。劍甲未施。賊身已露。

杭州佛日本空禪師。初遊天臺山。嘗曰。如有人奪得我機者。卽吾師矣。尋謁雲居。作禮問曰。二龍爭珠。誰是得者。居曰。卸卻業身來。與子相見。師曰。業身已卸。居曰。珠在甚麼處。師無對。遂投誠入室。時年始十三。後四年。參夾山。纔入門。

見維那。那曰：此間不著後生。師曰：某甲不求挂搭，暫來禮謁和尚。維那曰：夾山許相見。師未陞堦，山便問：甚麼處來？師曰：雲居來。曰：卽今在甚麼處？師曰：在夾山頂額上。山曰：老僧行年在坎，五鬼臨身。師擬上堦。山曰：三道寶堦從何而上？師曰：三道寶堦曲爲今時。向上一路，請師直指。山便揖。師乃上堦禮拜。山問：闍黎與甚麼人同行？師曰：木上座。山曰：何不相看老僧？師曰：和尚看他有分。山曰：在甚麼處？師曰：在堂中。山便同師下到堂中。師遂取拄杖擲在山面前。山曰：莫從天臺得否？師曰：非五嶽之所生。山曰：莫從須

彌得否。師曰。月宮亦不逢。山曰。怎麼則從人得也。師曰。自
已尙是冤家。從人得堪作甚麼。山曰。冷灰裏有一粒豆爆。
乃喚維那明窓下安排著。師曰。未審明窓還解語也無。山
曰。待明窓解語。卽向汝道。夾山來日上堂。問。昨日新到。在
甚麼處。師出應諾。山曰。子未到雲居已前。在甚麼處。師曰。
天臺國清山。山曰。吾聞天臺有潺潺之瀑。淥淥之波。謝子遠
來。此意如何。師曰。久居巖谷。不挂松蘿。山曰。此猶是春意。
秋意作麼生。師良久。山曰。看君祇是撐船漢。終歸不是弄
潮人。來日普請。維那令師送茶。師曰。某甲爲佛法來。不爲

送茶來。那日奉和尚處分。師曰。和尚尊命。卽得。乃將茶去。作務處。搖茶甌。作聲。山回顧。師曰。釅茶三五盃。意在鑊頭邊。山曰。瓶有傾茶勢。籃中幾個甌。師曰。瓶有傾茶勢。籃中無一甌。便行茶。時眾皆舉目。師曰。大眾鶴望。請師一言。山曰。路逢死蛇。莫打殺。無底籃子。盛將歸。師曰。手執夜明符。幾個知天曉。山曰。大眾有人也。歸去來。歸去來。遂住。普請歸院。眾皆仰嘆。

池州嵇山章禪師。在投子作柴頭。投子同喫茶次。謂師曰。森羅萬象。總在裏許。師潑卻茶曰。森羅萬象。在甚麼處。子曰。

可惜一碗茶。師後謁雪峯。峯問莫是章柴頭麼。師乃作輪椎勢。峯肯之。

朱溪謙禪師。韶國師到。叅次。聞犬齧靈鼠聲。韶問是甚麼聲。曰。犬齧靈鼠聲。韶曰。既是靈鼠。爲何卻被犬齧。曰。齧殺也。韶曰。好個犬師。便打。韶曰。莫打某甲話在。師休去。

南康軍雲居道簡禪師。初造雲居。謁膺公。膺公與語。連三日。大奇之。而誠令刻苦事眾。於是師躬操井臼。司樵爨。徧掌寺務。不妨商畧。古今眾莫有知者。以臘高爲堂中第一座。先是高安洞山有神靈甚。膺公住三峯時。受服役。旣來雲

旨目錄

卷二十一 道簡

守澄

五

居神亦隨至。舍於枯樹之下。而樹茂。號安樂樹神。屬膺公將順寂。主事請問。誰堪繼嗣。膺公曰。堂中簡。主事雖承言。而意不在師。謂當簡擇堪說法者。僉屬意第二座。而姑請師。意師必辭也。師既夙受記。無所辭。遂卽攝眾演法。主事大沮。師察知之一夕。遯去。其夕安樂樹神號泣。詰旦。眾追至麥莊。悔過迎歸。聞空中連聲唱曰。和尚來也。問路逢猛虎時如何。師曰。千人萬人不逢。爲甚麼闍黎偏逢。問孤峯獨宿時如何。師曰。閒卻七間僧堂不宿。阿誰教汝孤峯獨宿。問古人云。若欲保任此事。直須向高高山頂。

立深深海裏行。意旨如何。曰。高峯深海。迴絕孤危。似汝聞

閣中軟煖麼。

洪覺範曰。大陽明安嘗疏藥山之語曰。高高

之。以為妙得其旨。及聞雲居之言。則如真虎踞地而吼。百

獸震恐。乃悟明安所示蓋裴旻之虎也。子為作偈曰。高高

山頂立。深深海裏行道人行立處。塵世有誰爭無。問如

問功不立。渠儂尊貴生。酬君顛倒欲。枯木一枝榮。問如

何是朱頂王菩薩師曰。問這赤頭漢作麼。

高安悟云。這個便是超宗越格

底事。直是無你會處。須是悟了。更能履踐。始得諸人還明

得麼。乃頌曰。朱頂王菩薩。元是赤頭漢。驚怪李三黑。一生

只賣

壽八十餘。無疾而化。

護國守澄禪師。在湖南報慈。一日慈升堂。有演化禪人出問。

云。如何是真如佛性。慈云。誰無參退。首座問云。汝適來問。

旨。目錄

卷二十一 道簡

守澄

和尚話還會麼。化云不會。座云和尚恁麼慈悲。汝爲甚麼不會。真如佛性誰無。乃至六道四生悉皆具足。化云感首座爲某說破。師不覺齧齒云。這漢自家無眼。更瞎他人。卻召化問。首座適來說箇什麼。化云某甲當初不會。得他指示。具如前說。師云佛法不是這箇道理。汝不信。問取堂頭和尚。化遂去堂上。具說前解。以求印證。慈亦云佛法不是這箇道理。化云適來問淨果大師。他亦不肯教來問和尚。望慈悲決破。慈云你卻去問取他。化乃過師處作禮云。和尚令某甲來請益。師云汝但問來。化乃問如何是真如佛。

性師云。誰有化遂契悟。乃云。師向後或在眾。或住持。某甲願終身佐助。後相繼住持護國。

黃檗山慧禪師初業經論。因增受菩薩戒。歎曰。大士攝律儀。與吾本受聲聞戒。俱止持作犯也。然於篇聚增減。支本通別。制意且殊。既微細難防。復於攝善中。未嘗行於少分。況饒益有情乎。且世間泡幻身命。何可畱戀哉。由是置講課。欲捐身水中。以飼鱗甲之類。事已將行。值禪者策發。乃造疎山。時仁和尙坐法堂。受叅師先顧視大眾。然後致問曰。剎那便去時如何。山曰。畱塞虛空。汝作麼生去。師曰。畱塞

虛空不如不去。山便休。師下堂。叅第一座。座曰。適來祇對甚奇特。師曰。此乃率爾。敢望慈悲。開示愚昧。座曰。一刹那間。還有擬議否。師於言下頓省。禮謝。師示滅。塔於木山。肉身至今如生。

伏龍山奉璘禪師問。和尚還愛財色也無。師曰。愛。曰。既是善知識。爲甚麼卻愛財色。師曰。知恩者少。

襄州石門獻蘊禪師問。青林如何。用心得齊於諸聖。林仰面良久曰。曾麼。師曰。不會。林曰。去無子。用心處。師禮拜。乃契悟。更不他遊。遂作園頭。一日歸侍立次。林曰。子今日作甚。

麼來。師曰。種菜來。林曰。徧界是佛身。子向甚處種。師曰。金
鉏不動土。靈苗在處生。林欣然。來日入園。喚蘊闍黎。師應
諾。林曰。剩栽無影樹。畱與後人看。師曰。若是無影樹。豈受
栽耶。林曰。不受栽。且止。你曾見他枝葉麼。師曰。不曾見。林
曰。既不曾見。爭知不受栽。師曰。止。爲不曾見。所以不受栽。
林曰。如是如是。林將順寂。召師。師應諾。林曰。日轉西山。
後不須取次安。師曰。雪滿金檀樹。靈枝萬古春。林曰。或有
人問你金針線囊事。子道甚麼。師曰。若是羽毛相似者。某
甲終不敢造次。問不落機關。請師便道。師曰。湛月迅機。

無可比。君今曾問幾人來。曰。卽今問和尚。師曰。好大哥。雲綻不須藏九尾。恕君殘壽速歸止。問月。生雲際時如何。師曰。三個孩兒抱華鼓。好大哥。莫來攔我毬門路。般若寺被焚。有人問曰。既是般若。爲甚麼被火燒。師曰。萬里一條鐵。師應機多云。好大哥。時稱大哥和尚。

京兆府重雲智暉禪師。得法白水事之十年。而還洛京。愛中灘佳山水。創屋以居。號溫室院。日以施水給藥爲事。人莫能淺深之。有病比止。爲眾惡棄之。比止哀曰。我以夙業白癩。師能爲我洗摩。師爲之無難色。俄有神光異香。方訝之。

忽失所在。旋視瘡痂。亦皆異香也。梁開平五年。忽欲至圭峯山行。翛然深往。坐巖石間。如嘗寢處。顧見磨衲數珠。銅瓶。櫻笠。藏石壁間。觸之卽壞。歛目良久曰。此吾前身道具也。因就其處建寺。以酬夙心。方薙草。有祥雲出眾峯間。遂名曰重雲。虎豹隱去。有龍湫。威靈不可犯。師督役夷塞之。以爲路。龍亦移他處。但見雲雷隨之。後唐明宗聞而佳之。賜額曰長興。住持餘四十年。節度使王彥超微時。嘗從師遊。欲爲沙門。師熟視曰。汝世緣深。當爲我家垣墻。彥超後果鎮永興。申弟子之禮。周顯德三年夏。詣永興與彥超別。

指月錄 卷之二
囑以護法。彥超泣曰。公遂忍棄弟子乎。師笑曰。借千年亦一別耳。七月二十四日書偈一首曰。我有一間舍。父母爲修蓋。往來八十年。近來覺損壞。早擬移別處。事涉有憎愛。待他摧毀時。彼此無妨礙。乃跏趺而化。

杭州瑞龍院幼璋禪師。唐相國夏侯孜之姪。七歲遊慧照寺。忽求出家。孜不許。師卽絕飲食。不可奪。遂許之。後印心白水。至江陵。騰騰和尚語之曰。汝往天臺尋靜而棲。遇安而止。又值憨憨和尚語之曰。汝卻後四十年有巾子山下菩薩王於江南。當此時。吾道昌矣。師入臺。則居靜安鄉之福

唐院天祐三年。錢尚父禮延師至府。大尊隆白法。騰騰慙慙之記。悉符云。上堂。老僧頃年遊歷江外。嶺南荆湖。但有知識叢林。無不叅問來。蓋爲今日與諸人聚會。各要知個去處。然諸方終無異說。祇教當人歇卻狂心。休從他覓。但隨方任真。亦無真可任。隨時受用。亦無時可用。設垂慈苦口。且不可呼晝作夜。更饒善巧。終不能指東爲西。脫或能爾。自是神通作怪。非干我事。若是學語之流。不自省己知非。真欲向空裏採花。波中取月。還著得心力麼。汝今各自退思。忽然肯去。始知瑞龍老漢。事不獲已。迂迴太甚。還

肯麼。天成二年丁亥四月。師入府辭尙父囑以護法。刻期順寂。

報慈藏嶼禪師。僧問。情生智隔。想變體殊。祇如情未生時。如何。師曰。隔曰。情未生時。隔個甚麼。師曰。這個梢郎子。未遇人在。

韶州雲門山光奉院文偃禪師。嘉興人也。姓張氏。幼依空王寺志澄律師出家。敏質生知。慧辯天縱。及長落髮。稟具於毘陵壇。侍澄數年。探窮律部。以己事未明。往參睦州。州纔見來。便閉卻門。師乃扣門。州曰。誰。師曰。某甲。州曰。作甚麼。

師曰。已事未明。乞師指示。州開門。一見便閉。卻師如是連三日扣門。至第三日。州開門。師乃拶入。州便擒住。曰。道道。師擬議。州便推出。曰。秦時轆轤鑽。遂掩門。損師一足。師從此悟入。州指見雪峯。師到雪峯莊。見一僧。乃問上座。今日上山去。那僧曰。是。師曰。寄一則因緣。問堂頭和尚。祇是不得道。是別人語。僧曰。得。師曰。上座到山中。見和尚上堂。眾纔集。便出。握腕立地。曰。這老漢。頂上鐵枷。何不脫卻。其僧一依師教。雪峯見這僧與麼道。便下座攔胸把住。曰。速道。速道。僧無對。峯拓開曰。不是汝語。僧曰。是某甲語。峯曰。侍

名將繩棒來。僧曰：不是某甲語。是莊上一浙中上座。教某甲來道。峯曰：大眾去莊上迎取五百人善知識來。師次日上雪峯。峯纔見便曰：因甚麼得到與麼地。師乃低頭從茲契合。溫研積稔。密以宗印授焉。圓悟碧巖集云：師承睦州旨往見雪峯。一到便出眾。

問曰：如何是佛。峯云：莫寐語。師便禮拜。一上三年雪峯。

日問：子見處如何。師云：某甲見處與從上諸聖不移易。

絲毫僧寶傳謁雪峯。峯方堆棹坐。為眾說法。師犯眾出。熟視曰：頂上三百斤鐵枷。何不脫卻。峯曰：因甚到與麼。師以手拭目。趨去。峯心異之。明日陞座曰：南山有鼉鼻蛇。諸人出入好看。師以拄杖擯出。又自驚慄。自是流輩改觀。三錄載師見雪峯事。其不同。

若此。因并錄以備考。師在雪峯。僧問：峯如何是觸目。不會道。運足焉。知路。峯云：蒼天蒼天。僧不會。遂問師：蒼天

意旨如何。師云三斤麻。一疋布。僧云不會。師云更奉三尺竹。峯聞喜云。我常疑個布衲。師出嶺徧謁諸方。師行脚時。見一座主。舉在天臺國清寺齋時。雪峯拈鉢盂問某。道得卽與你鉢盂。某云。此是化佛邊事。峯云。你作座主。奴也未得。某云。不會。峯云。你問我。我與你道。某始禮拜。峯便踏倒。某得七年方見。師云。是你得七年方見。曰。是。師曰。更與七年始得。師在浙中蘊和尚會裏。一日因喫茶次。舉蘊和尚垂語云。見聞覺知是法。法離見聞覺知作麼生。有旁僧云。見定如今面前。一切見聞覺知是法。法亦不可得。師

拍手一下。蘊乃舉頭。師云。猶欠一著在。蘊云。我到這裏卻不會。師到洞巖。巖問作甚麼來。師曰。親近來。巖曰。亂走作麼。師曰。暫時不在。巖曰。知過卽得。師曰。亂走作麼。到疎山仁仁問得力處。道將一句來。師曰。請高聲問。山卽高聲問。師笑曰。今日喫粥麼。山曰。喫粥。師曰。亂叫喚作麼。到臥龍問明己底人。還見有己麼。龍曰。不見有己。始明得己。又問長連牀上學得底。是第幾機。龍曰。是第二機。曰。如何是第一機。龍曰。緊峭草鞋。妙喜曰。騎賊馬。趕賊隊。偕婆帔子。拜婆年。到歸宗。僧問大眾雲集。合談何事。宗云。兩兩三三。僧云。不會。宗

云三三兩兩。師卻問僧。歸宗意旨。如何。僧云。全體與麼來。師云。上座曾到潭州龍牙麼。云。曾到。師云。打野樵漢。到天童。童曰。你還定當得麼。師曰。和尚道甚麼。童曰。不會則目前包裹。師曰。會則目前包裹。到鵝湖。聞上堂曰。莫道未了底人。長時浮逼逼地。設使了得底。明明待知有去處。尚乃浮逼逼地。師下問首座。適來和尚意作麼生。曰。浮逼逼地。師曰。首座久在此住。頭白齒黃。作這個語話。曰。上座又作麼生。師曰。要道卽得見。卽便見。若不見。莫亂道。曰。祇如道浮逼逼地。又作麼生。師曰。頭上著枷。腳下著杻。曰。與

麼則無佛法也。師曰：此是文殊普賢大人境界。到江州。有陳尚書者，請齋纔見，便問：「儒書中卽不問三乘十二分教，自有座主作麼生？是衲僧行腳事？」師曰：「曾問幾人來？」書曰：「卽今問上座。」師曰：「卽今且置，作麼生是教意？」書曰：「黃卷赤軸。」師曰：「這個是文字語言，作麼生是教意？」書曰：「口欲談而辭喪，心欲緣而慮忘。」師曰：「口欲談而辭喪，爲對有言；心欲緣而慮忘，爲對妄想。」作麼生是教意？書無語。師曰：「見說尚書看法華經，是否？」書曰：「是。」師曰：「經中道一切治生產業，皆與實相不相違背，且道非非想天有幾人退位？」書無語。

師曰。尚書曰。莫草草。三經五論。師僧拋卻。特入叢林。十年二十年。尚不奈何。尚書又爭得會。書禮拜曰。某甲罪過。後抵靈樹。冥符知聖接首座之記。初知聖在靈樹二十年。不請首座。常云。我首座生也。我首座牧牛也。我首座行腳悟道也。一日。令眾擊鐘。三門外接首座。眾出迓。而師至。樹曰。奉遲久矣。卽延師爲首座。俄廣主劉欲舉兵。躬入院。請樹決臧否。樹已先知。怡然坐化。主問知事曰。和尚何時得疾。對曰。不曾有疾。適封一函。子令呈大王。主開函。得一帖子云。人天眼目。堂中上座。主悟樹旨。遂寢兵。請師繼樹開。

法未幾遷雲門光泰寺。僧問生法師曰。敲空作響。擊木無聲。如何。師以拄杖空中敲云。阿唧阿唧。又敲板頭云。作聲麼。僧云。作聲。師云。這俗漢。又敲板頭云。喚甚麼作聲。

師以足跛。常把拄杖行。見眾方普請。舉拄杖曰。看看。北鬱單越人。見汝搬柴不易。在中庭裏相撲。供養汝。更爲汝念般若經。曰。一切智智清淨無二無二分。無別無斷。故眾環擁之。久不散。乃曰。汝諸人無端走來這裏覓什麼。老僧只管喫飯。局矢別解作什麼。汝諸方行腳。參禪問道。我且問汝諸方。參得底事。作麼生試舉看。於是不得已。自誦三平。

省曰錄

卷二十 雲門

七

偈曰。卽此見聞。非見聞。同視僧曰。喚什麼作見聞。又曰。無餘聲色。可呈君。謂僧曰。有甚麼口頭聲色。又曰。個中若了全無事。謂僧曰。有甚麼事。又曰。體用何妨分不分。乃曰。語是體。體是語。舉拄杖曰。拄杖是體。燈籠是用。是分不分。不見道。一切智智清淨。聞擊齋鼓曰。鼓聲敲破我七條。乃指僧曰。抱取猫兒來。良久曰。且道鼓因甚置得眾無對。乃曰。因皮置得。我尋常道。一切聲是佛聲。一切色是佛色。盡大地是個法身。枉作個佛法知見。如今拄杖。但喚作拄杖。見屋。但喚作屋。

傳鐙作師上當聞鐘聲。乃曰。世界與麼廣闊。爲甚麼鐘聲。披七條。徑山杲頌鐘聲。

披起鬱多羅碧眼胡兒沒奈何一
箭雙鵬隨手落拈來元是柵中鷺

至僧堂中僧爭起迎

師立而語曰石頭道回互不同互。僧便問作麼生是不同。互。師以手指曰。這個是板頭。又問作麼生是回互。曰。汝喚什麼作板頭。問新到你諸方行腳。道我知有。與我拈三千大千世界來。眼睫上著。僧云。喏。師云。錢塘爲甚麼去國三千里。僧云。豈干他事。師云。者掠虛漢。問首座。乾坤大地與你自己是同是別。曰。同。師曰。一切物命。蛾蟬蟻子是同是別。曰。同。師曰。你爲什麼干戈相待。問古人道。知有極則事。如何是極則事。師云。爭奈在。老僧手裏何。進云。某

甲問極則事師便棒云。吽吽。正當撥破。便道請益。這般底到處。但知亂統。近前來。我問你。尋常在長連牀上。商量向上。向下。超佛越祖。你道水牯牛。還有超佛越祖底道理麼。僧云。適來已有人問了也。師云。這個是長連牀上學得底。不要有便言。有無便言。無。僧云。若有更披毛帶角作麼。師云。將知你祇是學語之流。又云。來來。我更問你。諸人橫擔拄杖。道我參禪學道。便覓個超佛越祖底道理。我且問你。十二時中行住坐臥。屢矢送尿。至於茆坑裏蟲子。市肆買賣羊肉案頭。還有超佛越祖道理麼。道得底出來。若無。莫

妨我東行西行。便下座。問如何是法身向上事。師曰。向上與汝道。卽不難。作麼生會法身。曰。請和尚鑒。師曰。鑒卽且置。作麼生會法身。曰。與麼與麼。師曰。這個是長連牀上學得底。我且問你。法身還解喫飯麼。僧無對。師又云。法身喫飯。幻化空身。卽法身。乾坤大地。何處有也。物物不可得。以空噉空。若約檢點來。將謂合有與麼說話。妙喜曰。龍頭蛇尾。得人。僧法身喫飯。以空噉空。喚作無。得麼。我恁麼道。且作死馬醫。示衆云。燈籠是你自己。把鉢盂噉飯。飯不是你自己。有僧便問。飯是自己。亡時如何。師云。這野狐精。三家村裏漢。復云。來來。不是你。追飯是自己。

云是。師云。驢年夢見三家村裏漢。妙喜云用盡自己心笑破他人口。舉

座主就華嚴講。請翠巖齋。巖云山僧有個問。座主若道得。卽齋。巖便拈起胡餅云。還具法身麼。主云。具法身。巖云。與麼則喫法身也。主無語。本講座主代云。有什麼過。巖不肯。東使云。喏喏。師代云。特謝和尚。降重空筵。師云。光不透脫。有兩般病。一切處不明。面前有物。是一。又透得一切法空。隱隱地似有個物相似。亦是光不透脫。又法身亦有兩般病。得到法身。爲法執不忘。已見猶存。坐在法身邊。是一。直饒透得法身去。放過卽不可。子細點檢將來。有甚麼氣。

息亦是病。

妙喜曰：不用作禪會，不用作道會，不用作向上商量。罪過，汝若點檢得出，許你具擇法眼。若點檢不出，且向雲門葛藤裏參。妙喜又曰：而今學實法者，以透過法身為極致，而雲門反以為病，不知透過法身了，合作麼生到這裏？如人飲水，冷暖自知，不著問別人，問別人則禍事也。

垂語云：人人盡有光明在，看時不見暗昏昏，作麼生是

諸人光明？自代云：廚庫三門。又云：好事不如無。

圓悟勤云：如今人一

問舉著光明，便去瞠眼云：那裏是廚庫？那裏是三門？且得沒交涉。所以道：識取鉤頭意，莫認定盤星。此事不在眼上，亦不在境上，須是絕知見，忘得失，淨裸裸，赤灑灑，各各當人分上，究取始得。雲門云：日裏來，往日裏辨人，忽然半夜無日月燈光，曾到處則固是，未曾到處取一件物，還取得麼？參同契云：當明中有暗，勿以暗相覩。當暗中有明，勿以明相遇。若坐斷明暗，且道是個甚麼？所以道：心華發明，照十方刹盤山云：光非照境，境亦非存，光境俱亡，復是何物？

旨司錄

卷二十一 雲明

七

又云卽此見聞非見聞無餘聲色可呈君個中若了全無
事體用何妨分不分但會取末後一句了卻去前頭遊戲
畢竟不在裏頭作活計古人道以無住本立一切法不得
去這裏弄光影弄精魂又不得作無事會古人道南可起
有見如須彌山不可起無見如芥子許二乘人多偏墜此
見雪竇頌自照列孤明爲君通一線花謝樹無影看時
誰不見見不見倒拈拄杖曰凡夫實謂之有二乘析謂
騎牛兮入佛殿之無圓覺謂之幻有菩薩當體卽空衲僧家見拄杖便喚
作拄杖行但行坐但坐不得動著問樹凋葉落時如何
師云體露金風圓悟云且道雲門爲是答他話爲是與他
酬唱若道答他話錯認定盤星若道與他
唱和且得沒交涉旣不恁麼畢竟作麼生你若見得透衲
僧鼻孔不消一捏其或未然依舊打入鬼窟裏去又云你
若去他三句中求則腦後拔箭他一句中須具三句有講僧叅經時乃曰未到雲

門時。恰似初生月。及乎到後。曲彎彎地。師得知。乃問。是你道否。曰。是。師曰。甚好。吾問汝。作麼生。是初生月。僧乃斫額作望月勢。師曰。你如此。已後失卻目在。僧經旬日。復來。師又問。你還會也未。曰。未。會。師曰。你問我。僧便問。如何是初生月。師曰。曲彎彎地。僧罔措。後果然失目。白雲端云。這僧鼻孔不見。雖然如是。家住州西。黃龍新云。語驚時聽得。無動機。若謂這僧失雙目。入地。嶽如箭射。東禪觀云。這僧雖失雙目。光射九天。雲問。一生積惡。不知善。一生積善。不知惡。此意如何。師曰。燭。僧問。靈樹。如何是祖師西來意。樹默然。遷化後。門人立行狀碑。欲入此語。問師曰。先

師默然處。如何上碑。師對曰。師。問殺父殺母。向佛前懺悔。殺佛殺祖。向甚麼處懺悔。師曰。露。問承古有言了卽業障本來空。未了應須償宿債。未審二祖是了不了。師曰。確。問新到甚麼處人。曰。新羅。師曰。將甚麼過海。曰。草賊大敗。師引手曰。爲甚麼在我這裏。曰。恰是。師曰。一任踴跳。僧無對。問十二時中。如何得不空過。師曰。向甚麼處著此一問。曰。學人不會。請師舉。師曰。將筆硯來。僧乃取筆硯來。師作一頌曰。舉不顧。卽差互。擬思量。何劫悟。問。一口吞盡時如何。曰。我在你肚裏。曰。和尚爲甚麼在學人肚裏。師

曰。還我話頭來。師問嶺中順維那。古人豎起拂子。放下
 拂子。意旨如何。順曰。拂前見。拂後見。師曰。如是如是。師後
 舉問僧。你道當初諾伊。不諾伊。僧無對。師曰。可知禮也。
 問直歲甚處去來。曰。刈茆來。師曰。刈得幾個祖師。曰。三百
 個。師曰。朝打三千暮打八百。東家杓柄長。西家杓柄短。又
 作麼生。歲無語。師便打。問僧甚處來。曰。西禪。師曰。西禪
 有何言句。僧展兩手。師與一掌。曰。某甲話在。師卻展兩手。
 僧無語。師又打。問僧甚麼處來。曰。禮塔來。師曰。謔我。曰。
 某甲實禮塔來。師曰。五戒也不持。問僧看什麼經。僧云。

瑜伽論。師云。義墮也。僧云。甚麼處義墮。師云。自領出去。
問僧看甚麼經。其僧卻指旁僧云。和尚問何不祇對。師云。
露柱爲甚麼倒退三千里。僧云。豈干他事。師曰。學語之流。
代云。泊合不識勢。問。佛法如水中月。是否。師曰。清波無
透路。曰。和尚從何得。師曰。再問復何來。曰。正與麼時如何。
師曰。重疊關山路。問。上無攀仰。下絕己躬。時如何。師曰。
藏身一句。作麼生道。僧便禮拜。師曰。放過一著。置將一問。
來。僧無語。師云。這死蝦蟆。師問明教。今日喫得幾個胡
餅。曰。五個。師曰。露柱喫得幾個。曰。請和尚茶堂裏喫茶。

師齋次。拈起匙筯云。我不供養南僧。祇供養北僧。時有僧問。爲甚麼不供養南僧。師云。我要鈍置伊。云。爲甚麼祇供養北僧。師云。一箭兩垛。有僧問。祇如前意如何。師云。好卽同榮。師見新到云。雲峯和尚道。開卻路。達摩來也。我問你作麼生。僧云。築著和尚鼻孔。師云。地神惡發。把須彌山一擗。踣跳上梵天。拶破帝釋鼻孔。你爲甚麼向鼻孔裏藏身。僧云。和尚莫瞞人好。師云。築著老僧鼻孔。又作麼生。僧無對。師云。將知你祇是學語之流。代云。邏邏哩。妙喜曰。擔擔。換得一擔骨董。無星秤子。秤來付與。無知漆桶。且道無知。漆桶將作何用。你若道得活脫句。許你親見雲門。

師見飯頭云。汝是飯頭麼。云是。師云。顆裏有幾米。米裏有幾顆。頭無對。代云。某甲瞻星望月。問聖僧爲甚麼被大蟲齧。師云。與天下人作榜樣。王太傅問北院古人道。普現色身徧行三昧。佛法爲甚麼不到北俱盧洲。院云。祇爲徧行。所以不到。師云。如法置一問來。韋監軍見帳子畫牛牴樹。問僧牛牴樹。樹牴牛。僧無對。師代云。歸依佛法僧。師坐次有僧非時上來。師云。作甚麼。僧云。請益。師云。你。有什麼疑。僧云。某甲曾問和尚。一宿覺搬柴。柴搬一宿覺。師乃敲椅子三下。云。你作麼生會。僧云。一切臨時。師乃揎。

拳云。我與你相撲一交得麼。僧無對。次日僧再上。值師漱盥次。師乃將水碗過與僧云。送去厨下著。其僧送去了。卻來。師見來。乃從後門出去。其僧云。比來請益。祇得一口碗。問僧甚處來。曰。搬柴來。師曰。搬得多少轉。一宿覺曰。二十轉。師曰。你爲甚麼打落當門齒。僧無對。師便打曰。學語之流。自代曰也。知和尙佛法身心。又代前語曰。搬柴早是辛苦。因供養羅漢。問僧今夜供養羅漢。你道羅漢還來也無。僧無對。師曰。你問我。僧便問。師曰。換水添香。僧曰。與麼卽來也。師云。有什麼饅頭餽子。速下來。問僧甚處來。

云。涅槃堂。師云。亡僧還喫飯麼。僧云。不喫。師云。活人還喫飯麼。無對。師入京朝覲歸。至大橋山門。煎茶迎師。師喫茶。果次。僧侍立。師語二叅隨僧云。是你京中無可喫。乃拈一椀果子與一僧。其僧接得便去。又語一僧云。我不與你。僧無對。師云。那裏也有也。其僧又無對。別有僧出云。某甲今日也隨和尚來。請一分得麼。師云。噯。僧云。某甲罪過觸忤和尚。師云。我也不能唾得你。僧無對。師代前語云。也知果子少。兩人共一椀。代後語云。某甲更是。一日行次。一僧隨後行。師豎起拳云。如許大栗子。喫得幾個。僧云。和尚

莫錯。師云。是你錯。僧云。莫壓良爲賤。師云。靜處薩婆訶。

問。如何是清淨法身。師曰。花藥欄。曰。便怎麼去。時如何。師

曰。金毛師子。

雪竇頌云。花藥欄莫顛預。星在秤兮不在盤。便怎麼太無端。金毛師子大家看。

問

如何是一代時教。師曰。對一說。

雪竇頌云。對一說。太孤絕。無孔鐵椎重下楔。閭浮樹

下笑。呵呵。昨夜驪龍拘角。折別別。韶陽老人得一橛。

問。不是目前機。亦非目前事。

時如何。師曰。倒一說。

雪竇頌云。倒一說。分一節。同死同生。爲君決八萬四千非鳳毛。三十三人

入虎穴。別別。擾擾。匆匆。水裏月。

問。如何是塵塵三昧。師曰。鉢裏飯。桶裏

水。雪竇頌云。鉢裏飯。桶裏水。多口阿師難下嘴。北斗南星。位不殊。白浪滔天。平地起。擬不擬。止不止。個個無視長

者。

問。如何是雲門一句。師曰。臘月二十五。

問。如何是

告白錄

卷二十雲門

三

法身。師曰。六不收。圓悟別云。一不立。雪竇頌。一二三四。光。卷衣。又說歸西竺。西竺茫茫。無處尋。夜來卻對乳峯宿。問。如何是超佛越祖之談。師曰。胡餅。問。如何是佛。師曰。乾矢橛。問。如何是諸佛出身處。師曰。東山水上行。問。不起一念。還有過也無。師曰。須彌山。問。如何是透法身句。師曰。北斗裏藏身。白雲端頌。五陵公子遊花慣。未第貧儒自古多。冷地看他人富貴。等閑不奈幙頭何。廬山玉礪林禪師頌。北斗藏身爲舉揚。法身從此露堂堂。雲門賺殺他家子。直至如今漫度量。後五祖戒見林。問作偈之意。林舉目視之。戒曰。若果如此。雲門不值一錢。公亦當無兩目。遂去。林竟如所言。而戒暮年亦失一目。洪覺範曰。今妄意測度先德之旨。疑悞後生者。亦可少戒。中峯廣拈玉礪因緣云。北斗藏身話。豈但玉礪頌不出。便是五祖戒也。只得向背後叉手。暮年各損一。

目也是好采。覺範謂誣謗先宗感果如是。休將閑學解埋沒祖師心。幻寄曰。一盞長明燈。中峯吹殺了。

上

堂拈起拂子云。這裏得個入處。去捏怪也。日本國裏說禪。

三十三天。有個人出來喚云。吽吽。特舍兒擔枷過狀。妙喜曰。這

老漢克由耐。冒姓佃官田。更不納苗稅。

師云。十五日已前。不問汝。十五日

已後。道將一句來。自代云。日日是好日。

雪竇頌。去卻一拈得七。上下四維無

等匹。徐行踏斷流水聲。縱觀寫出飛禽跡。草茸茸。烟霽霽。空生巖畔花。狼藉彈指堪悲舜。若多莫動著。動著三十棒。

師云。古佛與露柱相交。是第幾機。僧問。意旨如何。師云。

一條絛。三十文買。復代前語云。南山起雲。北山下雨。僧又

問。一條絛。三十文買。如何。師云。打與。雪竇頌。南山雲。北山

新羅國裏曾上堂。大唐國裏未打鼓。
苦中樂。樂中苦。誰道黃金如糞土。

師以乾祐元年七

月十五。赴廣主召。至府畱止供養。九月甲子。乃還山。謂眾

曰。我離山得六十七日。且問汝六十七日。事作麼生。眾莫

能對。師曰。何不道和尙京中喫麵多。僧來叅。師乃拈起

袈裟曰。汝若道得。落我袈裟圈襪裏。汝若道不得。又在鬼

窟裏坐。作麼生。自代曰。某甲無氣力。妙喜曰。西天斬頭截

示眾。古德道。藥病相治。盡大地是藥。那個是你自己。乃

曰。遇賤卽貴。僧曰。乞師指示。師拍手一下。拈拄杖曰。接取

拄杖。僧接得。拗作兩橛。師曰。直饒恁麼。也好與三十棒。雪竇

頌盡大地是藥。那個是你自己。云盡大地是藥。古今何
大錯。閉門不造車。通塗自寥廓。錯錯鼻孔。撩天亦穿卻。
上堂。眾集。師以拄杖指面前曰。乾坤大地。微塵諸佛。總在
裏許。爭佛法。覓勝負。還有人諫得麼。若無人諫得。待老漢
與你諫看。僧曰。請和尚諫。師曰。這野狐精。上堂。眼睫橫
亘十方。眉毛上透乾坤。下透黃泉。須彌塞卻。汝咽喉。還有
人會得麼。若有人會得。拽取占波。共新羅鬪額。妙喜曰。是
大明咒。是無上咒。是無等等咒。能除一切苦。真實不
虛妄。諸人要識雲門麼。不見道。三臺須是大家催。上
堂。乾坤之內。宇宙之間。中有一寶秘。在形山。拈燈籠向佛
殿裏。將三門來燈籠上。作麼生。自代云。逐物意移。又曰。雲

起雷興雪竇頌云看看古岸何人把釣竿上堂聞聲悟

道見色明心遂舉手曰觀世音菩薩將錢買胡餅放下手

曰元來祇是饅頭上堂函蓋乾坤目機銖兩不涉世緣

作麼生承當眾無對自代云一鏃破三關智證傳雲門宗有三句謂天中

函蓋目機銖兩不涉世緣又云以此三句為示者解釋秦時輾轉鑽之詞也法華經曰得一切語言三昧而大智論

曰善入音聲陀羅尼以此也上堂諸和尚子莫妄想天

幻寄曰癡兒面前不得說夢

是天地是地山是山水是水僧是僧俗是俗良久曰與我

拈案山來僧便問學人見山是山水是水時如何師曰三

門為甚麼騎佛殿從這裏過曰恁麼則不妄想去也師曰

還我話頭來。上堂平地上死人無數。過得荆棘林者。是好手。時有僧出曰。與麼則堂中第一座有長處也。師曰。蘇嚕蘇嚕。上堂直得乾坤大地。無纖毫過患。猶是轉句。不見一色。始是半提。直得如此。更須知有全提時節。示眾。日裏來往。日裏辨人。忽然中夜。教取個物來。未曾到處。作麼生取。代云。瞞卻多少人。示眾。迷己底人。觸途俱滯。悟本底人。爲甚麼有四大見。代云。益州附子。建州薑。示眾。從上祖師。三世諸佛。說法山河大地草木。爲甚麼不省去。代云。新到行人。示眾。既知來處。且道甚麼劫中無祖。

師代云某甲今日不著便。

徑山杲云雲門也是作賊人心虛。徑山即不然。既知來處且道。

甚麼劫中無祖師不圖打草且要驚蛇。

示眾布漫天網打龍布絲網撈蝦。

攆蜺你道螺蚌落在甚麼處。代云具眼。示眾折半裂三。

針筒鼻孔在甚麼處爲我一拈出來看。代云上中下。

妙喜

云倚門傍戶弄精魂。

示眾挂杖子化爲龍吞卻乾坤了也。山河大

地甚處得來。示眾十方國土中惟有一乘法且道自己

在一乘法裏一乘法外代云入。

妙喜曰特地一場愁。

示眾要識祖

師麼以拄杖指曰祖師在你頭上踣跳要識祖師眼睛麼

在你腳下又曰這個是祭鬼神茶飯然雖如此鬼神也無

厭足

妙喜曰。不見道。畱惑潤生。時有僧在旁。咳嗽一聲。妙喜曰。老漢恁麼道。有甚麼過。僧擬議便打。

僧

舉灌溪上堂。十方無壁落。四面亦無門。淨裸裸。赤灑灑。沒可把。師曰。舉卽易。出也大難。曰。上座不肯和尚與麼道。那師曰。你適來與麼舉。那曰。是。師曰。你驢年夢見灌溪。曰。某甲話在。師曰。我問你十方無壁落。四面亦無門。你道大梵天王與帝釋天。商量甚麼事。曰。豈干他事。師喝曰。逐隊喫飯漢。師云。古來老宿。皆爲慈悲之故。有落草之談。隨語識人。若是出草之談。卽無與麼。若與麼。便有重話會語。不見仰山和尚問僧。近離甚麼處。僧云。廬山。仰山云。曾遊五老。

峯厯曰。不曾仰云。闍黎不曾遊山。此卽爲慈悲之故。有落
草之談。爲山秀云。今人盡道慈悲之故。有落草之談。只知
捉月不覺水深。忽若雲門當時謹慎唇吻未審。後
人若爲話會。然水母無目。求食須假於蝦。雪竇頌出草
入草。誰解尋討。白雲重重。紅日杲杲。左顧無瑕。右盼已老。
君不見寒山子行太早。十年歸不得。忘卻來時道。師云。不敢望你有逆水之波。
且有順水之意也。難得。乃舉良遂初參麻谷。谷見來。便去
鉏草。良遂到鉏草處。谷都不顧。便歸方丈。閉卻門。良遂連
三日敲門。至第三日。纔敲門。谷問阿誰。遂云。和尚莫瞞良
遂。若不來禮拜和尚。泊被經論賺過一生。師云。便有逆水
之波。如今得入。是順水之意。亦喚作雙放時節。示眾。莫

道今日謾諸人好。抑不得已。向諸人前作一場狼藉。忽被明眼人見。成一場笑具。如今避不得也。且問你諸人。從上來有甚事。欠少甚麼。向你道無事。已是相埋沒也。雖然如是也。須到這田地始得。亦莫趁口快亂問。自己心裏黑漫漫地。明朝後日。大有事在。你若根思遲回。且向古人建化門庭。東覷西覷。看是個甚麼道理。你欲得會麼。都緣是你自己無量劫來。妄想濃厚。一期聞人說著。便生疑心。問佛問法。問向上向下。求覓解會。轉沒交涉。擬心卽差。況復有言有句。莫是不擬心。是麼。莫錯會好。更有甚麼事珍重。

又曰。江西卽說君臣父子。湖南卽說他不與麼。我此間卽不如此。良久曰。汝還見壁麼。又曰。從上來。且是個甚麼事。如今抑不得已。且向諸人道。盡大地有什麼物。與汝爲緣爲對。若有針鋒許。與汝爲隔爲礙。與我拈將來。喚什麼作佛。喚什麼作祖。喚什麼作山河大地。日月星辰。將什麼爲四大五蘊。我與麼道。喚作三家村裏老婆說話。忽然遇著本色行腳漢。聞與麼道。把腳拽向階下。有甚麼罪過。雖然如是。據個什麼道理。便與麼。莫趁口快。向這裏亂道。須是個漢始得。忽然被老漢腳跟下尋著沒去處。打腳折有。

什麼罪過。卽與麼。如今還有問宗乘中話者麼。待老漢答一轉了。東行西行。又曰。盡乾坤一時將來著汝眼睫上。汝諸人聞恁麼道。不敢望汝出來性燥。把老僧打一搥。且緩緩子細看。是有是無。是個甚麼道理。直饒汝向這裏明得。若遇衲僧門下。好槌腳折。又曰。三乘十二分教。橫說豎說。天下老和尚。縱橫十字說。與我拈針鋒許說底道理來看。與麼道。早是作死馬醫。雖然如此。且有幾個到此境界。不敢望汝言中有響。句裏藏鋒。瞬目千差。風恬浪靜。又曰。我事不獲已。向你諸人道。直下無事。早是相理沒了。

也。更欲踏步向前。尋言逐句。求覓解會。千差萬別。廣設問難。贏得一場口滑。去道轉遠。有什麼休歇時。此事若在言語上。三乘十二分教。豈是無言語。因甚麼更道教外別傳。若從學解機智得。祇如十地聖人說法如雲如雨。猶被訶責。見性如隔羅縠。以此故知。一切有心。天地懸殊。雖然如此。若是得底人。道火何曾燒口。終日說事。未嘗挂著唇齒。未嘗道著一字。終日著衣喫飯。未嘗觸著一粒米。挂一縷絲。雖然如此。猶是門庭之說也。須是實得恁麼始得。若約衲僧門下。句裏呈機。徒勞伫思。直饒一句下承當得。猶是

瞌睡漢時有僧問。如何是一句。師曰。舉。妙喜曰。瞌睡漢。又曰。諸

法不異者。不可續。鳬截鶴。夷嶽盈壑。然後爲無異者哉。但

長者長法身。短者短法身。是法住法位。世間相常住。舉拄

杖曰。拄杖子不是常住。忽起立。以拄杖擊繩牀曰。適來許

多葛藤。貶向什麼處去也。靈利底見。不靈利底著我熱瞞。

又曰。不可說時。卽有。不說時。便無也。不可商量時。便有。

不商量時。便無也。又云。且道。不商量時。是個甚麼。又云。更

是甚麼。師作綱宗偈曰。康氏圓形滯不明。魔深虛喪擊

寒氷。鳳羽展時超碧漢。晉鋒八博擬何憑。其是機是對對

旨司錄

卷二十雲門

三

機迷。關機塵。遠遠塵。樓夕。日日中。誰有挂。因底底事。隔塵。
迷。^二其喪時光。藤林荒。徒人意。滯肌。厓。^三其咄咄。力口希。禪。
子訝。中眉垂。^四其上不見天。下不見地。塞卻咽喉。何處出氣。
笑我者多。哂我者少。^五其師每顧見僧。卽曰鑒。僧欲酬之。
則曰。咦。率以爲常。故門弟子錄曰。顧鑒。咦。德山密禪師。刪
去顧字。但以鑒。咦。二字爲頌。謂之抽顧頌。^{洪覺範曰。今其}
^{人以怒目直視。名爲提擲。名爲不認聲色。名爲舉處便薦。}
^{相傳以爲道眼。北塔祚禪師獨笑之。作偈曰。雲門抽顧笑。}
^{嬉嬉。擬議遭他顧。鑒。咦。任是張良多智巧。到頭於此亦難。}
^{施人。天眼目。載密師頌云。相見不揚眉。君東我亦西。紅霞}
^{穿碧落。白。}
日繞須彌。乾和七年四月十日。端坐示寂。迨乾德元年。

雄武軍節度推官阮紹莊夢師以拂子招曰寄語秀華宮
使特進李托我在塔久可開塔乎托時奉使韶州監修營
諸寺院因得紹莊之語奏聞詔迎師肉身內宮供養啟塔
顏貌如昔鬚髮猶生自南漢乾和七年至宋乾德元年蓋
十七年矣畱京師月餘仍送還山佛印元曰雲門說法如
雲雨絕不喜人記錄其
語見必罵逐曰汝口不用反記吾語異時裨販我去今室
中對機錄皆香林明教以紙爲衣隨卽書之後世學者漁
獵文字語言正如吹
網欲滿非愚卽狂耳

指月錄卷之二十終

指月錄卷之二十一

六祖下第八世

吉州資福貞邃禪師。上堂。隔江見資福。刹竿便回去。腳跟下好與三十棒。況過江來時。有僧纔出。師曰。不堪共語。

郢州芭蕉山繼徹禪師。初叅風穴。穴問如何。是正法眼。師曰。泥彈子。穴異之。次謁先芭蕉。蕉上堂。舉仰山道。兩口一無舌。此是吾宗旨。師豁然有省。

彭州承天院辭確禪師。僧問。眾罪如霜露。慧日能消除。時如何。師曰。亭臺深夜雨。樓閣靜時鐘。曰。爲甚麼因緣會遇時。

果報還自受。師曰。管筆能書。片舌解語。

汝州風穴延沿禪師。餘杭劉氏子。少魁礪。有英氣。於書無所不觀。然無經世意。父兄強之仕。一應舉。至京師。卽東歸。從開元寺智恭律師剃髮。受具。遊講肆。玩法華。弘義。修正。觀定慧。夙師爭下之。棄去。遊名山。到越州。謁鏡清。清問近離甚處。師曰。自浙東來。清曰。還過小江也無。師曰。大舸獨飄空。小江無可濟。清曰。鏡水秦山。鳥飛不度。子莫道聽途言。師曰。滄溟尙怯艤輪勢。列漢飛帆渡五湖。清豎拂子曰。爭奈這個何。師曰。這個是某麼。清曰。果然不識。師曰。出沒卷。

舒與師同用。清曰。杓人聽虛聲。熟睡饒調語。師曰。澤廣藏山。理能伏豹。清曰。捨罪放恣。須速出去。師曰。出去卽失。便出到法堂。乃曰。夫行腳人。因緣未盡其善。不可便休去。卻回曰。某甲適來輒陳小駭。冒瀆尊顏。伏蒙慈悲。未賜罪責。清曰。適來言從東來。豈不是翠巖來。師曰。雪竇親棲寶蓋。東清曰。不逐亡羊狂解息。卻來這裏念篇章。師曰。路逢劍客。須呈劍。不是詩人莫獻詩。清曰。詩速秘卻。畧借劍看。師曰。鼎首甑人攜劍去。清曰。不獨觸風化。亦自顯顛預。師曰。若不觸風化。爭明古佛心。清曰。如何是古佛心。師曰。再許。

允客。師今何有。清曰。東來衲子。菽麥不分。祇聞不已而已。何得抑已而已。師曰。巨浪涌千尋。澄波不離水。清曰。一句截流。萬機寢削。師便禮拜。清曰。衲子俊哉。到黃龍。龍曰。石角穿雲路。垂條意若何。師曰。紅霞籠玉象。擁嶂照川原。曰。恁麼則相隨去也。師曰。和尚低聲。到華嚴。嚴曰。我有牧牛歌。輒請闍黎和。師曰。羯鼓掉鞭牛豹跳。遠村海樹嘴盧都。因寓止華嚴。爲維那。屬廓侍者。從南院來。侍者見嚴語具前卷侍者章中師心奇之。因結爲友。遂默悟三旨要。歎曰。臨濟用處如是耶。廓使更見南院。師叅南院。入門不禮拜。院曰。入門須

辨主。師曰：端的請師分。院於左膝拍一拍，師便喝。院於右膝拍一拍，師又喝。院曰：左邊一拍且置，右邊一拍作麼生？師曰：瞎。院便拈棒。師曰：莫盲柳瞎棒。奪打和尚。莫言不道。院擲下棒曰：今日被黃面浙子鈍置一場。師曰：和尚大似持鉢不得。詐道不饑。院曰：闍黎曾到此間麼？師曰：是何言歟？院曰：老僧好好相借問。師曰：也不得放過。便下叅眾了。卻上堂頭禮謝。院曰：闍黎曾見甚麼人來？師曰：在襄州華嚴與廊侍者同夏。院曰：親見作家來。院問南方一棒作麼商量。師曰：作奇特商量。師卻問和尚：此間一棒作麼商量。

院拈拄杖曰。棒下無生忍。臨機不見師。師於言下大徹。系

旨。遂依止六年。碧巖集云。初參雪峯五年。因請益臨濟兩

與巖頭欽山去見臨濟。屬濟已示寂。若要會他。賓主話須

參他。派下尊宿。師遂辭行。見瑞巖巖常自喚主人。公師云

自拈白弄有甚麼難。後在襄州鹿門與廓侍者過夏。廓指

示參南院。一日舉見雪峯語。院云。雪峯古佛集。又舉見南

院語。如上院復云。你看俊流。自是機鋒。峭峻南院亦未辨

得他。至次日南院只作尋常問云。今夏在甚麼處。師云。鹿

門與廓侍者同過夏。院云。原來親見作家來。又云。他向你

道什麼。師云。始終只教某甲一向作主。院便打。推出方丈

云。這般納敗闕底漢。有什麼用處。師自此服膺在南院會

下。作圓頭。一日院到園裏問云。南方一棒云云。同上妙喜

拈南院問師。南方一棒話。曰。風穴當時好大展坐具。禮拜

拜不然。與掀倒禪牀。乃回顧冲密曰。你道風穴當時禮拜

即是。掀倒禪牀。即是冲密曰。草賊

大敗。妙喜曰。你看這瞎漢便打。

一日南院謂師曰。汝

乘願力來荷大法。非偶然也。問曰。汝聞臨濟將終時語否。
曰。聞之。曰。臨濟曰。誰知吾正法眼藏。向這瞎驢邊滅卻。渠
平生如師子。見卽殺人。及其將死。何故屈膝安尾。如此。對
曰。密付將終。全主卽密。又問三聖如何亦無語乎。對曰。親
承入室之真子。不同門外之遊人。南院頷之。又問。汝道四
種料簡語。料簡何法。對曰。凡語不滯。凡情卽墮。聖解。學者
大病。先聖哀之。爲施方便。如楔出楔。曰。如何是奪人不奪
境。曰。新出紅鑪金彈子。遙破闍黎鐵面皮。又問。如何是奪
境不奪人。曰。芻草寸分頭腦裂。亂雲初綻影猶存。又問。如

何是人境俱奪。曰。躡足進前。須急急。捉鞭當鞅。莫遲遲。又問。如何是人境俱不奪。曰。常憶江南三月裏。鷓鴣啼處。百花香。又問。臨濟有三句。當日有問。如何是第一句。濟曰。三要印開朱點窄。未容擬議主賓分。師隨聲便喝。又問。如何是第二句。濟曰。妙解豈容無著問。漚和爭負截流機。師曰。未問已前錯。又問。如何是第三句。濟曰。但看棚頭弄傀儡。抽牽全藉裏頭人。師曰。明破卽不堪。於是南院以爲可以支臨濟。後唐長興二年。至汝水風穴寺。時寺已摧殘。惟草屋數椽。師入駐錫。日乞村落。夜然松脂。單丁者七年。檀

信乃爲新之成叢林。僞晉天福二年。上元開法。上堂。祖師心印。狀似鐵牛之機。去卽印住。住卽印破。祇如不去不住。卽卽是不印。卽卽是還有人道得麼。時有盧陂長老出問。學人有鐵牛之機。請師不搭印。師曰。慣釣鯨鯢。澄巨浸。卻憐蛙步。騷泥沙。陂注思。師喝曰。長老何不進語。陂擬議。師便打一拂子。曰。還記得話頭麼。陂擬開口。師又打一拂子。時有牧主曰。信知佛法與王法一般。師曰。見甚麼道理。主曰。當斷不斷。反招其亂。師便下座。上堂。若立一塵。國家興盛。野老輦蹇。不立一塵。家國喪亡。野老安帖。於此明得。

闍黎無分。全是老僧。於此不明。老僧卻是闍黎。闍黎與老僧亦能悟卻天下人。亦能瞎卻天下人。欲識闍黎麼。右邊一拍曰。這裏是。欲識老僧麼。左邊一拍曰。這裏是。五祖演云。太平卽不然。若立一塵法堂前。草深一丈。不立一塵。錦上添花。何也。不見道。九九八十一窮漢。受罪畢。纔擬展脚眠。蚊蟲出。猶蚤。示眾。先師曰。欲得親切。莫將問來問。會麼。問在答處。答在問處。雖然。如有時。問不在答處。答不在問處。汝若擬議。老僧在汝脚跟底。大凡參學。眼目直須臨機大用。現前勿自拘於小節。設使言前薦得。猶爲滯殼迷封。句下精通。未免觸途狂見。應是向來依他作解。明昧兩岐。與汝

一切掃卻。直教個個如師子兒。吒呀地。對眾證據。哮吼一聲。壁立千仞。誰敢正眼覷著。覷著卽瞎卻渠眼。師問懷本上座云。有事借問得麼。本云。不可惜口去也。師云。不惜口。卽道本擬議。師便打。又問第二人。莫道得麼。僧云。道甚麼。師又打。又問第三人云。三人同行。必有我師。作麼生是我師。僧云。見叅禮次。師亦打云。過這邊立。復云。將頭不猛。誤累三軍。瞎漢叅堂去。本至明日上堂。頭親近云。某甲夜來有甚麼過。便蒙賜棒。師云。你要會麼。以手左邊一拍云。這裏是祖師意。以手右邊一拍云。這裏是教意。還會麼。本

不肯便去。後到穎橋安上座處。舉前話。安云。風穴棒折。那本云。上座臂腕終不向外曲。安云。你會風穴道者。裏是祖意。教意麼。非唯你不會。直饒白兆老口赫赤地。教他舉也。舉不得。防禦使問南院大善知識。還具見聞覺知否。院便掌。使不肯。遂以前語復問師。師云。荆棘荒榛。棄來久矣。云妙用又如何。師云。王子帶刀全意氣。貧人擒倒語聲。謝使深肯之。遂舉到南院。院隨問便掌語。師云。是深相爲。使方委悉。上堂。舉寒山詩曰。梵志死去來。魂識見閻老。讀盡百王書。未免受捶拷。一稱南無佛。皆以成佛道。僧問如。

何是一稱南無佛。師曰。燈連鳳翅當空照。月映蛾眉頓面
看。問摘葉尋枝。卽不問。直截根源事若何。師曰。赴供凌
晨去。開塘帶雨歸。問隨緣不變者。忽遇知音時如何。師
曰。披蓑側立千峯外。引水澆蔬五老前。問九夏賞勞。請
師言薦。師曰。出袖拂開龍洞雨。泛杯波涌鉢囊花。問最
初自恣。合對何人。師曰。一把香芻拈未暇。六環金鋤響遙
空。問如何是清淨法身。師曰。金沙灘頭馬郎婦。問如
何是佛。師曰。杖林山下竹筋鞭。眞淨頌云。杖林山下竹筋
鞭。水在深溪。月在天良。馬不知何處去。阿誰依舊世尊前。
宋開寶六年八月旦日。登座說偈曰。道

在乘時須濟物。遠方來慕。自騰騰。他年有叟情相似。日日香煙夜夜燈。至十五日。跏趺而化。前一日。手書別檀越。閱世七十有八。坐五十有九夏。

穎橋安禪師。

號鐵胡

與鍾司徒向火次。鍾忽問三界焚燒時。如

何出得。師以香匙撥開火。鍾擬議。師曰。司徒司徒。鍾忽有省。

郢州興陽歸靜禪師。初叅西院。便問擬問不問時如何。院便打。師良久。院曰。若喚作棒。眉鬚墮落。師於言下大悟。

鄂州黃龍山。誨機超慧禪師。初叅巖頭。問如何是祖師西來。

目録 卷二十一 明招謙

意頭曰。你還解救糍麼。師曰。解。頭曰。且救糍去。後到平泉。問如何是祖師西來意。泉拈起一莖阜角曰。會麼。師曰。不會。泉放下阜角。作洗衣勢。師便禮拜曰。信知佛法無別。泉曰。你見甚麼道理。師曰。某甲曾問巖頭。頭曰。你還解救糍麼。救糍也。祇是解粘。和尚提起阜角。亦是解粘。所以道無別。泉呵呵大笑。師遂有省。幻寄曰。平泉若無後笑。幾乎帶累巖頭。黃龍一笑。下脫卻毛角。尚未免牽犁拽耙。問急切相投。請師通信。師曰。火燒裙帶香。問風恬浪靜時如何。師曰。百尺竿頭五兩垂。問毛吞巨海。芥納須彌。未是學人本分事。如何是學人本分事。師曰。

封了合盤市裏揭。師將順世。僧問百年後鉢囊子甚麼人將去。師曰。一任將去。曰。裏面事如何。師曰。線綻方知。曰。甚麼人得。師曰。待海燕雷聲。卽向汝道。言訖而寂。

婺州明招德謙禪師。受羅山印記。靡滯於一隅。激揚乎旨。諸老宿皆畏其敏捷。後學鮮敢當其鋒者。到招慶。指壁畫問僧。那個是甚麼神。曰。護法善神。師曰。會昌沙汰時。向甚麼處去來。僧無對。師令僧問演侍者。演曰。汝甚麼劫中遭此難來。僧回舉似師。師曰。直饒演上座。他後聚一千眾。有甚麼用處。僧禮拜。請別語。師曰。甚麼處去也。到坦長老。

處。坦曰。夫叅學。一人所在亦須到。半人所在亦須到。師便問一人所在。卽不問。如何。是半人所在。坦無對。後令小師問師。師曰。汝欲識半人所在麼。也祇是弄泥團漢。清上座舉仰山插鋏話問師。古人意在叉手處。插鋏處。師召清。清應諾。師曰。還夢見仰山麼。清曰。不要上座下語。祇要商量。師曰。若要商量。堂頭自有一千五百人老師在。到雙巖巖請喫茶次。曰。某甲致一問。若道得。便捨院與闍黎住。若道不得。卽不捨院。遂舉金剛經云。一切諸佛及諸佛阿耨多羅三藐三菩提法。皆從此經出。且道此經是何人說。

師曰。說與不說。拈向這邊著。祇如和尚決定喚甚麼作此經。巖無對。師又曰。一切聖賢皆以無爲法而有差別。則以無爲法爲極則。憑何而有差別。祇如差別是過。不是過。若是過。一切聖賢悉皆是過。若不是過。決定喚甚麼作差別。巖亦無語。師曰。噫。雪峯道底。到堯菴。乃提起繚子云。得恁麼鬚鬚地。菴云。莫錯認定盤星。師曰。恰是。訪保甯。於中路相遇。便問。兄是道伴中人。乃點鼻頭曰。這個礙塞我不徹。與我拈卻。少時得麼。甯曰。和尚有來多少時。師曰。噫。幾賺我踏破一緇草鞋。便回。國泰代曰。非但某甲。諸佛。

亦不奈何。師曰。因甚麼以己妨人。師在疾。一日國泰深和尚來問疾。侍者通報云。深師叔來。師乃令請深。纔入方丈。師便云。阿哪阿哪。深師叔。救取老僧。深云。和尚有甚麼救處。師舉頭一覷云。咦。眼子烏。啐啐地。依前是舊時。深上座。乃回身面壁。更不相見。師病愈。往國泰。深乃領眾出接。至門首。師乃指金剛云。者兩個漢。在這裏作什麼。深揎拳作金剛勢。師云。殿裏黃面老子笑你。師問國泰。瑫和尚云。古人道。俱胝祇念三行咒。便得名。超一切人。作麼生。與他拈卻三行咒。便得名。超一切人。國泰豎起一指。師云。

不因今日爭識得瓜州客。師會迅菴主。在高司徒宅。見挂彌勒幃子。師指彌勒佛喚云。菴主。主應諾。師云。這漢還徹也未。主無語。師云。黃連和根煮也未。是苦。後國泰代。合掌云。善哉善哉。師云。和尚與他鄰舍住菴。即得。師在招慶。因普請去王太傅宅取木佛。傳乃問大眾云。忽遇丹霞。又作麼生。眾無語。師當時提起向頂上云。也要分付著人。嘗與僧擁鑪。僧問曰。目前無法。意在目前。不是目前法。非耳目所到。那句是主。那句是賓。師指火曰。與我向此中拈出一莖眉毛得麼。僧曰。非但學人。盡大地人喪身失命。

師曰汝因甚麼自把髻投衙乎。徑山杲云這僧有頭無尾明招有尾無頭有人道得

頭尾圓全句雲門與你拄杖子

師在婺州智者寺居第一座尋常不受

淨水主事。嗔曰上座不識觸淨爲甚麼不受淨水。師跳下

牀提起淨瓶曰這個是觸是淨事無語。師乃撲破。師有

師叔在解院不安附書來問曰某甲有此大病如今正受

疼痛一切處安置伊不得還有人救得麼。師回信曰頂門

上中此金剛箭透過那邊去也。會下有僧去住菴一年

後卻來禮拜曰古人道三日不相見莫作舊時看。師撥開

胸曰汝道我有幾莖蓋膽毛。僧無對。師師問汝甚麼時離

菴曰。今朝師曰來時折腳鐺。子分付與阿誰。僧又無對。師乃喝出。師有偈曰。師子教兒迷子法。進前跳躑忽翻身。羅紋結角交加處。鶻眼龍睛失卻真。臨遷化上堂曰。一百年中祇看今日。今日事作麼生。吾住此山四十年。惟用一劍活人眼目。乃拈巾曰。如今有純陀麼。提向諸方展看。作擲勢。僧問純陀獻供。末後殷勤時如何。師曰。莫相孤負。好。又問和尚遷化向什麼處去。舉足曰。足下看。又問百年後以何爲極則。師提巾便擲。中夜問侍者。昔日靈山會上。釋迦如來展開雙足。放百寶光。遂展足曰。吾今放多少者。

曰。昔日世尊。今宵和尚。師以手撥眉曰。莫孤負麼。乃說偈。曰。驀刀叢裏逞全威。汝等諸人善護持。火裏鐵牛生犢子。臨歧誰解湊吾機。偈畢端坐而逝。

漳州羅漢院桂琛禪師。常山李氏子。爲兒童時。日一素食。旣冠。事本府萬歲寺無相大師披削。登戒學毘尼。一日爲眾陞臺宣戒本。布薩已。乃曰。持戒但律身而已。依文作解。豈發聖智乎。於是訪南宗。初謁雲居雪峯。猶未有所見。後造。沙。一言啟發。廓爾無惑。沙問。三界惟心。汝作麼生會。師指倚子曰。和尚喚這個作甚麼。曰。倚子。師曰。和尚不會。

三界惟心。曰我喚這個作竹木。汝喚作甚麼。師曰。桂琛亦喚作竹木。曰盡大地覓一個會佛法底人不可得。師自爾愈加激勵。師侍沙在方丈。說話夜深。侍者閉卻門。沙曰。門總閉了。汝作麼生得出去。師曰。喚甚麼作門。法燈別云。和尚莫欲去。漳州牧王公。請住城西石山。十餘年。遷止羅漢破垣。敗簣人不堪其憂。非忘身爲法者不至。因插田次。見僧問甚處來。曰南州。師曰。彼中佛法如何。曰商量浩浩地。師曰。爭如我這裏栽田博飯喫。曰爭奈三界何。師曰。喚甚麼作三界。問僧甚處來。曰南方來。師曰。南方知識有何言。

句示徒曰彼中道金屑雖貴眼裏著不得師曰我道須彌
在汝眼裏。問。如何是羅漢一句。師曰我向汝道。卻成兩
句。保福僧到。師問彼中佛法如何。曰有時示眾曰。塞卻
你眼。教你覷不見。塞卻你耳。教你聽不聞。坐卻你意。教你
分別不得。師曰。吾問你不塞你眼。見個甚麼。不塞你耳。聞
個甚麼。不坐你意。作麼生分別。東禪齊云。那僧聞了。忽然
還會麼。若不會。每日見個甚麼。妙。省去。更不他遊上座。如今
喜日。富嫌千口少。貧恨一身多。僧報曰。保福遷化也。
師曰。保福遷化。地藏入塔。師見僧舉拂子曰。還會麼。曰
謝和尙慈悲示學人。師曰。見我豎拂子。便云示學人。汝每

日見山見水。可不示汝。又見僧來舉拂子。其僧讚歎禮拜。師曰。見我豎拂子。便禮拜讚歎。那裏掃地。豎起掃帚。爲甚麼不讚歎。問。一佛出世。普爲羣生。和尚今日。爲個甚麼。師曰。甚麼處遇一佛。曰。恁麼卽學人罪過。師曰。謹退。翫月次。乃曰。雲動有雨去。有僧曰。不是雲動。是風動。師曰。我道雲亦不動。風亦不動。曰。和尚適來又道雲動。師曰。阿誰罪過。問僧甚麼處來。曰。秦州。師曰。將得甚麼物來。曰。不將得物來。師曰。汝爲甚麼對衆謾語。其僧無對。師卻問秦州。豈不是出鸚鵡。曰。鸚鵡出在隴西。師曰。也不較多。王太

傳上雪峯施眾僧衣時從弇上座不在師弟代上名受衣
弇歸弟曰某甲爲師兄上名了弇曰汝道我名甚麼弟無
對師代云師兄得恁麼貪又曰甚麼處是貪處又代云兩
度上名雲居錫云甚麼處是弇上座兩度上名處師與長慶保福入州見牡
丹障子保福曰好一朵牡丹花長慶曰莫眼花師曰可惜
許一朵花予覺云三尊宿語還有親疏也無祇如羅漢恁麼道落在甚麼處上堂諸上座
不用低頭思量思量不及便道不用揀擇委得下口處麼
汝向什麼處下口試道看還有一法近得汝還有一法遠
得汝麼同得汝異得汝麼既然如是爲甚麼卻特地艱難

去。上堂。宗門。平妙。爲當。祇恁麼也。更別有奇特。若別有奇特。汝且舉將來。看。若無去。不可將兩個字。便當卻宗旨也。何者。兩個字。謂宗乘。教乘也。汝纔道著宗乘。便是宗乘。道著教乘。便是教乘。禪德。佛法宗乘。原來由汝口裏安立名字。作取說取便是也。斯須向這裏說。平說實說。圓說常說。禪德。汝喚甚麼作平實。把甚麼作圓常。傍家行腳。理須懸別。莫相埋沒。得些子聲色名字。貯在心頭。道我會解。善能揀辨。汝且會個甚麼。揀個甚麼。記持得底。是名字。揀辨得底。是色聲。若不是聲色名字。汝又作麼。生記持揀辨。風吹

松樹也是聲。蝦蟇老鴟叫也是聲。何不那裏聽取。揀辨去。
若那裏有個意度模樣。祇如老師口裏。又有多少意度。與
上座莫錯。卽今聲色。拚拚地爲當相及不相及。若相及。卽
汝靈性金剛秘密。應有壞滅去也。何以如此。爲聲貫破汝
耳色。穿破汝眼。因緣卽塞。卻汝幻妄走殺汝。聲色體爾不
可容也。若不相及。又甚麼處得聲色來。會麼。相及不相及。
試裁辨看。少間又道是圓常平實。甚麼人恁麼道。未是黃
夷村裏漢。解恁麼說。是他古聖垂些子相助顯發。今時不
識好惡。便安圓實。道我別有宗風。乎妙。釋迦佛無舌頭。不

如汝些子。便恁麼點胸。若論殺盜姪罪。雖重猶輕。尚有歇
 時。此個謗般若。瞎卻眾生眼。入阿鼻地獄。吞鐵丸。莫將爲
 等閑。所以古人道。過在化主。不干汝事。珍重。師作明道
 偈曰。至道淵曠。勿以言宣。言宣非旨。孰云有是。觸處皆渠。
 豈喻真虛。真虛設辯。如鏡中現。有無雖彰。在處無傷。無傷
 無在。何拘何礙。不假功成。將何法爾。法爾不爾。俱爲脣齒。
 若以斯陳埋沒宗旨。宗非意陳。無以見聞。見聞不脫。如水
 中月。於此不明。翻成剩法。一法有形。翳汝眼睛。眼睛不明。
 世界崢嶸。我宗奇特。當陽顯赫。佛及眾生。皆承恩力。不在

低頭思量。難得拶破面門。蓋覆乾坤。決須薦取。脫卻根塵。
其如不曉。謾說而今。師因疾。僧問。和尚尊候較否。師以
杖拄地曰。汝道這個還痛否。曰。和尚問阿誰。師曰。問汝。曰。
還痛否。師曰。元來共我作道理。後唐天成三年戊子秋。
師復至閩城舊止。徧遊近城諸刹。乃還。示微疾。沐浴安坐。
而化。闍維。收舍利建塔。洪覺範曰。地藏藏深禪師。能大振雪
峯。予嘗想見其爲人。城隈古寺。門如死灰。道
自處之效也。歟。予嘗想見其爲人。城隈古寺。門如死灰。道
容清深。戲禪客曰。諸方說禪。浩浩地。爭如我此間栽田博
飯喫。有旨哉。

安國慧球禪師。予沙室中。叅訊居首。因問如何是第一義沙。

日用汝個月作麼師從此悟入。上堂我此間粥飯因緣爲兄弟舉唱。終是不常。欲得省要。却是山河大地。與汝發明。其道既常。亦能究竟。若從交殊門入者。一切無爲土木瓦礫。助汝發機。若從觀音門入者。一切音響蝦蟇蚯蚓。助汝發機。若是普賢門入者。不動步而到。以此三門方便示汝。如將一隻折箸。攪大海水。令彼魚龍。知水爲命。會麼。若無智眼而審諦之。任汝百般巧妙。不爲究竟。師問了院主。祇如先師道。盡十方世界。是真實人體。你還見僧堂麼。了曰。和尚莫眼花。師曰。先師遷化。肉猶煖在。

福州大章山契如菴主。得法平沙。初隱於小界山。山有朽杉
若菴。第能容身。師遂居之。清豁冲煦。二長老嚮師名。未嘗
會遇。一日同訪之。值師採栗。豁問道者。如菴主在何所。師
曰。從甚麼處來。曰。山下來。師曰。因甚麼得到這裏。曰。這裏
是什麼處所。師揖曰。那下喫茶去。二公方省是師。遂詣菴
所。頗味高論。晤坐於左右。不覺及夜。覩豹虎奔至菴前。自
然馴遶。豁因有詩曰。行不等閑行。誰知去住情。一餐猶未
飽。萬戶勿聊生。非道應難伏。空拳莫與爭。龍吟雲起處。閑
嘯兩三聲。

天台國清寺師靜上座。始遇沙。示眾曰。汝諸人但能一生如喪考妣。吾保汝究得徹去。師躡前語問曰。祇如教中道。不得以所知心。測度如來無上知見。又作麼生。沙曰。汝道究得徹底。所知心還測度得及否。師從此信入。後居天台。三十餘載。不下山。博綜三學。操行孤立。禪寂之餘。常閱龍藏。遐邇欽重。時謂大靜上座。嘗有人問。弟子每當夜坐。心念紛飛。未明攝伏之方。願垂示誨。師曰。如或夜間安坐。心念紛飛。卻將紛飛之心。以究紛飛之處。究之無處。則紛飛之念何存。反究究心。則能究之心安在。又能照之智本空。

所緣之境亦寂寂而非寂者。蓋無能寂之人也。照而非照者。蓋無所照之境也。境智俱寂。心慮安然。外不尋枝。內不住定。二塗俱泯。一性怡然。此乃還源之要道也。師因覩教中幻義。乃述一偈。問諸學流曰。若道法皆如幻。有造諸過惡。應無咎。云何所作業不忘。而藉佛慈興接誘。時有小靜上座答曰。幻人興幻。幻輪圍幻業。能招幻所治。不了幻生諸幻苦。覺知如幻。幻無爲二靜上座。並終於本山。

泉州招慶院道匡禪師在長慶會下作桶頭。常與眾僧語。語一日慶見乃曰。爾每日口嘮嘮地作麼。師曰。一日不作一

日不食慶曰與麼則磨弓錯箭去也。師曰專待尉遲來。慶
曰尉遲來後如何。師曰教伊筋骨徧地。眼睛突出。慶便出
去。普請擔泥次。師中路按拄杖問僧云。上窟泥。下窟泥。
僧云上窟泥。師打一棒。又問一僧。僧云下窟泥。師亦打一
棒。又問明招。招放下泥擔。叉手云。請師鑑。師便休。徑山杲云招慶
雖然休去。爭奈明招不甘雲門當時若見他放下泥擔云。請師鑑。劈脊也。與一棒看他如何折合。
襄州鷲嶺明遠禪師。初叅長慶。慶問汝名甚麼。師曰明遠。慶
曰那邊事作麼生。師曰明遠退兩步。慶曰汝無端退兩步
作麼。師無語。慶曰若不退步。爭知明遠。師乃諭旨。

太傅王延彬居士。一日入招慶佛殿。指鉢盂問殿主。這個是

甚麼鉢。主曰。藥師鉢。公曰。祇聞有降龍鉢。主曰。待有龍卽

降。公曰。忽遇拏雲。覆浪來時。作麼生。主曰。他亦不顧。公曰。

話墮也。予沙曰。盡你神力。走向甚麼處去。保福曰。歸依佛法僧。百丈恆作覆鉢勢。雲門曰。他日。生天。

莫孤負。公到招慶煎茶。朗上座與明招把鉢。忽翻茶鉢。

公問茶鑪下是甚麼。朗曰。捧鑪神。公曰。既是捧鑪神。爲甚

麼翻卻茶。朗曰。事官千日。失在一朝。公拂袖便出。明招曰。

朗上座喫卻招慶飯了。卻向外邊打野榷。朗曰。上座作麼

生。招曰。非人得其便。雪竇顯云。當時若踏倒茶鑪。復頌云。來問若成風應機。非善巧。堪悲獨眼。

龍曾未呈牙爪。牙爪開。呈雲雷。逆水之波。經幾回。

谷山行崇禪師。嘗謂門弟子曰。吾雖不在。未嘗不爲諸兄弟。若委悉報恩。常爲人處。許汝出意想。知解五陰身田。若委不得。猶待報恩。開兩片皮。方是爲人。保汝未出得。意想知解。所以古人喚作鬼家活計。蝦蟇衣下客。欲得速疾相應。卽如今立地。便證驗取。識取。有什麼罪過。不然。根思遲迴。且以日及夜。尋究將去。忽然一日。覷見。更莫以少爲足。更能研窮究竟。乃至姪坊酒肆。若觸若淨。若好若惡。以汝所見事。覷教盡。是此境界。入如入律。若更見一法如絲髮許。

不見此個事。我說爲無明翳障。直須不見有法。是別底法。方得圓備。到這裏更能翻擲自由。開合不成痕縫。如水入水。如火入火。如風入風。如空入空。若能如是。直下提一口劍。刺斷天下人疑網。一如不作相似。所以古人道。繁興大用。舉必全真。若有個漢。到與麼境界。誰敢向前說是說非。何以故。此人是個漢。超諸限量。透出因果。一切處管束此人。不得兄弟。若能如是。即可。若未得如此。且直須好與。此應莫取次發言吐氣。沈墜卻汝無量劫。莫到與麼時。便道報恩不道。

漳州報恩院道熙禪師。因與保福送書到泉州王太尉。尉問漳南和尚。近日還爲人也無。師曰。若道爲人。卽屈著和尚。若道不爲人。又屈著太尉。來問太尉曰。道取一句待鐵牛能齧草木馬解含煙。師曰。某甲惜口喫飯。尉良久。又問驢來馬來。師曰。驢馬不同途。尉曰。爭得到這裏。師曰。特謝太尉領話。

招慶省儉禪師。初叅保福。福一日入大殿。覩佛像。乃舉手問師曰。佛恁麼意作麼生。師曰。和尚也是橫身。福曰。一桷我自收取。師曰。和尚非惟橫身。福然之。

鼓山智嶽禪師初遊方至鄂州黃龍。問久嚮黃龍。及乎到來。祇見赤斑蛇。龍曰。汝祇見赤斑蛇。不見黃龍。師曰。如何是黃龍。龍曰。滔滔地。師曰。忽遇金翅鳥來。又作麼生。龍曰。性命難存。師曰。恁麼則被他吞卻去也。龍曰。謝闍黎供養。師便禮拜。傳燈云。師初未省覺後。至鼓山啟發。始悟微旨。

報國照禪師。佛塔被雷霹。有問祖佛塔廟爲甚麼卻被雷霹。師曰。通天作用。曰。既是通天作用。爲甚麼卻霹佛。師曰。作用處何處。見有佛。曰。爭奈狼藉何。師曰。見甚麼。

衢州烏巨山儀宴開明禪師。吳興許氏子。於唐乾符三年生。

誕之夕。異香滿室。紅光如晝。光啟中。隨父鎮信安。強爲娶。師不願。遂遊歷諸方。機契鏡清。歸省父母。乃於郭南剋別舍。以遂師志。舍旁陳司徒廟。有凜禪師像。師往瞻禮。失師所之。後郡守展祀祠下。見師。入定於廟後叢竹間。蟻蠹其衣。敗葉沒脛。或者云。是許鎮將之子也。自此三昧忽出。忽入。子湖訥禪師。未知師所造淺深。問曰。子所住定。蓋小乘定耳。時方啜茶。師呈起橐。曰。是大是小。訥駭然。尋謁括蒼唐山德嚴禪師。嚴問汝何姓。曰。姓許。嚴曰。誰許汝。曰。不別嚴。默識之。遂與薤染嘗令摘桃。灰旬不路。往尋。見師攀桃。

倚石泊然在定。巖鳴指出之。開運中。遊江郎巖。覩石龕。謂弟子慧興曰。予入定此中。汝當礪石塞門。勿以吾爲念。興如所戒。明年興意師長往。啟龕視師。素髮被肩。胸臆尙煖。徐自定起。了無異容。復回烏巨。侍郎慎公鎮信安。馥師之道。命義學僧守榮詰其定相。師不與之辯。榮意輕之。時信安人競圖師像而尊事。皆獲舍利。榮因魏服禮像謝慙。亦獲舍利。歎曰。此後不敢以淺解測度矣。錢忠懿王感師見夢。遣使圖像。至適王患目疾。展像作禮。如夢所見。隨兩舍利。目疾頓瘳。因錫號開明。宋太宗聞師定力。加禮延師。師

不起。特以肩輿迎至便殿。容對。太宗深契。尋卽丐歸。潛化。

元年示寂。壽一百十五。臘五十七。闍維。白光燭天。舍利五。

色。徽宗政和三年。嘉州路旁大樹。因風摧折。中有一僧。禪。

持三藏。以金磐出其定。遂問何代僧。曰。我乃東林遠法師。

之弟。名慧持。因遊峨嵋。入定於樹。遠法師無恙否。藏曰。遠。

法師晉人也。化去七百年矣。持遂寂然。藏問師旣至此。欲。

歸何所。持曰。陳畱縣復入定。帝製三偈。令繪像頒行。偈曰。

七百年來。老古錘。定中消息。許誰知。爭如隻履西歸去。生。

死何勞。太作皮藏山。於澤亦藏身。天下無藏道。可親寄語。

莊周休擬議。樹中不是負趨人。有情身不是無情。彼。

此人人定裏。身會得菩提。本無樹。不須辛苦問盧能。

福州林陽瑞峯院志。端禪師本州人也。初叅安國。見僧問。如。

何是萬象之中。獨露身。國舉一指。其僧不薦。師於是冥契。

卒。旨乃入室。白曰。適來見那僧問話。志端有個省處。國曰。汝見甚麼道理。師亦舉一指曰。這個是甚麼。國然之。師禮謝。謂門弟子曰。佛法無許多般。但凡聖一真。猶存見隔。見存。卽凡情忘。卽佛教中。謂之稱性緣起。則俯仰進止。屈伸謙敬。無一法可轉變。有生住異滅相。況我祖師門下。合作何理論。舉拂子曰。曹溪用不盡底。時人喚作頭角生。山僧拈來拂蛟子。薦得乾坤陷落。開寶元年八月。遺偈曰。來年二月二。別汝暫相棄。燒灰散四林。免古檀那地。明年正月二十八日。州民競入山瞻禮。師尙無恙。叅問如常。

至二月一日。州官率諸官同至山。訊候經宵二日。齋罷上堂。辭眾。時圓應長老出問曰。雲愁霧慘。大眾嗚咽。未當告別。先賜一言。師垂一足。應曰。法鏡不臨於此土。寶月又照於何方。師曰。非汝境界。應曰。恁麼則漚生漚滅。元歸水師。去師來是本常。師作噓聲。復與數僧酬答罷。歸方丈。至亥時。問眾曰。世尊滅度時節。是何日。曰。二月十五日子時。師曰。吾今日子前。遂泊然坐化。閱世七十八。坐六十夏。保福清豁禪師。叅睡龍。龍問曰。豁闍黎。見何尊宿來。還悟也未。曰。清豁嘗訪大章。得個信處。龍於是上堂集眾。召曰。豁

闍黎出來對眾燒香說悟處。老僧與汝證明。師出眾乃拈香曰。香已拈了。悟卽不悟。龍大悅而許之。師將順世。遺偈曰。世人休說路行難。鳥道羊腸咫尺間。珍重芭谿谿畔水。汝歸滄海我歸山。卽往貴湖卓庵。未幾。謂門人曰。吾滅後。將遺骸施諸蟲螻。勿置墳塔。言訖。潛入湖頭山坐磐石。儼然長往。弟子徧覓而得。稟遺戒。延七日。竟無蟲螻侵蝕。闍維散於林間。

四祖山清皎禪師。年七十。時遺偈曰。吾年八十八。滿頭垂白髮。顒顒鎖雙峯。明明千江月。黃梅揚祖教。白兆承宗訣。日

日告兒孫。勿令有斷絕。淳化四年癸巳八月二十三日入

滅年八十八

傳燈載此以師先十八年而識化期也會元作臨終時偈失矣

大龍智洪禪師僧問色身敗壞如何是堅固法身師曰山花

開似錦。澗水碧如藍。

妙喜拈云若以此明堅固法身生身入地獄雪竇顯頌問曾不知答還

不會月冷風高古巖寒檜堪笑路逢達道人不將語默對

手把珊瑚鞭驪珠盡擊碎不擊碎增瑕類國有憲章三千

條

同安志禪師先同安將示寂上堂曰多子塔前宗子秀五老

峯前事若何如是三舉莫有對者師出曰夜明簾外排班

立萬里歌謠道太平安曰須是這驢漢始得

廬山佛手巖。行因禪師廬山之北。有巖如五指。下有石窟。可三丈餘。師宴處其中。因號佛手巖和尚。不度弟子。有鄰菴僧爲之供侍。常有異鹿。錦囊鳥。馴擾其側。江南李主三召不起。乃堅請就棲賢開堂。不逾月。潛歸巖室。一日示微疾。謂旁僧曰。日午吾去矣。及期。僧報日午也。師下牀行數步。屹然立化。巖上有松一株。同日枯槁。李主備香薪茶毘。塔於巖陰。

泉州龜洋慧忠禪師。會昌初。詔天下廢釋氏教。及宣宗卽位。詔重興之。而師笑曰。仙去者未必受錄。成佛者未必須僧。

遂過中不食。不宇而禪。迹不出山者三十年。以三偈自見。曰。雪後始知松柏操。雲收方見濟淮分。不因世主令還俗。那辨雞羣與鶴羣。多年塵土自騰騰。雖著伽黎未是僧。今日歸來酬本志。不妨畱髮候然燈。形容雖變道常存。混沌心源亦不昏。試讀善財巡禮偈。當時豈例是沙門。一日謂弟子曰。眾生不能解脫者。情累爾。悟道易。明道難。問如何得明道去。師曰。但脫情見。其道自明矣。夫明之爲言。信也。如禁蛇人。信其咒力藥力。以蛇綰弄。揣懷袖中。無難。未知咒藥等力者。怖駭棄去。但諦見自心。情見便破。今千疑。

萬慮不得用者是未見自心者也。忽索香焚罷，安坐而化。塔全身於無了禪師塔之東。

襄州廣德義禪師。謁先廣德。作禮問曰：如何是和尙密密處？德曰：隱身不必須巖谷。闐闐堆堆覩者稀。師曰：恁麼則酌水獻花去也？德曰：忽然雲霧靄，闐黎作麼生？師曰：採汲不虛施。廣德忻然曰：大眾看取第二代廣德。

襄州廣德周禪師。問教中道。阿逸多。不斷煩惱。不修禪定。佛記此人成佛無疑。此理如何？師曰：鹽又盡。炭又無。曰：鹽盡炭無時如何？師曰：愁人莫向愁人說。說向愁人愁殺人。喜妙

曰。古人恁麼答話。
喚作洗腳上船。

石門慧徹禪師。僧問雲光作牛。意旨如何。師曰。陋巷不騎金

色馬。回途卻著破襪衫。
雲光法師不事戒律。誌公曰。出家何爲。光曰。吾不齋而齋。食而非食。

後招報作牛拽車於途。誌公見之。呼曰。雲光牛。舉首誌曰。何不道拽而非拽。牛墮淚跳號而卒。

益州青城香林院澄遠禪師。依雲門十八年爲侍者。門凡接

師。則呼曰。遠侍者。師應諾。門曰。是甚麼。如此者十八年。一

日方悟。門曰。我乃今更不呼汝矣。師一日辭門。門曰。光含

萬象一句。作麼生道。師擬議。門令更住三年。普請鋤地。次

有一僧曰。看俗家失火。師曰。那裏火。曰。不見那。師曰。不見。

曰瞎漢是時一眾皆言遠上座敗闕後明教寬聞舉曰須

是我遠兄始得。問美味醍醐為甚麼變成毒藥。師曰導

江紙貴。問如何是西來的的意。師曰坐久成勞。雪竇顯頌云一

個雨個千萬個脫卻籠頭卸卻馱左轉右轉隨後來子湖要打劉鐵磨。問一子出家九族

解脫。目連為甚麼母入地獄。師曰確。將示寂辭知府宋

公瑞曰老僧行腳去通判曰這僧風狂八十歲行腳去那

裏宋曰大善知識去住自由歸謂眾曰老僧四十年方打

成一片言訖而逝。有僧參舉道者一日遊山次僧曰香林

如何舉曰老僧也恁麼卻問其僧會麼曰不會舉示偈曰

旨目錄

卷三十一 澄遠

子祥

卷三十一 (吉州資福真遂禪師 雲門朗上座)

三

未舉遂
遷化

韶州白雲子祥禪師。上堂諸人會麼。但向街頭市尾屠兒魁
劊。地獄鑊湯處會取。若恁麼會得。堪與人天爲師。若向衲
僧門下。天地懸殊。更有一般底。祇向長連牀上作好人去。
汝道此兩般人。那個有長處。無事珍重。問僧不壞假名。
而談實相。作麼生。僧指椅子曰。這個是椅子。師以手撥椅。
曰。與我將鞋袋來。僧無對。師曰。這虛頭漢。雲門聞乃云。須是我祥兄始得。
將示滅。白眾曰。某甲雖提祖印。未盡其中事。諸仁者。且
道其中事。作麼生。莫是無邊中內外已否。若如是會。卽大

地如鋪沙良久曰去此卽他方相見言訖而寂。

鼎州德山緣密禪師上堂我有三句語示汝諸人。一句函蓋

乾坤。一句截斷眾流。一句隨波逐浪作麼生辨。若辨得出

有參學分。若辨不出。長安路上鞦韆地。智證傳以此爲雪

師約法以定綱宗以簡偏邪如雪峯三句其傳曰宗

是汝諸人見有險惡見有大蟲刀劍諸事來逼汝身命便

生無限怖畏恰如世間畫師自畫作地獄變相畫大蟲刀

劍了好好地看著卻自生怕怖亦不是別人與汝爲過汝

如今欲免此幻惑麼但識取金剛眼晴若識得不曾教有

纖塵可得露現何處更有虎狼刀劍解嚙嚇得汝直至釋

迦如是伎倆亦覓出頭處不得所以我向汝道沙門眼把

定世界函蓋乾坤不漏絲髮何處更有一物爲汝知見如

是出腕如是奇特何不究取此函蓋乾坤句也又曰鐘中

旨曰錄

卷二十一 緣密

卷二十一 (吉州資福真遠禪師 雲門朗上座)

三

臂不借他力。如師子遊行。豈求伴侶。此截斷眾流句也。又曰。大唐國內宗乘。未有一人舉唱。設有一人舉唱。盡大地人失卻性命。無孔鐵椎相似。一時亡鋒結舌去。汝諸人賴我不惜身命。共汝顛倒。知見隨汝。狂意方有。申問處。我若不共汝與麼。知問去。汝向什麼處得見我。此隨波逐浪句也。幻寄曰。覺範此語。與古塔主。今擘三句。又何異。圓悟曰。雲門大師。多以一字禪示人。雖一字中。須具三句。此三句。無論是雪峯。是密師語。要之。窺其藩者。必圓悟。若覺範。則欲登高而。入淵者也。示眾。俱胝和尚。但有問答。只豎一指頭。寒則

普天普地寒。

雪竇云甚麼處見俱胝老。

熱則普天普地熱。

雪竇云莫錯認定盤星。復

云森羅萬象。徹下孤危。大地山河。通上險絕。甚麼處得一指頭禪。妙喜曰。可謂是貴人多忘。

上堂。但

參活句。莫參死句。活句下薦得。永劫無滯。一塵一佛國。一

葉一釋迦。是死句。揚眉瞬目。舉指豎拂。是死句。山河大地。

更無諍訛。是死句。時有僧問。如何是活句。師曰。波斯仰面看。曰。恁麼則不謬去也。師便打。

岳州巴陵新開院顯鑒禪師。

初到雲門。門曰。雪峯和尚道開。卻門達摩來也。語具雲門章中。

住後。更不作法嗣書。祇將三轉語上雲門。僧問。如何是道。

師曰。明眼人落井。

保甯頌。秋夜霜天。月正明。仰觀星象。約三更一條大路。平如掌。歸去何妨。徹曉。

行問。如何是吹毛劍。師曰。珊瑚枝枝撐著月。

雪竇頌。要平不平。大巧若拙。或指或掌。倚天照雪。大治兮磨礪。不下。

良工兮拂拭。未歇。別別珊瑚。枝枝撐著月。問。如何是提婆

宗。師曰。銀盤裏盛雪。

雪竇頌。老新開端的。別解道。銀盤裏盛雪。九十六個應自知。不知卻問天。

邊月。提婆宗。提婆宗。赤旛之下。起清風。

雲門見曰。他後老僧忌日。祇消舉此。

三轉語足以報恩。問僧遊山來。爲佛法來。曰。清平世界。說甚麼佛法。師曰。好個無事禪客。曰。早是多事了也。師曰。上座。去年在此過夏了。曰。不曾。師曰。與麼則先來不相識。下去。

隨州雙泉山師寬明教禪師。初在雲門。一日聞白槌曰。請師寬充典座。師翻筋斗出眾。曰。雲門禪屬我矣。又一日。雲門問師。今日喫得幾個胡餅。師曰。五個。門曰。露柱喫得幾個。師曰。請和尚茶。堂裏喫茶。師一日訪白兆。兆曰。老僧有個木魚頌。師曰。請舉看。兆曰。伏惟爛不一椀。佛與眾生不

別。若以杖子擊著。直得聖凡路絕。師曰。此頌有成。禪無成。禪。兆曰。無成。禪。師曰。佛與眾生不別。響。侍僧救曰。有成。禪。師曰。直得聖凡路絕。響。當時白兆一眾失色。

襄州洞山守初宗慧禪師。初參雲門。門問。近離甚處。師曰。查渡門。曰。夏在甚處。師曰。湖南報慈。曰。幾時離彼。師曰。八月二十五。門曰。放汝三頓棒。師至明日。卻上問訊。昨日蒙和尚放三頓棒。不知過在甚麼處。門曰。飯袋子。江西湖南。便恁麼去。師於言下大悟。遂曰。他後向無人烟處。不蓄一粒米。不種一莖菜。接待十方往來。盡與伊抽釘拔楔。拈卻炙

脂帽子。脫卻鶻臭布衫。教伊灑灑地作個無事衲僧。豈不快哉。門曰。你身如椰子。大開得如許大口。師便禮拜。雪竇拈云。雲門氣宇如玉。拶著便冰消瓦解。當時若據令而行。子孫緣拈人情解。有者道雲門道近離甚處。山曰。查渡。此是放一頓棒。夏在甚處。山曰。湖南報慈。此是放一頓棒。分明是三頓棒。彼中來。山曰。八月二十五。此是放一頓棒。分明是三頓棒。且喜沒交涉。又有底道洞山實頭。所以放他三頓棒。有底道當時便好。一喝更說如何。若何。總是狂解。總不恁麼。畢竟作麼生。所以古人道。承言須會宗。勿自立規矩。拈他情解。便會只為雲門語好。便發得洞山悟處。一如臨濟見大愚。只被大愚拈他情見。便會得徹。後來僧問洞山。如何是佛。便只道麻三斤。看他那裏是安排得來。祖師門下一覷便見。那裏有許多般。千聖萬聖。挨拶教人見到這裏。雖然點破綱宗。要且意在未屆時。明眼漢沒窠臼。所以巖頭道若論戰也。個個立在轉處。向未屆時。一覷便見廓天一路。

相似。靈利漢疑著處一點便會。雪竇拈謂雲門一似霸王相似。因甚麼拶著便冰消瓦解。雪竇嫌雲門老婆心如此。當時真個好打。到這裏拈則許你拈。會則不許你會。若只恁麼會又錯了也。當時劈脊便棒趕出去。已放過了也。教他後來道。如何是佛。麻三斤。前也不著村。後也不著店。天下人不奈何。若奈何時如何。鼻孔撩天。示眾。

語中有語。名爲死句。語中無語。名爲活句。諸禪德作麼生是活句。到這裏實難得人。若也不動一塵。不撥一境。見事便道。答話長老下腳不得。東西南北。莫知多少。要得去離泥水。活人眼目。舉唱宗風。激揚大事。不道全無。其奈還少。只緣未達其源。落在第八魔境界中。識得個不名不物。無是無非。頭頭物物。無不具足。道我得安樂田地。更不求餘。

凡有扣擊問難。即便敲牀豎拂。更不惜便施便設。便行便用。向惡水坑裏頭出頭沒。弄個無尾猢猻。到臘月三十日。鼓也打破。猢猻又走卻了。手忙腳亂。一無所成。悔將何及。若是個衲僧。乍可凍殺餓殺。終不著他鶻臭布衫。又曰。言無展事。語不投機。乘言者喪。滯句者迷。於此四句語中。見得分明也。作個脫灑衲僧。根椽片瓦。粥飯因緣。堪與入天爲善知識。於此不明。終成莽鹵。林間錄曰。雲菴平生說量。偶閱舊記。見其寄道友偈并序曰。昔洞山叅雲門。悟旨于言下。入佛正知見。所有炙脂帽子。鶻臭布衫。皆脫去。以四句偈明其悟。蓋得展事自在之用。投機善巧之風。故其應機接物。不乘言。不滯句。如師子王得大自在。於哮吼時。

省月錄

卷二十一 宗慧

三

百獸震駭。蓋法王法如是故也。又世所傳見雲門者。皆坐脫立亡。何哉。以無佛法知見故也。因隨句釋。以奉寄曰。大用現前。能展事。春來何處不開。花放伊三頓。衆堂去。四海當知共一家。又曰。千差萬別。解投機。明眼宗師。在此時。北斗藏身。雖有語。出羣消息。少人知。又曰。遊山翫水。便乘言。自己商量。總不偏。鶻臭布衫。脫未得。且隨風俗。度流年。又曰。滯句。乘言。是瞽聾。衆禪學道。自無功。又曰。舉唱宗乘。悟來不費纖毫力。火裏蠅。螻吞大蟲。又曰。闡揚大教。須得法眼精明。方能鑒辨。緇素切緣。真妄一源。水乳同器。到此難分。洞山尋常。以心中眼。觀身外相。觀之又觀。乃辨真偽。若不如是。何名善知識。夫善知識者。驅耕夫之牛。奪饑人之食。方名善知識。卽今天下。那個是真善知識。諸德衆得幾個善知識來。也不是等閑。直須衆教徹。

覷教透。千聖莫能證明。方顯大丈夫兒。不見釋迦老子。明星出時。豁然大悟。與大地眾生。同時成佛。無前後際。豈不暢哉。雖然如是。若遇明眼衲僧。也好劈脊便棒。問維摩。掌擎四世界。未審維摩身在甚處。師曰。在闍黎後底。曰。爲甚麼在學人後底。師曰。還我話頭來。問如何是佛。師曰。麻三斤。福嚴良雅時爲首座。師參罷。至首座寮。問曰。我今作這去就。拂袖便出。雅曰。這老漢將謂我明。他這話不得。因作偈呈曰。五彩畫牛頭。黃金爲點額。春晴二月初。農人皆取則。寒食賀新正。鐵錢三五百。師見深肯之。僧問智門。洞山道麻三斤。意旨何如。門曰。花簇簇。錦簇簇。僧無語。門曰。會麼。僧曰。不會。門曰。南地竹。北地木。僧同舉。似師曰。我不爲汝說。爲大眾說。遂上堂云。言無展事。語不投。

機承旨者喪。滯句者迷。雪竇顯頌。金烏急。玉兔速。善應何曾有輕觸。展事投機。見洞山。跛鼈盲龜入空谷。花簇簇。錦簇簇。南地竹兮北地木。因思長慶陸大夫。解道合哭不合哭。咦。問僧甚處來。曰。汝州。

師曰。此去多少。曰。七百里。師曰。踏破幾緉草鞋。曰。三緉。師曰。甚處得錢買。曰。打笠子。師曰。叅堂去。僧應諾。問僧莫便是新到否。曰。是。師曰。夜來投棲處。今朝事如何。曰。今朝風較急。青山背上行。師曰。不是更道。曰。珍重。師便打。問不向心頭安了義。如何得達祖。師言。師曰。六腳蜘蛛上板牀。問自古及今。不從人得。六祖黃梅。夜聞何事。師曰。誌公拄杖曰。得用時如何。師曰。用那曲尺作甚麼。問十二。

時中行住坐臥。自省覺時如何。師曰。看人喫飯。曰。爭奈樹影不斜何。師曰。親言出親口。問金鑰現前。請師辨。師曰。兩腳蝦蟇吞卻月。都監太保問眼處入正受。諸塵三昧起。此意如何。師云。洞山茶碗裏有太保。太保茶碗裏有洞山。太保無語。卻將此語問谷隱。隱云。不落無言說。問延慶。慶云。喚甚麼作三昧。幻寄曰。三師恁麼道。忒殺廉纖。若有人問幻寄。如何是眼處入正受。諸塵三昧起。但向伊道過。隨牛狗兒頌。家有一狗兒。驂小人難見。終日隨牛去。未省使人喚。見客不作聲。見人偏能善。擬議上門來。早是輸他便。好好報禪師。須著精神看。任汝靈利人。不

覺爲死漢。淳化元年秋七月。無疾跏趺而化。

金陵奉先深禪師。同明和尚在衆時。聞僧問法眼如何是色。眼豎起拂子。或曰雞冠花。或曰貼肉汗衫。二人特往請益。問曰。承聞和尚有三種色語。是否。眼曰是。師曰。鶻子過新羅。便歸衆。時李主在座下。不肯。乃白法眼曰。寡人來日致茶筵。請二人重新問話。明日茶罷。備綵一箱。劍一口。謂二師曰。上座若問話得是。奉賞雜綵一箱。若問不是。祇賜一劍。法眼陞座。師復出問。今日奉勅問話。師還許也無。眼曰。許。曰。鶻子過新羅。捧綵便行。大眾一時散去。時法燈作維。

那乃鳴鐘集眾。僧堂前勘師。眾集。燈問承聞。二上座。入在雲門。有甚奇特。因緣舉一兩則來商量看。師曰。古人道。白鷺下田千點雪。黃鸝上樹一枝花。維那作麼生商量。燈擬議。師打一坐具。便歸眾。師同明和尚到淮河。見人牽網。有魚從網透出。師曰。明兄俊哉。一似個衲僧相似。明曰。雖然如此。爭如當初不撞入網羅好。師曰。明兄。你欠悟在。明至中夜方省。妙喜曰。明上座。省得底。且道是網羅裏底。是出網羅底。幻寄曰。催得吳霜點鬢稠。韶州雙峯竟欽禪師。上堂。進一步則迷理。退一步則失事。饒你一向兀然去。又同無情。僧問。如何得不同無情去。師曰。

動轉施爲。曰。如何得不迷理失事去。師曰。進一步。退一步。僧作禮。師曰。向來有人恁麼會。老僧不肯伊。曰。請師直指。師便打。太平興國二年三月。謂門弟子曰。吾不久去汝矣。可砌個卵塔。五月二十三日工畢。師曰。後日子時行矣。及期。適雲門爽禪師。溫門舜峯諸老夜話。侍者報三更。師索香焚之。合掌而化。

洞山清稟禪師。叅雲門。門問。今日離甚處。曰。慧林。門舉拄杖曰。慧林大師。恁麼去。汝見麼。師曰。深領此問。門顧左右微笑而已。智證傳大涅槃經曰。所言二諦。其實是一。方便說。二。如人醉未吐。見日月轉。謂有轉日。及不轉日。醒。

人但見不轉不見於轉轉二爲粗不轉爲妙傳曰三藏全是轉之二如彼醉者大乘經帶一轉二而說不轉之者一起念見諸境界故說明以此義例轉二爲粗也又曰心性不起卽是大智慧光明義例不轉爲妙也洞山清稟禪師惟宴坐一日呼侍者下法堂謂曳木者無損階砌侍者出視無有還白寂無人跡稟又使求之侍者臨簷俯視乃羣蟻曳蜻蜒翼綠階而上蓋靜極妙而靈知也幻寄曰凡情聖量皆轉也雖洞見十方徧聞三界猶屬聖量之轉稟師以蟻曳蜻蜒翼爲曳木其靈通昧畧若在夢境而覺範以靜妙許之異乎經之所謂不轉爲妙哉如何是不轉曰蜻蜒翼

北禪寂禪師問僧甚處來曰黃州師口夏在甚處曰資福師曰福將何資曰兩重公案師曰爭奈在北禪手裏曰在手裏卽收取師便打僧不甘師隨後趁出

雲門山朗上座。自幼肄業講肆。開僧問雲門如何是透法身句。門曰北斗裏藏身。師罔測微旨。遂造雲門。門纔見便把住曰。道道。師擬議。門托開乃示頌曰。雲門聳峻白雲低。水急游魚不敢棲。入戶已知來見解。何勞再舉轆中泥。師因斯大悟。

指月錄卷之二十一終

指月錄

卷二十一 朗上座

卷二十一 (吉州資福真遂禪師)

雲門朗上座

三

指月錄卷之二十二

六祖下第九世

汝州首山省念禪師。萊州狄氏子。受業於本郡南禪寺。纔具尸羅。徧遊叢席。常密誦法華經。眾目爲念法華也。晚於風穴會中充知客。一日侍立次。穴乃垂涕告之曰。不幸臨濟之道。至吾將墜於地矣。師曰。觀此一眾。豈無人耶。穴曰。聰明者多。見性者少。師曰。如某者如何。穴曰。吾雖望子之久。猶恐耽著此經。不能放下。師曰。此亦可事。願聞其要。穴遂上堂。舉世尊以青蓮目。顧視大眾。乃曰。正當恁麼時。且道。

說個甚麼。若道不說而說。又是埋沒先聖。且道說個甚麼。
師乃拂袖下去。穴擲下拄杖。歸方丈。侍者隨後請益曰。念
法華。因甚不祇對和尚。穴曰。念法華會也。次日師與真園
頭同上問訊。穴問真曰。作麼生。是世尊不說說真曰。鶻
鳩樹頭鳴。穴曰。汝作許多癡福。作麼。何不體究言句。又問
師曰。汝作麼生。師曰。動容揚古路。不墮悄然機。穴謂真曰。
汝何不看念法華下語。徑山杲云。我當時若見這老漢。恁
麼道。深掘一坑。一時埋卻。更牽牛
在上。踢過。卻須放真公出一頭始得。山僧恁麼道。且不是
抑強扶弱。亦不是杜撰差排。你若識得鶻鳩樹頭鳴意。在
麻畚裏。便識得動容揚古路。不墮悄然機。遮兩轉語。畢竟
是一耶。是二耶。若道是一。爲甚麼風穴只肯念法華。不肯

眞圓頭若道是二爭奈落霞與孤鶩齊飛秋水共長天一色參

又一日穴陞座顧視大

眾師便下去穴卽歸方丈

白兆楚和尚至汝州宣化風

穴令師往傳語纔相見提起坐具便問展卽是不展卽是

兆曰自家看取師便喝兆曰我曾親近知識來未嘗輒敢

恁麼造次師曰草賊大敗兆曰來日若見風穴和尚待一

一舉似師曰一任一任不得忘卻師乃先回舉似風穴穴

曰今日又被你收下一員草賊師曰好手不張名兆次日

纔到相見便舉前話穴曰非但昨日今日和賊捉敗師於

是名振四方學者望風而靡開法首山問僧不從人薦

得底事。試道看。僧便喝。師曰。好好相借問。惡發作麼。僧又喝。師曰。今日放過。卽不可。僧擬議。師喝之。問僧近離何處。曰。襄州。師曰。夏在何處。曰。洞山。師曰。還我洞山鼻孔來。曰。不會。師曰。卻是老僧罪過。問有一人蕩盡來時。師還接否。師曰。蕩盡卽置。那一人是誰。曰。風高月冷。師曰。僧堂內幾人坐臥。僧無對。師曰。賺殺老僧。問如何是梵音相。師曰。驢鳴犬吠。乃曰。要得親切。第一莫將問來問。還會麼。問在答處。答在問處。汝若將問來問。老僧在汝腳底。汝若擬議。卽沒交涉。時有僧出禮拜。師便打。僧便問。挂錫幽巖。

時如何。師曰。錯。僧曰。錯。師又打。僧寶傳見風穴章前已錄入爾會元列此於師章中
乃首尾語亦異。此必師因僧問答。而引風穴語發明耳遂復錄於此問如何。是佛。師曰。新婦騎驢阿家牽。曰。未審此語甚麼句中收。師曰。三平收不得。四句豈能該。曰。此意如何。師曰。天長地久。日月齊明。又僧問新婦騎驢阿家牽意旨如何。師曰。百歲翁翁失卻父。曰。百歲翁翁豈有父耶。師曰。汝會也。又曰。此是獨坐無尊卑。從上無一法與人。問學人乍入叢林。乞師指示。師曰。闍黎在老僧會裏多少時。曰。已經冬夏。師曰。莫錯舉似人。乃曰。若論此事實。不挂一元字腳。便下座。問仗鎢鋤劍。擬取師頭時如何。師噓一聲。僧曰。苦痛深。師便打。問僧近離何處。

曰廣慧。師曰。穿雲不渡水。渡水不穿雲。離此二途。速道。曰。昨夜宿長橋。師曰。與麼則合喫首山棒也。曰。尙未叅堂。師曰。兩重公案。曰。恰是。師曰。耶耶。夜有僧入室。師曰。誰。僧不對。師曰。識得汝也。僧笑。師曰。更莫是別人麼。因作偈曰。輕輕踏地恐人知。語笑分明更莫疑。智者只今猛提取。莫待天明失卻雞。師問僧近離甚處。僧曰。襄州。師云。路上曾逢達摩也無。僧近前不審。師云。這個是驢前馬後底。僧云。和尚又如何。師曰。非公境界。且坐喫茶。僧纔坐。師又問。在甚麼處過夏。僧云。石門。師云。水牯牛安樂麼。僧云。及時。

水草師曰。爲甚麼傷人苗稼。僧云對和尚不敢造次。師云放過卽不可。便打。示衆曰。佛法無多子。只是汝輩自信不及。若能自信。千聖出頭來。無奈汝何。何故如此。爲向汝面前無開口處。祇爲汝自信不及。向外馳求。所以到這裏。假如便是釋迦佛。也與汝三十棒。然雖如是。初機後學。憑個什麼道理。且問汝輩。還得與麼也未。良久曰。若得與麼。方名無事。示衆。諸上座。不得盲喝亂喝。者裏尋常。向你道。賓則始終賓。主則始終主。賓無二賓。主無二主。若有二賓二主。卽是兩個瞎漢。所以我若立時你須坐。我若坐時

你須立坐則共你坐。立則共你立。雖然如是。到這裏急著
 眼始得。若是眼孔定動。卽千里萬里。何故如此。如隔窗看
 馬騎相似。擬議卽沒交涉。諸上座。既然於此畱心。直須子
 細。不要掠虛好。他日異時。賺著你在。諸人若也有事近前。
 無事珍重。師示眾曰。識得拄杖子。行腳事畢。三角云。識得拄杖子。
入地獄如箭射。妙峯善舉師語畢著語云。錯。又舉三角語。
畢亦著語云。錯。老僧則不然。識得拄杖子。錯。頌云。妙峯三
個錯。不是無病藥。龐公 嘗作綱宗偈曰。咄哉拙郎君。汾
賣策籬清平道木杓。 打破鳳林關。蕩盡玲瓏性。 著靴水
注曰。素 上立。塵泥 咄哉巧女兒。汾陽曰。妙 擯梭不解織。無間功 看
自異

他鬪雞人。旁觀審騰距。爭功不自傷。水牛也不識。全力能負。不露頭角。背陰山子

向陽多。葉縣省云。迴無背面。南來北往意如何。不墮有。無邊。若人問我西

來意。從來無。間斷。東海東面有新羅。大地不奈何。或。作示眾三首。淳化三

年十二月四日午時上堂說偈曰。今年六十七。老病隨緣

且遣日。今年記卻來年事。來年記著今朝日。至四年月日。

無爽前記。上堂辭眾。仍說偈曰。諸子謾波波。過卻幾恆河。

觀音指彌勒。文殊不奈何。良久曰。白銀世界金色身。情與

無情共一真。明暗盡時多不照。日輪午後示全身。日午後。

迫然而化。閣維得五色舍利塔于首山。語錄有小叅示眾云。老僧擬欲歸鄉。

什麼人隨得去。時有僧問。未審和尚什麼時去。師云。待有伴。即向汝道。僧云。無伴底事。作麼生。師云。盡日不逢人。明明不知處。僧云。忽遇一人。又作麼生。師云。迷子不歸家。失卻來時路。僧云。請師指個歸鄉路。師云。枯木藏龍。不存依倚。僧云。和尚什麼時節。卻回。師云。一去不知音。六國無消息。僧云。正當歸鄉底事。又作麼生。師云。獨唱胡家曲。無人。和得齊。僧云。忽遇知音。在時如何。師云。山上石人齊拍掌。溪邊野老笑呵呵。僧云。歸鄉回來底事。又作麼生。師云。八國奉朝衣。四相無遷改。僧云。未審居何位次。師云。文殊不坐金臺殿。自有逍遙竹拂枝。此應是師臨化問答。因附錄。

廣慧真禪師。即真風穴。問會昌沙汰時。護法善神。向什麼處去。師曰。常在闔闔中。要且無人見。穴曰。你徹也。妙喜云。汝徹也。未

黑水和尙叅黃龍。問雪覆蘆花時如何。龍曰。猛烈。師曰。不猛。

拜。烈龍又曰。猛烈師。又曰。不猛烈。龍便打師於此。有省。便禮。

棗樹第二世和尚。問僧近離甚處。曰。漢國。師曰。漢國天子還重佛法也。無曰。苦哉。賴值問著某甲。問著別人。則禍生。師曰。作甚麼。曰。人尙不見。有何佛法可重。師曰。闍黎受戒來多少時。曰。二十夏。師曰。大好不見有人。便打。

呂巖真人。字洞賓。京川人也。唐末三舉不第。偶於長安酒肆。遇鍾離權。授以延命術。自爾人莫之究。嘗遊廬山。歸宗。書鐘樓壁曰。一日清閒自在仙。六神和合報平安。丹田有寶。

休尋道。對境無心莫問禪。未幾。道經黃龍山。觀紫雲成蓋。疑有異人。乃入謁。值龍擊鼓陞堂。龍見。意必呂公也。欲誘而進。厲聲曰。座旁有竊法者。呂毅然出問。一粒粟中藏世界。半升鎗內煮山川。且道此意如何。龍指曰。這守屍鬼。呂曰。爭奈囊有長生不死藥。龍曰。饒經八萬劫。終是落空亡。呂薄訝。飛劍脅之。劍不能入。遂再拜求指歸。龍詰曰。半升鎗內煮山川。卽不問。如何是一粒粟中藏世界。呂於言下頓契。作偈曰。棄卻瓢囊撼碎琴。如今不戀汞中金。自從一見黃龍後。始覺從前錯用心。龍囑令加護。

襄州清溪山洪進禪師在地藏時居第一座。一日地藏上堂。二僧出禮拜。藏曰。俱錯。二僧無語。下堂請益。修山主修曰。汝自巍巍堂堂。卻禮拜擬問他人。豈不是錯。師聞之不肯。修乃問未審上座又作麼生。師曰。汝自迷暗焉可爲人修。憤然上方丈請益。藏指廊下曰。典座入庫頭去也。修乃省過。又一日師問修山主曰。明知生是不生之理。爲甚麼爲生死之所流。修曰。荀畢竟成竹去。如今作甚麼使還得麼。師曰。汝向後自悟去。在修曰。某所見止如此。上座意旨又如何。師指曰。這個是監院房。那個是典座房。修卽禮謝。師

經行次。眾僧隨從。乃謂眾曰。古人有甚麼言句。大家商量。時有從漪上座出。眾擬問次。師曰。這沒毛驢。漪渙然省悟。漪卽叅西院明者。

昇州清涼院休復悟空禪師。北海王氏子。幼出家。十九納戒。嘗自謂曰。苟尙能註。則爲滯筏。將趣凝寂。復患墮空。旣進退莫決。捨二何之。乃叅尋宗匠。依地藏經。年不契。直得成病。入涅槃堂。一夜藏去。看乃問。復上座安樂麼。師曰。某甲爲和尚。因緣背藏。指燈籠曰。見麼。師曰。見。藏曰。祇這個也不背。師於言下有省。後修山主問訊地藏。乃曰。某甲百劫。

千生曾與和尚違背來。此者又值和尚不安。藏遂堅起拄杖曰。祇這個也不背。師忽然契悟。

撫州龍濟紹修禪師。初與法眼同參地藏。所得謂已臻極。暨同辭至建陽。途中譚次。眼忽問古人道。萬象之中獨露身。是撥萬象。不撥萬象。師曰。不撥。眼曰。說甚麼。撥不撥。師懵然不知。卻回地藏。藏問。子去未久。何以卻來。師曰。有事未決。豈憚跋涉山川。藏曰。汝跋涉許多山川。也還不惡。師未喻旨。乃問古人道。萬象之中獨露身。意旨如何。藏曰。汝道古人撥萬象。不撥萬象。師曰。不撥。藏曰。兩個也。師駭然沈

思而卻問未審古人撥萬象不撥萬象藏曰汝喚甚麼作

萬象師方省悟再謁法眼酬詰悉符

子方上座自長慶來謁法眼眼舉長慶偈

問曰作麼生是萬象之中獨露身子方舉拂子眼曰恁麼會又爭得曰和尚尊意如何眼曰喚甚麼作萬象曰古人不撥萬象眼曰萬象之中獨露身說甚麼撥不撥子方豁然僧寶傳子方問法眼曰公久親長慶乃嗣地藏何意哉眼曰以不解長慶說萬象之中獨露身故子方舉拂子示之眼曰撥萬象不撥萬象方曰不撥萬象眼曰獨露身咏方曰撥萬象眼曰萬象之中咏子方於是悟旨曰吾幾枉度此生示眾具足凡夫法凡

夫不知具足聖人法聖人不會聖人若會卽是凡夫凡夫

若知卽是聖人此語具一理二義若人辨得不妨於佛法

中有個人處若辨不得莫道不疑好

妙喜曰點石化爲金玉易勸人除卻是非

難

又云。是柱不見柱。非柱不見柱。是非已去了。是非裏

薦取。

妙喜咄云。又是從頭起。

問如何得出三界。師曰。是三界則一

任出。曰。不是三界。又如何。師曰。甚麼處不是三界。問僧

甚麼處來。曰。翠巖師曰。翠巖有何言句示徒。曰。尋常道出門

逢彌勒。入門見釋迦。師曰。與麼道。又爭得。曰。和尚又如何。

師曰。出門逢阿誰。入門見甚麼。僧於言下有省。

酒仙遇賢禪師。姑蘇長洲林氏子。母夢吞大珠而孕。生多異

祥。貌偉怪。口容雙拳。七歲嘗沈大淵。而衣不潤。遂去家。師

嘉禾永安可依。三十剃染圓具。往叅龍華。發明心印。同居

旨目錄

卷二十二 林酒仙

明覺院。惟事飲酒。醉則成歌頌。警道俗。因號酒仙。偈曰。綠
 水紅桃花。前街後巷。走百餘遭。張三也識我。李四也識我。
 識我不識我。兩個拳頭。那個大。兩個之中。一個大。曾把虛
 空一戳破。摩娑令教。卻恁麼。拈取須彌枕。頭臥楊子江頭。
 浪最深。行人到此。盡沈吟。他時若到無波處。還似有波時。
 用心。金罍又聞泛。玉山還報頽。莫教更漏促。趁取月明回。
 貴買朱砂畫月。算來枉用工夫。醉臥綠楊陰下。起來強說
 真如。泥人再三叮囑。莫教失卻衣珠。一六二六。其事已足。
 一九二九。我要喫酒。長伸兩腳眠一寤。音忽起來。天地還依。

舊門前綠樹無啼鳥。庭下蒼苔有落花。聊與東風論個事。
十分春色屬誰家。秋至山寒水冷。春來柳綠花紅。一點動
隨萬變。江村煙雨濛濛。有不有空。空不空。策籬撈取西北風。
生在閻浮世界。人情幾多愛惡。祇要喫些酒子。所以倒街
臥路。死後卻產娑婆。不願超生淨土。何以故。西方淨土。且
無酒酤。師於祥符二年上元。凌晨浴罷。就室合拳右舉。左
張其口而化。

鼎州梁山緣觀禪師。曾下有個園頭。參得禪。眾中多有不信
者。一日有僧去撩撥他。要其露個消息。乃問園頭。何不出

問堂頭一兩則話結緣。園頭云。我除是不出問。若出。須教這老漢下禪牀。立地在。及梁山上堂。果出問曰。家賊難防。時如何。山曰。識得不爲冤。曰。識得後如何。山云。貶向無生國裏。曰。莫是他安身立命處也。無。山云。死水不藏龍。曰。如何。是活水裏。龍山云。興波不作浪。曰。忽然傾湫倒嶽時。如何。梁山果然從法座上走下。把住云。闍黎。莫教濕著老僧袈裟角。徑山杲云。須知悟底人。與悟底人相見。自然縱奪。可觀。黃龍清云。梁山老漢。洞達機宜。堪稱作者。爭奈借便開門。展轉令人著賊。黃龍卽不然。纔見伊問家賊難防。時如何。便與一刀兩段。教伊永絕窺竊之地。然雖如是。忽有個衲僧出來。卻指山僧云。賊賊。又作麼生支遣具眼者。辨取。

懷安軍雲頂德敷禪師成都帥請就衙陞座有樂營將出禮
拜起回顧下馬臺曰一口吸盡西江水卽不問請師吞卻
階前下馬臺師展兩手唱曰細抹將來營將猛省。

隨州智門光祚禪師僧問一切智智清淨還有地獄也無師
曰閻羅王是鬼做。上堂。一法若有毘盧墮在凡夫萬法

若無普賢失其境界正當恁麼時文殊向甚麼處出頭若
也出頭不得金毛師子腰折幸好一盤飯莫待糝薑椒。

上堂。山僧記得在母胎中有一則語。今日舉似大眾諸人
不得作道商量還有人商量得麼若商量不得三十年

後不得錯舉。上堂赫日裏我人雲霧裏。愁霜雪裏假
褐。雹子裏藏身。還藏身得麼。若藏不得。卻被雹子打破。觸
體。示眾。數日好雨。且道雨從甚處來。若道從天降。那個
是天。若道從地出。喚甚麼作地。若更不會。所以古人道。天
地之前。徑時人莫強移。個中生解。會眼上更安錐。

韶州大厯和尚。初叅白雲。雲舉拳曰。我近來不恁麼也。師領
旨。

連州寶華和尚問僧甚處來。曰。大客來。師曰。大客近日作麼
生。曰。近來合得一甕醬。師喚沙彌。將一碗水來。與這僧照。

影。因有僧問大容曰。天賜六銖披挂後。將何報答我皇恩。容曰。來披三事衲。歸挂六銖衣。師聞之。乃曰。這老凍鸞。作甚麼語話。容聞。令人傳語曰。何似奴緣不斷。師曰。比爲拋磚。祇圖引玉。

蘄州五祖師戒禪師。湖州上方嶽禪師。少與雪竇顯公結伴。遊淮山。聞師住五祖。喜勘驗。顯未欲前嶽。乃先往。徑造丈室。師曰。上人名甚麼。對曰。齊嶽。師曰。何似泰山嶽。無語。師卽打趕。翌日復謁師曰。汝作甚麼。嶽回首。以手畫圓相。呈之。師曰。是甚麼。嶽曰。老老大大。胡餅也不識。師曰。趁鑪竈。

熱更褙一個嶽擬議師拽拄杖趕出門及數日後嶽再詣乃提起坐具曰展則大千沙界不展則毫髮不存爲復展卽是不展卽是師遽下繩牀把住云既是熟人何須如此嶽又無語師又打出以是觀五祖真一代龍門矣嶽三進而三遭點額張無盡謂雪竇雖機鋒穎脫亦望崖而退得非自全也耶師暮年至大愚倚拄杖談笑而化

荆南福昌惟善禪師問僧近離甚麼處對曰大別曰在大別多少時對曰三年曰水牯使甚麼人做對曰不曾觸他一粒米曰二時喫個甚麼僧無語師便打有僧自號映達

摩纔入方丈。提坐具曰。展卽徧周法界。不展卽賓主不分。展卽是不展。卽是師曰。汝平地喫交了也。映曰。明眼尊宿。果然有在。師便打。映曰。奪拄杖打倒和尚。莫言不道。師曰。棺木裏瞠眼漢。且坐喫茶。茶罷。映前白曰。適來容易觸忤和尚。師曰。兩重公案。罪不重科。便喝去之。問俗士年多。少曰。四十四。師曰。添一減一。是多少。其人無對。師便打。乃自代云。適來猶記得。問超山主。汝名甚麼。對曰。與和尚同名。師曰。回互不回互。對曰。不回互。師便打。問僧甚麼處來。對曰。復州。曰。什麼物。與麼來。對曰。請和尚試辨看。曰。

禮拜著。僧曰。喏。師曰。自領出去。三門外與汝三十棒。南
禪師嘗曰。我與翠巖悅在福昌時。適病寒。服藥出汗。悅從
禪侶徧借被。咸無焉。有紙衾者。皆以衰老。亦可數。悅太息
曰。善公本色作家也。

蓮花峯祥菴主嘗示眾云。若是此事。最是急切。須是明取。始
得。若是明得。時中免被拘繫。便得隨處安閒。亦不要將心
捺伏。須是自然合他。古轍去。始得。纔到學處。分劑便須露
布個道理。以爲佛法。幾時得心地。休歇去。上座。卻請與麼
相委好。示寂日。拈拄杖示眾曰。古人到這裏。爲甚麼不

旨司錄

卷二十二祥菴主

旨

肯住。眾無對。師乃曰。爲他途路不得力。復曰。畢竟如何。以杖橫肩曰。柳標橫擔。不顧人。直入千峯萬峯去。言畢而逝。圓悟舉至直入千峯萬峯去。著語云。也好與三十棒。只爲他擔板。腦後見腮。莫與往來。又云。諸人還裁辨得蓮花峯。菴主麼。脚跟也未點地。在國初時。在廬山蓮花峯卓菴。古人既得道之後。茅茨石室中。折腳鑪兒內。煮野菜根。喫過日。且下求名利。放曠隨緣。垂一轉語。且要報佛祖恩。傳佛心印。纔見僧來。便拈拄杖云。古人到這裏。爲甚麼不肯住。前後二十餘年。終無一人答得。只這一問。也有權有實。有照有用。若也知他圈襪。不消一捏。你且道。因什麼二十年。如此問。既是宗師所爲。何故只守一橛。若向個裏見得。自然不向情塵上走。凡二十年。中有多少人。與他平展下語。呈見解。做盡伎倆。設有道得。也不到他極處。況此事雖不在言句中。非言句。卽不能辨。不見道。本無言。因言顯道。所以驗人端的處。下口便知音。古人垂一言半句。亦無他。只要見你知有不知有。他見人不會。所以自代云。爲他。

途路不得力看他道得自然契理契機幾曾失卻宗旨古
 人云承言須會宗勿自立規矩如今只管撞將去便了得
 則得爭奈顙頊龍洞若到家漢將三要語印空印泥印
 水驗他便見方木逗圓孔無下落處到這裏討一個同得
 同證臨時向什麼處求若是知有底人開懷通個消息有
 何不可若不遇人且卷而懷之且問你諸人拄杖子是衲
 僧尋常用底因什麼卻道塗路不得力古人到此不肯住
 其實金屑雖貴落眼成翳石室善道和尚當時遭沙汰常
 以拄杖示眾云過去諸佛也恁麼未來諸佛也恁麼現前
 諸佛也恁麼雪峯一日僧堂前拈拄杖示眾云這個只爲
 中下根人時有僧出問云忽遇上上人來時如何峯拈拄
 杖便去雲門云我卽不似雪峯打破狼藉僧問未審和尚
 如何雲門便打大凡參問也無許多事爲你外見有山河
 大地內見有見聞覺知上見有諸佛可求下見有眾生可
 度直須一時吐卻然後十二時中行住坐臥打成一片雖
 在一毛頭上寬若大千沙界雖居鑊湯爐炭中如在安樂
 國土雖居七珍八寶中如在茅茨蓬蒿下這般事若是通
 方作者到古人實處自然不費力他見無人構得他底復

自徵云畢竟如何又奈何不得自云柳棟橫擔不顧人直入千峯萬峯去這個意又作麼生且道指什麼處爲地頭不妨句中有一眼言外有意自起自倒自放自收豈不見嚴陽尊者路逢一僧拈起拄杖云是什麼僧云不識嚴云一條拄杖也不識嚴復以地上劄一下云還識麼僧云不識嚴云土窟子也不識嚴復以拄杖擔云會麼僧云不會嚴云柳棟橫擔不顧人直入千峯萬峯去古人到這裏爲什麼不肯住雪竇有頌云誰當機舉不賺亦還稀摧殘峭峻銷鑠不飛盧老不知何處去白雲流水共依依因甚麼山似飛不飛盧老不知何處去白雲流水共依依因甚麼山僧道腦後見腮莫與往來纔作較計便是黑山鬼窟裏作活計若見得徹信得及千人萬人自然羅籠不住奈何不得動著撈著自然有殺有活雪竇會他意道直入千峯萬峯去方始成頌要知落處看取雪竇頌云眼裏塵沙耳裏塵沙千峯萬峯不肯住落花流水太茫茫剔起眉毛何處去雪竇頌得甚好有轉身處不守一隅便道眼裏塵沙耳裏塵沙此一句頌蓮花峯菴主衲僧家到這裏上無攀仰下絕已躬於一切時中如癡似兀不見南泉道學道之人如癡

鈍者也難得禪月詩云常憶南泉好言語如斯癡鈍者還希法燈云誰人知此意令我憶南泉南泉又道七百高僧盡是會佛法底人惟有盧行者不會佛法只會道所以得他衣鉢且道佛法與道相去多少雪竇拈云眼裏著沙不得耳裏著水不得或若有個漢信得及把得住不受人瞞祖佛言教是什麼熱碗鳴聲便請高挂鉢囊拘折拄杖管取一員無事道人又云眼裏著得須彌山耳裏著得大海水有一般漢受人商量祖佛言教如龍得水似虎靠山卻須挑起鉢囊橫擔拄杖亦是一員無事道人復云恁麼也得恁麼也得然後沒交涉三員無事道人中要選一人爲師正是這般生鐵鑄就底漢何故或遇惡境界或遇奇特境界到他面前悉如夢相似不知有六根亦不知有旦暮直饒到這般田地切忌守寒灰死火打入黑漫漫處去也須是有轉身一路始得不見古人道莫守寒巖異草青坐卻白雲宗不妙所以蓮花峯菴主道爲他途路不得力直須是千峯萬峯去始得且道喚甚麼作千峯萬峯雪竇只愛他道柳標橫擔不顧人直入千峯萬峯去所以頌出且道向什麼處去還有知得去處者麼落花流水太茫

茫。落花紛紛流水茫茫。閃電之機。眼前是什麼。剔起睂毛。何處去。雪竇爲什麼。也不知他去處。只如山僧適來舉拂子。且道。卽今在什麼處。你諸人若見得。與蓮花峯菴主同參。其或未然。三條椽下。七尺單前。試與參詳看。此圓悟老人所舉揚古公案。世所謂評唱大慧。亟煨其板。不令流行者。正恐使宗家入講窟。孤達摩西來之意。永塞悟門也。至流而爲萬松林泉。則直是魔習較此又大在下風矣。聊舉一以蔽諸覽者。嘗一嚮而知全鼎哉。指月錄評唱止錄此則及南泉與陸亘對牡丹花兩則。

藍田縣真禪師上堂。成山假就於始簣。修塗託至於初步。上座適來從地鑪邊來。遠與初步同別。若言同。卽不會不遷。若言別。亦不會不遷。上座作麼生會。還會麼。這裏不是那裏。那裏不是這裏。且道一處兩處。是遷不遷。是來去。不是

來去。若於此顯明。得便。乃古今一如。初終自爾。念念無常。心心永滅。所以道。觀方知彼去。去者不至方。上座適來恁麼來。卻請恁麼去。參。

金陵清涼院文益禪師。餘杭魯氏子。七歲落髮。弱齡稟具。屬律匠希覺師。盛化於明州。師往預聽習。究其微旨。振錫南邁。抵福州。叅長慶。不大發明。後同紹修法。進三人。欲出嶺。過地藏院。阻雪少憩。附鑪次。藏問此行何之。師曰。行腳去。藏曰。作麼生。是行腳事。師曰。不知。藏曰。不知。最親切。又同三人舉肇論。至天地與我同根處。藏曰。山河大地。與上座

旨司錄

卷三十二法眼

七

自己是同是別。師曰：別藏豎起兩指。師曰：同藏又豎起兩指，便起去。雪霽辭去。藏門送之，問曰：上座尋常說三界惟心，萬法惟識，乃指庭下片石曰：且道此石在心內，在心外。師曰：在心內。藏曰：行腳人著甚麼來由。安片石在心頭。師窘無以對，卽放包依席下求決擇。近一月餘日，呈見解說道理。藏語之曰：佛法不恁麼。師曰：某甲辭窮理絕也。藏曰：若論佛法，一切現成。師於言下大悟。僧寶傳：徵山河大地，與自己同是別。師曰：同。僧豎兩指，熟視曰：兩個卽起去。師大驚。問聲色兩字，甚麼人透得。師卻謂眾曰：諸上座，且道這僧還透得也未。

若會此僧問處。透聲色也不難。師問修山主。毫釐有差。

天地懸隔。兄作麼生會。修曰。毫釐有差。天地懸隔。師曰。恁

麼會。又爭得。修曰。和尚如何。師曰。毫釐有差。天地懸隔。修

便禮拜。保甯勇頌云。石城親切問同衆。不話東西便指南。明暗兩條來往路。依稀屈曲在煙嵐。徑山杲云。

若是徑山門下。更買草鞋行。腳始得何故。因僧來參次。

毫釐有差。天地懸隔。何處得這消息來。師以手指簾。尋有二僧齊去捲簾。師云。一得一失。師指

堯子云。識得堯子。周币有餘。雲門云。識得堯子。天地懸殊。天衣云。識得堯子。桵楠木

做。妙喜云。識得堯子。好剃頭洗腳。雖然如是。大有人錯

會在。雪竇云。澤廣藏山。理能伏豹。園悟勤云。雪竇如

此道未審。是明他語。點他語。是裏是貶。

師問覺上座。船來陸來。曰。船來。師

曰船在甚麼處。曰船在河裏。覺退。師問旁僧曰：你道適來這僧具眼不具眼？師令僧取土添蓮盆。僧取土到。師曰：橋東取橋西取。曰：橋東取。師曰：是真實是虛妄？問僧甚處來。曰：泗州禮拜大聖來。師曰：今年大聖出塔否？曰：出。師卻問旁僧曰：汝道伊到泗州不到？浮山遠云：這僧到即到道場全云：這僧見即見大聖，不曾識法眼。東禪觀云：這僧到也到泗州見也見大聖，識也識法眼。祇是自討頭不見。僧慧超問如何是佛。師曰：汝是慧超。道慧超便是佛，所以法眼恁麼答。有者道：大似騎牛覓牛，有者道：問處便是。有甚麼交涉？若恁麼會去，不惟孤負自己，亦乃深屈古人。雪竇頌：江國春風吹不起，鷓鴣啼在深花裏。三級浪高魚化龍，癡人猶辱夜塘水。
師與悟空

禪師向火。拈起香匙。問曰。不得喚作香匙。兄喚作甚麼。空曰。香匙。師不肯。空後二十餘日。方明此語。雲門問僧甚處來。曰。江西來。門曰。江西一隊老宿。寢語住也未。僧無對。後僧問師。不知雲門意作麼生。師曰。大小雲門。被這僧勘破。五雲云。甚麼處是勘破雲門處。要會麼。法眼亦被後僧勘破也。生法師曰。敲空作響。擊木無聲。師忽聞齋魚聲。謂侍者曰。還聞麼。適來若聞。如今不聞。如今若聞。適來不聞。會麼。嘗指竹問僧曰。還見麼。曰。見。師曰。竹來。眼裏眼到。竹邊曰。總不與麼。師笑曰。死急作麼。法燈別云。當時但瞞眼向師。歸宗柔別云。和尚祇是不信某甲。師因患腳。僧

旨目錄

卷二十二 法眼

七

問訊次。師曰。非人來時不能動。及至人來動不得。且道佛法中下得甚麼語。曰。和尚且喜得較。師不肯。自別云。和尚今日似滅。因開井被沙塞卻泉眼。師曰。泉眼不通。被沙礙道。眼不通。被甚麼礙。僧無對。師代曰。被眼礙。師見僧搬土次。乃以一塊土放僧擔上。曰。吾助汝。僧曰。謝和尚慈悲。師不肯。一僧別云。和尚是甚麼心行。師便休去。師問講百法論僧曰。百法是體用雙陳。明闇是能所兼舉。座主是能。法座是所。作麼生說兼舉。有老宿代云。某甲喚作個和尚如此。雪竇別老宿語。云。和尚分半院與某甲始得。問六處不知音時如何。師

曰。汝家眷屬一羣子師。又曰。作麼生會。莫道恁麼來問。便
 是不得。汝道六處不知音。眼處不知音。耳處不知音。若也
 根本是有爭解。無得古人道。離聲色。著聲色。離名字。著名
 字。所以無想天。修得經八萬大劫。一朝退墮。諸事儼然。蓋
 爲不知根本真實。次第修行。三生六十劫。四生一百劫。如
 是直到三祇果滿。他古人猶道不如一念緣起。無生超越。
 三乘權學等見。又道彈指圓成。入萬門。刹那滅卻三祇劫。
 也須體究。若如此用多少氣力。上堂。盡十方世界。皎皎
 地。無一絲頭。若有一絲頭。卽是一絲頭。
 法燈云。若有一絲頭。不是一絲頭。

謂門弟子曰。趙州曰。莫費力也。大好言語。何不仍舊去。
世間法。尙有門。佛法豈無門。自是不仍舊。故諸佛諸祖。祇
於仍舊中得。如初夜鐘。不見有絲毫異。得與麼恰好。聞時
無一聲子鬧。何以故。爲及時節。無心曰死。且不是死。止於
一切。祇爲不仍舊。忽然非次聞時。諸人盡驚愕。道鍾子怪
鳴也。且如今日。道孟夏漸熱。卽不可。方隔一日。能校多少。
向五月一日。道便成賺。須知校絲髮不得。於方便中。向上
座道。不是時。蓋爲賺。所以不仍舊。寶公曰。暫時自肯不追
尋。歷劫何曾異。今日還會麼。今日只是塵劫。但著衣喫飯。

行著坐臥晨參暮請一切仍舊。便爲無事人也。又曰。見道爲本。明道爲功。便能得大智慧力。若未得如此。三界可愛底事。直教去盡。纔有纖毫。還應未可。祇如汝輩睡時不瞋便喜。此是三界昏亂習熟境界。不惺惺便昏亂。蓋緣汝輩雜亂所致。古人謂之夾幻金。卽是真。其如鑛何。若覷得徹骨髓。是汝輩力。脫未能如是。觀察他什麼樓臺殿閣。諸聖未必長把卻汝手。汝未必依而行之。古今如此也。又曰。出家兒。但隨時及節便得。寒卽寒。熱卽熱。欲識佛性。義當觀時節因緣。古今方便不少。石頭初看肇論。至會萬

物爲己者其誰聖人乎。則曰。聖人無己。靡所不已。乃作參
同契。首言竺土大仙心。無過此語也。中間亦只尋常說話。
夫欲會萬物爲自己去。蓋盡大地無一法可見已。而又囑
曰。光陰莫虛度。所以告汝輩。但隨時及節。便得。若也移時
失候。卽虛度光陰。於非色中作色解。於色作非色解。卽是
移時失候。且道色作非色解。還當得否。若與麼會。便是沒
交涉。正是癡狂兩頭走。有甚麼用處。但守分過時好。上
堂。大眾久立。乃謂之曰。祇恁麼。便散去。還有佛法道理也
無。試說看。若無。又來這裏作麼。若有。大市裏人叢處。亦有。

何須到這裏。諸人各曾看還源觀百門義海華嚴論涅槃經諸多策子。阿那個教中有這個時節。若有試舉看。莫是恁麼經裏有恁麼語。是此時節麼。有甚麼交涉。所以道。微言滯於心首。嘗疑誤爲緣慮之場。實際居於目前。翻爲名相之境。又作麼生得翻去。若也翻去。又作麼生得正去。還會麼。莫祇恁麼念策子。有甚麼用處。上堂曰。諸上座。時寒何用上來。且道上來好。不上來好。或有上座道。不上來卻好。甚麼處不是更用上來作什麼。更有上座道。是伊也不得一向。又須到和尚處始得。諸上座且道。這兩個人。於佛

法中還有進趣也未。上座實是不得。並無少許進趣。古人喚作無孔鐵椎。生盲生聾無異。若更有上座出來道。彼二人總不得。爲什麼如此。爲伊執著。所以不得。諸上座總以恁麼行腳。總以恁麼商量。且圖什麼。爲復只要弄唇嘴。爲復別有所圖。恐伊執著。且執著什麼。爲復執著理。執著事。執著色。執著空。若是理。理且作麼。生執。若是事。事且作麼。生執。著色。著空。亦然。山僧所以尋常向諸上座道。十方諸佛。十方善知識。時常垂手。諸上座時常接手。十方諸佛。垂手時有也。什麼處是諸上座時常接手處。還有會處。會取。

好若未曾得。莫道總是都來圖取。諸上座。傍家行脚也。須審諦。著些精彩。莫只藉少智慧。過卻時光。師有頌曰。理極忘情。謂如何有喻齊。到頭霜夜月。任運落前谿。果熟兼猿重。山長似路迷。舉頭殘照在元是。住居西。三界惟心。頌曰。三界惟心。萬法惟識。惟識惟心。眼聲耳色。色不到耳。聲何觸眼。眼色耳聲。萬法成辦。萬法匪緣。豈觀如幻大地山河。誰堅誰變。華嚴六相義。頌曰。華嚴六相義。同中還有異。異若異於同。全非諸佛意。諸佛意總別。何曾有同異。男子身中入定時。女子身中不留意。不留意。絕名字萬象。

明明無理事。示眾。這裏聚集少時。爲上座僧堂裏。這裏聚集少時。爲上座三門頭。這裏聚集少時。爲上座寮舍裏。爲復說上座過。別有道理。會下有數尊宿對一人云。諸佛出世。也有這個方便。一人云。今日離章義。一人云。你道伊爲甚麼處。一人云。點燈等上座來多時也。一人云。甚麼處聚集來。周顯德五年。戊午。七月十七日。示疾。李國主駕至慰問。閏月五日。剃髮澡身。告眾訖。跏趺而逝。顏貌久而如生。閱世七十有四。坐五十有四夏。塔全身於江甯丹陽鄉。

指月錄卷之三十二終